



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>



A propos de ce livre

Ceci est une copie numérique d'un ouvrage conservé depuis des générations dans les rayonnages d'une bibliothèque avant d'être numérisé avec précaution par Google dans le cadre d'un projet visant à permettre aux internautes de découvrir l'ensemble du patrimoine littéraire mondial en ligne.

Ce livre étant relativement ancien, il n'est plus protégé par la loi sur les droits d'auteur et appartient à présent au domaine public. L'expression "appartenir au domaine public" signifie que le livre en question n'a jamais été soumis aux droits d'auteur ou que ses droits légaux sont arrivés à expiration. Les conditions requises pour qu'un livre tombe dans le domaine public peuvent varier d'un pays à l'autre. Les livres libres de droit sont autant de liens avec le passé. Ils sont les témoins de la richesse de notre histoire, de notre patrimoine culturel et de la connaissance humaine et sont trop souvent difficilement accessibles au public.

Les notes de bas de page et autres annotations en marge du texte présentes dans le volume original sont reprises dans ce fichier, comme un souvenir du long chemin parcouru par l'ouvrage depuis la maison d'édition en passant par la bibliothèque pour finalement se retrouver entre vos mains.

Consignes d'utilisation

Google est fier de travailler en partenariat avec des bibliothèques à la numérisation des ouvrages appartenant au domaine public et de les rendre ainsi accessibles à tous. Ces livres sont en effet la propriété de tous et de toutes et nous sommes tout simplement les gardiens de ce patrimoine. Il s'agit toutefois d'un projet coûteux. Par conséquent et en vue de poursuivre la diffusion de ces ressources inépuisables, nous avons pris les dispositions nécessaires afin de prévenir les éventuels abus auxquels pourraient se livrer des sites marchands tiers, notamment en instaurant des contraintes techniques relatives aux requêtes automatisées.


Nous vous demandons également de:

- + *Ne pas utiliser les fichiers à des fins commerciales* Nous avons conçu le programme Google Recherche de Livres à l'usage des particuliers. Nous vous demandons donc d'utiliser uniquement ces fichiers à des fins personnelles. Ils ne sauraient en effet être employés dans un quelconque but commercial.
- + *Ne pas procéder à des requêtes automatisées* N'envoyez aucune requête automatisée quelle qu'elle soit au système Google. Si vous effectuez des recherches concernant les logiciels de traduction, la reconnaissance optique de caractères ou tout autre domaine nécessitant de disposer d'importantes quantités de texte, n'hésitez pas à nous contacter. Nous encourageons pour la réalisation de ce type de travaux l'utilisation des ouvrages et documents appartenant au domaine public et serions heureux de vous être utile.
- + *Ne pas supprimer l'attribution* Le filigrane Google contenu dans chaque fichier est indispensable pour informer les internautes de notre projet et leur permettre d'accéder à davantage de documents par l'intermédiaire du Programme Google Recherche de Livres. Ne le supprimez en aucun cas.
- + *Rester dans la légalité* Quelle que soit l'utilisation que vous comptez faire des fichiers, n'oubliez pas qu'il est de votre responsabilité de veiller à respecter la loi. Si un ouvrage appartient au domaine public américain, n'en déduisez pas pour autant qu'il en va de même dans les autres pays. La durée légale des droits d'auteur d'un livre varie d'un pays à l'autre. Nous ne sommes donc pas en mesure de répertorier les ouvrages dont l'utilisation est autorisée et ceux dont elle ne l'est pas. Ne croyez pas que le simple fait d'afficher un livre sur Google Recherche de Livres signifie que celui-ci peut être utilisé de quelque façon que ce soit dans le monde entier. La condamnation à laquelle vous vous exposeriez en cas de violation des droits d'auteur peut être sévère.

À propos du service Google Recherche de Livres


En favorisant la recherche et l'accès à un nombre croissant de livres disponibles dans de nombreuses langues, dont le français, Google souhaite contribuer à promouvoir la diversité culturelle grâce à Google Recherche de Livres. En effet, le Programme Google Recherche de Livres permet aux internautes de découvrir le patrimoine littéraire mondial, tout en aidant les auteurs et les éditeurs à élargir leur public. Vous pouvez effectuer des recherches en ligne dans le texte intégral de cet ouvrage à l'adresse <http://books.google.com>


27203.11




BOUGHT WITH
THE INCOME FROM
THE BEQUEST OF
CHARLES MINOT,
OF SOMERVILLE,
(Class of 1828,)

3 Oct., 1884.











Catalogue

HISTOIRE
DE BARLAAM

ET DE IOSAPHAT,

ROY DES INDES, COM-

POSÉ PAR SAINCT

Iean Damascene,

Ioannes Damascenus

TRADVICTE DE GREC EN.

François, par F. Iean de Billy, Prieur

de la Chartreuse de

Gaillon.



À ROVEN,

Chez I E A N O S M O N T, dans la
Cour du Palais.

1600.

27285.17

OCT 3 1884

Mount fund



P R E F A C E D E
L' A V T H E V R.



O y s ceux qui sont
pouffez de l'esprit de
Dieu, sont enfans de
Dieu, comme dit l'A-
postre. Or estre in- *Rom. 8.*

spiré du saint Esprit, & estre faits
enfans de Dieu, c'est vne chose
que lon doit souverainement desi-
rer : Et parvenu que lon est à ce
point, on est au but de toute con-
templation, ainsi qu'il est tesmoi-
gné par les diuines Escritures. Et
est certain, que tous les Saints
qui ont esté depuis le commence-
ment du monde, sont paruenus à
ce comble de tous desiré, par ope-
ratio & extereice de toute vertu,
tant ceux qui ont souffert marty-
re, & resisté contre peché iusques
à l'effusio de leur sang, que les au-
tres qui ont bataillé cōtre les dia-
bles par les monastres & deserts,

*A quel-
le fin
l'Eglise
ne pro-
pose la
vie des
Saints.*

& suruy le sentier estreit, vrais
martyrs de desir & volonté. Les
tresexcellentes vertuz & haults
faicts desquels, tant des martyrs
que de ceux qui par tressaincte vie
ont imité la conuersation des An-
ges retirez du monde, l'Eglise de
Iesus Christ par tradition des di-
uins Apostres, & saints Peres, a
redigé par escrit, & transmis à la
posterité pour l'induire à vertu.
Car le sentier de vertu est rude,
difficile & raboteux à ceux mes-
mement qui ne se sont encores du-
tout donnez à Dieu, ains sont in-
festez de la tyrannie de vices, &
iniquitez des passions & desordō-
nez mouuēmens de l'ame. D'où vîr
que nous auōs affaire de plusieurs
moyens & allechemens pour nous
le faire entreprendre, cōme de con-
seils & exhortations, & pareille-
ment des exēples de ceux qui pre-
miers ont entrepris ce chemin.
Chose qui le fait suyre plus faci-
lemēt, sans ce descourager ny de-
sesperer pour la difficulté qui y

est. Car celuy qui exhorte par simples paroles & argumens, à peine peut-il persuader à l'homme qu'il entreprenne la voye difficile & facheuse. Mais quand on luy met deuant les yeux les exemples d'une infinité qui l'ont trauessee, & ont finalement trouué bon & plaisant logis: alors on l'induit plustost à suyuir le mesme chemin. Suyuant quoy, & oultre cela craignât d'encourir la peine de ce faitneant, qui fouyt & cache en terre le talent que Dieu luy auoit donné pour negotier, & le faire *Mat. 25* profiter, ie ne passeray sous silence une Histoire fort vtile, & salutaire aux ames, tirée de vrais Commentaires, & laquelle quelques Peres deuots & venerables m'ont apportee de l'interieure Ethiopie, qu'on dit les Indes, dont la narration sensuit.



NARRATION de l'Histoire.

L'INDIE est une region fort ample & bien peuplee, distanz fort loing du pays d'Egypte, & du costé dudit pays la Mer l'environne de toutes parts, & du costé de terre ferme elle est confinée au pays de Perse. Ledit pays estoit iadis fort obscur jusqu'à des tenebres d'idolatrie, & le peuple barbare & inhumain, & addonné à tous vices, quand le Fils de Dieu unique, qui est au sein du Pere, ne pouvant bonnement voir sa creature oppressée de la servitude de peché, & en de misericorde, s'est apparu semblable à nous, hors mis le peché, & ne delaisant point le throne du Pere, print son logis au corps de la Vierge pour nostre salut, à ce que nostre demeure soit es cieux, & que soyons releuez de la cheute ancienne, & que delivrez de peché, recon-

7
vrons la premiere adoption filiale. Le-
quel apres avoir accöply toutes les fon-
ctions de la chair prise pour nous, souff-
rira les tourmens de la croix & mort,
& ayant domineé les choses terrestres
avec les celestes par vn moyen admi-
rable, & se relevant de mort, monta glo-
rieusement és cieux: & seant magni-
fiquement à la dextre de son Pere, pour
accöplir sa promesse, enuoya à ces Dis-
ciples le saint Esprit en forme de lan-
gues de feu, & les delegna pour aller
par toutes les nations du monde, esclai-
rer à ceux qui estoient és tenebres d'i-
gnorance, & les baptiser au nom du Pere
du Fils, & du saint Esprit: De façon
qu'ils se departirent ça & là par toutes
les contrées de la terre, en Orient &
Occident, Septentrion, & Midi, execu-
tans soigneusement leur charge. Adonc
saint Thomas, l'un des douze Apostres
de Iesus Christ, fut enuoyé aux Indes,
pour là publier le saint Euangile. Et
de fait, avec l'aide & assistace de Dieu,
que confirmoit sa predication par signes
& miracles, en bref les tenebres de
Gentilité en furent chassées, & les In-

S. Tho-
mas cõ-
uertit-
les In-
diens.

diens deliurez de leur ancienne super-
stition & abominables sacrifices, re-
ceurent la foy & baptesme par les
mains de l'Apostre: & croissans
peu à peu en foy & deu-
tion, edifierent des E-
glises par toute
la region.





D V R O Y

A VENIR, ET DE LA

Haine qu'il portoit aux Chrestiens.

CHAPITRE PREMIER.



OMME ainsi soit donc , qu'on eust commencé à bastir des Monasteres en Egypte, & que là se fussent congregez vn nombre infiny de Religieux : La renommee de leur sainte vie & conuersation Angelique s'espandât par le monde, & paruenant iusques aux Indes, esmeut les Indiens, & les enflamba de mesme zele : tant que plusieurs quittans & abandonnâs tout leurs biens, honneurs, & pos-

TO HISTOIRE DE BARLAAM

fessions, se retirerēt es deserts, en-
 treprenans en corps mortel la vie
 des Anges. Or l'estat de nostre re-
 ligiō Chrestienne florissant ainsi,
 Auenir deuint Roy de la prouin-
 ce, Prince certes, riche, puissant &
 victorieux, grand de corps & de
 membre, décoré d'auantage d'une
 beauté rare & singuliere: neant-
 moins selon l'ame extremement
 pauvre, pour les vices innumera-
 bles qui la suffoquoient: Car il
 estoit Idolatre & Gentil, entiere-
 ment plōgé au pernicious gouffre
 de delices & volupté. Et par ce que
 toutes choses luy venoient à sou-
 hait, il se glorifioit grandement &
 s'esioiſſoit de l'heureux succez
 des affaires temporelles. Mais il
 n'auoit nuls enfans: ce qui luy di-
 minuoit sa ioye, & le reſdoit triste
 & melancholique, le mettant en
 soucy de trouuer les moyens d'ac-
 querir le nom de pers, chose cer-
 tes desirée de maintes personnes.
 Tel donc estoit l'estat de ce Roy,
 & sa resolution telle.

*Auenir
 Roy des
 Indes.*

*Gen. 16
 Ch. 30.
 1. Reg. 1.*

MAIS les Chrestiens mesprans les delices & magnificence du Roy, & ne redoutans aucunement ses menaces, profitoient par la grace de Dieu en toute vertu & deuotion : croissans en nombre si grād, qu'on ne le scauroit escrire; embrassans d'inguliere affection tout ce qui concernoit le seruice de Dieu. Et les Religieux principalement, qui auoient banny de leur cœur toute delectation du mode, se rangeans au seruice de Dieu, ne desiroient rien plus que mourir pour la foy, à fin de paruenir à la beatitude eternelle. Cause pourquoy franchement & sans crainte & dissimulation ils annoncoient à tous le salutaire nom de Dieu, n'ayās en la bouche que Iesus Christ. Ils faisoient entendre apertement au peuple, cōme tout ce qui est en ce monde, dure peu, & est subiect à corruption; & au contraire; 1. Tim. que les choses de la vie future dureront à iamais, sans se corrompre 4. Tit. 4. aucunement : & seruoient de bon

Coloss. 3. exemple à chacun, & espendoient la semence de la parolle de Dieu, pour les faire acquerir la grace & amitié de Dieu, pour paruenir à la vie cachée en Iesus Christ. De là vint, que plusieurs embrassas ceste tresdouce doctrine, abandonnerent les obscures tenebres de trôperie, & se ioignirent à la tresluisante lumière de verité. De maniere qu'aucuns personnages de noble race & Senateurs, se deschargeans du fardeau de ce monde, suyuient le genre de vie monastique.

*Auenir
persecu-
te les
Chre-
stiens.* Le Roy estant aduertí de ce que dit est, enflammé de courroux & d'ire, publia vn Edict par lequel il cōmunda tresexpressément, qu'on eust à contraindre les Chrestiens à renier leur foy. Et mesmes il inuētoit en son esprit nouvelles sortes de tourmens, pour les y contraindre; menaçant de les faire mourir de nouveau genre de mort. Et si manda lettres par toutes les prouinces de son Empire à ses

Princes & Gouverneurs, ordonnant par icelles, peines, & cruelle mort cōtre les seruiteurs de Dieu: Et principalement pour la haine qu'il portoit à ceux qui auoient la superintendance des Monasteres, leur suscita vne furieuse & mortelle guerre. Alors certes les Chrestiens furent grandement estonnez: aucuns desquels ne pouuans soustenir l'aigreur des tourmens, faisoient sa volenté, obeïssans à son execrable Edict. Mais les chefs & superieurs des Monasteres reprenās le Roy de son impieté, avec vne ferme & admirable constance, finissoient ceste vie temporelle par martyre, acquerās par ce moyen la beatitude éternelle. Les autres se cachotent es deserts & montaignes, non pour crainte des tourmens, mais par ordonnance de Dieu.

Or l'Indie estant enuelopee en telles tenebres, & les Fideles persécuttez de toutes parts, & les ministres d'impieté ayans la vogue,

*Un Prince
ce mignon du
Roy se
fait Reli-
gieux.*

& l'air mesmes estant infect & corrompu du sang & odeur des sacrifices: vn des plus grands Princes & amis du Roy, lequel surpasseit les autres en dignité, en constance desprit, en grâdeur & beauté, & en toutes autres choses, par lesquelles on peult remarquer la force & beauté du corps, entendu qu'il eut cest Edict execrable, renonçant à toute gloire & delices temporelles, se fit Religieux, & s'enfuyt aux deserts: où purifiât & nettoyant sa cōscience par ieunes, veilles, & meditation des saintes lettres, & deliurant son ame de toute gloire terrienne, l'illustra de la lumiere d'impassibilité. Or faut noter, que ce Prince estoit le grand mignon du Roy, aimé, fauorisé, & honoré de luy, plus que tous autres: au moyen dequoy ayant entendu le changement de sa vie, fut merueilleusement fâché, d'auoir perdu vn si singulier amy. Ce qui l'enflamba d'auantage contre les Religieux. Et enuoya de

toutes parts gens rechercher mesme iulques aux creux des montagnes & cauernes, à fin de le trouuer: chose qui fut par eux si soigneusement executee, qu'ils le trouuerent és deserts, où il faisoit sa residence & demeure: le prirent & l'amenerent deuant le Roy.

Or le Roy le voyant ainsi pauuement habillé, celuy qui au precedēt estoit si braue & pompeux, & le voyant maigre & tout defait pour l'austerité de vie qu'il menoit, fut saisi tout ensemble de tristesse & d'ire, & meslant son parler de ces deux passions, luy dist: O fol & insensé, pour qu'elle cause as-tu changé honneur en cōtumelie, & tareluisante gloire en ceste vile & honteuse cōtenance? Tu estois le premier de mō Royau-me, & le surintendant de toute ma puissance, & tu t'es rendu si vil & contemptible, que les petits enfans se moquent de toy. Car non seulement tu as mis en oubly l'a-

mitié & familiarité que ie te porte, mais d'auantage t'es esleué & bandé mesme contre nature, n'ayant aucune pitié de tes propres enfans, & as mesprisé les richesses & gloire de la vie. Pourquoi as tu fait cecy? Et que gaigneras tu d'auoir preferé Iesus à tous les dieux & hommes, & ceste austere & superstitieuse maniere de vie, aux plaisirs & delices de ceste tresdouce vie?

L'HOMME de Dieu entendant ces propos, luy respondit doucement & gayement: Sire, si tu veux que ie te responde, chasse de ton parquet tous tes ennemis, & alors ie satisferay à tous les points que tu me demanderas: car en leur presence ie ne te respondray point.

Gal. 6. Que si tu me veux tourmenter ou tuer sans m'escouter, fais-le. Car, comme dit vn de mes maistres, le monde m'est crucifié, & moy au monde. Et qui sont ces miens ennemis, dit le Roy, lesquelles tu veux que ie chasse? Ire & conuoir-

tise, dit il. Car du cōmencement Dieu a introduit ces deux passions pour cooperer à nature, & s'accordent en ceux qui viennent selon l'esprit, & non selō la chair. Mais en vous autres qui estes charnels, & n'avez riē de l'esprit, elles sont contraires & ennemies: Car la Conuoitise esueille en vous & engendre volupté, & Ire la destruit. Que ces deux passions dōc s'esloignent aujourdhuy de toy, & en leur lieu assistent au iugemēt Prudence & Equité: & ce faisant ie respōdray vraiment à tes demandes. A quoy le Roy respondit: Accomplissant ta requeste, ie chasseray de ce iugement Ire & Conuoitise, & feray venir & comparoir en leur lieu Prudence & Equité. Dis moy donc en assurance, dont t'est venu tel erreur, de preposer ce qui cōsiste en vaine esperance, à ce qu'on tient es mains, & qu'on voit à l'œil. A cecy respondit le saint homme, en la maniere qui sensuit.

*Ire &
Conuoitise en-
nemis
de l'hō-
me.*

Le Prince ramené des deserts, fait entendre au Roy la raison pourquoy il s'est retiré du monde : luy remonstre pareillement la vanité des Idoles, & l'exhorte à l'adoration du vray Dieu : mais il est mesprisé & chassé de la Cour, & se retire en sa solitude.

Chap. 2.



N OIR B, si tu demandes la source & origine dont m'est venu l'opinion de mespriser les choses temporelles sur l'esperance & attente de ce qui est eternal, escoute. Au temps de ma tendre ieunesse, i'ouys vn bon mot & salutaire : la vertu duquel me ranit fort, & comme si c'eust esté vne certaine semence diuine, la memoire d'iceluy se planta en mon cœur, & s'y conserue inseparablement, de sorte qu'il y a pris racine & naissance, & a rapporté le fruit que tu vois en moy. Or la vertu de ce mot fut.

L'opiniõ des fols & insensez est, mespriser les choses qui sõt vrayes & solides, cõme si elles n'estoient point; & estraindre & retenir les choses qui ne sont point, comme si elles estoient. Qui n'a point donc sauouré la douceur des choses qui sont, ne pourra cognoistre la nature de celles qui ne sont point. Or ignorant cecy, cõment les pourra-il contemner? Ceste sentence apelle existentes & solides, les choses eternalles & immuables: & la vie presente, les delices: & la prosperité terriestrelle, choses qui ne sont point. Aufquelles, Sire (helas) ton cœur est pernicieusement addonné. Et semblablement autrefois y'ay-je esté subiect; mais la vertu de ceste parole espointonnant mon ame, l'incitoit incessamment à ce qu'elle choisit ce qui est plus profitable & meilleur. Neantmoins la loy de peché, repugnant à la loy de mon esprit, & m'enchesnant comme de certains fers, me detenoit

captif de l'affection & conuoitise des choses presentes. Mais quand il a pleu à la bonté & benignité de nostre Sauueur Dieu, me deliurer de ceste miserable captiuité, il a fortifié mon ame, pour la rendre victorieuse de la loy de peché, & a ouuert mes yeux, pour discerner le bien d'auéc le mal. Alors ie veis & cōsideray, & veis que toute chose presente n'est que vanité & affliction d'esprit, ainsi que maintient le treffage Salomon en *Eccle.1.* ses escrits. Alors fut osté de mon cueur le voile de peché, & la vilaine obscurité, qui de l'aspecteur corporelle s'estoit acueillie sur mó ame, s'esuanouit: & li cogneut à quelle fin ie suis créé, & qu'il me fault monter à mon createur par l'accomplissement de sa loy. Et de là vint, que delaisant toutes choses ie l'ay suyui, & luy rends gra-
psal.39 ces par nostre Seigneur I E S V S Christ, de ce qu'il m'a deliuré du lac de misere, & de la fange & borbier, c'est à dire, de la puis-

fance du tréueruel exterminateur,
du Prince des tenebres de ce sie-
cle, & m'a enseigné vn chemin
court & facile, par lequel ie pour-
ray en ce corps fragile & terrestre
mener vie Angelique. A la quelle
desirant paruenir, i'ay voulu che-
miner par le chemi estroit & dif-
ficile, mesprisant la vanité des *Mat. 7*
choses presétes, & leur instable & *Psa. 16*
impetueux changemēt. Et ne puis
apeller bien, sinon ce qui est veri-
tablement bien, duquel, Sire, mi-
serablement tu t'es desioint & se-
paré. Et pour cecy ie t'ay abādon-
né, & me suis distrait de ta com-
pagnie, par ce que tu t'es precipi-
té en certaine & évidente perdi-
tion, & tu me veux cōtraindre de
me plonger en mesme gouffre &
danger. Car tant que i'ay fait pro-
fession des armes mondaines, ie
n'ay rien oublié de mon deuoir
(comme tu fais) & si n'ay cōmis
aucun crime de negligence ou la-
scheté. Mais quand tu t'essayes de
mo'ster le principal bien de tous

biens, c'est à dire, que tu veux que
 i'abandonne la pieté & Dieu, qui
 est preferer à toute perte, & à ce-
 ste fin, tu me promets hōneurs & ri-
 chesses: cōment pourrois-je droi-
 tement dire que tu as aucune co-
 gnoissance du bien, considéré que
 tu paragonnes ensemble la pieté
 & Dieu, & la gloire & amitié hu-
 maine, qui coule cōme eau? Com-
 ment donc pourray-je en cecy cō-
 muniquer avec toy, & nō plustost
 au contraire renoncéray à ton a-
 mitié, aux hōneurs & à toute affe-
 ction que peut auoir le pere à son
 enfant? Car ie voy, Sire, que tu es
 ingrat enuers Dieu, qui t'a donné
 estre & vie, d'est Iesus Christ Sei-
 gneur de toutes choses, coégal &
 coëternel à Dieu le Pere, ad quel
 de sa parolle a creé le ciel & la ter-
 re, & a formé l'homme de ses pro-
 pres mains, l'a fait immortel, & l'a
 estably Roy & Seigneur de tout
 ce qui est en terre, luy baillant
 pour maison de plaïssance & palais
 royal, Paradis terrestre. Mais he-

Psal. 32

Iob. 10

Psal. m.

118.

Gen. 3.

las ! tost apres il fut priué de tant de biens par l'enuie, tromperie, & suggestion du diable. Car luy, qui *Sap. 2.* auparavant estoit en vn estat tref-heureux, deuint tref-miserable & deplorabile. Mais celuy qui nous auoit formé & créé, regardant de rechef d'un œil benin l'ouurage de ses mains, comme il fust Dieu, *Heb. 4.* ne perdant point ce qui luy estoit te tout temps, fait pour l'amour de nous ce que nous sommes (sans peché toutefois) soustenant volontairement le tourment de la croix & mort, vainquit cest ennemy qui auoit deceu nostre premier pere, & nous rachetant de son amere seruitude, tref-bénignemēt nous a remis en nostre premier estat & liberté : & nous a restitué par sa misericorde au lieu, d'où *Rom. 5* par desobeissance estions decheus, nous comblant d'un honneur plus grand que le premier. Mais toy, tu reiettes celuy, lequel pour l'amour de no^r a souffert telles choses, & nous a honorez de tels biens

& tu te brocardes de la croix. Et au contraire, tu es tout addonné aux delices du corps, & subiect aux passions de ta sensualité. Et si tu appelles dieux les Idoles d'ignominie & confusion: & non seulement tu te prives de l'héritage des biens celestes, mais d'avantage tu en as spolié & deietté ceux qui ont obey à ta loy. Quand est de moy, saches que ie ne n'aquiesceray point à ton Edict, & ne communiqueray point avec toy, en ceste ingratitude contre Dieu: & ne renieray point mon bienfauteur & Sauveur, quand ores tu me ferois deuorer aux bestes, ou mourir de quelque mort que ce soit. Chose qui est mainrenāt en ta puissance. Car ie ne redoubte aucunement la mort, & si n'aime les choses presentes, cognoissant leur grande foiblesse & debilité. Car qu'y a il en icelle d'utile, de suffisant, ou stable? Ie diray d'avantage: c'est qu'en leur estre y a grande misere, grande tristesse, & soin continuel.

continuel. Car toute douleur & tristesse est conioincte à leur ioye & delectation. Leur richesse n'est autre chose que disette & pauvreté, & leur excelence & grandeur, deiection & mespris. Et qui pourra nombrer leurs maux? Combié que 1. Rois. 3.
l'un de mes Docteurs en peu de Ch. 2.
paroles le declare, disant, Tout le monde est confit en mal: & en autre endroit, Ne vueillez aimer le monde, ny les choses qui sont au monde, par ce que tout ce qui est au monde, est conuoitise de la chair, & conuoitise des yeux, & orgueil de la vie: & encores: Le monde passe, & la conuoitise d'iceluy, mais e'il qui accomplit la volonté de Dieu, demenre eternellement. Recherchant donc la bonne volonté de Dieu, i'ay delaisé tout, & ay adheré à ceux, qui sont enflambez de semblable desir, & cherchent vn mesme Dieu. Entre lesquels n'y a aucun debat, enuie, tristesse, ny soing, mais tous suyuent mesme chemin, pour par-

Esa. 64. uenir aux demeures eternelles, les-
1. Cor. 2. quelles le Pere des lumieres a pre-
Iac. 1. parees à ceux qui luy portent ami-
 tié. Je recognois ceux-cy pour pa-
Psal. 52 rens, pour freres, pour amis. Mais
 quant est des autres, qui iadis me
 furent amis & freres, ie m'en suis
 esloigné en fuyant, & me suis reti-
 ré en sollicitude, attendant Dieu qui
 ma sauué de la pusillanimité d'es-
 prit & tempeste.

L'homme de Dieu ayant ainsi
 parlé librement, le Roy en fut mer-
 ueilleusement courroucé, tant que
 n'eust esté la consideration de sa
 premiere excellence & noblesse,
 & du rang d'honneur qu'il tenoit
 iadis en sa Cour, il luy eust fait sen-
 tir la fureur de son ire, & l'eust as-
 premét tourmenté. Et luy dist: Mi-
 serable que tu es, tu cherches bien
 ta mort, & croy que c'est fortune
 qui t'y pousse. Car tu as aguisé ton
 esprit & ta langue, pour nous com-
 pter des fables & resueries. Que si
 ie ne t'eusse promis au commence-
 ment chasser ire de mon tribunal,

certes ie te ferois maintenant ietter au feu. Mais parce que tu as anticipé & t'es premuny, ie supporte patiemment ton audace & temerité: ioin & que l'ancienne amitié que ie t'ay portée, ne permet que ie te chastie comme tu le mérites. Leste toy donc, & fors d'icy. Que si tu te trouues iamais deuant moy, ie te feray mourir cruellement. Alors l'homme de Dieu sortit, & se retira au desert, fort triste, de ce qu'il n'auoit esté martyrisé. Neantmoins il souffroit iournellement martyre en sa conscience, bataillant contre les Princes & puissances, contre les gouuerneurs de ces tenebres, contre les malins esprits, ainsi que dit l'Apostre. *Ephes. 6.* Apres qu'il fut sorty de la Cour, le Roy courroucé & animé plus fort, mit en auant vne terrible persecution contre les Religieux, & eut les Prestres & Pontifes des idoles en plus grand honneur & reuerence que deuant.

Il naist vn fils au Roy, qui se nomme
 Iosaphat. Les Astronomes & De-
 uins predissent qu'il seroit Chrestien;
 dont le Roy. angoissé, d'enferme
 dans vn Palais, & haïssoit tous les
 Religieux de son Royaume. Il fait
 faulxement entendre à vn Prince,
 qui estoit accusé d'estre Cbrestien,
 que luy mesmes se vouldroit bapt-
 iser.

*Naissā-
 ce de Io-
 saphat.*



LE Roy dont estant en
 tel erreur, & cruelle
 seduction, vn enfant
 luy nasquit de la femme
 me. Lequel par sa
 naiue & florissante beauté presig-
 gueroit ce qui estoit à venir de luy.
 Et disoit-on, qu'en ceste prouince
 oncques n'estoit nay vn si bel, &
 gracieux enfant. Pour la naissance
 duquel le Roy fut grandement
 ioyeux, & le nōma Iosaphat. Et fol-
 qu'il estoit, s'en alla à ses temples
 en rendre graces, & offrir sacri-
 fices & encens à ses Dieux plus in-

senlez que luy, ignorant le vray Dieu autheur de tous biens. Attribuant donc à ces Dieux sourds & sans aines la naissance de son fils, fit vne grãde assemblee de Princes grands Seigneurs de son Royaume, & du peuple, pour faire feste & solennel sacrifice à ses Dieux pour sa natiuité. Alors eust on vengés de toutes parts, apporter chacun selon sa puissance les choses idoines & conuenables au sacrifice & magnificence Royale, de crainte de desplaire au Roy : lequel de son costé les incitoit à largesse & magnificence, immolant & sacrifiant bœufs & taureaux en grand nombre. Et la feste ainsi solennisee, donna dons & presens, aux grands, & aux petits, à chacun selon son estat & dignité, & les licentia tous.

Or en la solennité que dit est, se trouuerent cinquante cinq Astronomes, fort experimentez en la cognoissance des Astres & diuination. D'eux le Roy s'enquist

soigneusement , que deuiendroït vn iour son fils nouuellement né, & qu'elle seroit sa bonne aduenture. Lesquels apres auoir bien feuilleté leurs liures , & contemplé les Estoilles , & signes du firmament, l'asseurent, que son fils seroit grand en richesses & puissance, & surpasseroit en excellence & gloire tous les deuanciers. Mais l'un d'eux plus docte, & expérimenté que les autres, luy dit: Sire, selon que ie puis coniecturer par les cours des Astres, l'aduancement de cest enfant nouuellement né , ne sera en ton Royaume , mais en vn meilleur, sans comparaison , & plus excellent. Et de ma part, ie prognostique qu'il sera de la Religion Chrestienne , que tu as en si grande haine , & m'en tiens tout assuré. Or cest Astrologue predict cecy , comme fit iadis Barlaam , non par la science d'Astrologie , mais Dieu prononceant par les aduersaires la verité des choses à venir, à fin d'oster toute excuse aux meschans.

Le Roy entendant ce que dit est, print en mauuaise part ceste prophetie, & en fut merueilleusement troublé. Et pour empescher que cela n'aduint, fit bastir à l'escart dans l'enclos de la ville vn tres-beau Palais, y edifiant salles & *Iosaphat est enfermé dans* chambres manifiques, sumptueusement ornées & decorees de tapis, *un Chateau.* doreures, & meubles de grád pris, & y establit la demeure de son fils, lequel en iceluy passa son enfance. Et paruenü qu'il fut en son adolescence, luy dressa son estat, & luy ordonna maistres, pedagogues, & seruiteurs ieunes d'aage, & beaux en perfection, leur defendant par expres, qu'ils n'eussent à luy faire entendre les choses qui peuuent engendrer tristesse en ceste vie: qu'ils ne luy tinssent propos de mort, de vieillesse, de maladie, de pauvreté, ny de matiere qui le peust contrister: mais qu'ils eussent à l'entretenir de toutes choses ioyeuses & plaisantes, à ce que son esprit s'y delectant,

il n'eust occasion ne temps de
considerer les choses à venir.

Commanda d'auantage qu'on ne
luy parlast aucunement de Iesus
Christ ne de sa loy : chose qu'il
vouloit luy estre du tout incogne-
ue, craignant la prediction de l'A-
strologue. Et quand maladie fai-
sissoit quelqu'un de sa suite, il le
faisoit oster soudainement, & en
ordenoit vn autre en sa place, sain
& gaillard, à fin que son fils ne
veist rien qui le melancoliasst.

Esa. 6. Voyla donc comme le Roy auoit
Isa. 12 ordonné de l'estat de son fils, par
ce que voyant il ne voyoit, &
oyant il n'oyoit.

Cruel
Edit cô-
tre les
Religi-
eux. Or en ce temps luy fut rappor-
té, qu'il y auoit encores des Reli-
gieux en vie, lesquels il pensoit
auoir tous fait mourir, ou chasser
de sa terre, dont il fut grandement
courroucé. Et partant fit procla-
mer par toutes les terres de sa do-
mination, que tous Religieux de-
dans trois iours eussent à desloger
& que qui y seroit trouué le terme

expiré, il le feroit mourir cruellement. Car ce sont gens, disoit-il, qui conseillent au peuple d'adorer vn crucifié pour Dieu.

Sur ces entrefaites aduint vne chose qui rendit le Roy plus cruel & plus animé contre eux. C'est qu'un des plus grands Princes du Royaume ayant esté baptisé; suyuoit l'obseruance de la loy de Iesus Christ, mais secrettement pour la crainte du Roy. Neantmoins la chose ne peut estre si secrette, que aucuns des plus fauorisez du Roy n'en fussent aduertiz. Par quoy ils se mirent à lespier, & chercher les moyens de le contraindre du faict.

Vne fois entre autres que le Roy alloit à la chasse avec sa garde ordinaire, ce Prince Chrestié estant à la compagnie, & marchant seul, luy aduint ce qui sensuit; par la prouidence diuine, cōme is croy.. C'est qu'il trouua dedans le bois vn hōme ietté cōtre terre, qu'une beste auoit blessé griefuement au pied. Lequel voyant ce Prince

24 HISTOIRE DE BARLAAM

qui passoit, le pria qu'il eust pitié de sa calamité, & le fist porter en sa maison, & penser: & adioustant d'auantage, luy dit, Assure-toy que m'auoir trouué te sera profitable. Le Prince luy respond: Je t'ayderay, tant pour le deuoir de vertu qui le me commande, que pour pitié & compassion que i'ay de toy, & te feray penser soigneusement. Mais quel est le profit que tu dis qui m'en aduiendra. Et ce pauvre malade luy dist: Je suis Medecin des paroles: car si quelqu'un est offensé en paroles & colloques, ou se trouue en tribulation, ie luy appliqueray des medicamens si propres & conuenables, que le mal ne passera point plus auant. Le Prince ne fit grands cas de son dire. Neantmoins pour l'honneur de Dieu le fit conduire en son legis, & penser sa plays.

Mais pour reuenir à mon propos, ces enuieux & malings, pour effectuer leur malheureux desseing le calomnierent à l'endroit du

Roy, disans, que non seulement oubliant l'amitié que le Roy luy portoit, mesprisant les Dieux, il estoit deuenue Chrestien: mais, qui pis est, qu'il machinoit trahison contre luy, sollicitant son peuple, & gagnant l'amitié d'un chacun. Et si tu veux, Sire (disoiēt-ils) estre certain de la verité du fait, appelle-le à part, & luy dis, que tu veux laisser & abandonner les Dieux de ton pere, & la gloire de tō Royaume, & te faire Chrestien & Religieux, te repentant grandement de les auoir persecutez, comme en cela ayant mal fait. Or ces traistres, qui machinoient la mort de ce Prince, cognoissoient bien la sincerité de son cœur, & qu'entendant du Roy tels propos, il ne faudroit à luy conseiller d'accomplir sans delay sa sainte deliberation: & ainsi leur rapport se trouueroit veritable. Mais le Roy qui estoit asseuré de la grande amitié que le Prince luy portoit, estimoit ces accusations fausses, & qu'il

3^e HISTOIRE DE BEREAM

ne les failloit receuoir sans information suffisante. Parquoy l'appellant vn iour à l'escart, luy dict pour l'esprouer : As-tu cogneu, mō amy, cōbien de maux & de persecutions i'ay fait cōtre les Chrestiens ? Mais maintenant ie m'en repens, & mesprisant les choses presentes, sur l'esperance de ce Royaume immortel qu'ils preschent, ie desire paruenir à la vie future: car ceste vie certainement se finira par mort. Or i'estime que ie n'y puis autrement paruenir, si ie ne me fais Chrestien, & que renonçant à la gloire de mō Royaume, & à toutes les deliçations & plaisirs de ceste vie, ie recherche les Hermites & Religieux, en quelque part qu'ils soyent, lesquels i'ay iniustement persecutez, & soyne leur conuersation. Je t'adiure par la mesme verité, que fut occy tu me die franchement ce qu'il t'en semble.

Ce bon Prince oyant ces propos, & ne sçachāt le dol, & fein-

tise cachee, fondant en larmes, luy
 respondit simplement : Sire, Dieu
 te doint vie eternelle, ta resolutiõ
 est tref-bonne & salutaire. Car
 cõbien que le Royaume des cieux
 soit trefdifficile à trouuer, il le
 faut neantmoins chercher de tout
 son pouuoir : d'autant que qu'il le *Luc. II.*
 cherche, le trouue. D'autre costé,
 quoy que la delectatiõ des choses
 presentes soit plaifante & delecta-
 ble maintenant : toutefois on la
 doit reietrer, par ce que ce n'est
 chose solide ny veritable : & con-
 triste apres infiniment ceux que
 au parauant elle resiouit. Car les *Sap. 5.*
 ioyes presentes & tristesses sont
 ombres infirmes, & perissent in-
 cõtinent, comme la trace d'un na-
 uire singlant en mer, ou d'un oy- *2. Cor. 1*
 seau volant en l'air : Mais l'espe- *et 4.*
 rance des choses à venir, que pres-
 chent les Chrestiens, est ferme &
 stable, bien qu'elle ait de la tribu-
 lation au monde. Mais la presente
 lieffe perduable, ne causera par-
 delà que peine & tourmens eter-

38 HISTOIRE DE BARLAAM
nels. Car sa douleur est temporel-
le, & ses douceurs dureront é-
ternellement. Au contraire, le la-
beur du Chrestien est temporel,
& sa douceur & vtilité est eter-
nelle. Donc que la bonne volonté
du Roy soit bien dressée. Car
elle est bonne & tresprofita-
ble de changer les choses
perissables à celles
qui sont eter-
nelles.





*Le Prince coignoist que le Roy a parlé à luy feintement : parquoy s'estant faiso-
raire, & se vestant d'une haire, esloi-
gne facilement du Roy la mauuaise
suspicion qu'il auoit conceüe de luy.
Le Roy allant à la chasse, print deux
Religieux, lesquels il fit ietter au feu.*

Chapitre 4.



QUAND le Roy eut
entendu la responce
du Prince, il fut mer-
ueilleusement fasché:
toutefois il se con-
tint, & ne fit semblant d'en estre
mal-content. Le Prince toutefois
(homme sage & de subtil enten-
dement) s'apperceut soudain, que
le Roy n'auoit trouué bon son
conseil, & que par dol & feint-
ise il l'auoit interrogé. Parquoy

se trouua grandement estonné:
 & quand il fut en son logis, il se
 mit à penser & rechercher en
 son entendement, par quel moyen
 il pourroit appaiser le Roy, & se
 preseruer du peril eminent. Or en
 ces pensees, passant la nuict sans
 se pouuoir endormir, il se souuiēt
 de ce pauvre homme blessé en la
 iambe, lequel il auoit fait medeci-
 ner & penser, & l'ayāt fait appel-
 ler, luy dist : l'ay memoire que tu
 m'as dit que tu estois medecin des
 paroles, & que tu auois moyen de
 guerir ceux qui en estoient offen-
 sez. Ouy, dit-il, & si tu en as be-
 soin, ie te monstrey l'experien-
 ce de mon art. Le Prince donc
 incontinent luy recita l'amitié &
 familiarité qu'il auoit delong tēps
 eue avec le Roy : & cōme le iour
 precedent il fut surpris de luy par
 dol & tromperie, & la prudente
 responce qu'il luy fit : laquelle
 neantmoins il n'auoit prise en bōne
 part, ainsi qu'il auoit cogneu par
 le changement de son vilage : &

que partant craignoir qu'il ne luy machinast quelque chose de mauuaise digestion. Finy qu'il eut son propos, ce pauvre malade delibérant vn peu en soy mesmes, luy dit : Scaches à la verité, Mōsieur, que le Roy a suspiciō, que tu veux vsurper sa couronne ; & partant faut estimer qu'il t'a tins ce langage, à fin de te fonder. Par ainsi ie suis d'opinion que tu te leues, & te faces raire, & que quittant toute ta pōpe, tu premmes la haire : & en cest equipage tu te trouues au leuex du Roy. Et quand il demandera, que signifie tel accoustrement, tu luy responderas : Sire, suuant les propos que tu me tins hier, me voicy prest pour te suivre au chemin que tu desires prendre. Car, iatōit que les richesses soient douces & plaisantes, neantmoins la Dieu ne plaife que i'en iouisse apres toy. Car la voye de vertu que tu entreprēs (biē qu'elle soit difficile & rude) toutsēois estant avec toy, elle me sera facile

& delectable. Car tout ainsi que ie t'ay accompagné és plaisirs de ce monde, de mesmes ie te seray compagnon en penitence & austerité, à ce qu'en fin ie sois participant avec toy des biens à venir.

Le Prince trouuant bon ce conseil, s'equippa, comme dit est, & vint trouuer le Roy de bon matin: lequel le voyant en tel estat, & entendant sa resolution, fut fort resioüy, s'esmerueillant grandement de la grande affection & vraye amitié qu'il luy portoit. Et par-là cognoissant faux, ce qu'on luy auoit rapporté de luy, l'ayma plus que iamais: & luy fit de grâds biens & honneurs. Mais pour cela, il print plus grande inimitié contre les Religieux, disant, que par leurs persuasions & cōseils les hommes abandonans & mesprisans les plaisirs de ce monde, se laissoient, comme en songe, piper par vne incertaine esperance.

Or peu de temps apres, le Roy allant à la chasse, rencōtra d'aue-

ture deux Religieux cheminans par les deserts, lesquels il fit prendre & amener deuant soy: & les regardant furieusement, & iettant sur eux les yeux estintellans comme feu, leur dit: Auez vous pas ouy ô seducteurs & trompeurs, le cry que i'ay fait faire publiquement, que toute personne de vostre qualité eust dedans trois iours à vuyder de mon Royaume, & que quiconques y seroit trouué ce terme passé, seroit iotté au feu? Les Religieux luy respondirent: Suiuant ton commandement, nous sortons de tes terres: mais par ce qu'il y a long chemin iusques à nos freres, nous auons esté contraincts achepter viures, de crainte de mourir de faim par ses deserts. Ha, dit le Roy, qui craint la mort, ne s'amuse à la viande. Certes dirent les Religieux: Sire, tu as dit verité: car ceux qui craignent la mort, cherchent tous moyens pour s'en exempter. Mais qui sont ceux là, sinon ceux qui sont addonnez à choses corrupti-

44 HISTOIRE DE BARBAA ME-
bles & transitoires, & les desirerent
& cherchent lesquels n'esperans
trouuer aucun bien par delà, se
plongent du tout en voluptez
presentes, & partant craignent
la mort. Mais nous, qui de long
temps haïssons le monde, & ce
qui est au monde, & cheminons
par la voye estroite & difficile,
pour l'amour de Iesus Christ ne
craignons la mort, ny n'aimons
les choses presentes, mais desirons
seulement les choses à venir. Et
par ce que la mort, que tu nous
fais souffrir, est vn passage à la vie
eternelle, pour cela nous est plus
desirable & aimable, qu'espoü-
uentable & terrible.

1. Io. 2. 2.

Ps. 4. 16.

Heb. 13

Or le Roy les voulant conuain-
cre par subtilité, leur dist: Quoy?
ne m'avez vous pas dit maintenan-
t, que vous vous retiriez de mon
Royaume, par ce que ie l'ay com-
mandé? Et s'il est ainsi que vous
ne craignez point la mort, pour-
quoy vous en fuyez vous? certai-
nement vous estes méteurs. Alors

les Religieux luy respondirent :
 Nous ne fuyons pas pour crainte
 qu'ayons de la mort, dont, tu nous
 menasses, mais nous auons pitié
 de toy : & de ce que ne te soyons
 cause de plus grande damnation,
 auons delibéré nous retirer : car
 pour nostre regard nous ne redou-
 tons tes menasses. Le Roy cour-
 roucé de leur dire, cōmanda qu'ils
 fussent brullez : ainsi furent mar-
 tyrisez ces bōs seruiteurs de Dieu,
 & obtindrent par feu la couron-
 ne de gloire. Le Roy par apres fit
 vn Edict, par lequel ils commanda
 expressement, que tous Religieux
 qui se trouueroient dorormais en
 son Royaume, fussent tuez & mas-
 sacrez sans autre forme, ny figure
 de procez. Et ainsi par toute ceste
 contree, il n'en demeura que
 ceux qui s'estoient cachez
 es montaignes & ca-
 uernes de la
 terre.

*Cruel e-
 dict cō-
 tre les
 Religi-
 eux.*



Comme Iosaphat eut entendu de son pedagogue qu'il estoit ainsi reclus & enfermé, de crainte qu'il ne se fist Chrestiens conuisté pour cela, declara facilement à son pere la cause de sa tristesse : lequel craignant qu'elle ne creust, luy permit s'aller esbaire & pourmener au bon luy sembleroit.

Chapitre. 5.



POUR reuenir au fils du Roy, Iosaphat estant reclus (comme dit est) au Palais à ce préparé, il paruint à l'aage d'adolescence, fleurissant en corps & en esprit, doué & enrichy de toutes les sciences des Ethiopiens & Perses, & illustré en toute espeece de vertu : & si mouuoit des questions naturelles à ses maistres, telles qu'ils estoient esmerueillez de la subtilité de son esprit. Le Roy pareillement estoit tout

estonné de la beauté de son visage,
& constance de son esprit.

Or defendit-il expressement à tous ceux qui le hantoyent, que sur la vie ils n'eussent à luy tenir propos des choses qui peuvent engendrer tristesse en ceste vie, ny luy faire entendre que la mort succede à toutes les delectations presentes. Car il s'appuyoit sur vne vaine esperance, & comme on dit coustumierement, vouloit tirer contre le ciel. Car comme se pourroit-il faire, que la mort pent-estre celee à la nature humaine? Mesmes cela ne fut incogneu à cest enfant, qui estoit doué de tresgrande intelligence & sçauoir. En fin donc, il se mit à pourpenser en soy mesmes, pour qu'elle raison son pere l'auoit enfermée, & ne permettoit à chacun de cōuerser avec luy. Car il sçauoit bien, que cela ne se faisoit sans le commandement de son pere. Toutefois il n'osoit luy demander, & mesmes n'estimoit, qu'il le deust faire, estant certain que ce qu'il

en ordonnoit, n'estoit sans cause: Ioint, que si la chose se faisoit par l'ordonnance de luy, quand bien il le luy demanderoit, si ne luy en diroit il la verité. Parquoy delibera de s'en enquerir d'autre que de luy.

*Iosaphat
s'equiert
des causes,
pour lesquelles
il est
enfermé*

Et de là vint, qu'ayant caressé & gaigné par grands presens l'un de ses pedagogues, lequel il aimoit plus que les autres, luy demanda, pourquoy son pere l'auoit enfermé en ce chasteau: adionstant que s'il luy disoit verité, il seroit à tousiours son grand amy. Le pedagogue, homme sage, & qui consideroit l'aduenir, scachant bien la prudence de Iosaphat, & s'assurant que pour rien du monde ne le voudroit mettre en peril, luy declara entierement les desseins de son pere. Premièrement, luy fit entendre la persecutiō qu'il auoit suscitée contre les Chrestiens, & principalement contre les Religieux & les Hermites, lesquels il auoit chassés & expulsés de ses terres:

terres : luy recita pareillement la prophetie des Astrologues au iour de sa naissance. De trainte , dit il, qu'entendant leur loy, tu la preposes à la nostre, le Roy n'a point voulu que plusieurs te hantassent : ains nous a choisis comme les plus capables & fideles , nous donnant charge de toy, avec defense expresse, que n'eussions à te faire entendre les tristesses & aduersitez de ceste vie. Quand le ieune Prince eut entendu cecy, il se tent. Car la parole salutaire toucha son cœur, & la grace du saint Esprit commença à ouurir les yeux de son entendement, le menant comme par la main, à la cognoissance du vray Dieu, comme il sera cy après déclaré. Mais son pere le venoit souuent visiter, & l'aimoit de si grãd amour, à raison de ses vertus, & graces de son esprit.

Or vn iour entr' autres , son fils le trouuât à propos, luy dist : Monsieur, i'ay vne tristesse & soing continuel, qui me ronge le cœur iour

50 HISTOIRE DE BRAHAM

& nuit, & desirer merueilleusement, entendre dont cela vient. Quand le Roy entendit ce propos, il fut en son cœur grandement dolent, & luy dit, Dy, mon mignon, ie te prie, qu'elle est la tristesse, & i'essayayeray incontinent d'y trouver quelque remède, & la tourner en ioye. Il respond: Que veut dire cecy, que m'enfermât en ce chasteau, tu ne permets à tous me visiter, & communiquer avec moy? le le fais, dit le Roy, par ce que ie ne veux que tu voyes chose qui puisse contrister ton cœur: car ie desire que toujours tu viues en delices, ioyes & plaisirs continuels. A quoy respondit Iosaphat: Certes, Monsieur: la chose va tout autrement que tu ne penses: car ainsi enfermé, ie ne vis en ioye & liesse, mais en tristesse grande & affliction: De sorte que i'ay perdu le goust du boire & du manger, pour vn desir enflambé, que i'ay de voir ce qui est hors de ces portes. Donc, si tu ne veux que ie meure de melancholie, permets

que i'aïlle où bon me semblera, à ce que mon esprit se delecte à la contemplation des choses, lesquelles ie n'ay point encôres veües.

Le Roy fut fort desplaisant de ces propos: mais considerant que s'il l'esconduisoit, sa tristesse en deuiendroit plus grande, luy promet de satisfaire à son desir. Par-
 quoy tost apres luy fit amener des *Iosaphat à congé de s'aller esbatre.*
 cheneaux, braues, & bien equippez: & luy dressa son train selon la magnificence Royale, pour l'accompagner la part où il luy plairoit: commandant, neantmoins, à ses gens prendre garde qu'il ne trouuast par la voye chose qui luy peut desplaire: mais qu'ils luy montrasent toutes choses belles & plaisantes: & qu'ils fissent marcher deuant luy, par la voye, Violons, & Hault-bois, & luy donnassent tous les plaisirs du monde, à ce que son esprit s'occupast en ces choses, & se resiouist.

En ceste maniere se promenant

Iosaphat par cy par là, il veit vn iour deux
rencon- hommes : l'vn desquels estoit La-
tre un dre, & l'autre Aueugle : dont il se
Ladre sentit contristé, & demanda à ceux
& un qu'ils estoient de sa suite. La
Aueu- cause de leur miserable contenan-
gle. ce, & hideux regard. Fux ne pou-
 uans luy cacher ce qu'il auoit veu,
 luy dirent: Ce sont passions humai-
 nes, qui ont accoustumé de suruenir
 aux hommes de nature corrompue
 & de la mauuaise complexion du
 corps. Adonc il leur demanda, si
 ces miseres peuuent pas venir à
 tous hommes. Ils respondent que
 non, ains à ceux à qui l'abondance
 de mauuaise humeurs corrompt la
 santé. Derechef il les interroge:
 Si ces passions ne suruiennent à
 tous les hommes, mais à quelques
 vns seulement: cognoist-on ceux à
 qui elles doyuent venir, ou si elles
 viennent indifferemment, & à l'im-
 prouiste? A cecy respondirent: Et
 qui est celuy qui peut prenoir les
 choses à venir, & les cognoistre
 au vray? Cecy surpasse la nature hu-

maine , & n'appartient qu'aux dieux immortels. Apres ceste response , il ne les interrogea plus: neantmoins il fut fort dolent en son cœur de ce qu'il auoit veu , & changea de couleur en son visage, pour l'inaccoustumâce de la chose.

Long temps apres sortant deroches faux champs , il rencontra vn vieil bon homme, ayant la face ridee, les cheueux blancs, tout courbé de vieillesse : qui ne faisoit que begueier en parlant , à faute de dents. Iosaphat estonné de son maintien, le fait approcher plus pres, desirant entendre la cause de sa misere. Et ceux de sa compagnie luy dirent: Ce vieillard a vescu plusieurs ans , & estant sa vertu peu à peu diminuee, & ses membres, cassés , il est paruenù à ceste misere que tu vois. Il leur demande: Et quelle est la fin de luy ? Rien autre que la mort , dirent-ils. Et quoy, respond-il , tous sont ils suiets à ces miseres , ou quelques vns seulement ? Ils luy responderent ? Si

54 HISTOIRE DE BARLAAM

la mort ne preuient l'homme en ieunesse, il est impossible que par succession de temps il n'esprouue semblable misere. Mais, dit-il, que i'entende de vous, en cōbien d'ans aduiët cecy: & si la mort est certaine, & s'il n'y a moyen d'euader ces miseres. Ils respondent: En quatre vingts ou cent ans, les hommes paruiennent à ce point, & apres ils meurent, & ne se peut faire autrement: car la mort est le tribut naturel, imposé sur les hommes dès le commencement, & son aduenement est ineuitable. Dès que le sage & prudent iouuanceau eut veu & entendu ce que dit est, gemissant & soupirant du profond du cœur, dist: Ceste vie est fort amere, & est remplie de toute douleur & amertume. Si ce que m'auetz dist, est veritable, comment pourra l'homme estre assure, attendant la mort incertaine: la venuë de laquelle est non seulement ineuitable, mais pareillement incertaine, comme vous maintenez?

Hebr. 9.

*Iosaphat
est espou-
uanté
oyant
parler de
de la
mort.*

Ainsis'en alla gardant en son cœur, ces propos, & les meditant incessamment, ayant memoire de la mort : chose qui luy causoit douleur & continuelle tristesse. Car il disoit en soy-mesmes : Quoy! la mort me saisira elle quelquefois? Et qui aura memoire de moy après ma mort, le temps mettant toutes choses en oubly? Que deviendray-je après que ie seray mort? seray-je reduit à neant, ou s'il y a vne autre vie, & vn autre monde? La pensee continuelle de ces choses le fit pallir, & asséchir, pour la melancholie qu'il en en prenoit. Mais quand son pere le venoit voir, il celoit sa tristesse, par vne apparence de liasse extérieure, ne voulant que son pere entendist le secret de ses pensées & considerations. Or il desiroit souverainement d'yn desir incomprehensible de trouuer quelqu'vn, qui peust assseurer son cœur, & luy dire quelque parole de bonne consolation. Et demandoit souuent

à ce sien pédagogue (duquel auous
 parlé) s'il pourroit trouuer homme,
 qui luy peust donner quelques se-
 cours en ses desirs, & affermer son
 esprit fatigé mallement de ces co-
 gitations, qui le sollicitoient iour
 & nuict. Mais il luy respondit: Le
 t'ay dit, y a ia long temps, que ton
 pere a fait mourir, ou chasser de
 ses terres les Hermites & Religi-
 eux qui entendoient ces choses: Je
 n'en cognois vn seul, qui soit de-
 meuré en toute ceste contrée.
 Toutefois cest desir ne le pou-
 uoit contenter, & s'attendant de
 plus en plus, auoir son cœur ha-
 uré, & angoissé d'un doict inflam-
 mé d'entendre ce que deuoit: estant
 semblable à l'homme qui a perdu
 vn grand thesor, lequel employe
 toutes ses puissances du corps &
 de l'ame pour le recouurer. Il angoï-
 le cœur angoissé continuellement,
 & mesprisoit & abominoit toutes
 les choses plaisantes & delecta-
 bles, qui sont au monde. Luy
 donc se maintenant ainsi, & desi-

rant trouuer le salut de son ame, le bon Dieu qui voit toutes choses, le regarda, & ne le mesprisa point, *1. Tim. 2* luy, qui veut que tous soient sauuez, & paruiennent à la cognoissance de verité: Mais manifestant en luy sa benignité accoustumee, *Psa. 142* luy fit cognoistre la voye, par laquelle il deust cheminer, par le moyen, ensuyuant.





Barlaam homme tressainct, par vn subtil
 il moyen a entree chez Iosaphat : &
 luy proposant la parabole des semences,
 luy fait vn narré du Iugement
 final.

Chap. 6.

Barlaam
 Religieux
 de
 sainte
 vie.



Nce temps-là, estoit
 vn certain Religieux,
 de tressaincte vie, &
 fort docte en la loy de
 Dieu, lequel estoit

Barlaam
 par inspiration
 diuine
 vutrou-
 uer Iosaphat.

monté au comble de toute perfection de la vie Monastique : mais d'où il estoit, & de quelle race, ie ne le scay pas. Il s'estoit basti vne cauerne en certain lieu secret de la terre de Sennaar. Son nom estoit Barlaam, homme fort ancien, decoré de la dignité sacerdotale. Luy donc, par inspiration diuine, con-

gneut les desirs & desseins de Iosaphat. Parquoy fortât de sa caverne, s'en vint au siecle, & print vn habit seculier : & montant sur mer, print le chemin des Indes : & se feignant estre marchand, parvint à la ville où se tenoit Iosaphat. Et là faisant longue residence, s'enqueroit soigneusement de luy, & de ceux de sa maison. Et entendu qu'il eut, que le pedagogue, dont à esté parlé, auoit plus de credit & familiarité avec luy, que tous autres, le tirant à part, luy dit : Monsieur, ie suis vn marchand, qui suis venu de lointain pays, & ay vne pierre precieuse, qui n'a sa pareille au monde, & ne l'ay encores dit à homme viuant : Mais te voyant homme sage & prudent, ie t'en ay voulu aduertir, à ce que tu me donnes entree au fils du Roy, pour la luy monstrier : car elle est d'une excellence incomparable, ayant vertu de donner lumiere de sapience : à ceux qui sont auenglez de cœur,

*Pierre
precieuse
de
grande
excellence.*

60 HISTOIRE DE BARLAAM

d'ouurir les oreilles aux sourds, & faire parler les muets, & guerir les malades : donner science aux fols, casser les diables : bref, elle donne largement à qui la possède, tout ce qui est bon & aimable. Le pedagogue luy dit : A te voir, il semble que tu sois homme prudent & sage : mais tes propos donnent à cognoistre, que tu te vantes par trop. Car ie te puis asseurer, que j'ay veu vn nombre infiny de pierres & perles excellentes : mais de telles vertus que tu dis, onc ie n'en vis, ny ouys parler. Touresfois, monstre moy la tiennne : & si elle est telle que tu dis, ie la presenteray soudain au fils du Roy, qui t'en fera si bonne recompense, que tu auras occasiõ d'estre fort content. Mais auant que ie l'aye veüe de mes yeux, il ne m'est possible de luy faire recit de sa si grande excellence & vertu, que tu maintiens.

Or Barlaam luy respond : Tu as dit vray, onc tu nen n'as veu ny en-

tendu telles vertus & operations: car ce que i'ay recité, ce n'a esté de chose commune, ains de chose rare, admirable & magnifique. Mais par ce que tu demandes voir ceste pierre, escoute ce que ie veux dire. Ceste pierre avec toutes les vertus par moy recitées, a encores ceste vertu: c'est que qui n'a la veüe de l'œil bië saine, & le corps chaste ne la peut contempler. Car si quelqu'un n'a parfaictement ces deux choses, temerairement il regardera ceste pierre: & en perdra la veüe & l'entendement. Et moy qui ay quelque cognoissance en la medecine, ie iuge, que tes yeux ne söt pas bië sains, & partät ie crains que tu ne perdes si peu de veüe que tu as maintenant, & que ie te sois cause de si grand mal. Mais i'ay entendu que le fils du Roy est fort chaste, & que ses yeux sont tres-beaux & sains, & clair-voyans: Et voila la raison pourquoy ie me suis enhardy de la luy monstrer. Et de ta part, ne sois negligent en ce-

*Subtil
moyë de
Barlaam
pour a-
voir ac-
cez à Io-
saphat.*

LA HISTOIRE DE BARLAAM

cy, & ne prius ton Seigneur de chose de si grande excellence. S'il est ainsi que tu dis, respond le pedagogue, ne me montre ceste pierre. Car i'ay souillé ma vie de plusieurs pechez, & si n'ay pas trop bonne veüe : mais adioustant foy à ton dire, ie ne feray faute d'en aduertir Monseigneur. Tost apres ce padagogue fit entendre à Iosaphat de poinct en poinct les propos, que luy auoit tins Barlaam. Mais entendant parler son pedagogue, il sentit son cœur estre inspiré de certaine ioye & liesse spirituelle, & son ame diuinement illuminee : parquoy commanda incontinent qu'on le fist entrer. Quand donc Barlaam fut entré, il salua humblement Iosaphat, qui le fit seoir pres de luy, & fit sortir son pedagogue : & estant seul luy dist, ie te prie mon pere, montre moy ceste pierre precieuse, que tu dis estre de si singuliere excellence & vertu.

Alors Barlaam commença son propos, comme il sensuit. C'est chose iniuste, Sire, de dire à ton excellence quelque chose faulsem-
Barlaam
comence
à endo-
ctriner
 ou temerairement : Car tout ce que ta referé ton pedagogue de moy, est veritable & indubitable. Mais il n'est pas conuenable, que ie te declare ce mystere; que premierie n'aye fait preuue de ta prudence. Car monseigneur dit : Le semeur est allé semer : Et comme il seme, aucuns grains sont cheus au chemin, & les oyseaux sont venus qu'ils ont mangez : Autres sont tombez sur les pierres, où il n'y auoit point beaucoup de terre, & tost apres sont leuez, par ce qu'il n'y auoit profode terre : mais le soleil les brussa incontinent, à cause qu'ils n'auoient point de racine. Autres sont tombez dans les espines, & quand ils ont esté leuez, les espines les ont suffoquez. Autres sont tombez en bonne terre, & ont rapporté fruit au centuple. Si donc ie trouue en ton

Iosa-
phat
Mat. 13

64 HISTOIRE DE BARLAAM

cœur bonne terre & fructueuse, ie ne differeray d'y ietter la semence diuine, & te declarer vn grand my-
Mat. 7. stere. Mais si elle est pierreuse, ou que soit vn chemin passant, mieux vaut que ie n'y iette point la semence salutaire, & que ie ne la mette en proye aux oiseaux & bestes, deuant lesquelles il m'est defendu de ietter les perles. Mais j'ay meilleure esperance de toy: car tu verras la pierre precieuse, & par le moyen de la lumiere, tu meriteras estre toy mesmes lumiere, & rapporter as fruct au centuple. Car pour l'amour de toy i'ay beaucoup travaillé, & fait grand chemin, afin de te monstrier ce que tu ne vois oncques, & t'enseigner ce que tu n'as point entendu. Or Isaphat luy dist: Certes venerable vieillard, vray est que j'ay vn desir incomprehensible d'entendre quelque bon propos: car il y a vn certain feu en mon cœur qui me brusle incessamment, qui m'incite à m'enquerir & apprendre certaines que-

sions necessaires : car iusques icy
 ie n'ay trouué homme qui m'en ait
 peu donner resolution. Mais si ie
 trouue quelque sçauant homme,
 & que de luy i'entende parole de
 salut, ie ne la bailleray aux oiseaux
 ny aux bestes : & ne feray la terre
 pierreuse ny espineuse, dont tu as
 parlé, mais ie la receuray benigne-
 ment, & la garderay soigneuse-
 ment. Et toy si tu en sçais quel-
 que chose, ne me le cele point mais
 declare le moy. Car dès que i'ay en-
 tendu que tu es venu de loingrain
 pais, mon cœur s'est resiouy, & ay
 eue une bonne esperance, que
 par toy i'obtiendray ce que i'ay
 desiré de long temps. Et pour ceste
 cause t'ay- ie fait soudain entrer, &
 j'ay receu volontiers, comme l'un
 de mes plus familiers.

Alors fist Barlaam : Tu as bien
 fait en cecy, & conuenablement
 à la magnificence Royale : car tu
 n'as pris garde à la petiteſſe ap-
 parente, mais à l'esperance cachée.
 Car tu es vn grand Roy & glorieux.

Fait no-
 table
 d'un
 Roy.

*Ce Roy
honore
des Re-
ligieux
ses Prin-
ces sont
mal co-
teints.*

allant par les champs avec toute sa Cour, estât dans vn chariot doré, recōtra deux hōmes vestus de meschantes robes, toutes deschiées, attenuez de faim, maigres & pâles. Mais le Roy cogneut soudain que c'estoit par maceration, peines & trauaux que leur chair estoit toute consommee. Doncques quil les veit, descendit soudain de son char: & se mit à genoux, les saluā & s'estât leuē, les embrassa & baisa benignement & affectueusement. Mais les Princes & grād Seigneurs de sa Cour en furent grandement faschez & indignes, estimans quil auoit fait acte indigne de Roy. N'osans neantmoins le reprendre, prierent son frere germain de luy remonstrer, quil ne fit telle iniure & honte à sa Royale excellence. Lequel, cōme il le dist au Roy son frere, & le reprit de son humilité trop grande, ce luy sembloit, le Roy luy fit vne responce, la quelle toutefois il n'entendit.

Or le Roy auoit coustume, quā il condamnoit vn homme à mort,

d'enuoyer deuant sa porte vn Ser-
gent , avec vne trompette ordon-
nee pour son office , par le son de
laquelle chacun scauoit qu'il estoit
ingé à mourir. Et quand ce vint sur
le soir , le Roy enuoye ce Trom-
pette sonner deuant la porte de
son frere: lequel dès aussi tost qu'il
eut entendu la trompette de mort,
desesperade sa vie, & toute la nuit
disposa de l'estat de sa maison. Et
de grand matin estant habillé de
deuil, s'en va avec sa femme & ses
ensans aux portes du Palais du
Roy , gemissant & pleurant. Et le
Roy l'ayant fait entrer, & le voyant
ainsi l'armoyer, luy dist: O fol &
insensé , si tu as tant redouté la
trompette de ton frere , lequel tu
sçais bien n'auoir onc offensé: com-
ment m'as tu repris de ce que i'ay
humblement salué, & baisé les
Trompettes de mon Dieu, me si-
gnifiant, à plus haut son que ne
fait la Trompette, la mort, & l'ad-
uenement terrible de nostre Sei-
gneur, contre qui ie scay que

i'ay commis pechez infinis: Voicy, pour reprendre ta folie, i'ay vſé de ce moyen: & maintenant i'eſſayeray de faire entendre apertement la folie à ceux qui t'ont incité. Et ainſi inſtruifant ſon frere, le renuoya à ſa maiſon, & commanda que l'on fiſt quatre petits coffres de bois: deux deſquels couuerts de lames d'or, il remplit de charongne puante, les fermant avec la clef & ferreure d'or: & enduiſant les deux autres de poix & gauldron, les emplit de pierrieres & excellentes perles, & d'onguens precieus odoriferans, les liant de cordes de chanure. Par apres fit appeller ces Princes & grâds Seigneurs, qui auoyent induit ſon frere à le reprendre, & fit mettre deuant eux ces quatre coffres, leur demandant, de quel pris eſtoient les vns, & de quel pris les autres. Ils eſtimerent incontinent ceux, qui eſtoient dorez, eſtre les plus riches, comme plus propres à mettre les ornemens Royaux: & des autres accou-

strez de poix & de gauldron, ils
 n'en firent grand compte. Alors le
 Roy leur dit : Je sçauois bien que
 vous en diriez autant : car des yeux
 exterieurs vous voyez les choses
 exterieures : & toutefois il ne faut
 pas en vser ainsi, ains faut conside-
 rer des yeux interieurs les choses
 qui sont cachees interieurement,
 soit honneur ou contumelie. Et
 commanda soudain qu'on ouurit
 les coffres dorez : lesquels estant
 ouuerts, rendirent vn odeur puant
 au possible, & y vit-on chose fort
 vilaine. Donc le Roy dit : Voicy la *Similitude.*
 semblance de ceux qui sont riche-
 ment habillez, & auancez en hon-
 neur & gloire, mais au dedans ils
 sont infects, pleins de vices & pe-
 chez. Par apres faisant ouurir ceux
 qui estoient couverts de poix &
 gauldron, toute l'assistance fut re-
 creee du bõ odeur qui en sortit, &
 de la spendeur des perles & pierre-
 ries, qui estoient dedans. Alors il
 leur dit : Sçauiez vous à qui ressem-
 blent ces choses ? Certes à ces hum-

bles & abiects, qui estoient pau-
 rement habillez, desquels vous
 autres, considerans seulement l'ha-
 bit exterieur, auez estimé, que ce
 m'estoit honte de les carresser.
 Mais moy, ie me suis prosterné de-
 vant leur face: & contemplant des
 yeux de mon entendement leur re-
 uerence, & considerant la beauté
 de leur ame, ie me suis sentu fort
 heureux de les auoir touchez, &
 les ay prisez plus que ma courōne,
 & toute ma magnificence Royale.
 Ainsi donc les rendant confus,
 leur remonstra, qu'il ne falloit
 s'arrester sur l'apparence des cho-
 ses exterieures, ains considerer
 l'interieur. Or tu as fait comme
 ce sage Roy & deuot, me receuant
 avec bonne esperance, qui ne te
 trompera point, ainsi que j'esti-
 me.



Barlaam recite la creation, & chente du premier homme. Puis faisant mention de Noé, & du Deluge, narre succinctement l'histoire d'Abraham, & de Moÿse. Par apres declare l'Incarnation, Mort, Resurrection, & Ascension du fils de Dieu.

Chapitre. 7.



O Iosaphat luy dist: Tu as bien & conue-
nablement parlé. Mais
ie desired' entédre, qui
est ce tien Seigneur: le-
quel au commencement de ton pro-
pos tu as dit auoir parlé de la se-
mence. Barlaam donc prenant de
rechef la parole, dist: Si tu veux
sçauoir qui est ce mien Seigneur,
sçaches que c'est Iesus Christ, fils
unique de Dieu, tout puissant,
Roy des Roys, & Seigneur des
Seigneurs, qui seul a immortalité,

1. Io. 4.

Apo. 19

2 Tim. 6

72 HISTOIRE DE BAREKAM

& habite en lumiere inaccessible, lequel on doit honorer & glorifier, avec le Pere & le saint Esprit. Car ie ne suis de ceux qui inuoquent ceste multitude de dieux, & qui adorent ces Idoles, qui sont sourds & sans ames : ains ie cognois & confesse vn seul Dieu en trois personnes, le Pere, le Fils, & saint Esprit, en vne nature & substance, en vne gloire & regne indiuisé. Ainsi donc, c'est vn Dieu en trois personnes, sans commencement & sans fin, eternal, sempiternel, increé, immuable, sans corps, inuisible, inestimable, incircumscript, seul bon & iuste, qui de rien a créé toutes choses visibles & inuisibles. En premier lieu, les vertus inuisibles, & innombrables multitudes de celestes & incorporels esprits, ministres de la grandeur de Dieu. Par apres, a créé ce monde visible, sçauoir est le Ciel, & la Terre, & la Mer, lesquels il a illuminez & decorez magnifiquement; le Ciel, du Soleil, de la Lune & des

*Nax. o-
ra. 2. in
Pascha.*

*Psal.
145.
Act. 14.
Apoc.
14.*

& des Estoilles: la Terre, de diuer-
 ses especes d'animaux, & diuersité
 d'arbres & de plantes: & la Mer,
 d'une infinité de poissons. Il a dit *Psalm.*
 de toutes ces choses, & elles ont *148.*
 esté faictes: il a commandé, & elles
 ont esté créées.

En apres il à formé l'homme de *Creation*
 ses mains, prenant du limon de la *de l'hom-*
 terre pour former le corps, & luy *me.*
 donnant ame raisonnable, & in- *Gen. 2.*
 tellectuelle par son insufflation, la- *Gen. 1.*
 quelle il crea à son image & sem-
 blance: selon son image, à raison
 de l'entendement & liberal arbi-
 tre: & selon sa semblance, pour la
 semblance de vertu, selon sa capa-
 cité. Et beatifiant cest homme de
 liberal arbitre & immortalité, le
 constitua Roy sur la terre, & fit de
 luy mesmes vne femme & adiutri- *Creation*
 ce, semblable à luy. Dauantage il *d'Eue.*
 plâta en Orient le Paradis de plai- *Paradis*
 sir, remply de ioye & de toute de- *terre-*
 lectation, & mit en iceluy l'hom- *sire.*
 me par luy créé, luy permettant
 de manger de tous les fruiçts qui

74 HISTOIRE DE BARLAAM

y estoient : luy defendant seulement, qu'il n'eust à manger du fruit de l'Arbre de bien & de mal, disant ainsi : Au mesme iour que vous aurez mangé du fruit de cest arbre, vous mourrez.

Gen. 2. Or l'un des plus excellens des esprits Angeliques, n'ayât eu du createur aucun vestige de malice naturellement en soy-mesme, mais créé en bien, de la fanche volonté du liberal arbitre se conuertit de bon

Esa. 14. en mauuais, & enflé d'orgueil, voulut se rebeller contre son Seigneur & son Dieu : pour lequel crime il fut deietté de son ordre & dignité, & au lieu de ceste heureuse gloire, & nom Angelique, est maintenant appelé Diable & Satan. Car Dieu

*Lucifer
se rebelle
contre
Dieu.*

*Lucifer
& les
siens iet-
tez hors
de Pa-
radis.*

le fit tresbucher en bas, comme indigne de la gloire de Paradis: Et avec luy, debouta du ciel grande multitude d'Ange, qui estoient de sa bande, lesquels estant faits mauuais de leur propre volonté, delaisans le bien, imitans l'apostasie de leur Prince, ont esté appelez Dia-

bles. Le Diable donc renonçant le bien entierement, & prenant vne nature maligne, conceut vne en-
Sap. 2
 mie contre l'homme, le voyant es-
 leué à la gloire, laquelle pour son
 peché il auoit perdue: & cauteleu-
 sement cherchoit les moyens, par
 lesquels il se peult prouer de ceste
 heureuse conuersation. Et pour
 paruenir à ces fins, print le Ser-
 pent, comme instrumēt de sa trom-
 perie: parla par luy à la femme, luy
 persuadant de manger du fruit de-
 fendu, sur l'esperance d'estre dei-
*Desobey-
sance d'A-
dam.*
 fiée, trompa Adam par elle mesmes,
 lequel par sa persuasion mangea du
 fruit de desobeissance: en puni-
 tion de quel crime Dieu le chassa
 au Paradis terrestre: & de bien heu-
 reuse vie & conuersation, cheut en
 ceste misere, & miserable vie, &
 fut condamné à mourir.

Le Diable prenant force de ce-
 cy, & enflé d'orgueil, les hommes
 s'estans multipliez sur terre, leur
 enseigna toute espece de malice.

*Le De-
luge.*

Gen. 7.

*Psal.
105.*

Rom. I.

*Erreurs
des Gen-
tils.*

*Arnob.
l. 5. ad-
uersus
gentes.
Lactā.
.1. Diu.*

Or Dieu tout puissant, voulant re-
trancher la grande multitude des
pechez enormes qui regnoient sur
la terre, enuoya le Deluge d'eau,
qui noya toute creature ayant vie.
Mais en trouuant vn seul iuste en
ce temps là, le sauuant dans l'Ar-
che avec sa femme & ses enfans,
l'establit dominateur de tout l'v-
niuers. Et comme les hommes euf-
sent derechef commencé à se mul-
tiplier, dilater, & croistre, ils mi-
rent Dieu en oubly, & tombans en
toute impieté, & enuoloppez en
diuers crimes, & corrompuz d'ex-
crables impietez, se diuiserent en
toutes sortes d'erreurs. Car aucuns
estimoyent, que toutes choses ve-
noient d'elles-mesmes, & estoient
regies sans prouidence, comme s'il
n'y auoit aucun Dieu. Autres ont
eu opinion, que tout se faisoit par
fortune. Autres adorerent plu-
sieurs dieux, mauuais & vicieux, à
ce qu'ils les eussent autheurs &
exemples de leurs vices, & mali-
gnes actions: Et formans les figu-

res & statues de ces Idoles sourds & sans entendement, & les met-
tans es temples, les ont adorez, *instit.ca*
feruans aux creatures plus tost *9.10.11*
qu'au créateur. Autres ont adoré le *Psal.*
Soleil, la Lune, & les Estoilles, or- *114. &*
donnez de Dieu pour donner lu- *134.*
miere à ce monde, qui neantmoins *Rom.1.*
sont sans ame & insensibles, illu-
minez & gouuérnez par la prou-
dence du Créateur. Autres ont a-
doré le Fen & l'Eau, & autres. Les
Elemens de la terre, & autres cho-
ses insensibles & sans ames, & n'ot
point eu de honte, eux estans rai-
sonnables, & ayans ames, d'adorer
telles choses. Autres portoyent
honneur diuin aux Serpens, Bœufs
Moutons, & autres bestes, se mon-
strans plus desraisonnables que les
bestes, lesquelles ils adoroient.
Autres ont fait des Images d'hœ-
mes vicieux, & les ont inuoquez
comme dieux, nommans les vns
masles, autres femelles, lesquels
eux-mesmes ont escrit auoir esté
adulteres & homicides, choleres

*Erreurs
des Gen-
tils.*

78 HISTOIRE DE BARRAM

& enuieux, furieux, parricides, & meurtriers de leurs freres, larrons & voleurs, boiteux & foibles, enchanteurs & infenlez : & aucuns d'entr'eux decedez de mort naturelle, aucuns fouldroyez du tonnerre, & faisans service aux hommes, & exilez, & chastrez, & deplorez, & transformez en bestes, pour exécuter choses execrables & vilainess. Dont les hommes prenās exemple sur leur dieux, sans crainte de honte se contaminoient & souilloient en toute ordure & villennie. Et vne orde obscurité en ce temps là enueloppoit le genre humain, & n'y auoit homme qui entendit, ne qui recherchast Dieu.

Psal. 13.

Eccl. 5. 2.

Rom. 3.

Rom. 1.

*Abram.
kam.*

Or il se trouua en ceste generation vn seul homme, nommé Abraham, qui eut l'entendement bon, & cogneut le Createur par la contemplation des creatures. Car considerant la Ciel, la Terre & la Mer, le Soleil & la Lune, & autres creatures, il admira leur beauté & ornement tresconuen-

ble: Et voyant le monde, & toutes les choses qui y sont, il estima qu'elles n'estoyent faites ny conseruees de soy-mesmes: Et n'attribua aux elemens, ny aux Idoles, la cause d'un tel ornement, ains par là cogneut le vray Dieu, & entendit qu'il estoit autheur & conseruateur de toutes choses.

Donc le Seigneur Dieu, approuuant, & ayant fort agreable vne telle gratitude, l'aima, & se manifesta à luy, non pas selon sa substance (car il est impossible à l'homme de voir Dieu) mais luy apparoisant en la maniere que bon luy sembla, se rendit familier à luy, l'honorant, & doüant son ame de science plus parfaite. Lequel transferant sa foy & pieté par succession, à ceux qui descendirent de luy, leur apprint à cognoistre vn Dieu. Pour quelle raison il pleut à Dieu multiplier sa semence en multitude innumerable, & le print pour peuple periculier, & par la conduicte de

1. Tim. 6

1. Ioã. 4.

B. Dion.

ca. 4. a

celesti

Hier.

Naz. o

rat. 2. c.

de Theo

Gen. 15

Moyse Moyse & Aaron, gens saints & il-
Ex. 11. lustrez du don de Prophetie, avec
4708. signes & terribles prodiges, lesretira de la seruitude d'Egypte, de la puissance de Pharaon. Par lesquels aussi il affligea iustement les Egyptiens pour leur malice, & fit passer les enfans d'Israël (car ainsi s'appelloit le peuple descendu d'Abraham) par la mer Rouge, comme par vn chemin par terre, les eaux s'estans diuisees, & leur seruans de muraille des deux costez: Et Pharaon & les Egyptiens, qui s'estoyent mis à les suyure pour les massacrer, furent suffoquez des eaux, qui retournerent incontinent sur eux..

Pharaon suffoque des eaux.
Exod. 16. Par apres conduisant son peuple par les deserts par quarante ans: avec excellens miracles, & diuines manifestations, & les nourrissant de pain du ciel, leur donne la Loy diuinement escrete en table de pierre, laquelle il bailla à Moyse sur la montaigne, ayant figures des choses à venir, laquelle defen-

doit à l'homme l'adoration des Idoles, & l'operation de tout peché. Car elle enseigne d'adorer vn seul vray Dieu, & s'exercer en bonnes œuures. Donc faisant tels prodiges, il les introduit en vne bonne terre, laquelle il auoit long temps promise à Abraham & à ceux de sa race.

Or il seroit trop prolix de reciter les grandes choses, & glorieux miracles que Dieu leur monstra, qui sont sans nombre, par lesquels il essayoit retirer les hommes de l'adoration des Idoles, & mauvaises operations, & les reduire à l'estat ancien. Mais neantmoins nostre nature estoit encore affermie à la liberté d'erreur, la mort regnoit sur les hommes, & la tyrannie du Diable les faisoit tous descendre es enfers. Et comme nous fussions tombez en telle misere, Dieu ne nous mesprisa point, lequel nous auoit creés de rien, & ne permit en fin perir l'ouurage de ses mains ains par la volonté de Dieu le Pe-

re, le Fils vnique, Verbe de Dieu, qui estoit au commencement avec Dieu, & estoit Dieu, condescendit avec ses seruiteurs d'une façon ineffable & incomprehenfible : &

*Epiph.
in An-
chor.*

*Chrysoft
hom. 4.*

exuariis

locis in

Matth.

estant Dieu parfait, s'est fait homme-parfait, du saint Esprit & de la vierge Marie, mere de Dieu.

sans semence ni coniunction d'homme, conçu au ventre virginal,

mais du saint Esprit, comme auant la conception l'Archange enuoyé

de Dieu luy auoit prenoncé, la nouvelle & inusitée conception,

& enfantement ineffable. Car le Fils de Dieu a esté conçu du saint

Luce. I.

Esprit sans semence, & se formant au ventre de la Vierge vn corps a-

nimé d'ame raisonnable & intelle-

ctuelle, sortit hors en vne personne, mais en deux natures, parfait

Dieu, & parfait homme, conser-

uant en son entier la virginité de sa mere encorés apres l'enfante-

Figrom.

contra,

Elipd.

Heb. 4.

ment : Et fait semblable à nous, passible, sans peché, print sur soy noz infirmités, & portanoz lan-

guez. Car par ce que par peché *Esa. 53*
la mort estoit entree au monde, il *1. Pet. 2*
falloit que celui qui deuoit rache- *Rom. 5.*
ter le monde, fust sans peché, &
ne fust par peché subiet à la mort.

Or il conuersa par trente ans en-
tre les hommes, & fut baptisé au
fleuve de Iordain par Iean, hom- *Luc. 3.*
me saint, & le plus excellent de
tous les Prophetes. Et quand il
eut esté baptisé, vne voix de Dieu
le Pere descendit d'en haut, disant,
Voicy mon Fils bien-aimé, auquel *Matth. 3.*
j'ay pris mon plaisir. Et davan-
tage, le saint Esprit descendit sus
luy en espee de colombe. Et
dors il commença à faire des
signes grands & admirables, res-
uscitant les morts, illuminant
les aueugles, chassant les Dia-
bles, guerissant les fouds, muets
& debiles, nettoyant les le-
preux, & renouuellant interieu-
rement & exterieurement. nous
nature enuieillie, & nous
enseignant par oeures, la voye

84 HISTOIRE DE BARLAAME

voye de vertu, nous renouellant de corruption, & nous conduisant à la vie eternelle. Dont vint qu'il eueut douze Disciples, lesquels il appella Apostres, & leur commanda de prescher à tous vne vie celeste, laquelle il estoit venu monstrier en terre, & de terrestres & abiects que nous estions, nous faire, par l'assumption de son humanité, celestes. Mais par la maudite enuie, que les Pontifes & Princes des Iuifs conceurent contre luy, pour son admirable conuersation & merueilleuses operations, ils le firent condamner à mourir, subornant l'un de ses disciples pour le trahir, & le liurerent entre les mains des Gentils : lequel volontairement enduroit tout (car il est venu endurer tout pour nous, à fin de nous deliurer de toutes passions :) & luy faisant beaucoup d'iniures & tourmens, le crucifierent en fin : Et la nature de la chair qu'il print de nous, souffrit toutes ces choses. Car il

estoit de deux natures , sçauoir est, diuine & humaine. Vray est que la nature humaine souffrit, mais la diuine demeura impassible & immortelle.

Donc nostre Seigneur IESVS *Isa. 53*
 Christ sans peché fut mis en croix:
 car il ne commit onc peché, & ne
 s'est trouué dol en sa bouche. Car,
 comme i'ay dit, par peché la mort *Rom. 5*
 est entree au monde. Or mourut-
 il pour nous en sa chair, à fin de
 nous deliurer de la tyrannie de la
 mort: & descendit és enfers, &
 brisa les portes, & en deliura les
 ames des iustes, qui y estoient de
 long temps enfermées. Estant mis
 au sepulchre, ressuscita le tiers *Heb. 2*
 iour, vainquit la mort, & nous
 donna victoire à l'encontre d'elle
 Et ressuscitant en chair incorru-
 ptible, luy donateur d'incorru- *Ioan. 3*
 ption, apparut à ses Disciples, leur
 donnant paix, & par eux à tout le
 genre humain. Et apres quarante
 iours monta és cieux, & là sied à *Act. 1*
 la dextre de Dieu son pere, d'où

Mat. 16 il viendra derechef pour iuger les
Apo. 22 viuans & les morts , & rendre à
 chacun selon ses œuvres. Et apres
 sa glorieuse Ascension , il enuoya
Act. 3. sur les Disciples son saint Esprit
 en forme de feu , & commence-
 rent à parler de diuerses langues,
 selon que le saint Esprit les in-
 spiroit.

Depuis, par la grace du saint
 Esprit se dispererent par toutes
 les nations qui estoient sous le
 ciel, & prescherent la foy Catho-
Mat. 28 lique, les baptisans au nom du Pe-
 re, du Fils, & du saint Esprit, &
 leur enseignans la loy de Dieu. &
 illuminerent les Gentils , qui er-
 roient au-parauant, & destruirent
 la superstition des Idoles . Or
 l'ancien ennemy , marry destre
 ainsi deierté, suscite encores à
 present guerre contrenous , qui
Psal. 9. auons embrassé la foy de I E S V S
 Christ, conseillant aux fols & in-
 sensez de suyure encores l'Idola-
 trie : mais sa force en fin s'est de-
 bilitee par la vertu de Iesus Christ.

Or'ay-ie en peu de paroles don-
 nē cognoissance de mon Dieu &
 Sauueur : lequel certes tu co-
 gnoistras plus parfaictement,
 si tu recois sa grace en
 ton ame, & si tu re-
 ranges à son
 seruice.





Iosaphat illumine de la lumiere de la Foy, & comblé de liesse, embrasse Barlaam, lequel luy fit entendre la vertu du Baptisme, & luy parle de la Resurrection, & Jugement final.

Chapitre. 8.

*Iosa-
phat est
illumi-
né.*



R le fils du Roy entendât ces propos, la lumiere illumina son ame, & se levant de son siege, tressaillant de ioye, vint embrasser Barlaam, & luy dist : Je me doubte, reuerend pere, que c'est icy ceste pierre precieuse, laquelle à iuste raison tu tiens cachee, ne la mōstrant indifferemment à tous ceux qui la veulent voir, mais seulemēt à ceux qui ont l'entendement bon & sain.

Car voicy, dès aussi tost que i'ay ouy ton propos, vne douce lumiere m'est entree au cœur & ce facheux voile de tristesse, qui ia de long temps offusquoit mon ame, s'est incōtinent eluanouy. Si donc i'ay bien consideré tes propos, dy le moy : mais si tu sçais encores quelque chose de meilleur, declare le moy presentement, sans tarder.

Barlaam respondit de rechef: Ouy, Sire, c'est de grand mystere, *Coloss. 2*
lequel a esté caché es siecles & generations, & a esté manifesté en ces derniers tēps au genre humain: la manifestation duquel maints Prophetes & gens de biē, illuminez de la grace du sainct Esprit, ont prononcé en plusieurs sortes & manieres. Et tous regardans & *Heb. 11*
contemplant de loin leur salut futur, desiroient le voir present, & *Luc. 10*
ne l'ont veu, mais ceste derniere generation a meritē recevoir le Sauueur. Donc qui croira, & sera *Mar. 16*
baptisé, sera sauué, & qui ne croira, sera condamné.

91 HISTOIRE DE BARLAAM

Or Iosaphat luy dist : Je croy indubitablement tout ce que tu as dit, & honoreray le Dieu que tu m'annonces. Neantmoins expose moy le tout plus clairement, & m'enseigne ce que ie dois faire: & consequemment que c'est que le Baptisme, lequel tu dis qu'il faut que reçoive, celuy qui croit, A ce-cy respondit Barlaam: La racine & ferme fondement de la sainte Foy des Chrestiens, c'est la diuine grace du Baptisme, nettoiyât tous pechez commis, depuis que l'homme est nay, & faisant vn parfaict lauement de toute pollution de malice. Car nostre Sauueur nous a cōmandé, que fussions regenez par l'eau & le saint Esprit pour retourner à nostre premiere dignité, sçauoir est par oraison, & l'inuocation de luy, suruenât le saint Esprit. Car selon le commandement de nostre Seigneur, nous sommes baptisez au nom du Pere, du Fils, & du saint Esprit; & ainsi la grace du saint Esprit demeure

*Conuer-
sion de Io-
saphat.*

*Baptis-
me est le
fonde-
ment de
la Foy.*

Mat. 28

*Effets
du Ba-
ptisme.*

en l'ame de celuy, qui est baptisé,
l'illuminant, & la renouuellant à
l'image & semblace de Dieu. Alors
reiettans toutes les anciennes
œuvres de malice, nous sommes
iointés avec Dieu, & faisons vn
commencement de pure conuer-
sation, à ce què nous soyons cohe-
ritiers de l'incorruption des rege-
nerez, & que nous acquerions le
salut eternal. Car sans Baptisme
nul ne peut acquerir bonne espe-
rance, quand bien au demeurant il
seroit decoré de toute vertu. Car
le Verbe de Dieu fait homme, a
ainsi dit aux hommes. 31 En veri-
té, en verité ie vous dy, si vous
n'estes regenez de l'eau & du
sainct Esprit; vous n'entrerez
point au Royaume des cieux. Et
par tant ayant toutes choses, ie
te prie, qu'ayant receu la Foy en
ton ame, de toute affection &
desir tu reçois incontinent le
Baptisme, & que tu ne differes au-
cunement. Car le retardement
est dangereux, par ce que l'heure

94 HISTOIRE DE BARLAAM
de la mort est incertaine.

Or Iſaphat luy diſt : Et quelle eſt ceſte bonne eſperance, laquelle tu diſ qu'on ne peut obtenir ſans Bapteſme ? Et qu'eſt-ce que tu apelles le Royaume des cieux ? Et d'où as tu pareillement ouy les paroles de Dieu incarné ? Et qui eſt ce terme incertain, daquel vn grâd ſoin fiché en mon cœur conſommé en triſteſſe & douleur ma chair, & meſme ronge & mange la forte de mes os ? A ſçauoir quâd nous mourons, ſi nous ſommes reduits à neant, ou ſ'il y a quelque autre vie apres la preſente. Je diſire merueilleuſement ſçauoir ces choſes & ſemblables.

Or Barlaam reſpondit à toutes ces queſtiōs en la maniere qui ſenſuit. Ceſte bonne eſperance, dont iſay parlé, eſt du Royaume des cieux : laquelle langue d'homme ne ſçauroit déclarer. Car l'Eſcriture dit : Oeil n'a veu, ny oreille entendu, & cœur d'hōme n'a ſceu comprendre les choſes que Dieu a

1. Cor. 2
Eſa. 64

preparées à ceux qui l'aimēt. Mais
quād nous aurons despoillé ceste
grosse corruption de nostre chair,
& que nous serons par la grace de
Dieu paruenus à ceste beatitude,
alors celuy, qui no^r aura fait iouyr
de nostre esperance, nous ensei-
gnera, & donnera à cognoistre la
gloire de ces biens, qui surpasse
tout entendement, & la lumiere
ineffable, & la vie perpetuelle, &
la compagnie des Anges. Car si
nous receuons tant d'honneur, que
d'estre conioints à Dieu, entant
qu'il est possible à nature humaine
par luy nous cognoissons tout ce
que maintenant nous ignorons.
Car quant a moy, estant enseigne
des Eseritures saintes, i'estime sur
toutes choses le Royaume des
cieux en ce cōsister, que nous soy-
ons faicts proches de la sainte
Trinité, & soyons illustrez de sa
lumiere inaccessible, & plus clai-
rement à face descouuerte cōtem-
plions sa gloire. Que s'il est im-
possible de declarer par parolles

1. Tim³

6.

2. Cor. 3

96 HISTOIRE DE BARTHAAN
ceste gloire & lumiere, & ces biens
ineffables, il ne s'en faut esmer-
veiller: car ils ne seroient grands,
ny fort excellens, s'il estoit possi-
ble à nous terrestres & corrupti-
bles, & portans ceste grosse masse
de chair passible, les comprendre
en nostre entendement, ou expli-
quer par parole. Ces choses donc
ainsi cogneuës par la seule Foy,
croy indubitablement qu'il n'y a rien
feint, & te haste de paruenir par
bonnes œuures au Royaume eter-
nel: auquel quand tu seras parueniu,
tu auras la parfaite cognoissance.

Et quant à ce que tu demandes
comment nous auons ouy les pa-
roles de Dieu incarné, scaches que
nous les auons apprises du saint
Euangile. Car ce liure s'entitule
ainsi, à raison qu'il euangelize à
nous mortels, corruptibles & ter-
restres; immortalité, incorruptio,
& vie eternelle, & remission de
nos pechez: lequel a esté escrit
par ceux qui l'ont veu & ont esté
ministres de la parole, lesquels ne-

Notre Seigneur Iesus Christ a esleuz pour ses disciples & Apostres, & nous ont laissé par escrit apres son Ascension, la vie qu'il a menee en terre, sa doctrine & miracles, autant qu'il en denoit estre escrit. Car le principal de ces diuins Euangelistes dit à la fin de son Euangile: Il y a plusieurs autres choses qu'a fait & dit Iesus Christ. Quo si on les mettoit par escrit de poinct en poinct, ie croy que tout le monde ne pourroit comprendre les liures, qui en seroient composez.

Or en ce liure des Euangiles est contenuë l'histoire de son incarnation, manifestation, & miracles, escrite par l'esprit de Dieu. Par apres il y est fait mention de sa passion, laquelle il a soufferte pour nous, & de sa sainte resurrectiõ, qui fut trois iours apres: & de son ascension es cieux: finalement de sa seconde venuë, qui sera glorieuse & terrible. Car le fils de Dieu viendra derechef en terre, avec gloire ineffable, & multitude

*Mat. 28**Luc. 21*

93 HISTOIRE DE BARLAAM

Apo. 22 d'Ange, iuger le genre humain: &
Est. 16 rendre à chacun selon ses œuvres.
 Car Dieu, creant de terre l'homme
 au commencement (comme il est
Gen. 2. dit) inspira en luy le soufflement
 de vie, qui est appelé ame raison-
 nable & intellectuelle. Mais par
 ce que tous sommes condamnés à
 mourir, nous mourrons tous, &
 n'y a homme qui s'en puisse exem-
 pter. Or la mort est la separation
Gen. 3. de l'ame & du corps. Car ce corps
Eccle. 3 formé de terre, étant séparé de l'a-
 me, retourne en terre, dont il a
 esté formé, & se dissout par cor-
 ruption. Mais l'ame qui est immor-
 telle, elle va où Dieu luy coman-
 de, voire, pour dire mieux, où elle
 s'est préparé logis étant au corps.
Gal. 6. Car tout ainsi que l'homme con-
Apo 14 uersera en ce mode, il en sera payé
 de mesme en l'autre: & par après,
 plusieurs ans passez, nostre Sei-
Luc. 21. gneur Iesus Christ viendra en ter-
 rible en incomprehensible maie-
 sté, pour iuger le monde: De la
 crainte duquel les vertuz des cieux
 se mou-

se mouueront, & toutes les compa-
gnies des Anges assisteront en tre-
meur deuant luy. Alors à la voix ^{1. Theff.}
de l'Archange & trompette de ^{4.}
Dieu, les morts ressusciteront,
& assisteront à son throne espou-
uentable. Or la resurrection
est le rassemblement de l'ame &
du corps: & ce mesme corps qui se ^{1. Cor.}
corrompt & dissout, ressuscitera ^{15.}
incorruptible. Et ne doute aucune-
ment de cecy. Car il n'est pas im-
possible à Dieu, qui l'a formé de ^{De la}
terre au commencement, estant ^{resurre-}
retourné en terre, de laquelle il a- ^{ction.}
uoit esté tiré, de le faire derechef
ressusciter. Car si tu veux contem- ^{Genes. 2.}
pler, combien de choses Dieu a
créé de rien, ceste preuue te sera
suffisante. Car prenant de la terre,
il la fait l'homme, & a créé la ter-
re qui n'estoit au parauant. Com-
ment est-ce donc, que la terre a
esté faite homme, & comment a
elle esté faite, quand elle n'estoit
point? Mais quel fondement a-elle
sous soy? Et comment ont esté

produits d'icelle tant de sortes & especes d'animaux, & tant d'especes d'herbes & de plantes? Mais aussi considere maintenant nostre generation, laquelle procede de peu de semence espandue en la matrice. D'où vient donc, qu'un si grand corps est formé? A Dieu donc, qui a créé & cree tous les iours de rien toutes ces choses, il n'est pas impossible de resusciter de la terre les corps morts & reduits en poudre, à fin que chacun recoive payemēt selon les œuvres. Car ce temps present est le temps de besongne, & le futur de payement. Car comment se manifesteroit la iustice de Dieu, s'il n'estoit point de resurrection? Car maintes personnes iustes & de sainte vie ont esté fort vexees & tourmentees en ce monde, & meurtries en fin: & d'autres hommes de meschante vie, ont passé ceste vie en plaisirs & delices. Mais Dieu parce qu'il est bon & iuste, a ordonné le iour de la resurrection & iuge-

2. Cor. 5.

Mat. 16

Psal. 61

Ioan. 9.

ment, auquel toutes les ames reprendront leurs corps : & le meschant qui a eu du bon temps en ce monde, sera tourmenté pour les pechez qu'il a commis en ce monde : & l'homme de bien, lequel a esté icy affligé pour ses pechez, sera fait heritier du Royaume des cieux. Ceux qui sont és sepulchres & monumens, dit nostre Seigneur, orront la voix du Fils de Dieu, & ceux qui auront bien vescu, sortiront en resurrection de vie, & ceux qui auront mal vescu, en resurrection de mort & iugement. Quand les sieges & chaires seront posées, & l'Ancien des iours, qui est le Createur de tous, s'asseira, & les liures seront ouuerts, auxquels les œuvres, paroles, & pensées de tous seront escrites, & vn fleuve de feu roulera, qui manifestera toutes choses : Là ny aduocat, ne fard de langage, ne faulse excuse, ou puissance de richesses, ou excellence de dignitez, ou largesse de presens, ne pourront

Iean. 5.

Daniel.

1. Cor. 4.

peruertir le droit iugement : ains
ce iuste iuge pesera avec la balance
de iustice toutes actions , paroles
& pensees : & ceux qui auront bien
vescu, iront à la vie eternelle, s'es-
iouyr avec les Anges , & receuoir
les biens ineffables , & assister à la
saincte Trinité : & les pecheurs &
meschans , en damnation eternel-
le , qui se nomme Gehenne , & te-
nebres exterieures, & le ver qui ne
meurt point , & grincement de
dents, & plusieurs autres tourmés.

*Loyerdess
bons a-
pres le
iugemēt.*

*La pei-
ne des
meschās.*

*Chrysoſt
hom. 24.
in Mat.
c. 14.
in Epi.
ad Rom.
c. 1. pa-
ren. ad
Theod.
lapsum.*

Mais le plus grief de tous , c'est
estre separé de Dieu, & estre reiet-
té de sa face, & priué de ceste gloi-
re ineffable , & en la presence de
tout le monde estre en confusion
eternelle. Car apres que ceste sen-
tence sera donnée , toutes choses
demeureront immuables, & la res-
plendissante gloire & liesse inesti-
mable des iustes ne prendra fin,
mesmes ne finiront les miseres,
peines & tourmens des pecheurs :
& si apres n'y aüra iuge plus grand,
ne satisfaction par bonnes ceuures

même n'aura plus de lieu: il ne leur
 restera terme d'amendement, &
 n'y aura aucun moyen ny art, qui
 puisse ayder à ceux qui seroient tour-
 mentez, leur peine demeurant é-
 ternelle avec eux. Et comme ainsi
 soit que dit est, quels nous faut-il
 estre en sainte conuersation &
 bonne vie; à ce que puissions eui-
 ter tels tourmens, & estre à la dex-
 tre de Dieu? Car c'est à sa dextre
 que les iustes auront leur lieu: mais
 la place des miserables pecheurs
 sera à senestre. Par apres nostre Sei-
 gneur appellant les iustes, benits
 de son pere, leur donnera entree
 & iouissance du Royaume de Pa-
 radis: & chassant de deuant sa
 douce presence les maudits,
 avec ire & indignation,
 les plongera en cruels
 tourmens, durables
 en toute é-
 ternité.

Matt. 15



Ce qui est dit succinctement au precedent chapitre, est icy declaré de poinct en poinct, avec le tesmoignage des saintes Lettres.

Chapitre. 9.



Lors luy dist Iosaphat: O homme, tu me dis de grandes choses, magnifiques & admirables, & dignes de crainte & trement, s'il est ainsi que tu dis; & qu'il y a apres la mort & separation du corps, resurrection & regeneration, & ioye & lieuse, & gloire pour les bons, & pour les mauuais peine & tourment. Mais dy moy, comment prouaes-tu ce-cy: & comment, ayant appris ce qui n'a encores esté veu, tu le crois si manifestement & si constamment? Car quant aux choses qui sont ia passees, encores que ne les ayez veües, toute fois vous les auez

peu entendre des Historiographes: mais comment preschant telles & si grandes choses de ce qui est à venir, auez vous ferme certitude d'icelles? Barlaam luy respondit.

Des choses passées i'ay acquis certitude de celles qui s'ont à venir. Car ceux qui ont predict ces choses, n'ont en rien foruoyé de la verité: mais prouuans par signes & prodiges & diuerses vertus leur dire, ont parlé de l'aduenir. Comme donc icy il n'ont enseigné choses absurdes ny feintes, mais tout ce qu'ils ont dit & fait, a reluy plus clairement que le Soleil: en semblable, verité des choses futures ont-ils enseigné: ce que nostre Seigneur Iesus Christ a confirmé de parole & d'œuvre. En verité (dit-il) en verité ie vous dis, que l'heure viendra, que les morts oïront la voix du fils de Dieu, & ceux qui l'oyront, viuront. Dit encores: L'heure vient, en laquelle tous ceux qui sont aux sepulcres, oïront la voix du Fils de Dieu: & sortiront ceux

Iean. 12.

*Preuve
de la re-
surre-
ction des
morts.*

Luc. 20.

*Matth. 13
Luc. 8.*

Joan. 11.

qui ont bien fait, en resurrection de vie, & ceux qui ont mal vescu, en resurrection de iugement. Et dit derechef: De la resurrection des morts, n'avez vous point leu ce qui est escrit de Dieu, disant, Je suis le Dieu d'Abraham, le Dieu d'Isaac, & le Dieu de Jacob: Il n'est pas le Dieu des morts, mais des vivans, Car tout ainsi qu'on assēble la nielle, & qu'on la iette au feu, ainsi fera-il à la fin du monde. Le Fils de Dieu enuoyera ses Anges, & ils recueilleront tous scandales, c'est à dire, ceux qui font meschancoté, & les ietteront à la fournaise embrasée: Là sera leur & grincement de dents. Alors les iustes reluiront comme le Soleil au Royaume de leur pere. Disant cecy, il adionsta: Qui a oreilles pour ouyr, qu'il oye. Par telles paroles, & plusieurs autres, nostre Seigneur à predict & déclaré la resurrection de nos corps: & si l'a confirmée par ceuures, ressuscitant plusieurs morts, Car sur la fin de sa conuersation en

terre, il ressuscita le Lazare, l'un
des grands amis, quatre iours a-
pres qu'il fut decedé & enseuely,
estant ia puant & corrompu. Et da- *I. Cor.*
nantage nostre Seigneur mesmes a *15.*
esté fait primices de la resurrectiō *Rom. 6.*
parfaite, & non ia plus subiet à
mort, en ce que apres auoir gousté
la mort en chair, il ressuscita le
tiers iour, & fut fait le premier nay
des morts. Autres pareillemēt sont
ressuscitez de mort à vie: mais ils
sont morts derechef, n'ont peu
vivement représenter la semblan-
ce de la vie à venir: Mais nostre
Seigneur a esté Prince de resurre-
ction, ressuscitant le premier de
resurrection immortelle.

Or ces choses nous ont esté an-
noncees par ceux qui y ont esté
presens, & ont esté ministres de
la parole. Car saint Paul, la voca- *Galat. 1.*
tion duquel n'a esté des hommes,
ains du ciel, dit il vous manifeste,
mes freres, l'Euāgile que ie vous ay
preschee. Car ie vous ay baillé ce
que i'ay receu: c'est que nostre Sei-

gneur Iesus Christ est mort pour
 nos pechez selon les Escritures, &
 Rem. 4. a esté enseuely, & est resuscité se-
 lon les escritures. Or si Iesus Christ
 est resuscité des morts, comment
 aucuns disent-ils, qu'il n'y a point
 de resurrection des morts? Car si
 Act. 17. les morts ne ressuscitent point, Ie-
 sus Christ n'est point resuscité: &
 si Iesus Christ n'est point resusci-
 té, vostre foy est vaine: car vous e-
 stes encores en vos pechez. Si nous
 estions esperans en Iesus Christ
 seulement en ceste vie, nous serions
 les plus miserables de tous. Mais
 maintenant Iesus Christ est ressu-
 scité des morts, les primices des
 dormans. Car par vn homme la
 mort a prins commencement, &
 par vn homme la resurrection des
 morts. Et tout ainsi comme en A-
 dam tous meurent, & de mesmes
 en Iesus Christ tous seront viuifiez.
 Et peu apres: Il faut (dit-il) que ce
 corps corruptible reueste incorrup-
 tion, & ce corps mortel reueste
 immortalité. Or quand ce corps

fera reuestu d'immortalité, alors
fera accompli ce qui est escrit: La
mort a esté ruynee en victoire:
Mort, où est ta victoire? Mort, où
est ton aiguillon? Car alors la ver-
tu de la mort sera entierement de-
struire, & perira, n'ayant plus de
puissance: mais immortalité & in-
corruption: eternelle sera donnee
aux hommes.

Certainement & indubitable-
mēt sera la resurrection des morts:
& croyons cecy fermement. Et si
ne doutons aucunement, que ne
viene la gloire des iustes, & le
supplice des meschans, au iour de
l'espouuantable aduenement de Ie-
sus Christ, auquel les cieux seront
dissous par feu, & les elemens fon-
dront de chaleur, comme dit vn
des saints: selon la promesse, nous ^{1. Pet. 2.}
attendons des cieux nouveaux, &
vne terre neuue. Car il y aura re-
tribution des bonnes œuvres &
des mauuaises, & n'y restera rien,
qui ne soit bien disputé & exa-
miné.

110 HISTOIRE DE BARLAAM

Or qu'il faille rendre compte des-
œuvres, & pensées & paroles, no-
stre Seigneur l'atteste, en disant:
Quiconque aura donné à l'un de
mes plus petits un verre d'eau froi-
de seulement au nom du Disciple,
il ne perdra point son salaire. Et
dit derechef: Quand le fils de l'hô-
me viendra en sa maiesté, & tous
ses Anges avec luy, alors il se sierra
sur le siege de sa maiesté, & toutes
gens & nations seront assemblees
deuant luy, & il les separera les uns
des autres, ainsi que le berger sepa-
re les brebis, d'avec les cheureaux:
& mettra les ouailles à sa dextre,
& les cheureaux à sa fenestre. A-
lors le Roy dira à ceux qui seront
à sa dextre: Venez benits de mon
Pere, possédez le Royaume qui
vous est préparé dès la foundation
du monde. Car j'ay eu faim, & vous
m'avez donné à manger: j'ay eu
soif, & vous m'avez donné à boire:
j'estois estranger, & vous m'avez
logé: j'estois nud, & vous m'avez
vestu: j'estois malade, & vous

Matth.
25.

*Sentence
finale
sur les
bons &
mauvais.*

m'avez visité : l'estois en prison,
& vous m'estes venu voir. Pour-
quoy dit-il cecy : si nō par ce qu'il
reçoit la misericorde que nous fai-
sons aux pauvres & indigens, com-
me cy elle estoit faicte à luy mes-
me ? Et dit autre part : Tout hom-
me qui m'aura confessé deuant les
hommes, ie le confesseray pareil-
lement deuant Dieu mon Pere qui
est es cieux.

Luc. 12

Voicy, en ses passages & plu-
sieurs autres ou il a monstré, que
les retributions des bonnes œu-
res sont fermes & stables : & pa-
reillement a predict les tourmens,
qui sont reservez pour les mauuai-
ses œuvres : Auncunes fois introdui-
sant vn certain riche, vestu de
pourpre & de soye, faisant iour-
nellement grand chere, & neant-
moins chiche & malpitieux enuers
les pauvres, de façon qu'il ne tint
compte du pauvre lazare, languis-
sant de faim à sa porte & de mal-
aise, auquel il ne voulut pas seule-
ment donner les miettes de pain,

Luc. 16

*Histoire
du mau-
vais ri-
che.*

EL2 HISTOIRE DE ABRAHAM

qui tomboient de sa table. Or tous les deux estans decedez, ce pauvre vlcéré fut porté au sein d'Abraham (appellât ainsi le repos des iustes) & le riche fut enseuely en enfer, aux flâmes & tourmēs. A qui aussi Abraham dist: Tu as receu des biēs en ta vie, & le Lazare des maux: mais maintenant il est consolé, & toy tourmenté.

Mat. 22 Et en autre lieu, il compare le Royaume des cieux à vn Roy, qui

Parabole du banquet nuptial. fit le banquet nuptial de son fils, denotant ainsi la lieffe & splēdeur à venir. Car aux gens terrestres & addonnez au monde, il proposoit paraboles de choses par eux accoustumees & cogneuës: neantmoins il ne leur vouloit faire entendre, qu'en ceste eternité à venir y eust nopces & bâquets, mais condescendant à la grosseur de leur entendement, vloit de tels termes, leur voulant faire entendre les choses à venir. Le Roy donc (dit-il) inuita chacun à

haute voix , qu'il eust à se trouuer
 au festin , pour se repaistre de ces
 biens ineffables. Or plusieurs de
 ceux qui furent conuiez , ne vin-
 drent point , ains s'occupans l'un
 à sa metairie, l'autre en sa marchan-
 dise , l'autre en se mariant , se
 priuerent par tel moyen tous de
 la splendeur de l'espoux. Et eux
 s'estans ainsi volontairement reti-
 rez de la delectable liesse, autres
 furent appelez , qui se saisirent
 de leurs places , & remplirent les
 tables. Or le Roy entrant dans la
 salle , & contemplant ceux qui
 estoient à table , il en veit vn qui
 n'auoit point sa robbe de nopces,
 & luy dist : Amy, comment es-tu
 entré n'ayant point ta robbe nu-
 ptiale ? Et il se teut. Alors le Roy
 dist à ses ministres & seruiteurs :
 lettez le moy les mains & pieds
 liez es tenebres exterieures : la
 ou il y aura pleur & grincement de
 dents. Or ceux qui refuserent ve-
 nir, & furent desobeissans du tout

*Inter-
 pretatio-
 de la pa-
 rabole.*

font ceux qui veulent venir à la foy de Iesus Christ, mais persistent ou en idolatrie, ou en quelque heresie. Et celuy qui n'auoit point sa robe de nopces, il est vray qu'il est fidelle, mais par vilains actes il a souillé sa robe spirituelle, & à bon droit il est deietté du festin des nopces.

Et adioint encores vne parabole
Mat. 25 conuenante à ceste-cy, mettant en
 auant dit Vierges, desquelles y en
 auoit cinq sages & prudentes, &
 cinq folles. Et ces folles prenants
 leurs lampes, ne prindrent point
 d'huyle avec, & les sages s'en pour-
 ueurent de bõne heure. Par l'huyle
 il signifie la possession de bonnes
 œuures. Or sur la minuiet (dit-il)
 il s'est fait vne clameur : Voicy,
 l'espoux vient, allez au deuant de
 luy. Par le milieu de la nuit, il de-
 note l'incertitude du iour. Alors
 toutes ces vierges se leuerent, &
 celles qui estoient prestes, allerent
 au deuant de l'espoux, & entrèrent
 avec luy aux nopces, & la porte

*La pa-
rabole
des Vier-
ges.*

fut fermee. Et celles qui n'estoient pas prestes , lesquelles conuenablement il a appellees folles, voyans leur lampes s'estaindre à faute d'huyle, allerent en acheter. Or retournees qu'elles furent, les portes estoient ia fermees , elles crioient endisant: Seigneur, Seigneur ouure nous la porte. Et luy leur respondant, dist : En verité, en verité, ie vous dis, que ie ne vous cognois point. Donc de tout ce que dit est, il est manifeste, que l'homme sera puny à l'aduenir, de ses mauuaises œuvres, paroles, & pensées. Car nostre Seigneur a dit: Io vous dis, que toute parole oiseuse, *Mat. 12* que les hommes auront preferée, ils en rendront compte au iour du Iugement. Et de rechef : Les cheueux, dit il , de vostre teste sont *Mat. 10* tous nōbrez: denotant par les cheueux, mesmes les plu, petites pensées, & discours d'entendement.

Sainct Paul pareillement nous *Heb. 4* enseigne le mesme , quand il dit: La parole de Dieu est viue, & d'es-

116 HISTOIRE DE BARLAAM
ficace, & plus penetrante qu'un
cousteau tranchât des deux costez,
attaignant iufques à la diuifion de
l'ame & du corps, & des nerfs
& mouëllles, & difcerne les pen-
fées & intentions du cœur, & n'y
a creature inuifible deuant luy, &
toutes chofes font nues & ouuer-
tes à fes yeux.

Les Prophetes auffi illuminez de
la grace du fainct Efprit, nous ont
long temps au parauant manifefté-
ment annoncé le mefme. Car Efaie
dit en la perfonne de Dieu: le fçay
leurs œuures, & leur rëndray. Voi-
cy, ie viés afsembler toute gent &
langue, & viendront, & verront
ma gloire, & y aura vn ciel nou-
ueau, & vne terre nouvelle, lesquels
ie fais demeurer deuant moy. Et tou-
te chair viendra, & adorera en ma
prefence, dit le Seigneur. Et forti-
ront, & verront les charongnes
des hommes, qui ont peché cõtre
moy. Car leur ver ne mourra poit,
& leur feu ne s'estaindra iamais,
& feront en vouë de tout le mode.

Et dit derechef de ce iour : Et le ciel sera plié cōme vn liure, toutes les estoiles cherront comme fueil. les de vigne. Car voicy, le iour du Seigneur vient, plein du fureur & d'ire, pour mettre en desert toute la terre, & perdre les pecheurs qui y sont. Car les astres du ciel, & l'Orion, & tout l'ornement du ciel, ne donneront point de lumiere. Et le iour s'obscurcira le Soleil ia leué, & la Lune ne donnera point sa lumiere. Et dit derechef: Malheur *Esa. 9.* à vous, qui tirez iniquité en cordes de vanité, & de peché cōme le lien d'un chariot. Malheur à vous, qui appelez le bien mal, & le mal bié, mettans l'amer en doux, & le doux en amer. Malheur à vous qui estes puissans pour boire vin, & hōmes forts pour meller yvrognerie : qui iustifiez le meschant pour ses presens, & ostez du iuste sa iustice: qui peruertissez le iugement des pauvres, & ravissez la substance des indigens ; à ce que la veufue vous soit en rapine, & l'orphelin

118 HISTOIRE DE BARLAAM

en proye. Et que ferez vous au iour de la uisitation, & à qui irez vous à refuge, & où laisserez vous vostre gloire ? Il vous aduiendra comme à l'estoupe, qui est bruslee par le feu, & sa racine est consumee par iceluy, & sa fleur s'en va comme poudre. Car vous avez reietté la loy du Seigneur des armées.

Soph. I. Et un autre Prophete accordant à cecy, dit : Le grand iour du Seigneur Dieu est prochain, prochain & grandement uisté. La voix du iour du Seigneur est amere : là le fort sera affligé. Ce iour est le iour d'ire, iour de tribulation & d'angoisse, iour de calamité & de misere, iour de tenebres & d'obscurité, iour de nuees & de tourbillon, iour de trompette & de claior sur les citez munies, & sur les angles hauts. Et ie verray les malins, & chemineront comme aveugles, par ce qu'ils ont peché contre le Seigneur. Et leur sang sera espandu comme terre, & leur corps comme fiente. Et aussi leur or ny leur argent ne les

poura deliurer au iour de la fureur du Seigneur. Au feu de son zele toute la terre sera deuoree : car il fera cōsommation soudaine à tous les habitans de la terre.

Dè mesme le Roy Dauid grand Prophete de Dieu a tins tel langage : Dieu viendra manifestement, nostre Dieu, & ne se taira point. Vn feu ardra deuant luy, & à l'entour de luy aura vehemente tempeste. Il appellera le ciel d'enhault & la terre, pour discerner son peuple. Dit de rechef : Dieu, leue toy, & iuge la terre : car la pensee de l'homme se confessera à toy, & tu rendras à vn chacun selon ses œures. Or ce bon Dauid, & les autres prophetes inspirez du saint Esprit, ont predit plusieurs autres choses du iugement à venir, & du payement d'un chacun : & nostre Sauueur confirmant leurs paroles, nous a presché la resurrection des morts, & la retribution des œures, & la vie immortelle du siecle à venir.

Psalme
77.



Iosophaat espouuanté des propos de Barlaam, fondant en larmes, luy demande conseil de son salut: lequel luy recommandant le Baptisme, luy narre le salaire de ceux qui se conuertissent à Dieu.

Chapitre. 10.

Iosaphat redoute le grand iugement.



IOSAPHAT ayât ouy ces propos, fut grandement esmeu en son cœur, & fondât tout en larmes, dist au vieillard: Tu m'as fait entendre apertement tout ce que i'ay demandé, & m'as clairement recité choses terribles & admirables. Ces choses donc nous estās proposees, ie te supplie dy moy ce qu'il faut que ie face, à ce que i'euade les peines preparees aux pecheurs, & que ie merite de iouyr avec les iustes du Royaume des cieux.

Barlaâ luy respondit: Il est escrit, que saint Pierre, qui a esté appellé Prince des Apostres, enseignât les Juifs, ils furent desplaisans comme tu es maintenant. Et eux disans, Que ferons nous? Il leur dist: Faites penitence, & que chacun de vous soit baptisé en remission de ses pechez, & vous receurez le don du saint Esprit. Car la promesse vous est faite, & à vos enfans, & à tous ceux qui sont esloignez, lesquels Dieu aura appelez. Dôc pareillemēt en toy il a espandu abondamment sa misericorde, & t'a appellé, cōme tu fusses fort esloigne de luy de volonté, & que tu adorasses, non des dieux, mais des diables, & idoles muetz & insensibles. Parquoy deuant toutes choses approche toy de celui qui t'a appellé, duquel tu apprendras la vraye cognoissance des choses visibles & invisibles. Mais si apres auoir esté appellé, tu refuses de venir, ou que tu differes, du iuste iugement de Dieu tu seras desherité. Car ainsi l'a dit saint

Pierre à l'un de ses disciples. Mais de ma part, ie croy que tu as obey à ta vocation, & que y obeissant encores plus manifestement, tu prèdras la croix, & suyuras le Seigneur Dieu qui t'appelle de la mort à la vie, & de tenebres en la lumiere. Car l'ignorance de Dieu vrayement sont tenebres & mort de l'ame: & servir aux Idoles pour se perdre, me semble que c'est la folie de toutes la plus grande.

Mais à qui les compareray ie? & quel exemple de leur folie te pourray ie depeindre? Neantmoins ie t'en produiray vn exēple, qu'un sçauant homme m'a recité: qui disoit, que ceux qui adorent les Idoles, ressemblent à vn oiseleur qui print vn petit Rossignol: & prenant son cousteau pour luy couper la gorge, & le manger. Pouvoir de parler fut donné à ce Rossignol, & dist à cest oiseleur: ô homme, que te profitera ma mort? car tu ne pourras remplir ton ventre de moy: mais si tu me laisses aller,

ie te

D'un
Rossi-
gnol.

ie te donneray trois reigles, lesquelles si tu gardes, tu en tireras grand profit toute ta vie. Luy donc esmerueillé de ce langage, luy promit, que s'il entendoit quelque chose de nouveau de luy, soudain luy donneroit les champs. Parquoy le Rossignol luy dist: Iamais ne t'esfaye d'attrapper ce qui ne se peut attrapper: & ne te fasche de chose que tu as perduë, laquelle tu ne peux reconuïr: & ne croy iamais vne parole incroyable. Garde ces trois reigles, & il t'en sera bien. Or l'homme admirant le grand sens de ces paroles, luy donna les champs. Mais le Rossignol voulant esprouuer, s'il auoit entendu la vertu des paroles, qu'il luy auoit dites, & s'il en auoit fait son profit, luy dit volant en l'air: Pauvre miserable, que tu es mal-aduisé! & quel thresor tu as aujourd'huy perdu! Car il y a en moy estomac vne perle plus grosse que n'est l'œuf d'une Autruche. Dès que l'oyseleur eut ouy ce langage, il fut merueilleusement fasché, & se re-

*Adver-
tissement
du Ros-
signol.*

pentit de ce que le Rossignol luy
 estoit eschappé des mains : & s'es-
 fayant de le prendre derechef, luy
 dit, Viens t'en en ma maison, & ie
 te feray toute humanité, & puis ie
 te donneray honorablement con-
 gé. Alors luy dit le Rossignol : Je
 cognois maintenant certainement
 que tu es vn fol. Car escoutât prō-
 ptement & volōtiers ce que ie t'ay
 dit, tu n'en as tiré aucun fruit. Je
 t'ay dit que tu ne te fasche point de
 chose perdue, laquelle tu ne peux
 recourir. Je t'ay aduertiy de n'es-
 sayer de prendre vne chose qui ne
 se peut prendre, & tu t'essayes de
 me prendre, combien que tu ne
 puisses tenir mon chemin. Je t'ay
 pareillement admonesté de ne
 croire ce qui est incroyable, & voi-
 cy tu as creu qu'il y eust en mon
 ventre vne perle plus grosse que
 l'œuf d'une Autruche, & tu n'as
 point considéré, que tout entier ie
 ne suis pas aussi gros que ledit œuf :
 comment donc pourray-ie conte-
 nir en mon ventre vne telle per-

*Le Ros-
 signol
 reprend
 l'oyse-
 leur.*

le? Ainsi sont fols ceux qui se confientés Idoles: car ils les forgent de leurs mains, & adorerent ce que leurs doigts ont-formé, difans: Se font ceux cy, qui nous ont creez. Comment donc estiment-ils ceux là estre leurs creatures, lesquels eux mesmes ont formez? Dauantage, les gardans soigueusement, de crainte qu'on ne les desrobe, ils les appellent neantmoins gardes de leur salut. Mais qu'elle folie est-ce, de ne cognoistre pas que ceux qui ne se peuuent garder d'eux-mesmes, ne pourront garder les autres? Ils espuisent leurs thresors, esleuans des statuës & simulachres aux diablës: & fols qu'ils font, disent que ce sont ceux de qui ils tiennent les biens, lesquels oncques n'ont possédé, ny ne possederont iamais. Parquoy il est escrit: Ceux qui les forgent, soyent faits semblables à eux. Ils louënt vn ouurier pour argent, qui les forge: & apres se prosternent deuant eux, & les adorët. Et par apres il les iettent

sur leurs espaulles, & les portent
 mais s'il les posent en quelque place, ils n'en bougēt. Et qu'ils crient
 tant qu'ils voudront à eux, ils ne
 les exauceront point, & ne les deliureront point de leurs afflictions
 & dangers. Et partant soyent confus ceux qui se confient es Idoles:
 qui dient à ces Dieux forgez, Vous estes nos Dieux. Ils ont immolé
 aux Diables (dit Moyse) & non à Dieu, aux Dieux qu'ils ne cognois-
 soient point. Il en est venu de nou-
 ueaux & recents, que leurs peres
 n'ont point adorez. Par ce, ceste
 generation est peruerse, & n'y a
 point de foy en eux

Deut.
 31.

Or Dieu t'a appelé de ceste generation mauuaise & infidele, te
 disant: Sors du milieu d'entr'eux,
 & t'en separe, & ne touche ce qui
 est immunde, mais sauue toy de ceste
 generation. Loue toy & t'en va,
 car tu n'as point de repos en icelle:
 car il y a entre vous plusieurs
 Dieux desordōnez & feditieux, ou
 plus tost nuls. Mais entre nous n'y

À point plusieurs Dieux & Seigneurs,
 mais vn Dieu le pere, duquel tout
 depend, & nous en luy, & vn Sei- Heb 1.
Colos. 1.
 gneur Iesus Christ, par lequel tout
 est fait, & nous par luy, lequel est
 l'image de Dieu inuisible, premier
 n'ay de toute creature, & de tous
 les siecles: par ce qu'en luy sont
 creées toutes choses, & qui sont au
 ciel, & qui sont en terre, visibles &
 inuisibles soyent les thrones, soyent
 dominations, soyent principautez,
 soyent puissances: Tout par luy, &
 sans luy rien n'a esté fait. Et vn
 saint Esprit, auquel toutes choses
 sont creées, Seigneur & viuisant,
 Dieu & deifiant, Esprit bon, Esprit Iean. 1.
 droict, Esprit consolateur, Esprit
 d'adoption. Chaque de ces trois
 personnes separément considerée,
 est Dieu, Quel est le Pere, tel est le
 Fils, tel est le saint Esprit. Mais en
 ces trois personnes n'y a qu'un
 Dieu, vne nature, vn regne, vne
 puissance, vne gloire, vne substan-
 ce: la diuision est seulement es per-
 sonnes, mais en deité y a vunité.

Car il y a vn Pere , auquel est propre n'estre point engendré: vn Fils vnique, auquel est propre estre engendré: & vn saint Esprit, qui procede des dieux. Car ainsi nous voyans le Fils lumiere du Pere, lumiere, sommes viuifiez & sanctifiez au saint Esprit lumiere, glorifians vne deité en trois personnes: & luy est le vray & seul Dieu, cōgnu en Trinité: Par ce, de luy, & par luy, & en luy sont toutes choses. Et mesmes ayant eognoissance de toy par la grace, j'ay esté enuoyé pour t'enseigner ce que j'ay appris, & de tout temps gardé iufques à ma vieillesse. Si donc tu crois, & reçois le baptisme, tu seras sauué: & si tu ne crois, tu seras damné. Car ces choses que tu vois aujourd'huy, & lesquelles tu te plais c'est à dire la gloire, les delices & richesses, & toutes les piperies de ceste vie, passent tost, & te ietteront hors de ce monde, voire malgré toy, & ton corps sera enfermé en vn petit sepuchre, seul, delaislé

Rem. II

*Marc.
16.*

& abandonné de tous parens & amis: & les delectations du monde s'écouleront, & au lieu de la beauté présente en odeurs & parfums, succedera vilenie bien grande & puante corruption. Et quand à l'ame, elle sera plongee és enfers, iufques au iour du iugement final, quand derechef ayant repris son corps, sera reiettee de deuant Dieu, & liuree au feu eternel. Ces choses t'adiendront, & encores pires, si tu persistes en infidelité.

Mais si franchement tu obeys à celuy qui t'appelle à salut, & viens à luy avec ioye & desir, & que tu marches en sa lumiere, & que tu le suynes de tout ton cœur, reiettant toutes choses pour adherer à luy seul, escoute quelles seuretez & delectations tu auras. Si tu es assis, tu seras asseuré: si tu dors, tu reposeras ioyeusement, & ne craindras la terreur suruenante, ny l'enuahissement des Diables, mais tu te maintiendras asseuré comme vn Lyon, & viuras en liesse,

- & te refiouras eternellement:
 Car exultation viendra sur ta teste,
 louange & liesse te faistra, toute
 douleur & tristesse & souspiss ne
 seront plus. Alors ta lumiere sorti-
 ra comme le matin, & ta santé
 plustost se leuera: & ta iustice ira
 deuant ta face, & la gloire du Sei-
 gneur courra. Alors tu inuoke-
 ras, & le Seigneur t'exaucera. Tu
 crieras, & il dira, Me voicy: Car
 c'est moy qui efface tes iniquitez,
 & ne m'en souuendra plus. Dy tes
 iniquitez, & ce que tu sois iustifié.
- Esa. 1.* Si tes pechez sont comme escarla-
 se, ils seront blanchis com-
 me neige: & s'ils sont rou-
 ges comme vermeillon,
 deviendront blancs
 comme laine. Car la
 bouche du sei-
 gneur a dit
 cecy.



*Après qu'on a receu le baptesme, il faut
joindre les bonnes œuvres à la Foy:
Et à ceux qui ont peché après le ba-
ptesme, le baptesme de l'âme & de
penitence est nécessaire.*

Chapitre. II.

IOſaphat luy diſt: tou-
tes tes paroles ſont
bonnes & admirables
leſquelles i'ay creu, &
les croy, hayſſant de
cœur toute la ſervitude des Idoles,
meſmes devant que tu vinſſes:
car ie n'ay iamais eu certaine affe-
ction en leur endroit. Mais mainte-
nant ie les hay plus fort que iamais,
apprenant de toy la vanité & folie
de ceux qui les adorent, & deſire
eſtre ſerviteur du vray Dieu, ſi tou-
teſois il ne me repouſſe pour mes
iniquitez. Mais i'ay confiance qu'il
me remettra mes pechez, par ce
qu'il eſt benin & miſericordieux,
comme tu maintiens. Et partant ie

132 HISTOIRE DE BARLAAM

fuis prest de receuoir le baptisme, & accomplir tout ce que tu m'as dit. Mais ie te prie, dy moy que c'est qu'il me faudra faire ayant esté baptisé, & s'il suffist à salut, croire & estre baptisé, ou s'il est requis quelque chose d'auantage.

Alors Barlaam luy dit: Escoute ce qu'il conuient faire apres le baptisme. Il se faut abstenir de tous vices & pechez, & edifier sur le fondement de droicte foy operation de vertus: par ce que la foy sans les œuvres est morte, ainsi comme les œuvres sans la foy. Car l'Apostre dit, cheminez selon l'esprit, & vous n'accomplirez point les desirs de la chair. Or les œuvres de la chair sont manifestes, qui sont adulteres, fornication, immondice, luxure, adoration des Idoles, empoisonnemens, inimitiez, débats, enuies, ires, batteries, dissensions, sectes, homicides, auarice, maledictiōs, l'amour des voluptez, yrongeries, gourmandises, & choses semblables. Et vous predis, comme ie vous ay la

*La foy
ne suf-
fist sans
les œu-
res.*

*Jac. 1.
Gal. 5.*

predit, que ceux qui commettent tels crimes, ne parviendront point au Royaume de Dieu. Et le fruit de l'esprit est charité; ioye, paix, patience, longue attente, bonté; douceur, foy, chasteté, sanctification du corps & de l'ame, humilité & contrition de cœur, aumosne, oubliance d'iniure, humanité; veille, diligence penitence des pechez commis, larmes de repentence, dueil tant de ces pechez, que de ceux de son prochain, & choses semblables, lesquelles comme certains eschelons ioincts ensemble, & appuyees les vnes aux autres, eleuent l'ame en Paradis.

Voicy, il nous est expressement enioinct apres le baptesme de nous excercer en ces vertus, & nous abstenir de ce qui y contraire. Que s'il aduient qu'apres auoir receu la cognoissance de verité, nous accomplissons derechef ces ceures mortes, & que comme le chien retournions à nostre

2. Pet.

2.

Lec. II.

vomissement, il nous aduiendra ce que nostre Seigneur a dit en ces termes : Quand l'esprit immunde sera sorty de l'homme, sçauoir est par la grace du baptesme, il chemine par chemins sans eau, cherchant repos, & il ne le trouue point. Et ne pouuant errer sans maison, il dit, Je retourneray à la maison de laquelle ie suis sorty, & y venant il la trouue nettoyée & ornee, c'est à dire vuide & vacante, & qui n'a point prins la grace d'operation, & ne s'est point enrichie des richesses de vertus. Alors il va, & prend sept esprits plus meschans que luy, & entrentz quils y font, y re-stablissent leur demeure: & les derniers iours de cest homme deuiennent pires que les premiers. Car vray est, que le baptesme efface tous les pechez du passé, les enter-rant en l'eau, & apres ce nous est vn fort mur & rampart, & fortes armes contre l'ennemy: mais il ne destruit le liberal arbitre, & n'oste point les pechez commis apres le

baptême, & ne se peut reïterer. Et partant se doibt on garder soigneusement de retomber en l'ordure de peché, ains plus tost s'exercer à l'observance de la loy de Dieu. Car nostre Seigneur disant aux Apostres: Allez enseigner toutes nations, les baptisans au nom du Pere, du Fils, & du saint Esprit: adiousta par apres, Les admonestant garder tout ce que ie vous ay commandé.

Marc.
16.

Or a il commandé que nous fusions pauvres desprit, lesquels il dit bié heureux, & dignes du Royaume des cieux. Apres il enioint que nous pleurions en ceste presente vie, à ce que nous soyons faits dignes de la consolation à venir. Veut pareillemēt que nous soyons doux, desirans de iustice misericordieux, donnans facilement, dolens du mal d'autrui, nets de cœur, esloignez de toute pollution de corps & d'ame. Que ayons paix tant ennens les autres que nos ames: c'est à sçavoir, assuiettissans

Mat. 9.

136 HISTOIRE DE BARLAAM

le moindre au plus excellēt, & refrenans, par droict iugement, la perpetuelle guerre qui est en nous. Il veut d'auantage, que soustenions toute persecution, & toute tribulation & reproche qu'ō nous fera pour iustice, & pour son saint nom, à ce que meritions obtenir ioye eternelle au iour du iugemēt final. Pareillement a cōmandē, que nostre lumiere luise deuant les hommes, à ce que voyans nos bonnes operations, ils glorifient nostre pere qui est es cieux. Car la loy de Moysē, laquelle fut iadis donnee aux enfans d'Israël, dit: Tu ne tueras point, tu ne paillarderas, tu ne desrobberas, tu ne porteras faulx tesmoignage: Et nostre Seigneur dit, que tout homme qui se courrouce à son frere sans cause, sera coupable au iugement. Qui l'appellera fol, sera digne de la gehenne du feu. Et si tu offres ton offrande sur l'autel, & que tu te souviennes que ton frere a quelque chose cōtre toy, laisse ton present deuant

Ibidem

*La loy
Euangeli-
que.*

l'autel, & va premieremēt te recō-
 cilier à tō frere. Dit encores: Tout
 homme qui regarde vne femme la
 desirant, ia il a cōmis adultere en
 sō cœur, appellāt la pollutiō de l'a-
 me, & consentemēt à peché, adul-
 tere. D'auantage la loy defendant
 le parjure, nostre Seigneur a defen-
 du tous iuremens, permettant seu-
 lement que lon die: Il est ainsi, il
 n'est pas ainsi. En ceste ancienne
 loy estoit dit, Œil pour œil, &
 dent pour dent: Mais en la nou-
 uelle il est dit, Si quelqu'un t'a
 frappé en la iouë, presēte luy lau-
 tre pour en receuoir autant. Dit
 encores: Si quelqu'un veut plaider
 cōtre toy, & te tollir ta iaquette,
 laisse luy encores ton manteau: Et
 quicōque t'aura fait fouruoyer de-
 my lieuë, va avec luy encores vne
 lieuë. Si quelqu'un te demāde quel
 q̄ chose, baille la luy & si tō prochaĩ
 t'ēprunte argēt, ne luy refuse. Vous
 auez ouy ce qui est escrit: Tu aime-
 ras ton prochain, & te hayras ton
 ennemy. Et moy ie vous dis, aimez

...
 ... à ceux
 ... pour
 ... de ca-
 ... enfans de
 ... lequel
 ... les
 ...
 ...
 ... loyez
 ... vous sera
 ... des chre-
 ... & la
 ... larrons
 ... The-
 ... au ciel,
 ... ont puis-
 ... ne peut def-
 ... or,
 ... No
 ... en votre ame,
 ... manger, ny
 ... le
 ... que est
 ... que vous
 ... ces corps. Donc
 ... & le corps,
 ... dequoy le

nourrir & le vestir, luy qui nourrit les oiseaux du ciel, & les decore de telle beauté. Parquoy cherchez en premier lieu le Royaume de Dieu, & sa iustice, & toutes ces necessitez vous seront donnees. Ne soyes soigneux du lendemain: car le iour de demai sera soigneux pour soy mesmes. Tout ce que voulez que les hommes fassent pour vous, faites pour eux le mesme. Entrez par la porte estroite; par ce que la porte est fort large, & le chemin aussi qui conduit es enfers & plusieurs entreront par là. Et la porte est estroite, & le chemin qui mene à la vie eternelle, & peu de gens le suyuient. Tout homme qui me dit, Seigneur, Seigneur, n'entrera pas au Royaume des cieux: mais celuy qui accomplira la volenté de mon pere qui est es cieux. Qui aime son pere ou sa mere plus que moy, il n'est digne de moy.

Mat. 7.

Mat. 10.

Voicy, nostre Sauueur a commandé à ses Apostres ces choses, & plusieurs autres, pour les ensei-

238 HISTOIRE DE BARLAAM

vos ennemis , faites bien à ceux qui vous hayssent, & priez pour ceux qui vous persecutent & calomnient, à ce que soyez enfans de vostre pere qui est es cieux, lequel fait leuer & luire son Soleil sur les bons & mauvais, & pleurt indifferemment sur les iustes & iniustes.

Luc. 6. Ne iugez point, à ce que ne soyez iugez Pardonnez, & il vous sera pardonné. Ne thesaurisez des thresors en terre, où la rouille & la tigne gaste tout, & où les larrons

Mat. 6. Fouyssent , & desrobent. Thesaurisez vous des thresors au ciel, où la rouille & la tigne n'ont puissance, & où le larron ne peut desrober. Car là où est ton thresor, la pareillement est ton cœur. Ne soyez sollicitoux en vostre ame, que c'est que vous mangerez , ny pour vostre corps, de quoy vous vestirez : Car vostre pere qui est es cieux , sçait fort bien que vous avez besoin de ces choses. Donc luy qui a donné l'ame & le corps, certainement donnera de quoy le

nourrir & le vestir, luy qui nourrit les oiseaux du ciel, & les decore de telle beaulté. Parquoy cherchez en premier lieu le Royaume de Dieu, & sa iustice, & toutes ces necessitez vous seront donnees. Ne soyes soigneux du lendemain: car le iour de demain sera soigneux pour soy mesmes. Tout ce que voulez que les hommes facent pour vous, faites pour eux le mesme. Entrez par la porte estroitte; par ce que la porte est fort large, & le chemin aussi qui conduit es enfers & plusieurs entrēt par là. Et la porte est estroitte, & le chemin qui mene à la vie eternelle, & peu de gens le suyuient. Tout homme qui me dit, Seigneur, Seigneur, n'entrera pas au Royaume des cieux: mais celuy qui accomplira la volonté de mon pere qui est es cieux. Qui aime son pere ou sa mere plus que moy, il n'est digne de moy.

Mat. 7.

Mat. 10.

Voicy, nostre Sauueur a commandé à ses Apostres ces choses, & plusieurs autres, pour les ensei-

gner aux fideles. Et le deuons garder si nous desirons venir à perfection, & gagner la couronne im-

1. Pet. 5. corruptible de iustice, laquelle

2. Tim. Dieu iuste donnera à ce grád iour
4.

à tous ceux qui l'aiment. Iosaphat entendant ce propos, luy respondit: Donc, veu qu'une tant parfaite doctrine requiert vne vie trespure & tressaincte, ie te demande, s'il aduient qu'apres le Baptisme ie transgresse vn ou deux de ses commandemens, seray-ie pour cela frustré totalement du but où ie pretends, & demeurera mon esperance vaine? Barlaam respond: Ne iuges ainsi ces choses. Car le Verbe de Dieu fait homme pour nostre salut, scachant la grande infirmité & misere de nostre nature, ne nous a pas laissez en tel cas sans medecine propre; ains comme tressage Medecin a composé pour nostre volenté prompte & encline à péché, la contrepoison de penitence, la preschant en remission des
Luc. 3. pechez. Car apres auoir en la co-

24.

gnoissance de verité, & receu sanctification par eau & l'esprit, & qu'auons esté nettoyez de toutes nos fautes & ordures; s'il aduient que retombions en peché, vray est qu'il n'y a point de seconde regeneration par l'eau du Baptisme sanctifié par le saint Esprit, laquelle renouuelle parfaitement ceux *Heb. 6.* qui sont baptisez: car ceste grace se donne seulement vne fois: mais par la grande misericorde de nostre Dieu, le lauement & remission de ces pechez commis après le Baptisme, se fait par laborieuse penitence, & fontaine de larmes, fatigues & sueur. Car la fontaine de larmes, par la grace de Dieu, est aussi appelée Baptisme: mais elle a besoin de labeur & de temps: & a deliuré maintes personnes de plusieurs pechez, par ce que le peché ne peut surmonter la benignité de Dieu, pourueu toutefois que nous nous hastions de faire penitence, & nettoyer avec larmes l'ordure de nos offenses, auant que

Baptisme de penitence

la mort nous chasse d'cy tous sales. Car il n'y a point de penitence ny confession en enfer : Mais pendant que nous sommes en vie, le fondement de foy demeurant stable, s'il y a quelque chose au reste du bastimēt qui se soit desmenty, il nous est loisible de le reparrer, & renouveler par bonne penitence. Car il est impossible de *Psalm.* *144.* nombrer la multitude de la miseration, & mesurer la grandeur de la misericorde de Dieu : mais les pechez, quelques grāds qu'ils soient se peuvent mesurer & nombrer. Et partant ne peuvent il vaincre la misericorde de Dieu, qui excède tout nombre & mesure. Et pour ceste cause ne faut se desesperer pour la multitude des pechez, ains recognoistre la bonté de Dieu, & condamner nous pechez, desquels remission nous est proposee par la benignité de Iesus Christ, lequel a respandu son sang pour nos pechez.

*Ne faut
se des-
esperer
pour la
multitu-
de de nos
pechez.*

Or par toutes les Escritures on

cognoist la vertu de penitence, & principalement des preceptes & paraboles de nostre Seigneur, duquel est escrit : Iesus Christ com-
 mença à enseigner & dire, Faites *Mat. 3*
 penitence, car le Royaume des cieux est approché. Pareillement il narra en vne parabole, d'un fils, lequel print sa part de la substance & bien de son pere, & se retira en *Luc. 15*
 vne region fort lointaine, & despensoit prodigalement tout son partage en dissolutiōs & luxures. Par apres estant la famine en ceste *Para-*
 contree, il se retira chez vn homme maling de ceste region peche- *bole de*
 resse, lequel l'enuoya garder ses *l'Enfant*
 porceaux, appellant ainsi le peché *prodig-*
 abhominable. Et la fut fort affligé, & tomba en telle & si extreme *ue.*
 misere qu'il ne luy estoit loisible se saouler des escorces que les porceaux mangeoient. En fin toutefois reuenant à foy, cogneut sa confusion, & se lamentant disoit : Combien y a il de mercenaires en la maison de mon pere, qui ont le

pain à l'abandon, & moy ie meurs
 icy de faim? Ie me leueray, & iray
 à mon pere, & luy diray: Mon pe-
 re, i'ay peché contre le ciel, & de-
 uât toy, & ne suis desormais digne
 d'estre appellé ton fils; traicte
 moy comme l'vn de tes mercenai-
 res. Et se leuant il vient à son pe-
 re. Et cōme il estoit encores loing,
 son pere le veit, & toute esmeu de
 misericorde, se vint ietter à son
 col, & le baïsa; Et le remettant
 en son premier honneur, fit vn
 grand festin à sa venue, faisant tuer
 vn veau gras. Voicy, il nous a re-
 cité ceste parabole des pecheurs
 venans à penitence: mettant sem-
 blablement en auant vn bon Pa-
 steur, qui auoit cent brebis, & en
 ayant perdu l'vne, laissa les nonan-
 te & neuf, pour aller apres; & la
 chercha si soigneusement, qu'il la
 trouua, & la iettant sur ses espau-
 les, la rapporta au troupeau, & fit
 vn banquet à ses voisins & amis,
 de ioye qu'il eut de l'auoir retrou-
 uée. Ainsi, dit-il, sera demenee

*Parabo-
 le de la
 brebis
 esgarée.
 Luc. 15.*

ioye au ciel sus vn pecheur faisant penitence , plus que sus nonante & neuf iustes , qui n'en ont besoin.

Sainct Pierre aussi Prince des Apostres, la pierre de la foy , au iour de la passion de nostre Seigneur (delaisé pour vn temps par dispensation diuine, à ce qu'il congneust la misere & vileté de l'infirmité humaine) renia son maître. Et tost apres se ressouuenant des paroles de son Seigneur, qui luy auoit predict sa cheute , sortit dehors, & pleura amerement, & pas ces larmes reparant la faute commise, obtint victoire. Car comme experimēté & rusé en l'art de la guerre, encores qu'il fut tōbé, si ne fut il brisé, & ne perdit courage, ny ne se desespera point, mais se releuant, ietta vne infinité de tresameres larmes de cœur contrit. Et soudain l'ennemy voyāt cela cōme estant ars de la flambe d'un flabeau ardent, s'enfuyt pleurāt &

*penitence de
sainct
Pierre
apres son
peché.
Luc. 22*

146 HISTOIRE DE BARLAAM

gemissant. Ainsi saint Pierre, cōme au parauant il auoit esté institué maistre de tout le monde, aussi fut il fait exemplaire de penitēce. Mais Iesus Christ apres sa resurrex-tion luy demandant, Pierre m'aimes tu : il Amenda ses trois negations en respondāt : Ouy Seigneur tu sçais que ie t'aime.

1o. 2. 1.

Or de ces exemples, & plusieurs autres de mesme sorte, nous apprenons la vertu des larmes & pon-tōnee, pourueu que le tout soit fait douēment, detestant de cœur le peché, le hayssant & condamnant, & pleurant, cōme dir le Prophete

Psal. 6

David : I'ay trauaillé en mon gē-missement : ie laueray toutes les muicts mon liēt, ie baigneray ma couche de larmes. Et ainsi se fera le nettoiyement du peché par le sang de Iesus Christ en la grandeur de sa misericorde, & en la multitude de la miseration de Dieu, disant : Si vos pechez sont comme ver-millon, ils seront blanchis com-me neige : & s'ils sont cōme pour-

Esa. 1.

pre ils

pre, ils deviendront blancs comme laire. Ces choses sont vrayes, & ainsi le croyons.

Dont apres auoir receu la connoissance de la verité, & auoir esté regeneré & adopté de Dieu le Createur, & receu les saints Sacremens, il nous conuient soigneusement garder de choir. Car il n'est point expedient au combat de se laisser choir: attendu que plusieurs sont theüz, qui ne se sont peu releuer. Autres donnans entrée aux vices, & y adhérans inseparablement, n'ont peu depuis venir à penitence. Autres estans preuenüz de mort, auant que d'auoir purgé & nettoyé leurs ames par penitence, de l'ordure & infection de peché, ont esté dannez. Et pour ce est il fort dangereux de choir en peché, quel qu'il soit. Que s'il aduient qu'on y tombe, il faut soudain se releuer, & s'entrer derechef au combat. Et toutes & quantes fois que cecy aduiendra, autant

de fois se faut-il releuer, & de-
Zach. I. meurer en cest estat iusques à la
mort. Conuertissez vous à
moy, & ie me con-
uertiray à vous, dit
le Seigneur no-
stre Dieu.



Iosaphat interrogeant le moyen de s'esloigner des delices de ce monde, Barlaam luy propose diuersité de genre de Religieux, avec les verus del'estât Monastique. Et sur la fin du Chapitre luy monstre par vne belle similitude, comme il faut fuir les plaisirs du monde. Chapitre. 12.



Cecy respondit Iosaphat: Comment est-ce donc, que l'homme pourra garder son innocence apres le Baptisme? Car s'il reste aux pecheurs penitence, ce n'est toutefois sans peine & douleur, pleur & gémissement: chose qui me semble que plusieurs trouueront difficile, & de dure digestion. Et pour ceste cause i'aymerois mieux trouuer vn chemin, pour garder diligemment les Commandemens de Dieu, & ne flechir point d'iceux, de crainte qu'apres la remission de mes maux precedens, ie prouoque derechef à ire mon tresdoux Seigneur.

Alors Barlaam luy dist: Sire, c'est tresbien dit: car ie desire le mesmes. Mais la chose est labourieuse & penible, & presque impossible, qu'un homme se tienne aupres du feu, & qu'il ne sente la fumee. Dõe il est difficile, que l'homme estant addonné aux affaires seculieres, & vivant en delices & richesses, chemine indeclinablement en la voye des Commandemens de Dieu, & se conserue pur & net. Car nostre

Matth.
6. Seigneur a dit, L'homme ne peut servir à deux Seigneurs. Car ou il en hayra l'un & aymera l'autre: ou il en soustiendra l'un, & mesprisera l'autre. Vous ne pouuez servir à Dieu & aux richesses. Saint Iean son bien-aimé disciple pareillement dit ainsi: Ne vueillez aimer

1. *Iean.*
2. le monde, ny les choses qui sont au monde: Par ce que toutes ces qui est au monde, est conuoitise de la chair, & conuoitise des yeux, & ambition du siecle; qui n'est point de Dieu, ains du monde: Et le monde passe, & la conuoitise d'iceluy:

mais celuy qui accomplit la volô-
té de Dieu, demeure eternelle-
ment.

Or nos diuins peres entendans
ces choses, pareillement l'Apostre, *Act. 14*
qui dit, qu'il nous faut entrer au
Royaume de Cieux par maintes
tribulations, apres le Baptisme se
sont mis en deuoir de garder leur
robbe d'innocence pure & nette
Dont est aduenü, qu'aucuns d'en-
tr'eux ont encores adiousté à ce
premier Baptisme, vn autre, qui se *Baptis-*
reçoit par sang & martyre. Car ce- *me de*
cy semblablement est appellé Ba- *sang.*
ptisme, voire tres-excellent &
louable: car par apres il n'est plus
souillé de l'ordure de peché: &
mesme nostre Seigneur le receuant
pour nous, l'a conuenablement ap-
pellé Baptisme. Et de là vint, que
les Apostres & Disciples de no-
stre Seigneur, & apres eux les mar-
tyrs en grand nombre, resistans
aux Roys & Tyrans idolatres, ont
soustenu pour la defense de la Foy
de Iesus Christ toute espee de

152 HISTOIRE DE BAREAAM

2. Tim. 4. tourment: dont les vns furent exposés pour estre deuorez des bestes, les autres furent decapitez, autres bruslez, & maintenans iusques à la mort leur sainte confession de foy, ont acquis la couronne de iustice, estans associez aux Anges, & faits coheritiers de Iesus Christ: La vertu desquels a tant esclairé, que leurs renommées s'est espandue par tout le monde, & la splendeur de leurs faits vertueux & heroiques paruenue iusques aux extremités de la terre.

Psal. 118. Or non seulement leurs paroles & oeures sont pleines de toute sainteté, mais aussi leur sang & leurs ossemens. Car ils ont puissance de chasser les Diables, & guerir les maladies incurables de ceux, qui deuotement les visitent avec foy sincere & vraye. Je diray d'auantage, que les vestemens & choses qui ont touché à leurs precieux corps, sont venerables à toute creature. Mais ce ne seroit iamais fait, si ie voulois reciter de poinct

*Les ossemens
des
saincts
donnent
guerison
aux malades.*

En poinct leurs vertus & effects admirables. Apres donc que ces cruels tyrans sont malheureusemēt peris, & leur persecution cessée, & que par toute la terre les Princes fideles & Catholiques, ont regné plusieurs personnes suyans & imitans vn mesme zele & desir diuin de souffrir martyre, & naurez en leur ame de mesme amour, s'estudioyent avec toute diligencē d'offrir & conseruer à Dieu leur ame nette, & le corps impollu, retranchans tous allechemens de vices, & se nettoysans de toute pollution de corps & d'ame.

Or par ce qu'ils scauoient bien que ceey ne se pouuoit faire que par l'obseruance des Commandemens de Dieu, & considerans que difficillement ils se peuuent garder au milieu des tumultes du monde, s'aduiserent de entreprendre vne certaine conuersation estrange & non accoustumee, & selon la parole de Dieu laissans toutes choses, parens, enfans, amis,

*Origine
de l'c.
stat mo
nastique.*

154. HISTOIRE DE BARLAAM

cousins , richesses & plaisirs , & hayssans toutes choses qui sont au monde, se retirerent és deserts, comme fugitifs, estans là necessiteux,angoisiez,affligez,desquels le monde n'estoit digne : errans çà & là par solitudes & montaignes, & cauernes de la terre : se separans & esloignans de tous les plaisirs du monde, estans fort austeres en viure & vestement : à ce que ne voyans aucunes matieres & occasions de vices , ils en arrachassent entierement de leur esprit le desir, & en effaçant la memoire, plantassent en eux-mesmes l'amour & desir des choses diuines & celestes. D'auantage par affliction & maceration de leur chair se sont faicts martyrs de volonte, pour n'estre priuez de la gloire de ceux qui estoient decedez par effusion de leur sang : & ont este imitateurs des passions de Iesus Christ, en tant qu'en eux estoit, & par consequent seront aussi avec eux participans du Royaume eternal. Ainsi

donc ayans prins vn tel bon conseil, menoient vne vie tranquille & solitaire. Aucuns demeurant en *Austerité des Religieux & Hermites anciens.* plaine campagne, sans maison, estoient affligés de l'ardeur du Soleil, & de la rigueur du froid, du vent & de la pluye : autres residoient en petites logettes, ou se mussoient és caruernes de la terre. Et ainsi amassans vertus sur vertus, ont entierement renoncé à toute consolation & repos de la chair. Leur vitré estoit herbes crues, racines, feniets d'arbres, ou pain fort sec, ne renonçans seulement au plaisir du goust des viandes, mais aussi (tant estoit grande leur abstinence) en prenans d'icelles si petites quantitez, qu'il n'estoit possible de plus. *Leur admirable abstinence.* Car mesmes de ces viures vils & necessaires, n'en prenoient que pour entretenir, voire bien maigrement, leur corps.

Car aucuns d'eux ne mangeoyent que le Dimanche, autres deux fois la semaine : autres de deux iours

156 HISTOIRE DE BARLAAM

*Leur
pauciers-
té.*

en deux iours prenoient refection sur le soir, mangeans peu, vacquans à oraison & veilles, imitans de pres la vie des Anges. Renonçans à toute possession d'or & d'argent, à achapts & venditiōs, oublioyent estre entre les hommes: enuie & orgueil, qui coustumierement accompagnent la bonne vie, n'ayant en eux aucun lieu. Car celuy qui estoit moindre en austerité de vie, ne portoit aucune enuie à celuy qui viuoit plus sainctement. Et d'autre part arrogance ne faisoit orgueillir & esleuer contre les moindres, celuy qui estoit plus excellent en vertu, pour luy faire mespriser son prochain, ou se glorifier en sa saincteté, & estimer beaucoup de soy à cause de ses vertus. Car celuy qui auoit plus de vertus, attribuoit le tout à la grace de Dieu & rien à ses traualx, s'abbaisant soy-mesmes en humilité, ne reputant rien tout ce qu'il faisoit, ains s'estimant estre obligé à plus grande chose. Suyuant quoy, nostre

*Leur
humili-
té.*

Seigneur dit: Quand vous aurez fait tout ce qui vous est commandé, dites, Nous sommes seruiteurs inutiles: ce que deuions faire, nous l'a-
uons fait. Voire deualloit encores plus bas, ne se confiant aucunement d'auoir accompli ce qui estoit commandé, ains estimoit auoir omis beaucoup de ce qui estoit à faire. Et d'autre part c'il, qui estoit moindre en austerité de vie, peut estre à raison de la foiblesse de son corps, se mesprisoit soy-mesmes, & iugeoit miserable, imputant ce qu'il luy defailloit, plus tost à certaine paresse & lascheté de cœur, que non pas à vne debilité de nature: Et ainsi l'vn estoit plus humble que l'autre, & chacun estoit plus humble que tous.

Mais comment eussent esté atteints du vice de vouloir plaire aux hommes, ceux qui à ceste fin s'estoyent retirez du monde, & demeureroient és deserts, à ce que leur sainte conuersation fust

158 HISTOIRE DE BARLAAM.

*Les au-
myes fait
pour la
gloire
du mon-
de sont
sans sa-
laire.*

notoire à Dieu seul, & non aux hommes, duquel mesmes ils en es-
peroyent recompense, sçachans
bien que les bonnes œuvres, qui se
font pour acquerir honneur &
gloire du monde, demeurent inu-
tiles & sans salaire. Car on les fait
pour la louange des hommes, &
non pour l'honneur de Dieu. Par-
tant ceux qui les executent à ceste
fin, souffrent double detrimement &
perte, macerans leurs corps, & ne
receuans salaire. Mais ces bons po-
res aspirans à la gloire de Paradis,
& la desirans de tout leur cœur, ont
mesprisé toute humaine louange.

Or aucuns d'entre eux se sont
fourrez aux plus profonds deserts,
s'esloignans pour toute leur vie de
toute compagnie & conuersation
des hommes, à fin de s'approcher
de Dieu: & d'autres ayans leurs ca-
nernes separees loing des autres,
s'assembtent les Dimanches en vne
Eglise, & reçoient les saints my-
steres: le sacrifice, dis-je, du corps
& du sang de nostre Seigneur Iesus

Christ, lesquels nostre Seigneur a donnez aux fideles en remission de leur pechez, & pour l'illumination & sanctification du corps & de l'ame : se nourrissans les vns les autres par exercices des saintes lettres, & manifestas par morales admonitiōs les guerres occultes de nos aduersaires, à ce qu'aucū n'y fust attrappé à faute de ne les cognoistre, & n'entendre le moyē d'y resister. Apres, chacun retourne à sa caverne, serrant diligemment le miel de vertu dans le rayō du cœur, faisant fruct tresdoux & tresdigne de la mesure celeste. Autres demeurent & viuent en congregation sous l'obeyssance d'un prelat, excellent par dessus tous, mettās à mort leur propre volonte, avec le couteau d'obedience, & reputans volontairement comme achetez, ne viuent à soy-mesmes, mais à celui, auquel pour l'honneur de Dieu ils se sont soumis : ou pour parler plus proprement, ils ne viuent à soy-mesmes,

*Effects
du sacre-
ment de
l'autel*

*Que cest
se reti-
rer du
monde.*

mais nostre Seigneur vit en eux, lequel ils ont suyuy, delaisans toutes choses. Car se retirer du monde, n'est autre chose que se hayr volontairement, & renoncer sa nature, pour vn desir des choses qui sont par dessus nature.

Mat. 23

Eux donc conuersent en terre comme Anges, loüans Dieu vnamiment en Hymnes & Psalmes, & meritans à bon droit le nom de martyrs, à raison de leurs combats spirituels, & de leur obedience, esquels aussi la parole de Dieu s'accomplit, qui dit : Où il y en a deux ou trois congregez ensemble en mon nom, là ie suis au milieu d'eux. Ne restrainant point la congregation en son nom en deux ne trois : mais par deux ou trois il demonstre vn nombre indeterminé. Car ou que peu, ou que plusieurs foyent assemblez en son nom, le seruans d'un ardent desir, là nous le croyons present au milieu de ses seruiteurs.

Par ces exemples . & avec telles

conuerſations & actions, les terrestres ont imité la vie des celestes en ieusne, oraisons & veilles, en chaudes larmes & dueil arresté, en peregrination & souuenance de la mort, en mansuetude & douceur, en silence, & pauureté & indigence, en chasteté & pudicité, en humilité & tranquillité, en charité parfaite enuers Dieu & le prochain, & ont passé ceste vie, semblables aux Anges en sainte conuerſation : dont Dieu les a decoré de miracles & signes & diuerſes vertus, & a espandu par toute la terre le renom de leur vie admirable. Et si ie recite par le menu la vie de l'un d'eux, qu'on maintient estre auteur de la conuerſation Monastique, qui se nomme Anthoine, certes tu cognoistras d'un seul arbre la douceur du fruit des autres qui sont de mesme genre & espece, & quel fondement il a mis de la vie solitaire, & quels estages & comble

Les Religieux imitateurs des Anges.

Saint Anthoine, auteur de la conuersation Monastique.

il a basty sur ce fondemēt, & quel-
les graces il a meritē receuoir de
Dieu : & plusieurs autres suyans
son exemple, & viuans de pareille
façon que luy, ont obtenu de no-
stre Seigneur mesme couronne de
gloire.

O bien heureux, & trois fois
heureux hōmes, qui pour l'amour
de Dieu ont mesprisē toutes cho-
ses, ont pleuré & gemy iour &
nuict, pour iouyr au temps à venir
d'eternelle cōsolation ! Ils se sont
humiliez & abaissiez volontaire-
ment, pour estre là exaltez. Ont
icy affligē leur chair de faim, soif
& veilles, à fin d'auoir la iouys-
sance des plaisirs & liesse de paradis.
Ont esté faictz habitacle du saint
Esprit en netteté de cœur, comme
il est escrit : le demeureray en eux,
& m'y promeneray. Ils se sont
crucifiez au mode, à fin qu'au grā
ingement ils soient à la droite de
de nostre Seigneur, qui a pour
nous esté crucifié. Ils ont ceint
leur reins en verité, & ont tou-

sioux en les lampes appareillees, attendans la venue de lespoux immortel. Car de leurs yeux intérieurs contemploient tousiours ce terrible iour du Iugement final, & leur cœur estoit continuellement occupé en la meditation des biens à venir, & des tourmens eternels: & pour acquerir la gloire eternelle, se sont faicts impassibles comme les Anges, & maintenant se ressiouissent avec eux, desquels ils ont imité la vie. Heureux certes, & plusieurs fois heureux, qui ont viuement considéré de leurs yeux intérieurs la vanité des choses presentes, & l'inconstance de la prosperité mondaine, & y renonçans, se sont thesaurizé les biens eternels, & ont acquis la vie qui ne finira iamais.

Or nous (bien qu'indignes) essayés d'imiter ces hommes saints & admirables, non que puissions atteindre au sommet de leur celestemaniere de viure, mais selon nostre pauvre & debile puissance,

*La pro-
fession
Mona-
stique
retire de
peché.*

Eccle. 1

*1. Rois. 2
Pour
quelles
raisons
ce mode
est à
hayr.*

suynons la trace de leur vertueuse
& sainte vie: & portons mesme
habit qu'eux, combien que nostre
vertu ne soit telle que la leur. Car
ceste diuine professions nous reti-
re de peché, & nous ayde à conser-
uer l'incorruption receuë par le
Baptisme. Et de là vient, que
suynans la doctrine de ses saints
peres, nous abhorrons grandemēt
ces choses corruptibles, & les af-
faires de ceste vie temporelle, es-
quelles n'y a qu'instabilité, vanité,
& affliction d'esprit, estans sub-
iettes à toute heure à changemens.
Car elles sont plus fragiles qu'un
songe, & l'ombre & le vent, & y
a peu de plaisir, voire point du
tout en elles: ains c'est erreur &
seduction de la malice du monde,
que ne deuons aimer, mais hayr de
cœur, selon qu'il nous est com-
mandé. Et certes selon la verité
ce monde est à hayr & detester.
Car quoy que soit qu'il donne à
ses amis, il le leur oste tost après
avec courroux: & desnuez de tout

bien, & couuerts de confusion, &
 greuez au possible, les enuoye en
 tribulation. eternelle. Ceux que
 maintenant il esleue, incontinent
 les fait choir en extreme misere,
 les soubmettant à leurs plus grâds
 ennemis. Telles sont donc ses gra- *Les*
 ces, tels sont ses presens. : car il *maux*
 est ennemy de tous ses amis, & *que le*
 grâd ennemy de tous ceux qui sont *monde*
 à sa volonté. Il met cruellement en *à ces-à*
 pieces ceux qui s'appuyent sur luy,
 & perd ceux qui se cōfient en luy.
 Il a fait pact & confederation avec
 les fols, & leur a promis choses
 fauses, à fin seulement de les attirer
 à soy. Il se monstre trōpeur & in-
 grat à ceux qui luy acquiescent,
 n'accomplissant ce qu'il leur a pro-
 mis. Car aujourd'huy il les bonte *L'instab*
 en vne table biē granie pour y fai- *bilité,*
 re grand chere, & le lendemain les *du mode*
 liure entre les mains de leur enne-
 mis. Aujourd'huy il en establit vn
 Roy, & demain le rend serf &
 esclau. Aujourd'huy en fait vn
 riche, & demain le fait pauvre &

souffreteux. Auioird'huy mêt la couronne & le diademe sur la teste d'un homme, & demain luy abbaïsse le visage en terre. Auioird'huy luy agence le col de perles & pierreries, & chesnés doren signe d'honneur & dignité: le lendemain le met en tel estat, qu'il luy met les fers aux pieds. Il rend l'hôme pont vn peu de temps aimable. Auioird'huy le resiouyt, & demain le fait pleurer & gemir. Et pout se faire entendre, à quelle fin il les conduit, il fait miserablement ses amateurs hostes d'enfer. Il a continuellement telle intention & tel dessein: & si ne lamente ceux que la mort enleue, & n'a commisération de ceux qui demeurent en ceste vie. Car en ayant seduit les vns, & attrappé en ses filets, derechef se met en effect d'attrapper les autres, ne voulant qu'aucun eschappe de ses laqs. Parquoy ceux qui seruent à vn Seigneur si rude & malin & s'esloignent malheureusement de celuy qui est bon, gra-

*Le monde
de cu-
roye es
enfers
ses ama-
teurs.*

vieux & debonnaire, & courent
 aux choses presentes, & y sont at-
 tachez, & n'ont aucune cogitation
 de l'aduenir, ains desirent incessa-
 ment les delectations corporelles
 laissant mourir de faim leurs ames,
 & estre affliges de maux innume-
 rables : Je les repaute semblables
 à l'homme fuyant de deuant vne
 Licorne furieuse, lequel ne pou-
 uant soustenir le son de sa voix, &
 terrible mugissement, fuyoit vi-
 siblement de crainte d'estre deuore
 d'elle. Or comme il courroit hasti-
 uement, il cheux vn certain preci-
 pice, & en tombant, estendant ses
 bras, embrasse vn petit arbre, le-
 quel il tint fermement, & appuyât
 ses pieds sur ce qu'il trouua d'a-
 uenture, luy sembla qu'il seroit de-
 là en auant en paix & assurance.
 Or regardant de pres, il veit deux
 Souris, l'vne blanche l'autre noi-
 re, rongeurs incessamment la ra-
 cine de ce petit arbre qu'il tenoit,
 & ne s'en falloir gueres qu'elles
 ne l'eussent tranché du tout. Con-

Para-
 bole qui
 fait en-
 dre l'im-
 stabilitè
 & va-
 nité de
 la vie
 presente

168 HISTOIRE DE BARLAAM
templant aussi le fond de ce précipice, il veit vn Dragon de terrible regard, iettant feu par les narines, & regardant furieusement, ouurant la gueule, le disiroit deuorer. Et derechef regardant le lieu où ses pieds estoient appuyez, il veit quatre testes d'Aspics, qui sortoient tout auprès de ses pieds: Et esleuant ses yeux en hault, veit vn peu de Miel, qui distilloit des branches de ce petit arbre. Parquoy mettât en oubly les maux & dangers qui l'environnoient, scauoir est que la furieuse Licorne est hault, qui le guettoit, cherchât à le deuorer. & au fond le terrible Dragon, qui le vouloit engloutir: & l'arbre qu'il tenoit, estoit presque coupé, & que ses pieds estoient si mal assis: Oubliant donc tous ces dangers, il fut alleché de la douceur du miel, & estendit le bras pour en prendre. Ceste similitude est dei ceux qui sont adherans à la seduction du present siecle: l'exposition de laquelle ie te diray maintenant. La Licorne

est la figure de la mort , laquelle
poursuyt tousiours , & desire at-
trapper le genre humain. Le Pre-
cipice, c'est ce monde , remply de
tous maux & de las mortels. Le
petit Arbre que nous tenons , qui
est incessamment rongé de deux
Souris, c'est la mesure de la vie d'
chacun , laquelle se consomme &
diminue par chasque heure , tant
du iour que de la nuit , & peu à
peu vient à la fin. Et les quatre Af-
pics signifient les quatre fragiles
& instables elemens , desquels le
corps humain est composé , lequel
estans desordonnez & troublez, le
corps se dissout. Et le grand Dra-
gon cruel & flamboyant, figure le
terrible ventre d'enfer , desirant
engloutir ceux qui preferent les
presentes delectations au biens
venir. Et la petite goutte de miel
denote la douceur des voluptez
du monde par laquelle ce seducteur
ne permet que ces amis voyent
leur propre salut , ny le danger
ils sont.



Barlaam par vne conuenable similitude,
monstre que la possession des richesses
est coulante & infidele, & qu'il
ne se faut trop fier à sa femme, ou à
ses parens, & qu'en affliction l'uni-
que refuge & port de salut est, la
vertu de l'ame.

Chapitre. 13.

DONC Iosaphat ayant
pris plaisir à ceste
parabole, dist : Com-
biē veritable est ceste
tienne similitude, &
bien accommodée ! Ne t'ennuye,
ie te supplie, de me proposer tou-
siours telles figures, à ce que ie
sçache diligēment, quelle est ceste
nostre vie presente, & quel maux
elle a fait à ses amis.

Et

Et le vieillard dist : De rechef, *Parabole d'un homme qui avoit trois amis.*
 ceux qui aiment les delectatiōs du monde, & qui sont alleichez de leur douceur, & preferent les choses fluides & fragiles aux futures, ressemblent à vn homme qui a eu trois amis, deux desquels il aymoit & honoroit affectueusement & de cœur: desirant mettre sa vie en hazard pour eux, quand il en seroit besoin : mais quant est du troisieme, il le mespriseroit ; & ne luy portoit honneur, ny amitié bonne, ains seulement faisoit semblant de l'aimer tellement quellement. Or aduint vn iour, qu'un nombre de gendarmes & sergens vindrent pour le mener incontinent & en diligence pardeuant l'Empereur, pour luy faire rendre compte de dix mil talens. Et luy fort estonné, cherchoit quelque vn qui luy peust aider, & secourir à rendre son compte. Courant donc à son premier & plus cher amy, luy dist: Tu scais(amy) que i'ay tousiours exposé ma vie pour toy, & maintenant

i'ay affaire de ton secours, estant en grande necessité. Me promets tu de m'ayder maintenant ? d'autant que i'ay mis mon esperance en toy mon bien-aimé ? Il respond: Hóme, ie ne suis point ton amy, & ne sçay qui tu es: car i'ay d'autres amis, avec lesquels il me faut aujour d'huy rire & faire grand chere, & desormais ie possederay ces amis. Seulement ie te baille ces deux petites haires pour porter par le chemin, lesquelles neantmoins ne te seruirót rien, & n'attens de moy autre chose. Luy oyant cecy, & se voyant frustré de l'ayde qu'il esperoit de ce sien amy, se retira par deuers le second: auquel pareillement il dit: Souuienne toy (amy) combien de plaisirs, de bien & d'honneur tu as receu de moy: mais aujour d'huy tombant en grande affliction & aduersité, i'ay besoin d'ayde. Dy moy donc combien tu me pourras secourir maintenant. Il luy respondit: Ie n'ay point de loisir aujour d'huy pour t'assister & secou-

rit en ton danger : car ie suis tout environné d'affaires & en affliction. Neantmoins ie t'accompagneray quelque peu, encores que cela ne te profite aucunement, & apres m'en retourneray chez moy pour vacquer à mes affaires.

Or ce pauvre homme se voyant escondit, & destitué de tout ayde, se lamentoit en soy-mesmes, de la vaine esperance qu'il auoit mis en ses amis ingrats, & des labours vains qu'il auoit prins pour eux. Et finalement se retira au troisieme, duquel il n'auoit fait grand compte, & ne l'auoit traitté ny honoré comme les autres. Et tout confuz & regardant en bas, luy dit : Ie n'ose presque parler à toy, par ce que ie cognois que ie ne t'ay fait aucun bien, & ne t'ay porté bonne & loyale amitié. Mais par ce qu'il m'est suruenue yne grande aduersité, & que ie n'ay trouué aucune esperance de salut en mes autres amis, ie me suis retiré vers toy.

pour te prier , s'il t'est possible, m'ayder tant soit peu : fais le sans delay, pardonnant à mon ignorance. Alors il luy respondit avec un bon visage & doux regard: Certainement ie te recognois pour mon trescher amy , & n'ayant mis en oubly si peu de bien que tu m'as fait, ie te le rendray avec vsure. N'ayes donc aucune crainte : car i'iray deuant toy. Ie parleray pour toy au Roy, & ne te liureray point es mains de tes ennemis. Prends donc bon courage, mon doux amy, & ne te fasche point. Ce bon homme entendant tel propos avec grande tristesse & larmes disoit: Helas, qu'est-ce que ie lamenteray & pleureray premier? M'accuseray ie de ma vaine affection que i'ay porté à ces amis ingrats, ou si ie pleureray ma folie, de ce que ie n'ay monstré aucune familiarité à ce mien singulier amy?

Or Iosaphat ayant ouy ce propos, en demanda instamment l'exposition. Alors dist Barlaam : Cer-

tes le premier amy, c'est la possession des richesses, & l'amour d'argent, pour lesquels l'homme s'expose à vne infinité de miseres & dangers, & venant le terme de la mort, n'en reçoit pour toute ayde & confort, que quelque pauvre linceul pour l'enceuelir. Le second amy, c'est la femme, les enfans, parens & amis, lesquels nous aimons de telle affection, que pour l'amour d'eux, & pour leur complaire, nous mesprisons nostre salut, tant de l'ame que du corps: Mais personne ne reçoit d'eux aucun profit à l'heure de la mort, sinon qu'ils le conuoient iusques au sepulchre. Par apres retournans bien tost, vacquent comme deuant à leurs affaires, ne couvrans moins la memoire de luy, d'oubliance, que d'un tombeau ils ont couuert son corps. Et le tiers amy mesprisé, & enuieux, & hay, c'est la troupe des bonnes ceuures, sçauoir est, esperance, charité, foy, aumosne, humanité, & tout autre amas de vertus, qui peut

Exposition de la parabole.

176 HISTOIRE DE BAREAAM

nous preceder, quand nous sortons
de ce monde , & interceder vers
Dieu pour nous , & nous deliurer
de nos cruels ennemis , qui s'es-
fayent nous attraper à l'issuë, nous
accusent , & poursuyuent roide-
ment la reddition de nos comptes.

Cestuy est ce bon & loyal &
reconoissant amy , qui ne
met en oubly , voire le
moindre bien fait no-
stre, & le nous rend
entierement a-
vec vsure.





Barlaam ayant fait entendre à Iosaphat la vanité & instabilité des biens de ce monde, s'essaye de luy faire mespriser les richesses: Et l'exhorte à ce, qu'il enuoye argent pardelà, pour paruenir à la vie à venir.

Chapitre. 14.



Iosaphat derechef luy dist: Le Seigneur ton Dieu te benie, tres-sçauant homme: car tu as resiouy mon ame de tes saints propos. Je te prie aussi, que tu me depeignes la figure de la vanité du monde, & comment vn homme le peut passer librement & sans empeschement. Et Barlaam prenant la parole, dist: l'ay ouy autrefois reciter, qu'en vne Cité bien grande,

Parabole.

les bourgeois de la ville auoyent
coustume de toute ancienneté de
choisir vn homme estranger & in-
cogneu, ne sçachant les loix ny
coustumes de leur ville, & l'esta-
bissoient leur Roy: lequel auoit
puissance & licence de faire tout
ce qui luy plairoit iusques au bout
de l'an. En apres, luy viuant en
grande assurance, en delices &
plaisirs sans auoir crainte, & esti-
mant qu'il regneroit toute sa vie,
les bourgeois soudain s'esleuans
contre luy, le despouilloient de sa
robe Royale, & luy estoient son
diademe, le trainans nud par toute
la ville, & puis l'enuoyoient en
exil en certaine Isle vaste & loing-
taine: en laquelle ne trouuant ny
viures ny vestemens, estoit misera-
blement vexé de faim & de froid,
luy estans les grands biens & deli-
ces, desquelles il auoit iouy, contre
toute esperance conuerties puis
apres en vne tristesse inesperee.

Or aduint vn iour, que selon
leur ancienne coustume ils establi-

rent vn Roy, qui auoit l'entendement bon & subtil: lequel pour auoir à l'improuiste môté à si grand honneur & bien, ne fut neantmoins transporté d'entendement, & ne s'abandonna (comme les autres ses predecesseurs, qui furent miserablement deiettez de leur throne) à lasciueté & aux plaisirs du monde: ains estoit soigneux, & discouroit en son esprit le moyen pour bien ordonner de sa vie & de son estat. Or comme il meditoit cecy continuellement, l'vn de son Conseil, homme prudent & sage, luy fit entendre la coustume des bourgeois, & le lieu de l'exil accoustumé: & fut admonesté de luy comment il se deuoit gouverner. Et quand il eut cogneu cecy, & que peu de temps apres il seroit enuoyé en ceste Isle, son Royaume tombant es mains d'vn autre estranger: ouurant ses thresors, desquels il pouuoit alors disposer librement, print grand nombre d'or & d'argent, & d'excellentes

pierreries, & les enuoya par ses plus fidelles seruiteurs en l'Isle que dessus. Or l'an accompli, les bourgeois selon leur coustume se rebel-lerent, & le mettans nud comme ses predecesseurs, l'enuoyerent en exil en ceste Isle. Et alors que les autres ses denanciers mouroyent de faim & de froid, luy qui y auoit deuant enuoyé ses thresors, viuant en perpetuelle abondance & deli-cies, sans auoir aucune crainte de tels citoyens malings & infideles, se rendit heureux & content par vn tresprudent conseil.

Ephes.
6.
Expositi-
on de
l'apara-
ble.
Or eutens que ceste cité est ce vain & trompeur monde, & les eitoyens & bourgeois sont les diables, gouuerneurs du monde, & des tenebres du siecle, lesquels nous amorcent de la douceur des volup-tez du monde, & font par leurs malignes suggestions, que nous embrassons les choses corrupti-bles & mortelles, comme eternal-les & perdurables. Et ainsi nous estans seduits, & ne nous soucians

aucunement des choses stables & éternelles, & ne mettans rien en reserve pour la vie future, soudainement la mort nous attrappe. Alors ces malings esprits citoyens des tenebres, avec lesquels nous auons consommé le temps inutilement, nous prennent nuds, & nous mènent en la terre obscure & tenebreuse, terre de tenebres éternelles, où n'y a lumiere n'y vie. Or faut que tu penses, que ce bon Conseiller, qui fit entendre au Roy la verité, & luy donna bon conseil, c'est moy qui te suis venu enseigner la droicte voye & salutaire, & t'acheminer és biens éternels & infinis; te conseillant à reserver tous tes biens, te releuant de l'erreur de ce monde, lequel moy mesmes ay autrefois mallement aimé, estant detenu de ses liesses & plaisirs, iusques à tant que i'ay considéré des yeux de mon entendement, comme en choses toute la vie des hommes se perd & consume.

Iob. 10.

Il n'y a rien stable en ce monde. les vns venans, & les autres s'en allant, aucun ayant estat ferme & stable, ny les riches en leurs biens, ny les puissans en leur puissance, ny les doctes en leur sçauoir, ny ceux qui prosperent, en leur prosperité, ny ceux qui se donnent du bon temps, en leur ioye & lieue, ny ceux qui pensent viure stablement, en leur vaine & debile stabilité, ny en quelques autres choses qu'on louë & prise en ceste vie: mais toutes sont semblables au torrent qui coule en la mer avec impetuosité grande. Car les choses presentes & temporelles sont ainsi fluides & coulantes.

De là i'ay cogneu, que toutes ces choses sont vaines, & qu'en elles n'y a aucune vtilité: ains plus tost, tout ainsi que les choses qui ont précédé, sont enseuelies en oubly, soit gloire, soit Royaume, soit splendeur de dignité, soit grandeur de principautez, soit cruauté de tyrans, soit toute autre chose semblable, ainsi les choses presentes

au temps aduenir seront en oubly.
 Et comme ainli soit q ue i'en suis
 l'vn, certes ie suis subiect au chan-
 gement accoustumé, & comme il
 n'a esté permis à mes predecesseurs
 de s'eslouyr és presentes voluptez
 ainli fera-il de moy. Car ie scay
 comment ce tyran & turbulent
 monde agite les humains, les tran-
 sportant deçà delà, les vns de ri-
 chesses à pauureté, les autres de
 pauureté à gloire, en faisant mou-
 rir aucuns, & d'autres naistre, &
 reprouuant d'vne part les sages
 hommes & prudens, & les beaux
 personnages, & les rendant vils &
 abiects : & d'autre part, esleuant à
 honneur & au throne de magnifi-
 cence & gloire les fols, stupides
 & du tout contemptibles. Et voit
 on, que le genre humain n'a point
 d'estat certain deuant la face de sa
 cruelle tyrannie, ains est comme
 vne Colombe, laquelle fuyant l'Ai-
 gle ou l'Esprentier, se iette de lieu
 en autre, maintenant se mettant
 sur vn arbre, tantost se iettant de-

Tyrannie du monde.

Similitude.

188 HISTOIRE DE BARLAAM

dans des espines, tantost dans des
cauernes ou buissons espais, & ne
trouuant refuge nulle part, est af-
fligee en perpetuel mouuement
& ennuy. Tels sont ceux qui ont
en extreme admiration les choses
presentes, & miserablement
trauaillent sous vne impetuo-
sité desraisonnable, & ne tien-
nent rien de ferme & assuré, &
ne sçauent quelle sera leur fin,
& où c'est que les mene la vie vai-
ne, à laquelle miserablement &
malheureusement ils se sont soub-
mis. Car ils appetent & desirent
maux pour biens, exerçans malice
pour bonté, & ne sçauent qui aura
iouissance des fruiets de leur tra-
uau, s'il sera domestique ou estrā-
ger, & maintes fois paruiennent en
la possession de l'ennemy plus tost
que de leur bien veillant & amy.

*L'homme
ne scait
qui sera
son heri-
tier.*

Considerant à part moy ces cho-
ses & semblables, i'ay hay toute
ma vie consummee entierement
en vanitez, laquelle i'ay suyvie
estant addonné aux labours ter-

riens. Or reiettant & esloignant
de mō cœur l'amour & desir de ces
vanitez, me sont apparuz les vrais
biens, qui sont, craindre Dieu, &
accomplir sa volonté. Ce que i'ay
cogneu estre le sommaire de tous
biens, & peut s'appeller le com-
mencement de sapience, voire sa-
pience parfaite. Car c'est vne vie
sans tristesse & calamité, & pleine
d'assurance à ceux qui l'embras-
sent, & qui s'appuyēt sur elle ainsi
que sur Dieu. Considerāt donc di-
ligemment la voye des Comman-
demens de Dieu, droicte & exēpte
de tout erreur i'ay cogneu certai-
nement qu'il n'y a rien en icelle de
rabotteux, ny plein de fosses, &
qu'elle est sans roncēs & chardōs;
aisée, plaisante & plaine, delectant
par tresclaires cōtemplations les
yeux de ceux qui cheminēt, & ren-
dant leurs pieds beaux & les chauf-
fant à la preparacion de l'Euangile
de paix : Et partant ie me suis e-
stimé miserable à cause de mon
erreur precedent & lourde

*Les
vrais
biens.*

*Psalmē
110.
Prou. 1.*

186 HISTOIRE DE BARLAAM
deception, & me suis mis à prendre ceste voye, laquelle à bon droit i'ay preposée à toutes choses, & ay commencé à reedifier l'edifice de mon ame, qui estoit à bas & ruiné.

Ainsi donc que ie dispoisois ce qui estoit en moy, & corrigeois le defect de mon ame, i'entendis la parole d'un certain sage, qui me commandoit ce qui s'ensuit. Sortez, dit-il, vous qui desirez vous sauuer: separez vous de la vanité du monde: car la figure d'iceluy se passe. Peu de temps passera, & voicy il ne sera plus. Sortez sans tourner les yeux arriere, non toutefois à vuide, ains portans avec vous le viatique de la vie eternelle. Car vous auez un long chemin à faire, où il faut de grands frais, & vous paruiendrez au lieu eternel, ayant deux regions qui ont en
Mat. 25 foy plusieurs demeures: l'une des-
1. Co. 7. quelles Dieu a preparee à ceux qui
1. Cor. 2. l'aiment, & gardent ses Commandemens, & ceste cy est pleine de

tous biens : & ceux qui le meriteront, viuront en incorruption éternelle & immortalité, exempts de toute douleur, tristesse & gémiffemens. Et la fécondé region est pleine de tenebres & tribulations & douleurs, laquelle est preparée pour le diable & ses anges, dans laquelle seront iettez ceux, qui par mauuaise vie l'auront mérité, & qui ont preferé les choses corruptibles & temporelles aux éternelles, & se sont rendus dignes d'estre pasture & nourrissement du feu éternel.

*Luc. 13.
Mat. 25*

Oyant donc ceste voix, & la cognoissant véritable, j'ay fait toute diligence pour paruenir à ceste demeure, qui est exempte de toute douleur & tristesse, & comblee de tous biens, assurance & liesse. La cognoissance duquel bien est en moy en partie, comme

1. Cor. 13

estant encores tendre enfant quant à l'âge spirituelle, & voyant comme par vn miroüer & enigme ce qui y est; mais quand sera venu ce

Rom. 8.

qui est par fait, & que ie cognoï-
 stray face à face, alors ce qui est en
 partie, sera destruit. Ie rends gra-
 ces à Dieu par Iesus Christ son fils.
 Car la loy de l'esprit de vie en Ie-
 sus Christ m'a deliuré de la loy de
 peché, & de la mort, & a ouuert
 mes yeux, à ce qu'ils veissent sans
 erreur, que la prudence de la chair
 est mort, & la prudence de l'esprit
 est vie & paix. Donc ainsi que moy
 cognoissant la vanité des choses
 presentes, ie les ay hayes de haine
 parfaicte, ie t'admoneste de faire
 comme moy: & que tu les reputes
 comme estrangeres & de peu de
 duree, & ostant tout d'icy, tute
 thesaurizes au siecle incorruptible
 vn thresor asseuré, & richesses
 perdurables, où il faut certainemēt
 que tu ailles: à fin qu'estant party
 d'icy, tu ne sois souffreteux, ains
 riche & opulent, comme ie t'en ay
 peint cy dessus vne similitude
 tresconuenable.

*Luc. 12.**Mat. 6.*



*Barlaam louë l'aumosne, & monstre
que plusieurs Saints ont renoncé
& abandonné tous leurs biens.*

Chapitre. 15.

IOSAPHAT dit à Barlaam: Dy moy, ie te prie, comment ie puis enuoyer deuant moy en ceste region mes biens & thresors, à ce que i'en aye à l'aduenir plaisir asséuré: & comment ie pourray faire cognoistre, en quelle haine i'ay ces choses presentes, & l'amour que ie porte à celles qui sont à venir. Barlaam luy dist: On enuoye or & argent au lieu eternal par les mains des pauvres. Car vn des Prophetes, nommé Daniel, dist au Roy de Babylone: Pour cecy, ô Roy,

*On en-
uoye de-
uant soy
en para-
dis son
argent
par les
mains
des pau-
ures.
Dan. 4
Luc. 1.*

192 HISTOIRE DE BARLAAM

as parlé cy dessus, est-ce vne tradition & coustume ancienne, procedât de la doctrine des Apostres: ou si entre vous l'auiez nouuellement inuentee, l'estimant bonne & salutaire? Barlaam luy respond: Je ne t'enseigne loy nouuellement introduite (ia Dieu ne plaise) mais obseruee de longue main. Car vn riche interrogeât nostre Sauueur, quoy faisoit il acquerroit le Royaume des cieux & se glorifiait & vantant d'auoir accompli tout ce qui estoit escrit en la Loy, nostre Seigneur luy dist: Vne chose te defaut. Va, & vends tout ce que tu as, & le donne aux pauvres, & tu auras vn thresor au ciel, & vien & me suy, prenant ta croix. Et luy oyant cecy, deuint triste: car il estoit grandement riche. Et nostre Seigneur le voyant constrikté, dit: Auec quelle difficulté ceux qui ont richesses, entreront au Royaume des cieux! Car il est plus facile qu'un chable passe par le trou d'une aiguille, qu'un riche entre en paradis.

Marc.

10.

Luc. 18.

Or les Saincts ont ouy & consideré viuemēt ce propos de nostre Seigneur: & partant se sont separez de telle difficulté des richesses, distribuans tous leurs biens aux pauvres, & se thesaurisans richesses eternelles, ont prins leur croix & ont suyuy Iesus Christ. Aucuns, comme dit est, ont esté martyrissez: autres ont embrassé les travaux & austeritez de la vie Monastique & solitaire, n'ont rien obmis des choses qui appartiennent à telle vie, Sçaches donc que c'est le commandement de Iesus Christ nostre Dieu & Roy, qui nous retire de l'amour des choses temporelles, & nous fait suyure le chemi qui conduit à l'eternité. Puis donc (dit Iosaphat) que ceste Philosophie est si anciēne & si necessaire, pourquoy estce qu'aujour d'huy peu la suyuent: Et le vieillard dist: Maintes personnes l'ont suyue, & la suyuent encores: mais le nombre est plus grand de ceux qui demeurent pareilleux & non chalans.

Car, comme dit nostre Seigneur,
 peu de gens suyuent le chemin e-
 stroit qui conduit à la vie, mais
 plusieurs sont qui suyuent l'ample
 & large, qui mene à perdition.

*Mat. 7**Luc. 13.*

Car ceux qui sont attrappez d'a-
 uarice & volupté de choses mau-
 uaises, & qui sont ambitieux & su-
 perbes, demeurent liez & enue-
 loppez en ces vices: & se vendans
 volontairement comme serfs à vn
 Seigneur estrangier, & resistans à
 Dieu qui les defend, sont detenuz
 de ce Seigneur liez & enchesnez.

Car l'ame qui desespere vne fois de
 son salut, & s'abandonne à con-
 uoitisés desraisonnables, & insta-
 ble. Et pour cecy le Prophete

Psal. 4

plaignant & lamentant la folie de
 ces amés, disoit: Enfans des hom-
 mes, iusques à quand aurez vous le
 cœur endurcy? pourquoy aimez
 vous vanité, & pourquoy cher-
 chez vous mensonge?

*S. Gr.**Naz.*

A cecy s'accordant vn grand
 Theologien des nostres, & y ad-
 ioustant quelque chose du sien,
 crioit

crioit à tous comme d'une haute
 tour: Enfans des hommes, iusques
 à quand aurez vous le cœur endur-
 cy? pourquoy aimez vous vanité,
 & pourquoy cherchez vous men-
 songe, estimans grande chose ceste
 vie, & ces delices, petite gloire, *Vanité*
 foible puissance, & fauce prosperi- *& in-*
 té? Lesquelles choses ne sont d'a- *stabilité*
 uantage à ceux qui les possèdent, *des deli-*
 qu'à ceux qui ont esperance de les *ces &*
 posséder: & non encores d'auanta- *gloire de*
 ge à ceux cy, qu'à ceux qui ne les *ce men-*
 ont iamais attendues: ains sont a- *de.*
 gitées cōme poudre, & ores poufées
 vers les vns, & ores vers les autres,
 & s'esuanouissent comme la fumee
 & nous trompent comme songes,
 & ne sont moins vaines que l'om-
 bre, & de telle nature, que ny ceux
 qui ne les ont, ne doiuent perdre
 l'esperance de les auoir, & dere-
 chef escoulent & eschappent des
 mains de ceux qui les possèdent.

En telle maniere donc nostre Sei-
 gneur commandant, les Prophetes
 & Apostres preschans, & tous les

*Simili-
tude.*

Saints par œuvres & paroles nous exhortans à la tresdouce voye de vertu, encorés que peu de gens la prennent, grand nombre aimant mieux suivre le grand chemin qui mene à damnatiō, pour cecy neantmoins ceste diuine Philosophie n'en est pas moins à priser. Car tout ainſique le Soleil est créé pour luire à tous, & montrant ſes rayōs pour eſclairer à tous, ſi quelques vns fermans les yeux ne veulent contempler ſa lueur, le Soleil n'en est pourtāt à reprēdre, ny à meſpriſer des autres, ny la gloire de la ſplendeur ne ſera deshonoree par leur folie: mais plus taſt eux ſe priuans de lumiere, irons à taſtons comme aueugles, & cherrent en pluſieurs foffes, & auront le viſage eſcorché de ronces & eſpines: & ce pendant le Soleil demeurant en ſa ſplendeur, ne perdra d'illuminer ceux, qui les yeux ouuerts contemplent ſa clairté: En pareil la lumiere de Ieſus Chriſt luist à tous, leur eſlargiſſant abon-

Etamment sa clarté: mais chacun en ce partcipe selon qu'il conuoit-
te & desire. Car le Soleil de iustice
ne defaut à qui le veut contempler
& neantmoins il ne cōtraint ceux
qui de leur volonté choisissent &
embrassent leurs tenebres, & s'y
plaisent: mais vn chacun est delaif-
sé à son liberal arbitre & choix,
tant qu'il est en ce monde.

Sur cecy Iosaphat demandant
que c'est que liberal arbitre &
choix, le vieillard respondit: Le li-
beral arbitre est la volonté de l'a-
me raisonnable, qui se moue sans
aucun empeschement à ce qu'elle
veut, soit à bien, soit à mal, Dieu le
Createur le permettant ainsi. De-
rechef; liberal arbitre est le mou-
uement libre de l'ame intellectu-
le. Choix ou election c'est vn de-
sir passé par deliberation des cho-
ses qui sont en nostre puissance.
Car ce qui a esté proposé par la
consultation, puis apres l'appe-
tons & choisissons. Or consul-
tation n'est autre chose, qu'un

*Delibe-
ral ar-
bitre.*

Choix.

*Consul-
tation.*

desir recherchant les choses que nous auôs à faire, qui gisent en nostre puissance. Car en premier lieu l'homme se conseille, s'il doit faire vne chose ou non, & par apres il iuge ce qui est plus expedient, & cela s'appelle iugement. Apres il s'affectionne à ce qui s'est trouué par consultation, & cela s'appelle sentence. Car s'il le iuge, & ne prend en affection ce qui à esté iugé, c'est à dire, s'il ne l'aime, & y acquiesce, cela ne s'appelle sentence. Et apres l'affection, se fait le choix & election. Car election n'est autre chose, que de deux choses proposees en choisir vne, & laisser l'autre. Et est tout manifeste, que consultation est vne election faicte avec iugement, & mesmes par l'etymologie du mot: car vne chose esleüe vaut autant que choisie dessus vne autre. Or nul ne iuge ny arreste, auant qu'auoir delibéré: ny pareillement ne choisit, que au preallable il n'ait iugé & arreste cela estre expedient: d'autant

que nous ne mettons en train d'effectuer toutes choses qui nous semblent bonnes & expedientes. Alors, & non plustost, ce qui a esté iugé par la consultation, se fait election, quand l'appetit & volonté y concurrent. Et de cecy se collige, que election est vn desir des choses qui sont en nostre puissance, passé par le conseil. Car ce qui a esté deuant iugé avec conseil, nous le desirons puis apres en le choisissant: attendu que tout conseil se fait pour ce qui est à faire: & ainsi deuant tout choix, precede le conseil, & deuant toute action, election marche. Et partant non seulement les actions, mais aussi les pensees rendent les elections diuerses, & sont cause que nous soyons puniz ou recompensez. Car l'election de pendant des choses qui sont en nostre pouuoir & arbitre, & est le commencement de peché & de bonne œuvre. Car des choses, desquelles les puissances & facultez sont en nostre arbitre, les

Cecy se doit lire avec discretion d'autant qu'il semble qu'il y est plus procedé par raison naturelle.

que par actions aussi y sont pareillement.
lumiere Or sont en nostre pouuoir & arbitre les puissances & facultez des
de la foy vertus : par consequent donc aussi
ou bien le sont les vertus. Car proprement
il pre- sont en nostre puissance toutes les
suppose choses qui touchent & concernent
cons- l'ame, & dequoy nous consultons.
ious la Ainsi les hommes, au moyen de
grace de leur liberal arbitre, voulans &
Dieu, choisissans, selon la proportion
qui est de leur choix sont faits participans
cōmen- de la lumiere diuine, & profitent
cemēt de en l'estude de Philosophie. Car les
toutes differences de choix & elections
sainctes sont comme certaines fontaines
& bon- d'eauës, procedans des vaines de la
nes a- terre. Les vnes sourdēt du dessus de
ctions. la terre, autres sourdēt de plus
 bas, autres encores de plus bas : Et
 des eauës de ces fontaines, aucunes
 fluent incessamment, & sont dou-
 ces : aucunes sourdēt de bien bas,
 & sont ameres, & sentent le souf-
 fre : autres fluent en grande abon-
 dance, autres coulent lentement,
 & goutte à goutte. Ainsi faut il que

tu entendes, que des volonte &
 elections humaines, les vnes sont
 soudaines & feruentes, d'autres
 sont lasches & froides: & les vnes
 s'acheminent à bien, & les au-
 tres du tout à mal. Donc se-
 lon l'affection & quali-
 té d'icelles s'ensuyuet
 les mouuemens
 & actions.

I. iij.





Iosaphat estant en soyn du salut de son pere, Barlaam luy donne bonne esperance de sa conuersion. Puis apres luy fait entendre, comme de prime face la Religion Chrestienne semble fuschieuse: mais quand on l'a viuement considerée, on la trouue douce & amiable.

Chapitre. 16.



Lors Iosaphat dist au vieillard: Y a-il d'autres que toy, qui preschent ce que tu presches, ou si tu es seul, qui enseignes telle doctrine, & maintiens que ceste vie presente est tant à hayr?

Barlaam respondant à sa question, luy dit: En ceste vostre tres-malheureuse prouince ie n'en sçache aucun. Car ton pere par sa tyrannie les a fait tous mourir cruellement, & a empesché la predication du saint Euangile: mais en tou-

tes les autres regions ces choses sont preschees publiquement à tous. Aucuns les enseignent sincerement & droictement, autres peruersement, l'ennemy de nos ames les faisant desuoyer de la verité, & les dispersant en opinions estrangeres, & leur enseignant d'interpreter aucuns passages de la sainte Escriture, selon qu'il leur vient en fantasie, & non en sens conuenable & pertinent.

Or n'y a-il qu'une verité, sçavoir est celle qui a esté preschee par les glorieux Apostres, & saintes Peres inspirez de Dieu, & qui reluit plus chair que le Soleil en l'Eglise Catholique, d'un bout de la terre iusques à l'autre, laquelle ie suis enuoyé prescher & enseigner. Sur quoy Iosaphat luy dist: Mon pere n'a il iamais rien appris de cecy? Si luy respondit le vieillard: Il n'en a rien appris par le menu, & comme il appartient: parce que s'estant bouché & estouppé le sens de son entendement, ne

La verité preschee par les Apostres se maintient en l'Eglise Catholique.

veut entendre ny receuoir ce qui est bon & salutaire, ains s'est abandonné dutout à mal. Mais ie voudrois bien, dit Iosaphat, que pareillement il eust appris ces choses.

Math.

19.

Marc.

10.

Adonc le vieillard luy dist: Cccy est impossible quant aux hommes, mais à Dieu toutes choses sont possibles. Car que sçais tu, si tu seras cause du sauuement de ton pere, & que par vn moyen merueilleux tu deviennes pere de celuy qui t'a engendré? Auquel propos i'ay ouy reciter, qu'il fust iadis vn certain Roy, qui gouuernoit bien son

Histoire

re d'un

Roy qui

fut con-

uert

par la

pruden-

ce d'un

Conseil-

ler.

Royaume, & se maintenoit doucement & benignement enuers son peuple: seulement luy defailloit, qu'il n'estoit point illuminé de la lumiere diuine, ains estoit Idolatre & gentil. Or y auoit vn sien Conseiller, fort homme de bien, & decoré de toute vertu, tant en ce qui concerne la pieté de Dieu, que toutes autres vertus: Lequel estoit fort triste & deplaisant de ce que

Le Roy persiffoit en tel erreur: & le vouloit quelquefois reprendre, mais il n'osoit, de crainte qu'il tombast en inconuenient & luy & les siens, & que le moyen qu'il auoit de faire plaisir à beaucoup, ne luy fust osté pour cela. Il espioit neantmoins le temps opportun pour l'attirer à la cognoissance de Dieu. Si luy tint vne certaine nuit le Roy tel propos: Viença, allons nous pourmener par la ville, pour aduises si nous verrons quelque chose qui soit vtile. Aduint que se pourmenans par les rues, entreceirent vn rayon de lumiere reluisant par vn trou: & y mettans l'œil, ils y veirent vne caverne & maison sous terre, deuant laquelle estoit assis vn homme, des plus paurés qui fust, couuert d'vne meschante robe rapiecée. Sa femme estoit deuant luy, luy baillant à boire: & comme il print le verre, elle semit à chanter melodieusement pour le resiouyr, dansant de bonne grace, & louât son mary. Et ceux qui estoient

pres du Roy, considerans cecy fort long temps, s'esmerueilloient de ce que si pauvres gens, qui n'auoyent maison ny vestement, menoient vne vie si ioyeuse & asseuree. Alors le Roy dist à son Conseiller : O amy, quelle grande merueille est-ce cy ? Nostre vie qui a abondance de biens & delices, iamais on ne donna à toy ny à moy tant de plaisir, comme la vie vile & abiecte & miserable de ces fols les resiouit, leur semblant douce & delectable, combien qu'elle soit tant aspre & odieuse. Or ce personnage, qui estoit chef de son Conseil, ayant trouué l'heure opportune, luy dist : Mais, Sire, dy moy en verité, que te semble de leur vie ? Il respond : La plus amere chose, la plus miserable abominable que ie vis iamais. Adonc luy repliqua ce Conseiller : Scaches, Sire, semblablement, que les contemplateurs & annonciateurs de la gloire eternelle, & des biens qui surmōte tout entendemēt

estiment nostre vie trop plus miserable & malheureuse. Car nos Palais dorez, & habillemens magnifiques, & tous autres plaisirs & delices de ceste vie, semblent plus ords & vilains, que fiente & boue, aux yeux de ceux qui ont cognoissance de l'inenarrable beauté des celestes tabernacles, & du vestement diuinement tissu, & des diademes incorruptibles, que Dieu a preparez à ceux qui l'aiment. Car tout ainsi qu'il nous semble que ceux-cy sont fols, de mesmes, & encores d'auantage, ceux qui ont sauouré la douceur des biens eternels, estiment la condition de nous autres, qui errons en ce monde, & prenons plaisir & contentement en fauce gloire, & delices inutiles, miserables, & dignes de larmes & compassion.

Le Roy entendant ces paroles, tout estonné dist : Qui sont donc ceux qui iouissent de plus plaissante & agreable vie que nous? Tous ceux, dist le Conseiller, qui prepo-

*Les gés.
de bien
mesprh
sens les
bjons,
hōneurs
& deli-
ces de ce
monde.*

1. Cor. 2

sent les choses éternelles aux temporelles. Derechef le Roy desirant sçauoir qui sont ces choses éternelles, vint à dire : C'est le Royaume éternel, & la vie qui n'est subiecte à mort, & les richesses qui ne craignent iamais pauvreté, ioye & liesse, exempte de toute tristesse & facherie, & paix éternelle, libre de tout inimitié & contention. Ceux qui par la grace de Dieu receuront vn tel bien, seront heureux: voire oient & cét fois heureux car ils viuront en la vie éternelle, sans douleur & tristesse, iouyssans sans labour de toutes choses plaisâtes & delectables qui sont au Royaume de Dieu, & regneront éternellemēt avec Iesus Christ. Et le Roy luy demādāt, Et qui sera digne de perceuoir ce que tu dis ? il respondit : Tous ceux qui tiennent le chemin qui y conduit : car l'entree est aisée & facile, pourueu que la volonté ne nous manque. Alors dist le Roy, Et quel est le chemin qui y mene ? Le Conseiller luy

respond : Cognoistre le seul vray Dieu, & Iesus Christ son fils ^{102. 17.} unique, & le saint Esprit. Le Roy ayant vne prudence vrayement Royale, luy tint tel propos : Et qui t'a empesché si long temps de me faire entendre ces choses, attendu qu'elles ne sont selon mon iugement dignes d'estre mesprisees ny differees, pourueu quelles soyent vrayes ? Que si elles sont ambiguës & douteuses, il faut s'en enquerir soigneusement, tant qu'on en sçache la verité. Ce n'a esté par nonchalance, Sire (dist-il) ou lascheté, que i'ay differé si long temps à te les faire entendre, veu qu'elles sont vrayes & indubitables : mais i'ay eu crainte de causer tristesse & ennuy à ta Maïesté. Si donc tu me commandes, que dorénavant ie t'en parle, ie le feray tres-volontiers. Ouy, dist le Roy, ie veux que non seulement chacun iour, ains à toute heure tu me rafraichisses la memoire car il n'y faut vaquer negligemment,

210 HISTOIRE DE BARLAAM
ains studieusement & ardemment.
Depuis donc, dit Barlaam, nous a-
uons entendu que ce Roy a vescu
sainctement, & n'a esté priué de la
beatitude eternelle: qui me fait es-
perer, que si quelqu'un prend ton
pere à propos; & l'admoneste de
son salut, peut estre entendra-il, &
cognoistra son erreur & peché, &
se conuertira: Car quant à present
il est auengle, se priuant de la vraye
lumiere, & embrassant les tene-
bres d'impieté.

Or Iosaphat luy dit: Dieu face ce
que bon luy semblera de mon pe-
Mat. 19 re: car, comme tu as dit, ce qui est
Mar. 10 impossible aux hommes, est possible
à Dieu. Mais de ma part cognois-
sant de tes saints & inuincibles
propos la vanité des choses pre-
sentes, ie propose les abandonner,
& acheuer le reste de ma vie avec
toy, de crainte que pour ces choses
temporelles & perissables & flui-
des, ie ne perde les biens eternels.
A cecy le vieillard respond: Si tu
en vses ainsi, tu ressembleras à vn

ieune homme prudent & sage : au-
 quel, comme i'ay entendu, estant
 de riche maison, son pere pour
 chassa pour femme la fille du plus
 noble & riche qui fust au pais, bel-
 le en toute perfection: & apres de-
 clara à son fils son intention : &
 comme il le vouloit marier riche-
 ment. Ce qui desplaent tant à son
 fils, comme vne chose qui luy es-
 toit à contre-cœur, que par vn
 despit il abandonna son pere, &
 s'enfuyt. Aduint qu'en cheminant
 il eut si grand chaut, qu'il se fourra
 dans la maison d'un pauvre vieil
 bon homme pour se reposer & ra-
 freschir. Or alors la fille de ce
 vieillard, qui luy estoit vnique, es-
 toit assise à la porte, & beson-
 gnant de ses mains, louoit inces-
 samment Dieu, & luy rendoit
 graces du profond du cœur. Et le
 ieune homme oyant ces loüanges,
 luy dist, Quel est ce tien exercice,
 fille, & pour quelle raison, estant
 si pauvre que tu es, loues-tu Dieu,
 le remerciant, comme s'il t'auidit

*Histoire
 d'un
 ieune ho-
 me opu-
 lent, qui
 espousa
 la fille
 d'un
 pauvre
 pour la
 vertu
 d'elle.*

*Action
de gra-
ces en
petits
dons de
Dieu,
fait que
Dieu les
aug-
mente.*

donné grandes choses? La fille luy
respōdit. Ne sçais tu, que comme
vne petite medecine deliure sou-
uent l'homme de grāde maladie, de
mesme, action de graces en petites
dons de Dieu, est cause que Dieu
les augmente grandemēt. Vray est
que ie suis fille d'un pauvre veil-
lard: neantmoins ie remercie mon
Dieu de ces petits dons & biēs, &
benis mon Seigneur, estant asseu-
ree que celuy qui me les a donnez,
a bien puissance de m'en dōner de
plus grands. Et encores en cecy ie
ne touche que les externes, & qui
proprement ne sont nostres: des-
quels qui en possede plus, n'en re-
çoit aucun profit, voire souuent
dommage: & cil qui en a moins re-
ceu, n'en est pourtant endōmagé,
allans tous deux par vñ mesme che-
min, & paruenās à mesme fin. Mais
quant est des choses qui sont plus
necessaires & parfaites, i'en ay re-
ceu de Dieu de grands dons, voire
innumerables & inestimables. Car
ie suis creē à l'image de Dieu, &

par la grace ay eu cognoissance de
 luy, & suis doüee de raison, & in-
 uitee de Dieu à la vie eternelle par
 sa misericorde : & outre m'a esté
 donné le pouuoir de participer à
 ces saincts Sacramens, & la porte
 de Paradis a esté ouuerte, où ie
 puis entrer facilement si ie veux.
 Et partant il me semble, qu'il nous
 est impossible rendre à Dieu gra-
 ces dignes de tant & si grands
 biens, lesquels pauvres & riches
 recoiuent indifferemment. Que si
 ie n'offre à Dieu, collateur de ces
 biens, ceste petite loüange, quelle
 excuse auray ie?

*Sap. 2.**Causes
de loüer
Dieu.**Matth.
19.**Iac. 1.*

Or le ieune homme s'eston-
 nant & esmerueillant de l'excel-
 lence de son esprit, appella son pe-
 re, & luy dist : Donne-moy ta
 fille en mariage : car ie l'aime pour
 sa prudence & pieté. Alors le veil-
 lard luy dist : Ce n'est chose
 conuenable, que tu prennes la fille
 d'un pauvre homme pour femme,
 estant issu de si noble race, & si

riche comme tues. A quoy le ieune homme respondit : Je la prendray certainemēt, si tu me la veux bail-
 ler. Vray est qu'on m'a voulu don-
 ner pour femme la fille d'un riche
 & puissant homme, mais ie l'ay re-
 fusée, & m'en suis enfuy. Mais
 considerant la pieté enuers Dieu
 de ta fille, & aimant l'excellence
 de son esprit, ie me delibre de la
 prendre à femme. A quoy le veil-
 lard respondit : Je ne te la puis
 donner, pour la mener à la maison
 de ton pere, & l'esloigner de moy,
 par ce que ie n'ay autre enfāt qu'el-
 le. S'il ne tient qu'à cela, dist le
 ieune homme, ie demeureray avec
 vous, & suyuray en tout vostre ma-
 niere de viure. Et despouillant sa
 robbe, qui estoit belle & riche,
 demanda la robbe du bon hom-
 me, & la vestit. Alors le bon veil-
 lard l'esprouuant en plusieurs for-
 tes, & examinant subtilement son
 intention, apres qu'il eut cogneu
 la fermeté de son esprit, & qu'il ne
 demandoit sa fille pour fol amour,

mais que pour l'amour de pieté il
auoit choisy viure trespauuement,
mesprisant & quittant toute sa
gloire & noblesse, le prenant par
la main, le fit entrer en son cabi-
net, & luy monstra si grand nom-
bre d'or & d'argent, & autres
biens, que le ieune homme en fut
tout estonné; & luy dist, Mon fils,
ie te donne tout cecy, par ce que
tu as choisy estre heritier de
mon bien. Et ainsi ce ieune
homme deuint
merueilleusemēt
riche & op-
ulent.





*Barlaam prie, que Dieu ouvre les yeux
du cœur à Iosaphat: & luy monstre,
comme par la cōtemplation des crea-
tures on cognoist le createur.*

Chapitre. 17.



IOSAPHAT ayant
attentiuemēt escouté
le propos de Barlaam,
luy dist: Certes il me
semble que cest exem-
ple me touche, & que c'est de moy
que tu parles. Mais ie voudrois biē
sçauoir, par quelle esprouue tu
veux cognoistre la fermeté de mō
esprit. Et le veillard luy dist: Ie
l'ay ia examinée, & ay cogneu que
tu es prudent, & que tu as l'esprit
ferme & droict: mais à la mien-
ne volonté que la fin de ton ope-
ration corrobore ces choses. Et

Sur ceste intention ie flechis les
genoux deuant nostre Dieu, crea-
teur de toutes choses, visibles & *Ephes. 3*
inuisibles, qui est tousiours, & se-
ra, la deité duquel n'a en commen-
cement, ny ne prendra fin, qui est
terrible & tout-puissant, bon & *Apo. II*
misericordieux, que de grace il il-
lumine les yeux de ton cœur, & te
donne l'esprit de sapience & reue-
lation en la cognoissance de luy, à
ce que tu sçaches quelle est l'esper- *Ephes. 1*
rance de sa vocation, & les riches-
ses de la gloire de son heritage es
saincts, & l'excellente grandeur
de sa vertu en nous qui croyons, à
ce que tu ne sois plus pelerin & e- *Ephes. 2*
stranger, mais concitoyen des
saincts, & domestique de Dieu, &
difié sur le fondemēt des Apostres
& Prophetes. Iesus Christ estant
la pierre angulaire, auquel tout
bastimēt construit, croist en saint
temple en nostre Seigneur.

Or Iosaphat fort contrist dist:
I'ay grand desir d'entendre plus
clairement ce que tu dis.

218 HISTOIRE DE BARLAAM

Parquoy ie te prie me declarer, quels sont les richesses de la gloire de Dieu, & l'excellente grandeur de sa vertu. Alors Barlaam respond: Je prie Dieu qu'il t'enseigne ces choses, & empreigne en ton ame la cognoissance d'icelles: car il est impossible de reciter sa gloire & puissance, quand bien toutes les langues des hommes qui sont, ou ont esté, seroient toutes ensemble.

2. Ioñ. 4 Car, dit l'Evangliste, onc homme
Ioan. 1. ne voit Dieu. Le fils vnique qui est au sein du pere, le nous a annoncé. Et qui pourra comprendre en son esprit la gloire & magnificence de l'inuisible & inestimable, selon celui à qui il en aura reuelé autant qu'il veut comme il a fait aux Prophetes & Apostres? Quant à nous tant par la predicatiō d'iceux, que par la mesme nature des choses, en apprenons tant qu'il suffit pour nostre salut. Car l'Escripture dit: Les cieux narrēt la gloire de Dieu, & le firmament annonce les œuvres de ses mains. Et ailleurs: Les choses

-choses inuisibles de Dieu sont co- Rom. i.
 gneuës par le moyen des choses
 -créés : semblablement son eter-
 nelle vertu & diuinité. Car tout
 ainsi qu'un homme voyant vne bel- Simila-
 le maison bien & artificieusement tude.
 bastie, ou bien vn vaisseau elegam-
 ment forgé, se propose soudain en
 l'entendement l'architecte & ou-
 urier : en pareil, estant formé de
 rien, & produit en estre, encores
 que ie ne puisse voir mon createur,
 neantmoins de la tres-belle & ad-
 mirable composition de moy-mes-
 mes, ie suis venu à la cognoissance
 de sa sapience : non comme il est,
 mais ainsi que i'ay peu comprendre
 car ie ne suis venu de moy-mesmes
 & ne me suis fait & composé, mais
 luy m'a composé, comme il luy a
 pleu ; & de telle façon, qu'il m'a
 baillé l'empire & domination sur
 toutes creatures : & depuis estant
 brisé par peché, m'a derechef re-
 formé d'une meilleure & plus ex-
 cellente maniere que deuant : &
 par apres me tirant par son diuin

commandement des choses terrestres, me transferera à la vie infinie & éternelle. En nulle de ces choses ie ne puis résister à la force de sa providence, ny adioüster ou ôster quelque chose à moy-mesmes, soit selon la stature, ou selon la forme du visage : & si ne puis renouveler en moy les choses enuieillies, ny remettre en leur entier celles qui sont corrompües. Car nul homme n'a peu onc rien faire de tout cecy, fust Roy, fust sage, fust riche, fust puissant, ou autre de quelque qualité ou condition qu'il fust. Et de fait, le Sage tesmoigne, *Sap. 7.* qu'il n'y a eun Roy ny Seigneur si puissant, qui ait eu autre commencement de naissance. Car l'entrée à ceste vie semblable à tous & pareillement l'issüe.

Donc par la creation de moy, & des choses qui sont en moy, i'ay esté conduit à la cognoissance de la grandeur & magnificence du Createur: loinct que i'ay viuement considéré la belle composition &

conuersation de toutes creatures
 & ay veu que toutes selon soy,
 sont subiettes à conuersion &
 changement, sçauoir est les intel-
 lectuelles & raisonnables, selon le
 liberal arbitre & auancement en
 vertu, ou recullement d'icelle : &
 les sensibles, selon la generation
 & corruption, augmentation &
 diminution, & selon la mutation
 qui se fait par qualité, & finalement
 selon le mouuement local. Et par
 cecy tacitement preschent & pu-
 blient, qu'elles sont créés, main-
 tenuës, & conseruees de Dieu in-
 créé & immuable.

Or ie demande, comment na-
 tures si contraires les vnes aux au-
 tres, se fussent assemblees pour
 l'accomplissement de l'vniuers, &
 demeurees indissolubles, si vne
 toute puissante vertu ne les eust
 meslees ensemble, & ne les con-
 seruoit tousiours sans dissolu-
 tion. Car comment pourroit quel-
 que chose demeurer en estre,

s'il ne le yuloit ? Ou, comme dit l'Écriture, comment seroit gardé & maintenu ce qui n'est point appelé de luy ? Car s'il est ainsi que vn Nauire ne peut se maintenir sans pilote, ains s'en va bien tost à fond, & la moindre maison ne peut estre de duree, s'il n'y a vn maistre qui y pouruoye & prenne garde: comment est ce que le monde, qui est vne creature si belle & admirable, eust tant duré, sans vn excellent & merueilleux gouuernement & tressage prouidence?

Et de fait, combien y a-il que le ciel dure sans se noircir ? La vertu de la terre s'est elle lassée en si long temps qu'il y a qu'elle est créée ? Les fontaines ont elles cessé de couler, depuis qu'elles sont en estre ? La mer receuant tant & si grande fleuves, en a elle desbordé pour cela ? Le cours du Soleil & de la Lune s'est il changé ? Les ordres du iour & de la nuit se sont ils troublez & peruertiz ? De toutes ces choses l'ineffable vertu de Dieu &

magnificence nous est declaree, testifiee par les Prophetes & Apostres : combien que nul n'est suffisant pour bien considerer ou louer la gloire d'iceluy. Car l'Apostre, qui auoit Iesus Christ parlant en soy, considerant toutes choses visibles & inuisibles, dit: Et nous co- 1. Cor. 13
gnoissons en partie, & prophetisons en partie: mais quand sera venu ce qui est parfait, ce qui est en partie, s'euacuera. Et pour cela s'esmerueillant des richesses inestimables d'iceluy, fait vne exclamation grande, disant: O hauteur des richesses de la sapience & science de Rom. 11
Dieu, combien sont inscrutables ses iugemens, & ses voyes incongneues! Que si celuy, qui a esté rauy iusques au tiers ciel, a proféré telles paroles, qui sera l'homme de mes semblables, qui osera mesmes seulement ietter l'œil sur tels & si grands mysteres, & en parler ou penser quelque chose dignement, si Dieu autheur de sapience ne luy donne sa grace?

Car nous & nos paroles sont en sa main, & toute sapience & discipline procede de luy. Car il nous a donné la vraye science des choses, à ce que cognoissions la creation du monde, & les vertus des elements, le commencement, le milieu & la fin, le changement des temps, le changemēt de toutes les heures, & qu'il à ordonné toutes choses en nombre & mesure, & poids: d'autant que la puissance luy est tousiours prompte & presente, & n'y a qui puisse soustenir la force de son bras. Car tout le monde est devant luy comme vn grain de balance: & comme vne goutte de rosee qui tōbe au matin. Mais il à pitié de tous, par ce qu'il pent toutes choses, & dissimule les pechez des hommes, les attendant à penitence: car il ne reiette aucun de ceux qui se retire à luy. Il est seul bon Seigneur, & amateur des ames: son nom soit benoit, loué & exalté par tous siecles. Amen.

Sap. II.

Dan. 3.

Or Iosaphat luy dist: Si tu eusses

aduisé long temps , homme tressage , pour resouldre les questions, lesquelles ie t'ay proposees , il me semble que tu ne m'eusses peu rendre responce que celle que tu me viens de donner. Car tu m'as monstré , qu'il y a vn Createur & conseruateur de tous biens. Dauantage tu m'as déclaré par paroles irrefutables , comme la gloire de sa magnificence est incomprehensible, mesmes à la pensee de l'homme: & qu'autrement nul ne la peut comprendre, si Dieu ne la luy reuele, autant qu'il luy plaist: & par cecy i'admire grandement ta grandissime sapience.



Tout ainsi que ceste vie charnelle n'est la
vraye vie, de mesme la mort temporelle
n'est la vraye mort. La tempérance des Religieux en viures & vestemens. Iosaphat demande Baptisme,
& s'enquiert de la conuersation des Religieux.

Chapitre. 18.

MAis pour changer propos, dy moy, heureux homme, quel aage tu peux auoir maintenant, & en quel lieu tu demoures; & quels compaignons tu as: car mon ame depend merueilleusement de la tienne, & ne me veux separer iour de ma vie de toy. A cecy respondit le vieillard: I'ay, comme ie pense, quarante & cinq ans, & demurant es deserts

de Sennaar, ay pour compaignons ceux qui trauaillent avec moy pour paruenir au Royaume des Cieux. Comment, dist Iosaphat, me dis tu cecy, veu qu'il me semble, à voir ton visage, que tu as plus de soixante & dix ans? Que veux tu donc dire de quarante cinq ans? Il me semble qu'en cecy tu ne dis verité.

Et Berlaam luy dist: Si tu prens mes ans de ma naissance, tu as bien iugé que i'auois plus de soixante & dix ans. Mais de ma part, ie ne mets point en compte ceux que i'ay employez aux vanitez du monde. Car quand ie viuois seruant de ma chair à peché, i'estois mort en l'homme interieur. Parquoy ie n'appelleray iamais les ans de mort, ans de vie. Mais depuis que le monde m'est crucifié, & moy au monde, & que i'ay laissé le vieil homme, qui se corrompt selon les desirs d'erreur, ie ne vis plus en chair, mais Iesus Christ vit en moy: & ce que ie vis, ie vis en la

Gal. 6.

Eph. 4

Des ans Foy du Flis de Dieu qui m'a aymé.
passer A bon droict i'appelleray ces ans,
en deli- & ans de vie, & iours de salut: les-
ces, ne quels comptant iusques à environ
sont à quarante & cinq ans, ce n'est sans
compter raison que ie les ay ainsi comptez.
pour ans Et de ta part, sois en semblable-
de nostre ment logé là, n'estimant viure
vie. ceux qui sont morts à bon œure,
 & viuent à peché, & seruent au
 Prince & Seigneur de ceux qui
 sont veutrez en terre, & consum-
 ment leurs iours en voluptez &
 delices: mais ne fáy doute, que
 telles gens soyent morts spirituel-
 lement. Car conuenablement le
 Sage appelle peché, mort. L'Apô-
 stre dit pareillement, Comme vous
 estiez serfs de peché, vous auez
 esté affranchis de iustice. Quel
 fruct donc auez vous eu alors es
 choses, desquelles maintenant vous
 auez honte? car leur fin est mort.
 Mais maintenant deliurez de pe-
 ché, & faits seruiteurs de Dieu,
 vous auez vostre fruct en sanctifi-
 catio, & en fin la vie éternelle. Car

Rom. 6.

les gages de peché, c'est mort, & la grace de Dieu, est la vie éternelle en Iesus Christ nostre Seigneur.

Alors Iosaphat luy dist: Puis *Lamort*
qu'ainsi est, que la vie charnelle *tempo-*
n'est reputée de toy vie, par con- *relle ne*
sequent dont la mort temporelle *doit c-*
ne se doit estimer mort. A quoy *estre esti-*
respondit le vieillard: Non certai- *mee*
nement: & partant quant à moy, *morte.*
ie ne la crains, & si ne l'appelle
point mort. Car si elle m'attrappe
au chemin des Commandemens de *Coloss. 3.*
Dieu, c'est plus tost vn passage de
mort à vie: vie d'y ie meilleure &
plus parfaite, & cachée en Iesus
Christ, laquelle les Saints desirans
fort, s'ennuyoient beaucoup en
la vie presente. Suyuant quoy dit
saint Paul: Nous sçauons que si *2. Cor. 5.*
nostre maison terrestre de ceste
demeure est brisée, nous aurons
vne edification de Dieu, vne mai-
son non faicte de main d'homme,
mais éternelle au Ciel. Car pour
cecy nous gemissons, desirans

130 HISTOIRE DE BARLAAM

estre reueſtus de noſtre habitation
qui eſt du Ciel, ſi touteſois nous
ſommes trouuez veſtus, & non
nuds. Car nous auſſi, qui ſommes en ce
tabernacle, gemiſſons greuez, par
ce que nous ne voulons eſtre deſ-
pouilleez, ains reueſtuz, à fin que ce
qui eſt mortel, ſoit oſté de la vie.

Ren. 7. Dit derechef: Misérable homme
que ie ſuis, qui me deliurera du
corps de ceſte mort? Et derechef:

Thil. 1. Je deſire eſtre ſeparé de ce corps,
& eſtre avec Ieſus Chriſt. Et le Pro-
phète de meſmes: Quand viendray

Pſal. 41. ie, dit il, & apparoiſtray deſant la
face de Dieu? Et quand eſt de moy,

qui ſuis le moindre des ſeruiteurs
de Dieu, par cecy tu peux verita-
blement iuger, que ie ne crains au-
cunement: ceſte mort temporelle;
attendu que meſpriſant les mena-
ces de ton pere, ie ſuis venu à toy
ſans crainte, & t'ay preſché & an-
noncé ton ſalut, encorſ que ie
ſçache bien, qu'es'il en auoit ouy
quelque vent, s'il pouoit, il
me feroit mourir de mille morts.

Mais moy préposant la parole de Dieu à toutes choses, & desirant paruenir à luy, ie ne crains la mort temporelle, & ne l'estime digne *Mat. 10* d'estre ainsi nommee, obeyssant au cōmandement de nostre Seigneur, qui dit : ne vueilles craindre ceux qui tuent le corps, & ne peuuent tuer l'âme: mais redoutez plus tost celuy qui peut perdre & l'ame & le corps en la gehenne. Certes, dist Iosaphat, ces vertus de vostre vraye Philosophie surpassent grandement la nature des hommes terrestres, qui adherent du tout à la vie presente. Vous estes heureux entre vous, qui auez vne si virile & constante volonté. Mais ie te prie, dy moy la verité, quelle viande tes compagnons & toy mangez vous au desert, & quels sont vos vestemens?

Barlaam luy respondit: Nostre viure est ce qui ce peut trouuer es deserts, comme fruiçts, herbes, & choses semblables que le desert porte, obeyssant au cōmandement

*Auste-
rite des
Religi-
eux an-
ciens.*

de Dieu , pour lesquelles aucun
n'entre en debat avec nous , pour
en auoir dauantage par auarice ou
cupidité. Car la viande qui vient
sans labour, & s'offre de soy-mes-
mes, est au commandemēt de tous
sans aucune enuie. Que si par fois
quelqu'un de nos freres voisins
nous apporte benedictiō de pain,
comme enuoyé de Dieu , nous le
receuons à la benediction de ceux
qui le donnent fidelement. Et nos
vestemens sont de laine, de cilice,
de peaux de brebis vieilles & rudes
pour matter ceste chair infirme.
Car nous n'en changeons hyuer ny
esté: & ne nous est loisible de des-
vestir vn habillement depuis que
l'auons vestu, qu'il ne soit du tout
vsé & pourry. Car pour estre ainsi
yexez de froid & de chaut , nous
esperons à l'aduenir estre reuestuz
de robbes incorruptibles. Iosa-
phat lux dist: Où as tu donc prins
ce vestement que tu portes? Il re-
spond: L'un de nos freres le m'a
presté pour venir à toy. Car il

n'estoit conuenable y venir avec mon habit accoustumé. Et en cecy i'ay faict comme iadis vn quidam, qui auoit vn sien cousin prisonnier en estrange contree : & le voulant tirer de là, laissant sa robe, & en prenant vne à la façon des ennemis, s'en alla la part où estoit son parent : & fit tāt ainſi deſguisé, qu'il trouua moyen de le deliurer de la prison & tyrannie en la quelle il estoit. En ſemblable ſçachāt ton estat, ſuis venu en ceſt accouſtrement ietter en ton cœur la ſemence de la diuine parole, & te deliurer de la ſeruitude du trefcruel gouuerneur de ce monde. Et de faict, avec la grace de Dieu, en tant qu'en moy a eſté, ay accompli mon miniſtere, & t'ay annoncé la cognoiſſance de Dieu, & fait entendre la predication des Propheſtes & Apoſtres : enſemble t'ay vraiment monſté & ſans erreur la vanité des choſes preſentes, & de quels & combien grands maux le monde eſt

plein , seduisant iournellement ceux qui luy obeyssent, & en quâtes sortes & manieres il les attrappe en ses filets. Desormais il m'e faut retoutner d'où ie viens : où estant paruenù, laissant cest habit estranger , ie reprendray le mien. Sur quoy Iosaphat venant à le prier de luy monstrier son habit accoustumé , soudain iettant bas le manteau qu'il auoit sur ses espaules , chose horrible apparut à Iosaphat. Car toute sa chair estoit consumée , & sa peau toute noire de l'ardeur du Soleil , & luy tenoit aux os estant estendue comme vne peau, & si estoit ceinct depuis les reins iusques aux genoux d'une haire toute deschirée & bien rude, & en auoit autant sur les espaules.

Or Iosaphat s'esmerueillâ grandement de telle austerité, & s'estonna de sa perseuerance, & soupirant & plourant, dist au vieillard : Par ce que tu m'es venu deliurer de la dure & amere seruitu,

de du diable, imposant conuenable fin à ton bienfaict, retire mon ame de ceste prison, & me prenant avec toy, allons nous en d'icy, à ce *Psa. 147* qu'estant parfaitement racheté de l'erreur du monde, ie reçoie le saint Baptisme, & te sois fait compaignon de ceste admirable Philosophie, & excellente maniere de viure. A cecy Barlaam luy proposa vne telle parabole.

Vn certain homme riche auoit nourry vn fan de cheureul, lequel deuenu grand, desiroit les deserts, y estant attiré d'une affection naturelle. Donc estant vn iour sorty de la maison, trouua vn troupeau de cheureuls qui passoient, & se ioignât avec eux, alloit tournant çà & là par champs & forêts. Reuenant neantmoins sur le vespre, par la nonchalance des berdeurs sortoit de rechef de grand matin, & alloit comme deuant, au troupeau paistre avec les autres. Lesquels allans paistre plus loing que de coustume, il les suiyt pa-

Parabole.

reillement. Les seruiteurs de ce riche scachans cecy , montent à cheual, & vont apres. Et quant à leur cheureul , bien le prindrent-ils vis, & le remanerent à la maison , sans plus luy permettre de sortir hors : mais quant au demeurant du troupeau, ils en tuerent les vns, les autres ils les batirent fort & ferme. De mesme façon est il à crandre qu'il ne m'aduienne , si tu m'accompagnes. Car ie seray priué de ta compaignie , & seray cause de grands maux à mes compaignons, & de damnation eternelle à ton pere. Mais Dieu veut que pour maintenant tu sois baptisé, & que tu demeures en ce pays, y persistant en la foy & pieté, & observation de ses commandemens. Et quand il aura pleu à l'autheur de tous biens , alors tu me viendras trouuer, & acheuerons ensemble le reste de ceste vie presente, me confiant en Dieu, que pareillemēt serons conioincts & associez en la vie future.

Iosaphat pleurant, derechef luy dit : Si ainsi plaist à Dieu, sa volonté soit faicte. Donc donne moy le deuin Baptisme, & prenant argent de moy & habilemens pour tes necessitez & de tes freres, retourne t'en au lieu de ta solitude, estant gardé en la paix de Dieu : & ne cesse de prier pour moy, à ce que ie ne sois frustré de mon esperance, ains que bien tost ie puisse aller à toy, & percevoir de toy en repos assouré l'attente de mon auancement. Barlaam respondit à cecy : Il n'y a rien qui empesche que tu ne sois baptisé : partant prepare toy pour recevoir ce sacrement. Et quant à ce que tu dis, que tu me donneras argent pour les miens & pour moy, comment cecy se peut il faire, que toy pauvre donnes l'aumosne à ceux qui sont riches ? Car la coustume est, que les riches donnent au pauvres, & non les pauvres aux riches. Car le moindre des miens est plus riche que toy sans comparaison.

238 HISTOIRE DE BARLAAM

Mais ie me confie en la bonté de Dieu, que dedans peu de temps tu feras aussi enrichy , & alors tu ne feras si prompt à donner & departir du tien comme à present.

Iosaphat luy replique : Declare moy ce que tu dis , comment le moindre des tiens est plus riche que moy, lesquels tu m'as dit viure en extreme pauureté & necessité. Outre, comme s'entend que maintenant tu me dis estre pauvre , & que lors que ie seray enrichy, ie ne seray plus liberal, veu que ie le suis dès maintenant. Barlaam respondit : le n'ay pas dit qu'ils estoient trauaillez de pauureté, ains qu'ils abondent en richesses permanentes. Car adiouster tousiours argent , & ne refrener aucunement la conuoitise, ains les desirer insatiablement, c'est extreme pauureté. D'autre part à bon droit puis ie dire ceux-là plus riches que toy & que tous Roys terriens, qui par vn desir des choses eternelles, mesprisent les presentes , & les estiment

Conuoitise d'argent est extreme pauureté.

Phil. 3

comme fiente & bouë, à fin de gagner le seul Iesus Christ, & qui laissent toute sollicitude du boire & du manger & des autres necessitez, s'en remettans à Dieu: & se resiouissent de pauureté, autant & plus que l'amateur du monde ne s'esjouit, quand il est chargé de biens & richesses: & assemblent en abondance les richesses de vertuz; nourriz & engraissez de l'esperance des biens eternels. Mais avec la grace de Dieu tu prendras pareillement ceste richesse spirituelle, laquelle gradant soigneusement; & à bon droit desirant toujours l'augmenter, tu ne voudras qu'aucunemēt elle soit amoindrie, d'autant que c'est la vraye richesse. Mais la grandeur des richesses temporelles offense plustost ses amis, qu'elle ne les ayde. A iuste raison donc les ay-ie appellees extreme pauureté, auxquelles les amateurs des biens celestes renoncent entierement, & les fuyent, comme l'homme fait deuant vne couleuvre.

*Richesse
se de
vertu.*

Que si receuant de toy le serpent
vif, lequel mes freres & compai-
gnons ont ja meurtry & mis sous
le pied, ie le leur porte derechef:
ie le leur seray autheur de guerre
& de vice, & leur seray sans doute
vn second Satan. la n'aduienne que
ie m'oublie tant, que de commet-
tre vn si malheureux acte. Entens
de mesmes quant aux vestemens.
Car ayant despoüillé & mis bas,
entant qu'en eux est, la corruption
de l'ancienne desobeissance, &
ayans vestu Iesus Christ, comme
vestment de salut, & robbe de
liesse, comment les contraindray-
ie derechef prédre tunique four-
rees, & se couvrir de la couuerture
de confusion? Mais scachant
qu'aucun des miens n'a besoin de
ces choses, ains se contentent de
leurs exercices de desert & solitu-
de, & les reputent pour vrayes ri-
chesses, donne aux pauures cest
argent & ces habillemens que tu
leur voudrois donner, & t'en fais
vn bon thresor assure pour l'ad-

uenir , & t'acquires le cours de
 Dieu au moyen de leur prieres &
 oraisons , & ainsi les richesses te
 cooperont à bien. Par apres pre-
 nant l'armure de l'esprit, & ayant
 tes reins ceints en verité, & estant
 vestu du corselet de iustice , & *Ephes.*
 ayant prins le heaume de salut, &
 chaussant des souliers en prepara-
 tion de l'Euangile de paix , & pre-
 nant en main le boucher de la foy,
 & l'espee de l'esprit, qui est la pa-
 role de Dieu : ainsi bien armé &
 muny , entre asseuré en bataille
 contre l'impieté, & l'ayant mise
 en fuyte, & ietté par terre le Dia-
 ble prince d'icelle, & obtins la
 couronne de victoire, tu
 seras couronné par
 la dextre du
 Seigneur
 Dieu.



Barlaam, avant que baptiser Iosaphat, l'instruit des mysteres de la foy, de la sainte Eucharistie, & de la veneratiõ des Images, & du Symbole de Nice. Apres il le baptise, & le communit, & l'exhorte à l'estude de vertu.

Chapitre. 19.



Barlaam donc instruisant, comme dit est, de propos salutaires le fils du Roy, & le preparant au saint Baptisme, & luy commandant de ieusner, & faire prieres à la mode accoustumee, ne cessa par plusieurs iours de l'aller souuent voir, luy faisant entendre entierement les articles de nostre foy Catholique, & luy exposant clairement l'Evangile, & les escrits des Apostres & Prophetes. Car ce bon vieillard enseigné de Dieu, scauoit tout le
vieil

Iosaphat ieusne, deuant que recevoir baptisme.

vieil & nouveau Testament, & inspiré du saint Esprit, l'illumina, & luy donna vraye cognoissance de Dieu.

Or le iour qu'il d'eut estre baptisé, luy dist : Te voicy maintenant sur le point de prendre le signacle de Iesus Christ, & estre marqué de la lumiere de la face de Dieu, & estre fait fils de Dieu, & temple du saint Esprit. Croy donc au Pere, au Fils, & au saint Esprit, la sainte & viuifiante Trinité en trois personnes, & vne deité, diuisée és personnes, & és proprieté de personnes, & vnice en substance. Cognois vn Dieu le Pere, point engendré, le Fils vnique nostre Seigneur Iesus Christ, lumiere de lumiere, Dieu vray de Dieu vray, nay deuant tous les siècles. Car du bon Pere est nay le bon Fils: & de si grande lumiere, lumiere sempiternelle a resplendy, & de la vraye vie est issuë vne viuifiante fontaine, & de la vertu du Pere, la vertu du Fils est apparue: lequel est la splendeur de gloire, &

Ioan. i. le verbe substantiel, qui estoit au commencement en Dieu, & est sans commencement & sans fin, par lequel toutes choses ont esté faictes, visibles & invisibles.

Sçaches d'avantage, qu'il est vn saint Esprit, procedant du Pere, & du Fils, Dieu parfait & viuifiant, & largiteur de sanctification, libre en volonté, tout puissant, eternal, & vraiment subsistant. Adore donc ainsi le Pere, & le Fils, & le
De la saint Esprit, en trois personnes:
treissain- c'est à dire proprietez, & vne diui-
cte Tri- nité. Car ce n'est de tous trois que
nité. vne deité, vne nature, vne substance, vne gloire, vn regne, vne vertu, vne puissance. Or est commun & au Fils, & au saint Esprit, estre du Pere: & le propre du Pere est de n'estre point engendré, & du Fils, estre engendré, & du saint Esprit, proceder des deux. Croy ces choses ainsi: mais ne t'estudie de comprendre la maniere de ceste generation ou procession (car c'est chose de tout incomprehen-

ble) mais tien en droicte de
Cœur, chassant toute curiosité, que
le Pere, le Fils, & le saint Esprit en
toutes choses ne sont qu'un, excep-
tez les proprieté cy deuant dites.

Et croy que le Fils unique de
Dieu, & verbe de Dieu & Dieu,
pour nostre salut est descendu en
terre: & de la volonté du Pere, &
coopération du saint Esprit, sans
semence d'homme, a esté conceu au
ventre de la Vierge & mere de
Dieu Marie par le saint Esprit, &
d'elle sans aucune corruption, est
n'ay homme parfait, & qu'ensem-
blement il est & Dieu parfait, &
homme parfait, de deux natures,
sçauoir est diuine & humaine, & en
deux natures, intellectuelles, &
ayant volonté & efficace & franc
arbitre, & auant toutes choses par-
faitement, selon que le requiert la
definition de l'une & l'autre natu-
re. sçauoir est, la diuine & humai-
ne, & neantmoins n'y ayant que
une personne composée de deux
natures. Et reçois cecy indubita-

*De l'incarnat-
tion du
Fils de
Dieu.*

248 HISTOIRE DE BARLAAM.

par la grace de Dieu. par nostre liberal arbitre, & propre volonté nous eslisons, soit le bien, soit le mal.

Ephes. 2. Ioan. 3. Luc. 24. Avec ce que dit est, confesse vn Baptesme d'eau & de l'esprit en la remission des pechez. Receoy pa-

Du saint Sacrement de l'autel. 1. Cor. 11. reillement les saints mysteres de Iesus Christ, & croy en verité que c'est le corps & le sang de Iesus Christ nostre Dieu, qu'il a donné en remission des pechez. Car la

mye qu'il deuoit estre liure, fit vn testament & aliance avec ses Apou-
sires & disciples: & par eux à tous ceux qui deuoyent croire, en luy dist: Prenez & mangez, c'est mon corps, lequel sera liuré pour vous en remission des pechez. Semblablement prenant le Calice, le leur donna, disant: Beutez tous de ce cecy est mon sang du nouueau Testament, lequel sera pour nous es-
pandu. Faites ce en la memoire de moy. Donc ce verbe de Dieu vis & plein d'efficace, & faisant tout par sa vertu, fait & conuertit de la diuine parole le pain & vin de

Heb. 4.

l'oblation: en son corps & sang,
furnenant le saint Esprit, en san-
ctification & illumination de ceux
qui le recoiuent deuotement. A-
dore-le de foy.

Et d'auantage baise & venera
l'image & remembrance de nostre
Seigneur, verbe de Dieu incarné
pour nous, croyant que tu vois
ton Createur en son image. Car
comme dit vn saint homme, la re-
uerence qu'on fait à l'image, passe
au patron de l'image: & le patron
est dont l'image est tiree. Car re-
gardans la figure en l'image, des-
yeux de l'entendement nous pas-
sons au regard de celuy duquel est
l'image, adorans deuotement l'es-
figie de celuy qui est pour nous in-
carné, ne la faisans Dieu, mais
baisans l'image de Dieu incarné,
en desir de celuy qui s'est pour
nous aneanty iusques à prendre
la forme d'un serf. Pareillement
baisans les images de sa mere im-
maculee, & de tous les Saints.
Et de mesme baise & adore la

S. Ba-
sil. in
cap. 13.
Esa. 5.
An. bro.
in psal.
118. ser.
10. Da
mas. li.
4. de fi-
de. cap.
17.

De l'ado-
ration
de la
Croix,
& ve-
neratio
des I-
mages.

*La ver-
tu de la
Croix.*

la figure de la Croix viuisique, pour l'amour de celuy, qui pour le salut du genre humain a pendu en icelle, c'est à dire, Iesus Christ Sauueur du monde, qui nous a donné le signe d'icelle, pour emporter la victoire contre le Diable. Car il craint & tremble, ne pouuant regarder la vertu & puissance.

Gal. i.

En telle foy & doctrine tu receuras le Baptisme, le gardant pur & net de toute heresie iusques à ton dernier soupir: & abomineras & detesteras toute doctrine contreuenante à ceste foy, & la reputeras comme chose qui nous alienne & estrange de Dieu. Car l'Apostre dit: Si nous ou vn Ange du Ciel vous euangelize autre chose que ce que vous auez receu, soit anatheme. Car il n'y a autre Euan-gile ou autre foy, que celle qui a esté preschée des Apostres, & confirmée par les Peres en plusieurs Conciles, & donnée à l'Eglise Catholique. Barlaam disant cecy, & luy enseignant le Symbole du Con-

cile de Nice , le baptisa au nom du
 Pere, du Fils, & du saint Esprit, en
 vne piscine qui estoit en son iar- *Iosaphas est baptisé.*
 din, & vint sur luy la grace du
 saint Esprit. Et retourné qu'il fut à
 la chambre, il celebra la Messe, &
 luy bailla le diuin Sacrement, de- *Barlaam celebre la Messe.*
 menant grand ioye en son esprit,
 rendant graces à nostre Seigneur
 Iesus Christ nostre Dieu & Sau-
 ueur, & dist à Iosaphat.

Beny soit Dieu & Pere de no-
 stre Seigneur Iesus Christ, qui se-
 lon sa grande misericorde t'a rege- *1. Pet. 2.*
 neré en viue esperance, en l'he-
 ritage incorruptible & eternal,
 conferué és Cieux au mesme Iesus
 Christ nostre Seigneur par le saint
 Esprit. Car aujour d'huy estant de-
 liuré de peché, & fait serf de Dieu,
 tu as receu le gage de la vie eter-
 nelle: & detaisant les tenebres,
 tu t'es reuestu de lumiere, adopté
 en la liberté de la gloire des en-
 fans de Dieu. Car tous ceux
 qui l'ont receu, dit l'Escripture, il *Ioan. 1.*
 leur a donné puissance d'estre faits

251 HISTOIRE DE BARBAAM

- Gal. 1.* enfans de Dieu, à ceux qui croient en son nom. Par ainsi tu n'es plus serviteur, mais fils & heritier de Dieu par Iesus Christ au saint Esprit. Et partant, trefcher fils, donne ordre à ce que tu sois trouué net & sans macule, faisant bonnes œuvres sur le fondement de la foy.
- 1. Pet. 3.*
- Iac. 2.* Car la foy sans les œuvres est morte, & aussi les œuvres sans la foy, est morte pareillement.

Delaisant donc desormais toute malice, & haissant toutes les œuvres du vieil homme, qui se corrompe selon les desirs d'erreur, comme enfant maintenant nay, doué de raison & sans dol, conuoite le lait de vertus, à fin que par là tu croisses, & parviennes à la cognoissance des Commandement de Dieu en homme parfait; en la mesure de l'age de la plénitude de Iesus Christ: de sorte que tu ne sois point enfant instable de sens, & que tu ne te laisses transporter à tous vents d'erreur: mais sois petit enfant quand à malice, &

ayes bon sens, & iugement ferme & stable à bien, à ce que tu chemines dignement en la vocation où tu es appelé, en la garde des Commandemens de Dieu, reiettant de toy, & esloignant la vanité de ta precedente vie & conuersation: selon laquelle cheminent les Gentils, en vanité de leurs sens, ayans l'entendement obscurcy, & estans alienez de la gloire de Dieu, & se submettrant aux desirs & mouuemens brutaux de la chair.

Or quand à toy, ainsi que tu t'es *Gal. 5.* approché du vray Dieu vivant, chemine comme enfant de lumiere: car le fruit de l'esprit est en toute bonté, iustice & verité: Et garde que ne corrompes par la precedente vieillesse de peché, le nouuel homme, que tu as vestu, ains renouvelle toy de iour en iour en iustice & sainteté de verité. Chose qui est possible à tout homme qui le veut, comme cy dessus est dit: car Dieu à donné

254 HISTOIRE DE BARLAAM

Ioan. I. puissance d'estre faicts enfans de Dieu, à ceux qui croient en son nom. Par ainsi nous ne pouuons maintenant dire, que l'acquisition

Matt. II. de vertu nous soit impossible. Car

1. Ioan. le chemin y est facile & plain : &

3. combien qu'il soit appellé estroit

& difficile, à raison de la macera-

tion du corps, neantmoins il est de-

sirable & droit, pour l'esperance

des biens à venir, à ceux qui ne

cheminent follement, ains confi-

derent soigneusement quelle est la

I. pte. 3. volonté de Dieu, & le prennent

6. pour armes de defense, pour batail-

ler contre les cauteles de l'ennemy,

& veillent en oraison & prieres en

toute patience & esperance. A l'oc-

casion dequoy, ainsi que tu as en-

tendu & appris de moy, & as ia

fait vn bon & ferme fondement,

abonde en iceluy, croissant & pro-

fitant & bataille vertueusement,

1. Tim. I. ayant foy & bonne conscience te-

stifiée, suyuant iustice, pieté, foy,

charité, patience, & mansuetude,

1. Tim. empoignant la vie eternelle, à la

6,

quelle tu as esté appellé.

Et d'autre part esloigne & ban-
nis de toy toute volupté, & vices,
non seulement d'effect, mais aussi
de penſee, à ce que tu representes
à Dieu ton ame chaſte & impol-
lue. Car non ſeulement nos œuvres
nous ſont cauſe de couronne ou de
peine, mais aussi nos penſees : at-
tendu que nous croyons que no-
ſtre Seigneur Ieſus Chriſt, avec ſon
Pere & le ſainct Eſprit, fait demeu-
rer es cœurs purs & nets. Au con-
traire, tout ainſi que le feu fait
fuyr les abeilles, aussi les mauuai-
ſes penſees chaffent de nous la
grace du ſainct Eſprit.

*Simili-
tude.*

Parquoy conſiderant cecy viu-
ement, esloigne de ton cœur toute
cogitation maligne, & en prens de
bonnes en leur lieu, te faiſant ainſi
temple du ſainct Eſprit. Car des
penſees nous paruenons à l'effect
& operations : & tout œuvre pre-
nant premierement ſon origine
de l'entendement & cogitation,
bien qu'il ſoit petit au commence-

*Des pen-
ſees on
paruiſt
à l'ef-
fect.*

ment, neantmoins peu à peu prenant accroissement, deuient grad.

Et partant ne permets aucunement, qu'une mauuaise coustume te maistrise: ains estant encores nouuelle & recente, arrache de ton cœur la mauuaise racine, de crainte qu'estant nee, & bien auant enracinee, ne se puisse arracher sans longueur de temps, & grande peine & douleur. Car pour autre raison les grands pechez ne nous suruiennent, & dominant sur nos âmes, sinon pour-autant que ceux qui semblent petits & legiers, comme sont les mauuaises pensees, paroles deshonestes, & mauuais propos, ne sont corrigez ainsi qu'il appartient. Car tout ainsi que l'homme, qui met en nonchaloir une petite playe qu'il a sur son corps, souuent la corruption s'y met, & la mort s'en ensuyt par apres: De mesmes, l'ame qui mesprise les petits pechez, & legieres fautes, ordinairement se trouuera surprise & vaincue de grands cri-

Cause pour quoy on tombe en leur des fautes.

Similitude.

mes : & les ayant accoustumez, en
fin n'en fait plus de cas. Suyuant
quoy dit l'Escripture: Quand le me-
schant est cheut au profond de mal ^{Pro. 18.}
& peché, il ne s'en soucie plus,
& deormais se delecte, comme
le porc laué, se veautrant dans
la fange. Car l'ame malheureuse
detenue de mauuaise accoustuman- ^{2. Pet. 2.}
ce, ne sent point la puanteur de
peché, ains plus tost s'y delecte
& y prend plaisir, embrassant le
mal au lieu de bien : Et combien
que par fois elle vient à se reco-
gnoste, neantmoins non sans
grande peine & trauail est deliuree
des choses quelle a commises, pour
s'estre volontairement soubmise
à la seruitude de mauuaise accou-
stumanee.

Et partant esloigne de toy tant
que tu pourras, toute mauuaise in-
tention & pensée maligne, &
toute accoustumance vicieuse : &
t'exerce de telle façon en l'opera-
tion de vertuz, que par l'ogue cou-
stume elles se tournent en habitu-

de. Car si tu travailles quelque peu en icelles, & t'y accoustumes, par l'accoustumance, & la coopération & ayde de Dieu, tu trouueras le tout facile. Car l'habitude de vertus entee en l'ame, ayant comme vne naturelle cognation avec elle, & possédant Dieu pour cooperant, demeure stable, & se change malaisément, comme tu vois. Car force & prudence & tempérance & iustice sont vertus de telle qualité, qu'elles ne se peuvent changer que bien difficilement: car sont habitudes de l'ame, & qualitez & opérations enracinées profondement en elles. Car les passions de malice, qui ne nous sont naturelles, ains viennent de dehors, quand elles ont prins habitude en nous, à peine se peuvent chasser. Combien plus tost la vertu, qui nous est donnée & infuse du Createur, & qui en est le protecteur & garde, si par nostre petit labour elle a pris racine en nostre ame, ne se pourra arracher.



Icy est descrite la vertu & dignité de
l'Oraison : & sur la fin du chapitre,
Iosaphat est admonesté de contem-
pler la vanité des choses présentes,
& l'éternité des futures.

Chapitre. 20.



VYVANT quoy vn
quidam studieux de
vertu m'a recité de
luy, disant. Apres que
ie me fus accoustumé
à la diuine contemplation, & que
de telle meditation mon ame se
fut imbuee & qualifiée, voulant
vne fois en faire l'espreue, ie re-
tins mon esprit, ne le permettant
s'occuper à sa meditation accou-
stumee : Et cogneus qu'il s'en es-
toit contristé, & grandement in-
digné, & aspiroit à icelle avec vn
tel desir & si roide, qu'il n'estoit
possible l'arrester: de sorte qu'il ne

2/a. 41

se pouuoit null emēt diuertir à aucune autre cogitation cōtraire: & quand ie luy laschois vn petit la bride, soudain recouroit à son operation, cōme dit le Prophete: Cōme le Cerf eschauffé desire trouuer vne fontaine pour se ietter & rafraischir, mon ame de mesmes desire paruenir à Dieu, fontaine de vie. Donc par ce que dessus est déclaré, qu'en nous est l'acquisition de vertuz, & que d'icelles la puissance est pardeuers nous, soit que les vueillions retenir estroittemēt soit que vueillions à elles preferer peché: & est tout certain, que ceux qui se sont soumis à la seruitude de vice, treisdifficilement s'en peuvent ils despestrer.

Mais de ta part, estant deliuré de ceste mauuaise coustume & seruitude par la misericorde de Dieu, & par la grace du saint Esprit, ayant vestu Iesus Christ, transferré toy tout à nostre Seigneur, & ne donne plus entree à vices, mais ornant & decorât ton ame de bon

odeur & splendeur de vertus, fais
 la temple de la sainte Trinité, &
 employe toutes les forces & puis-
 sances de ton ame à la contempla-
 tion d'icelle. Car si quelq'vn, qui
 demeure avec vn Roy terrien, &
 luy parle familièrement, est réputé
 de tous heureux: & toy qui as esté
 trouué digne de deuiser avec Dieu,
 & hanter d'esprit avec luy de quel-
 le beatitudo en fin doüyras-tu? Et
 partant contemple-le continuel-
 lement, & parle à luy. Mais par
 quel moyen parleras-tu à Dieu?
 Certes approchant de luy par orai-
 son & priere. Car sil qui d'vn a-
 mour se fardent, avec vn cœur re-
 purgé, pur & esloigné son cœur
 entierement de l'amour & affe-
 ction de toutes choses materielles
 & terrestres, & contemple Dieu
 comme present, & avec crainte,
 tremeur & reuerence luy offre son
 oraison, tel à la verité demeure &
 conuerse avec Dieu, & parle à luy
 face à face. Car nostre bon Dieu &
 Seigneur est present en tous lieux.

exauçant ceux qui l'inuoquent & prient de cœur pur & sincere, comme dit le Prophete: Les yeux du Seigneur sont les iustes, & ses oreilles attentiuës à leur priere & oraison. Et pour ceste raison les saints Peres ont dit, qu'oraison est vne conionction de l'homme à Dieu, & l'appellent œuvre des Anges, proëme & commencement de la vie à venir. Car il estiment, que le Royaume des cieux consiste principalement en vn certain approchement à la sainte Trinité, & contemplation d'icelle. Or est-il, que l'usage ordinaire & assidu de prier fait paruenir l'ame à ce point. Donc à bon droit est appelée prelude, & comme premier traict de la beatitude eternelle.

*Oraison
œuvre
des An-
ges.*

Mais faut noter, que toute oraison n'est telle, ains celle tant seulement, qui vrayement est digne de tel nom: de laquelle Dieu est le maistre & enseigneur, inspirant l'oraison à celuy qui prie, & qui s'élève sur toutes choses qui sont

en terre, & qui purement se représente deuant Dieu. Et partant regarde soigneusement de l'acquiescer, & mets peine de profiter en icelle: car elle est suffisante pour esleuer de la terre aux cieux. Or se faut sçauoir, que simplement & comme à la volée tu ne profiteras en icelle, ains seulement si tu as purifié ton ame de tous vices, & nettoyé de toute maligne pensée, à ce qu'elle soit faite comme vn trèsclair miroir, Chasse pareillement de ton cœur tout mal, talent & indignation: car ces choses font toutes autres empeschent l'oraison de monter à Dieu. Parquoy pardonne de bon cœur à tous ceux qui t'ont offensé, & donnant amolins, & misericorde pour ailes à ton oraison, offre-la à Dieu avec abondances larmes. Priant ainsi, tu pourras dire ce que disoit David lequel estant Roy, & partant distrait de multiplicité d'affaires, purifia son ame de toutes distractions, disoit à Dieu, l'ay

*Multe-
lent &
indigna-
tiō, em-
peshē
que l'o-
raison
ne mōte
au ciel.*

psent

eu en haine iniquité, & l'ay
 dominee, & ay aimé ta Loy. Sept
 fois le iour ie t'ay donné loüange
 sur les iugemens de ta iustice.
 Mon ame a gat de tes Commande-
 mens, & les a grandement ai-
 mez. Que mon oraison, Seigneur,
 approche de ta presence: & me
 donne entendement iourte ta
 parole.

Toy donc craint ainsi, Dieu
 n'exaucera & toy ayant encores la
 parole à la bouche, il dira, Me
 voicy. Parquoy si tu possedes tel-
 le oraison, tu seras heureux. Car
 c'est chose impossible, que l'hom-
 me qui prie Dieu avec telle deuor-
 tion, ne profite iournellement au
 bien, & n'éuade tous les lars de
 l'enemy. Car s'il chassant son
 esprit (comme dit vn saint hom-
 me) & s'efforcant son ame, & se
 transferant soy-mesmes à Dieu
 lauquant ainsi son Seigneur, &
 ayant enuie de ces paches, &
 demandant la remission d'iceux,
 & priant avec larmes, tel sans

aucun doute se rendra Dieu propice & favorable. Car par l'accoustumance de ces paroles & meditations, il se despouille de tout soin seculier, & deuient maistre des passions humaines, & merite estre appellé collocuteur de Dieu. Et quelle chose est plus heureuse & excellente? Donoie prie Dieu qu'il te face digne de paruenir à telle beatitude.

Or ie t'ay appris la voye des Commandemens de Dieu, & n'ay obmis à te faire entendre tout le conseil de Dieu, & ay ia accomply mon ministration enuers toy. Au reste, troussant les reins de ton ame, sois saint en toute ta conuersation, comme est saint celuy qui t'a appellé, suyuant ce qui est escrit: Soyez saints, dit le Seigneur, par ce que ie suis saint. Par reuillement saint Pierre, Prince des Apostres, escrit: Si vous inuocquez (dit-il) pour pere celuy, lequel sans acception de personnes, iuge selo les merites de chacun, du

Act. 26

Leui. 19

1. Pet. 1

temps de vostre pelerinage, viuez avec crainte, sçachans que vous estes rachetez de la vaine conuersation des traditions de vos peres, non point par or ou argent corruptibles, mais du precieux sang de Iesus Christ, comme de l'agneau incontaminé & sans macule.

Donc serrant ces choses en ton cœur, rememore les sans cesse, ayant continuellement deuant les yeux de tō ame la crainte de Dieu, & ce terrible iugement & clarté des iustes, laquelle ils receurōt au siecle à venir, & la tristesse des pecheurs qui seront plongez és tresproufondes tenebres, & la fragilité & vanité des choses presentes, & l'eternité des futures. Car tout homme est comme foin, & toute la gloire est comme fleur de foin. Le foin est devenu sec, & la fleur est tombée: mais la parole de Dieu demeure eternellement. Medite toujours ces choses; & la paix de Dieu soit avec toy, & t'illumine, & te donne entendement; & te mene

Isa. 40

Phil. 4

1 Tim. 4

Phil. 4

Phil. 4

mené à la voye de salut : & repou-
 le loin de ton ame toute mauuaise
 volonté, la munissant du signē de
 la Croix ; à ce que nul scandale de
 l'esprit malin n'approche de toy,
 ains que tu mérites en toute perfe-
 ction de vertuz perceuoir fruit
 infiny, & le Royaume éternel,

*Note
 qu'il
 faut mu-
 nir son
 cœur du
 signe de
 la Croix*

& estre illustré de la lumie-

re de l'heureuse & viui-

sante Trinité, du Pe-

re, du Fils, & du

saint Esprit

M





Les pedagogues & gens de Iosaphat se doutent de Barlaam, pour le voir tant frequenter avec luy. Parquoy Zardan soigneux de luy, l'admonesta qu'il eust à s'abstenir de sa compagnie. Et Iosaphat licentiant Barlaam, ietta maintes larmes en luy disant Adieu.

Chapitre. 21.



Un bon vieillard ayant ainsi bien instruit les fils du Roy, s'en retourna en son logis. Or les pedagogues & seruiteurs de Iosaphat, voyans Barlaam entrer si souuent au Palais, en furent tous esmerueillez: tant que l'un d'entre eux, qui estoit des principaux, & lequel le Roy auoit mis au Palais de son fils, comme luy estant tresfidele & tresprudent, nommé Zardan, dit à Iosaphat : Monsieur, tu sçais que pour la fiance que le Roy ton pere a en moy, s'assurant de ma fidele-

té, m'a commandé t'assister & servir. Mais maintenant que ie voy cest homme estranger parler si souvent à toy, ie crains qu'il ne soit de la Loy Chrestienne, que ton pere hait mortellement. Et si ainsi est, c'est fait de moy : il me fera mourir. Parquoy ie te supplie manifester au Roy son fait & negotiation, ou dorefnauant ne parle plus à luy. Que si tu ne le veux faire chasser moy de ta maison, à ce que ie ne sois reprehensible, & prie ton pere qu'il te donne quelque autre en mon lieu. Iosaphat respondit à ceoy : Zardan, au parauant fay ce que ie diray. Cache toy derriere ces courtines, & esconte ce qu'il me dira, & par apres ie te diray ce que tu auras à faire. A l'heure donc que Barlaam deuoit venir, il fit mettre Zardan derriere les courtines, & dist à Barlaam : Mon pere, fay moy vne recollection succincte de ta diuine doctrine, à ce que ie l'imprime mieux en ma memoire.

*Deut 6
Matth.
22.
Luc. 10.*

*Avec a-
mour &
crainte
faut gar-
der les
commā-
demens
de Dieu.*

Barlaam donc pour luy satisfaire, commença à parler de Dieu, & de la pieté de la Foy: & qu'il faut aimer Dieu seul de tout son cœur & de toute son ame, & de tout son entendement, & observer & garder ses Commandemens avec amour & crainte, & qu'il est Createur de toutes choses visibles & invisibles. Plus, luy rememora la creation du premier homme, & le commandement à luy fait, & sa preuarication, & comme il fut condamné du Createur pour auoir contreuenü à sa defense. En apres luy fit vn denombrement des biens qu'auons perduz pour ceste transgression. Ensembles luy recita les maux qui nous sont suruenuz par apres. Pareillement luy déclara, comme Dieu soigneux de nostre salut, est édit sa benignté sur nous: car il enuoya les Prophetes prédire l'incarnation de son fils unique. Luy recola apres la descente du fils de Dieu au ventre de la vierge, son incarnation, ses biensfaits, ses

miracles, les peines, trauaux, tourmens, la Croix, & mort volontaire qu'il soustint pour nous: bref, nostre restauration & reſtabliſſement au premier eſtat. Puis luy rememora les biens & ioyes de Paradis pour les bons, & les tourmens & ſupplices des malins: feu eternal, tenebres perdurables, ver immortal, & toutes les autres peines, que les ſerfs des pechez ſe ſont theſauriſez. Comme il eut tins ce propos, & iceluy conclud par doctrine morale, & traité bien amplement de la netteté de vie, & prouué la vanité des choſes preſentes, & reprins la miſere de ceux qui y ſont addonnez, finalement ſe conuertifſant en oraiſon, pria Dieu, que Ioſaphat ne retournaſt à ſon erreur premier, ains gardaſt inuiolablement la confeſſion de la foy Catholique, & veſcuſt en toute netteté & vertu. Et ſon oraiſon finie, retourna à ſon logis.

Adonc le fils du Roy appella Zardan, & voulant ſonder ce qu'il a-

uoit au cœur, luy dist : Tu as ony le propos que m'a tins ce babillard, s'essayât me seduire par ses attrayâtes paroles, & m'estranger des plaisirs de ceste vie, & me faire adorer vn Dieu estrange. Zardan luy respondit : Quelle opinion t'a prins de tenter ton seruiteur ? Le sçay bien que ses paroles sont entrees bien auant en ton cœur. Car s'ainsi n'estoit, tu ne parleroies si volontiers ne si souuent à luy. Nous pareillement n'ignorons ceste predication. Mais depuis que ton pere a excité vne cruelle persecution contre les Chrestiens, & qu'ils ont esté chassez de ce pais, on n'a plus parlé de ceste loy. Que si maintenant elle te plaist, & peux porter le labour & austerité d'icelle, ie desire que bien t'en vienne. Mais moy que feray-ie, qui ne puis seulement imaginer en mon cœur ceste austerité si grande ? Mais la crainte du Roy met mon cœur en destresse bien grande, ne sçachant bonnement quelle excuse ie luy pourray

dire : par ce que trop indiscretement i'ay fait entrer en ta chambre cest estranger.

A quoy respondit Iosaphat : Ne cognoissant point recompense plus conuenable de l'amitié que tu me portes, ie me suis aduisé te manifester ce grád bien, à ce que tu sceusse à quelle fin tu es créé, & que tu vinsses à recognoistre le createur qui t'a fait & formé, & que delaisfant les tenebres, tu courusses à la lumiere, & que dès aussi tost que tu en orrois parler, tu la suyussies plus que t'esgardammēt. Mais à ce que ie voy, mon esperance m'a deceu, puis que tu es si peu affectié à doctrine si salutaire. Que si tu manifestes ces choses à mon pere tu ne gagneras rien, si non que tu comble-
ras son oüy de soin & tristesse. Mais si tu veux luy faire plaisir, ne luy parle aucunement de cecy, iusques à ce qu'il se presentera quelque occasion conuenable. Or luy disant ces propos, il sembloit qu'il iettast sa semence en l'eau : car sa-

*Lact. l.
3. cap. 9
Il faut
sçauoir
pour
quelle
fin nous
sommes
créés.*

pience n'entrera point en l'ambie
folle & sottise.

*Barlaam
deman-
de con-
gé à lo-
saphat.*

Barlaam venant de grand matin
à la chambre du Roy, luy deman-
da son congé : chose qui le rendit
fort triste & melancolique, jus-
ques à luy faire distiller les larmes
des yeux. Es le bon vieillard luy fit
alors plusieurs bonnes remonstra-
nces, & l'admoneste d'estre ferme
& constant en foy, & le consola
de paroles, le priant instamment
luy donner son congé : & luy pre-
dit, qu'en brief ils s'assembleroyent
pour demeurer inseparablement
ensemble. Alors losaphat ne le vou-
lant molester d'aucun age, ny empes-
cher son retour tant desiré, joindit
qu'il craignoit que Zardan ne re-
venoit au Roy, ce qu'il avoit encom-
mé de leur faire, ce qu'il eust tant
souhaité de leur dire à Barlaam. Luy
dist : Mais qu'ainsi est, qu'il t'a sem-
blé bon ; pere spirituel & très bon
maître, & l'autheur à moy de tout
bien, ne me laisse ainsi, & que de
conservé se encores avec les vâtres.

du siecle, & que tu veuX retourner
au lieu de ton repos spirituel, ie
n'ose plus te tetenir & empescher.
Va t'en donc en paix en la garde
de Dieu, & ayes souuenance de ma
misere en tes oraisons, à ce que ie
puisse aller à toy, & tousiours voir
ta venerable face. Mais accorde
moy vne mieme requeste. Par ce
que tu n'asrien veulu prendre pour
tes confreres, au moins prens quel-
que peu d'argent pour mon vices &
vestement. *Barlaam* luy respondit:
Si ie n'ay rien pour la voir, pour
mes confreres (car ils n'ont que
faire de prendre des matieres mon-
daines, desquelles ils se font des-
pouiller & esloigner de leur fran-
che volente) comment prendray-
ie pour moy ce que n'ay refuse pour
eux? Car si la possession d'argent e-
stoit bonne, ie leur eusse plus tost
baillie, que la prendre pour moy.
Mais par ce que ie bognois que la
possession d'icelle est d'angereuse,
iens veuX ne eux ne moy m'allub-
retir à tels iours.

Iosaphat se voyant refusé de sa premiere requeste, pria affectueusement Barlaam qu'il ne le laissast du tout esconduit & en tristesse, & qu'au moins luy fust present de sa haire, tant pour luy rafraichir la memoire de l'austerité de sa vie, que pour luy seruir comme de preseruatif contre les tentations du Diable: & en recompense en receust d'autres de luy. à ce (dit-il) que regardant ce que ie t'auray donné, tu ayes memoire de moy. Et le vieillard luy respond: Il n'est pas raisonnable, que ie te donne vne vieille robbe pour vne neufue, à ce que ie ne sois iugé comme ayant receu en ce monde recompense de mon petit labeur. Mais afin que ie ne trouble entierement ta deuotion, fay chercher quelques cilices semblables aux miens, & qui ne valent point d'atantage, & ie suis content de les prendre. Ce qui fut fait, & luy furent deliurez. Iosaphat d'autre costé receut ceux du vieillard en grand ioye, les prisant

Iosa-
phat de-
mande
à Bar-
laam sa
haire,
pour luy
seruir de
preser-
uatif
co-
tre les
tentations
du
Diable.

plus sans comparaison, que tous les habits Royaux de pourpre & drap d'or.

Alors Barlaam prest à partir, luy parla comme il s'ensuit: Trescher frere & tresdoux fils, que l'ay engendré par l'Evangile, prens garde au seruaice de quel Roy tu t'es dedié & à qui tu as fait tes promesses & confessions: Et partant il faut que sermement tu les gardes, & executes avec allegresse les charge de la guerre, & accomplisses toutes les choses par moy promises en la carte de ta confession au Seigneur de tous, vous la compagnie eteste presente, & testifiant & essuyant toutes tes promesses, lesquelles si tu accomplis, tu seras heureux. Parquoy ne presente nulle chose presente à Dieu, ny à ses dons & biens. Car quelle chose est en cestte vie si terrible, comme est la gehenne du feu ardent, eternal, & ne finissant aucunement, & cruciant, & ne finissant point: Et d'autre part, quels biens du monde

I. Cor. 4.

Il ne faut rien preferer à Dieu, ny à ses dons & biens.

276 HISTOIRE DE BARLAAM

Iosaphat se voyant refusé de sa premiere requeste, pria affectueusement Barlaam qu'il ne le laissast du tout escondre & en tristesse, & qu'au moins luy fust present de sa pharde, tant pour luy rafraichir la memoire de l'austerité de sa vie, que pour luy seruir comme de preseruatif contre les tentations du Diable: & en recompense en receust d'autres de luy, à ce (dit-il) que regardant ce que ie t'auray donné, tu ayes memoire de moy. Et le vieillard luy respondit: Il n'est pas raisonnable, que ie te donne vne vieille robe pour vne neuue, à ce que ie ne sois iugé comme ayant receu en ce monde recompense de mon petit labour. Mais afin que ie ne trouble entierement ta deuotion, fay chercher quelques cilices semblables aux miens, & qui ne valent point d'autant, & ie suis content de les prendre. Ce qui fut fait, & luy furent deliurez. Iosaphat d'autre costé receut ceux du vieillard en grand ioye, les prenant

plus sans comparaison, que tous les habits Royaux de pourpre & drap d'or.

Alors Barlaam prest à partir, luy parla comme il s'ensuit: Trescher frere & tresdoux fils, que l'ay engendré par l'Evangile, prens garde au service de quel Roy tu t'endedit & à qui tu as fait tes promesses & confessions: Et partant il faut que fermement tu les gardes, & exécutes avec allégresse les charge de la guerre, & accomplisses toutes les choses par moy promises en la carte de ta confession au Seigneur de tous, vous la compagnie celeste presente, & testifiant & escribant toutes tes promesses, lesquelles si tu accomplis, tu seras heureux. Parquoy ne preste nulle chose presente à Dieu, ny à ses dons & biens. Car quelle chose est en ceste vie si terrible, comme est la gehenne du feu ardent, eternal, & ne luissant aucunement, & cruciant, & ne finissant point: Et d'autre part, quels biens du monde

I. Cor. 4.

Il ne faut rien preferer à Dieu, ny à ses dons & biens.

280 HISTOIRE DE BARLEMAN

uisible, & as conuertuy à toy ta future, & n'as permis qu'ayons faituy nostre folle sensualité, nous te rendons graces. & à ta vertu & sapience nostre Seigneur Iesus *Heb. 1.* Christ, par lequel tu as fait les siècles, & nous as soleuez, nous questions trebuchez; & as pardonné aux pecheurs & delinquans: tu as raddressé les fournoyez, as racheté les prisonniers, & vaincu les morts, du précieux sang de ton fils. Donc ie t'inuoque, & ton Fils vray, & ton saint Esprit, regarde sur ceste tienne brebis raisonnable, s'approchant de ton sacrifice par moyen indigne, & sanctifie son ame par ta vertu & grace & conuertis ceste vigne plantée de ton saint Esprit, & donne luy qu'elle porte fruit de justice. *Psal. 142.* Conforte la, confortant en icelle ton testamēt, de la deture de la fraude du diable par la sapience de ton bon esprit. Apprend luy à faire ta volonté, & ne retire d'elle ton ayde. Te plaise la faire avec moy. *Psa. 57.*

heritiere de ces biens eternels: car
tu es beni & glorieux par tous sie-
cles. Amen. Son oraison finie,
il baïsa Iosaphat, & priant Dieu
luy donner paix & salut, sortit du
Chasteau: & s'en alloit deme-
nant grand ioye, & rendân-
t grace à Dieu, qui au-
uoit fait prospe-
rer en bié son
voyage.





Après le parolament de Barlaam, Iosaphat se mit à prier Dieu. Zerdan manifesta au Roy son fada. Lequel enflammé d'ire, enuoya apres Barlaam gens pour le prendre : mais ne le pouuans r'engouirer, amenent au Roy d'autres Religieux par eux trouuez.

Chapitre. 22



PRES que Barlaam fut party, Iosaphat se mit à genoux, & priant à chaudes larmes, dist : Seigneur

Psa. 69

Psal. 9

Psa. 85

2. Tim. 1

Dieu. entens à mon ayde : Seigneur haste toy de m'ayder. Par ce que le pauvre t'est delaisé, tu seras ad-iuteur à l'orphelin. Regarde à

*Oraison
de Iosa-
phat.*

moy, & ayes mercy de moy, toy qui veul le salut de tous, & que

Tous paruenient à la cognoissance de verité. Sauue moy, & me conforte (bien qu'indigne) à ce que ie chemine par la voye de tes saints Commandemens : car ie suis fressle & miserable, & insuffisant à faire bien : mais tu me peux sauuer, par ce que tu contiens & soustiens toutes choses visibles & invisibles. Ne permets que ie soyue les mauuaises volontez de la chair, mais apprens moy à faire ta volonté, & me conserue en ta vie heureuse & éternelle. Pere & Fils & saint Esprit, deité consubstantielle & indiuidue, ie t'inuoke & reclame, & te glorifie. Car toute creature te loue, & les vertuz intellectuelles incorporelles te glorifient par tous siècles. Amen.

Psalm.

140.

Dehors donc Iosaphat avec tout soin & diligence se gardoit soy-mesmes, acquerrant plus soigneusement la pureté d'ame & de corps, vivant en grande abstinence, & vacquant toute sa nuit en oraison. Car comme font tous le iour

Iosaphat estoit
si strictement
ueu
Chrestien
vivoit
en grande
de abste

*ence,**et vac-**quoit**sous la**nuict en**oraison.*

estoit empesché & destourbé, tant par la frequentation de ceux qui demeuroident avec luy, que par fois pour la venue du Roy ou pour estre mandé de luy, de n'auoir recu-
piroit ce que pour les raisons que dessus, de iour auoit obmis, perseuerant en oraison, & inuoquant Dieu iusques à l'aube de iour. Et
par ainsi la parole du Prophete estoit accomplie en luy : En nuicts esleuez vos mains es cieux, & benissez Dieu.

Or Zardan cogn'oissant sa conuersation, se contristoit beaucoup, & estant agité de diuerses pensees en son esprit, ne sçauoit qu'il deuoit faire, ny de quel costé se tourner : & finalement accablé de tristesse, s'en alla à sa maison, & feignit estre malade. Mais quand le Roy en fut aduertý, il enuoya soudain quelque autre en sa place pour seruir son fils : & soigneux de la santé de Zardan, luy enuoya vn Medecin fort sçauant & expert, le priant qu'il eust à le penser. So-

gneusement. Or le Medecin sçachant l'amitié & faueur que le Roy luy portoit, le visitoit fort diligemment. Et quand il eut certainement cogneu l'estat du patient, soudain en aduertit le Roy, & luy dist : Sire, ie ne trouue en Zardan aucune cause de maladie : mais i'estime qu'il n'est malade que d'ennuy & tristesse. Ce qu'entendant le Roy, eut suspicion que son fils s'estoit courroucé contre luy, & que pour ceste cause Zardan l'eust abandonné. Parquoy voulât en sçauoir la verité luy mãda que le lendemain il l'iroit visiter, pour enẽdre de luy la source de sa maladie.

Alors Zardan ayant entendu ce message, se levant de grand matin s'habilla, & vint trouuer le Roy : & entré qu'il fut en sa chambre, le salua les genoux en terre. Et le Roy luy dist : Pourquoi t'es-tu forcé de venir icy ? Car ie te voulois aller voir, & manifester à tous l'amitié que ie te porte. A quoy respondit Zardan : Sire, ma ma-

ladio n'est de celles qui suruiennent coustumierement aux hommes, mais procede de tristesse, & foyn d'esprit: & le cuer se trouuant mal, le corps s'en est ressentý. Or seroit à moy grande sottise, estant comme ie suis, si ie ne fusse venu vers ta Maiesté, estant ton seruiteur & vassal, & que j'eusse attendu que tu eusses prins la peine & traual de venir vers moy. Et le Roy luy demandant la cause de sa tristesse, Zardan respondit: Sire, il y a grand peril pour moy, & suis digne de grands tourmens, voire sculpable de mille morts: par ce que n'estant assez diligent d'accomplir tes commandemens, ie te suis fait cause de grande tristesse. Le Roy l'interrogea derechef: Mais quelle est ceste riene negligence, & quelle crainte est-ce qui t'a faisy? Il respondit: Sire, ie n'ay soigneusement prins garde sur mon Seigneur ton fils. Car vn quidam malin & enchanteur est venu vers luy, & luy a annonce la loy Chre-

*Le faict
de Iosaphat &
Barlaam
est des-
couuert
& de-
claré au
Roy.*

tienne. Par apres il recita au Roy de point en point ce que Barlaam auoit dit à son fils, & avec quel desir & volupté son fils l'auoit escouté, & qu'en fin s'estoit fait Chrestien: & luy dist, que l'estran- ger se nommoit Barlaam.

Or le Roy auoit ouy parler de ce Barlaam, & de sa merueilleuse au- sterité de vie. Et aussi tost qu'il eut entendu ce que dit est, il fut merueilleusement troublé, & cuida creuer de dueil. Et soudain fit ap- peller Arachis, homme qui le se- condoit, & qu'il appelloit le pre- mier en ses plus priuez conseils, lequel dauantage n'auoit son pa- ren en Astrologie. Et entré qu'il fut, le Roy triste au possible, luy raconta le fait de son fils, pleurant & gemissant profondement, avec grande anxieté d'esprit. Donc luy voyant le trouble du Roy, & la confusion de son esprit, luy dist: Sire, ne te trouble & constrie: car ie me fais fort, que ie luy feray bien tost quitter la doctrine de ce

seducteur, & le feray condescendre à ton vouloir. Et fit tant par ses belles promesses, que le Roy s'appaïsa: & se mit à descourir en son esprit les moyens pour paruenir à ce qu'il pretendoit faire, & dist:

*Conseil
d'Ara-
chis sur
le fait
de Iosa-
phat.*

Sire, en premier lieu faisons toute diligence de rattaindre & prendre ce malin Barlaam. Et si nous le pouuons attrapper, ie m'assure que nous ne serons frustrés de nostre esperance & attente. Car luy contraint par belles paroles ou tourmens, voire maugré luy, confessera que sa doctrine est faulse & erronee, & induira Monseigneur ton-fils de suyure ta loy. Que si ne le pouuons prendre, ie cognois vn autre Hermite & solitaire, appelle Nachor, qui ressemble du tout à Barlaam, de forte qu'on ne scauroit aisément diserner l'vn de l'autre: mais cestuy-cy est de nostre loy, & a esté mon maistre d'eschole. Ie m'en iray donc secretemenc de nuict parler à luy, & luy declareray l'affaire de poinct en poinct.

Et par apres publians que Barlaam est prins, nous le presenterons publiquement sous ce nom : & feignant defendre la loy Chrestienne, apres plusieurs disputes & argumens, fera semblant n'y pouoir respondre, & se tiendra pour vaincu. Or quand ton fils aura veu que son Barlaam fera vaincu par les nostres certainement il donnera la palme au vainqueur : volontiers reuerera ta maiesté, & fera sans delay tout ce qu'il te plaira. Et d'auantage, celuy qui feindra estre Barlaam, se conuertira, & confessera auoir erré.

Le Roy ayant entendu ces propos, s'en resiouyt grandement, & trouua bon le conseil d'Arachis, s'appuyant sur vne vaine esperance. Et par ce qu'il n'y auoit guerres que Barlaam estoit party, fit toute diligence pour le rattraindre, enuoyât gens de toutes parts pour luy couper chemin: Et quât à luy montant à cheual, suyuant le chemin dont il se doutoit le plus, le

*Le Roy
suyt le
conseil
d'Arachis.*

pour suivoit avec toute vitesse, espérant le rencontrer. Mais il se travailla en vain, & l'ayant suivi six iournees, s'arresta en fin en l'va-
 de les Chasteaux pour se reposer, enuevâr Arachis avec bonne trou-
 pe de soldats le chercher es deserts de Semmaride. Où estant parve-
 nu il s'enquist des voisins du lieu, s'il ne l'avoient point veu: & n'en
 pouvant entendre nouvelles, en-
 trepris les avant es deserts, & ram-
 enant les gens, parvint en fin
 au sommet d'une montaigne: d'où
 il regardoit en bas à la vallee une
 multitude d'hermites qui se pour-
 suivent le loüein par le com-
 mandement de France tous se ier-
 vant qu'ils estoient sur eux, cal-
 fant leurs d'oeux de prevenir
 le danger: & les environ-
 nant d'une chaine & bestes
 d'une multitude. Et prin-
 tant de se lever, venerables
 hommes à vestes portans en
 main de la con-
 science: & les
 tirans

tirans rudement, les presenterent au Prince, sans qu'ils fussent aucunement esmeuz, ne se monstrans tristes ny effrayez.

Or celuy qui les menoit comme Abbé, portoit vne besace de toille, toute pleine de Reliques de quelques saints Peres. Mais Arachis les contemplant l'un apres l'autre, & ne voyant point Barlaam, lequel il cognoissoit bien, fut merueilleusement fasché, & leur dist : Où est ce seducteur qui a seduit le fils du Roy ? Alors celuy qui portoit la besace, luy respondit : Il n'est point en nostre compagnie. Ia Dieu ne plaise : car il nous fuit, repoussé par la grace de Dieu, mais il a des demeurances en vous. Le Prince luy dist : Le cognois tu donc ? Ouy, dit l'Hermite, ie cognois celuy qui est appellé seducteur, c'est à dire le Diable, qui habite au milieu d'entre vous, & est adoré de vous autres. Le Prince luy dist : Ie me suis enquis de Barlaam, & desirant entendre où il est, ie t'ay interro-

*Abbé
portant
une besace
pleine de re-
liques
des
saints.*

gé. L'Hermite luy respond: Et pour quoy dis tu vne chose pour vne autre, & m'as interrogé de celuy qui a seduit le fils du Roy? Car si tu demandois Barlaam, certes il falloit que tu disses, Où est celuy qui d'erreur a conuerty & deliuré le fils du Roy? Car ce Barlaam est nostre frere & compagnon en la vie Monastique: mais il y a ia long temps que ne l'auons veu. Et le Prince luy dit: Montre nous le lieu de son habitation. L'Hermite respond: S'il eust voulu vous voir, certainement il fust venu au deuant de vous: mais quant est de nous, il ne nous est pas loisible de te montrer sa demeure.

Le Prince embrasé d'ire & courroux par la responce de l'Hermite. Le regardant de trauers, avec ses yeux enflambez, luy dist: Je fais grand serment, que si vous ne mettez Barlaam presentement entre mes mains, ie vous feray tous mourir cruellement. Mais, dit l'Hermite, que vois tu des choses mondaines en nous, pour l'amour desquel-

les nous craignons perdre ceste vie
 preséte, & que redouttions la mort
 dont tu nous menaces ? Plus tost
 nous te rendons graces, si nous ad-
 donnez à l'exercice de vertu, tu
 nous oste de ce monde. Car nous *Les gens*
 craignons grandement l'incertitu- *de bien*
 de de nostre fin, ne sçachans en quel *craignê*
 estat elle nous prendra, de crainte *grande-*
 que la volonte lubrique, ou quel- *ment de*
 que tentation diabolique, ne per- *faire*
 uertisse l'estat de nostre intention, *mauvais*
 & nous persuade opiner ou faire le *se fin.*
 contraire de ce qu'auons promis à
 Dieu. Et partant entre vous, fru-
 strez du tout de vostre attente, exe-
 cutez diligemment sur nous ce
 qu'il vous plaira. Car certainement
 nous ne vous enseignerons la de-
 meure du bien-aimé de Dieu nostre
 bon frere, encores quand nous le
 sçaurions, ny pas vn des autres Mo-
 nasteres qui vous sont incogneuz,
 pour par ce moyen vilainement e-
 uiter la mort : ains plus tost nous
 mourrons triomphammêt, offrans
 maintenant à Dieu le sang d'alle-

*Arachis
fait tour
menter
les Reli-
gieux.*

greffe, comme cy devant nous luy
auons offert la sueur de vertu. Or
cest execrable ne pouuant suppor-
ter la responce si libre des Hermi-
tes, & esmeu soudainement contre
la force de l'esprit, leur fit maintes
playes & tourmens: de la magnani-
mité & force desquels le tyran mes-
mes s'en esmerueilloit grandemēt.
Mais apres qu'il ne peut par tant de
tourmens leur faire manifester la
demeure de Barlaam, commanda
qu'on les menast au Roy, & que
par les chemins fussent tres-
bien battus: & ainsi furent
ignominieusement me-
nez, portant neant-
moins avec eux leur
besace pleine de
Reliques.



L'Abbé des Hermites, à la demande du Roy sur les Reliques qu'il portoit, luy declare les causes; & apres qu'il eut brauement disputé de nostre Foy, luy & seize de ses compagnons furent martyrisés.

Chapitre 23.

DEu de iours apres ils reuindrent vers le Roy : auquel Arachis recita comment il auoit trouué & prins ces Hermites, & amenez deuant luy. Mais quand le Roy les veit, il cuida forcener d'ire, & tout en furie commanda qu'ils fussent bien fouëttez & battuz. Ce qui fut promptement executé. Et quand il veit que le sang leur decouloit de toutes pars, & que sur eux n'y auoit peau qui fut entiere, appaisant vn peu sa rage, fit cesser les bourreaux, & dit aux Religieux:

Pourquoy portez vous ainsi ces ossemens des morts? Si vous le faites pour l'amitié que leur portez, ie vous mettray presentement avec eux, à ce que ayans rencontré ceux que desirez, vous m'en sçachez gré.

*Dequoy
seruent
les Reli-
gues des
Saints.*

Le Prince & maistre de ceste diuine compagnie, ne faisant cas des menaces du Roy, & comme s'il n'eust rien souffert, avec vne voix libre & ioyeuse face, demonstrent la grace de Dieu habitant en soy, luy dist: Sire, nous portons avec nous ces ossemens saints & nets, adoulcissans le desir & amour dont nous bruslons enuers ces admirables personnes à qui sont ces ossemens: nous rafreschissans la memoire de leur exercice, & vie plaisante à Dieu, & nous excitans à mesme zele, par la contemplation de leur repos & delices, dont ils sont à present iouissans. Et quant à eux, nous les reputons tresheureux: & pour nostre regard nous nous exhortons les vns les autres

À fuire leur trace & maniere de
vivre. Et d'avantage nous nous ac-
coustumons à avoir continuelle
memoire de la mort : chose qui est
grandement vtile, & qui nous ani-
me à soustenir les peines & tra-
vaux d'une sainte conuersation; &
si par l'atouchement de ces sain-
ctes Reliques nous acquerons san-
ctification. Et le Roy dit derechef:
Si la memoire de la mort est profi-
table (ainsi que vous dites) pour-
quoy n'en prenez vous la memoire
és oz de vos corps, proprement
vostres, & qui peu de temps apres
viendront en pourriture, si vous la
prenez en ces corps estrangers, &
ia corrompus & pourris?

*Parl'at
touche-
ment des
reliques
nous ac-
querons
sanctif.
cation.*

Alors l'Hermite respondit :
Comme ainsi soit que ie t'aye
dit cinq causes & raisons, pour
lesquelles nous portons avec nous
les Reliques des Saints, ne res-
pondant qu'à l'une, il semble que
tu te moques de nous. Mais
croy moy, les ossemens des
morts representent plus expresse-

ment la memoire de la mort ; que ne font les oz de ceux qui font en vie. Et par ce que tu sçais qu'ainfi est , & que les oz en ta chair te signifient la mort , pourquoy est-ce que toy mesme , memoratif de la mort qui viendra bien tost , n'ordonnes tu bien tes affaires , & te gouvernes comme il appartient , ains tu t'es abandonné à tous vices & pechez , & fais cruellemēt mourir les seruiteurs de Dieu , & amateurs de pieté , qui ne te fissent onc tort , & si n'ont rien à departir avec toy , & ne se mettent en effet de te tollir le tien ? Le Roy luy respond : Je vous punis comme meschans & seducteurs de peuple , par ce que vous seduisez les vns & les autres , leur suadans qu'ils ayent à se sequestrer & estoigner des plaisirs & delectations du siecle , & les contraignez d'eslire pour la douceur de la vie , & la tresdesiree concupiscence & volupté , ceste austere vie & miserable conuersation , & si preschez publiquement , qu'il faut

deferer à Iesus l'honneur & reuerence que faisons aux dieux. Dont de crainte que le peuple fuyuant vostre erreur, delaisant la terre deserte & abandonnant les dieux paternels, ne seruent à vn Dieu estrange, i'ay estimé estre chose equitable vous tourmenter, & faire cruellement mourir.

L'Hermite luy respond: Si tu desires que tous participēt aux biens de la vie, que ne departis tu également à chacun les delices & richesses: ains la plus part estant vexez & tourmentez de faim & paupreté, leur rarrissant de leur, tu le bailles aux tiens. Dōc tu n'es pas soigneux du salut & bien de plusieurs. Et d'auantage tu engraisles ton corps, preparant matiere aux vers qui ce mangeront & deuoreront. Et pour ceste cause reniant le Dieu de tous, tu appelles dieux ceux qui ne le sont, ains inventeurs de toute iniquité: à ce que toy luxuriant à leur exemple, & commettant crimes & meschancetez, tu puisses estre ap-

*Fortu-
euse res-
ponse
d'un bē
Religi-
eux.*

*Les
Dieux
des
Payens
font in-
iureurs
de toute
iniquité*

*Simili-
tude.*

pellé imitateur des dieux. Car pour quoy les hommes obeissans à ces dieux, ne feront ils ce que leurs dieux ont fait? Donc tu erres grandement, Sire. Car tu crains que ne persuadions à quelqu'un des tiens de t'abandonner, & se rendre à son Dieu createur de tous. Car tu veux que plusieurs fient à ton avarice, & que restans pauvres & misérables, le leur vienne à ton profit. Tout ainsi que le veneur & fauconnier nourrissant chiens & oiseaux, les flatte & chérit avant la prise du gibier, & quand ils ont chassé & prins quelque proye, leur fait lâcher la prise: ainsi toy voulant avoir plusieurs gens, qui t'apportent par mer & par terre reuenus, tailles & rentes, vray est que tu dis auoir soin de leur salut; mais tu t'acquieres & à eux & à toy perdition eternelle, à ce qu'en toy seul se face vn amas & cōgregation de richesses, plus inutiles que fient & bouë: embrassant par mesgarde tenebres pour lumiere. Mais recueille toy de ce grand

Somme, & ouure tes yeux cloz, &
contéple la gloire de nostre Dieu,
esclairant à tous en tous lieux, &
reprens quelquefois ton bon sens;
& comme dit le Prophete, Enten-
dez insensé, & fols, finalement
deuenez sages. Entendez donc qu'il
n'y a Dieu que le nostre, & n'y a
salut sinon en luy.

Psal. 73

Alors le Roy dist: Tais toy babil-
lard, & m'enseigne incontinent
Barlaam, ou ie te feray sentir yn
genre de tourmens, que tu n'as
point encores esprouue. Mais le
magnanime & tresconstant Her-
mite, & amateur de Philosophie
celeste, ne redoutant aucunement
ses menaces, luy dist: Sire, il ne
nous est pas commandé faire ce
que tu dis, mais les commandemens
de nostre Seigneus & Dieu, lequel
nous a enseigné sobriete, & vain-
cre les presentes delectations &
desirs, & exercer la vertu de for-
ce, de sorte que soustenions tou-
te espee d'affliction pour mainte-
nir iustice. Tant plus donc tu nous

302 HISTOIRE DE BARLAAM

tourmenteras pour pieté, tant plus-
 tu nous feras du bien. Fay donc ce
 que tu veux: de nostre part, nous ne
 ferons chose contre nostre con-
 science, & ne nous abandonnerons
 à peché: Et n'estime que soit petit
 peché, si nous liurons entre tes
 mains nostre confrere & compai-
 gnon: chose que ne ferons iamais,
 quand bien tu nous vexerois de
 tourmens innombrables. Car nous
 ne sommes si foibles & lasches, que
 pour la crainte des tourmens nous
 abandonnions nostre Philosophie,
 & facions chose contre la Loy di-
 vine. Quoy plus tourmente nous
 tant qu'il te plaira: car nostre vi-
 d'ne est Iesus Christ, & mourir pour
 luy, ce nous est tresbon gain: Le
 tyran pour ces propos, enflammé
 d'ire, commanda qu'on eust à leur
 couper les langues, les mains &
 les pieds, & leur attacher les yeux
 chose qui fut soudain executée par
 ses satellites & bourreaux. Et ces
 bien-heurez & Saints Hermites a-
 vec vn constant courage se presen-

Phil. 1.

*De fol.
 tuge
 brisue
 senten-
 ce.*

toient aux tourmens, comme s'ils
eussent esté inuitez àquelquefestin,
s'exhortans & animans les vns les
autres à souffrir mort pour nostre
Seigneur: Et ainsi persistans en foy
& constance entre tels & si grands
tourmens., tous ensemble rendi-
rent leurs ames à Dieu leur crea-
teur. C'est donc chose manifeste,
que l'ame vertueuse & sainte tiét
la domination sur les passions &
perturbations d'esprit, comme dit
quelqu'un qui n'est de nostre Re-
ligion, referant les tourmens d'un
ancien Prestre & de sept freres &
leur mere souffrans pour les loix
paternelle, la constante & magna-
nimité desquels ont ensuyuy ces
venerables Peres, citoyens
& heritiers de Hierusalem celeste.

*Les pères
de bien
endurés
les tour
mens
pour la
foy con-
stamment
& ioy-
eusement*

Iosaph.



Arachis suborne vn Astrologue, nommé Nachor, à ce qu'il eust à se feindre estre Barlaam, & qu'il fist abandonner à Iosaphat la Roy Chrestienne. Le Roy cependant reprend son fils de ce qu'il auoit receu le Baptisme, & menace luy faire beaucoup de maux, s'il ne reuance Iesus Christ.

Chapitre. 24.



Pres que ces saincts Hermites furent ainsi martyrisez, le Roy dist à Arachis : Puis que ton premier cō-

Nachor
Astro-
gue
Payen

seil est venu à neant maintenant ayde toy du secōd, & appelle l'Astrologie Nachor. Arachis donc voulant cōplaire au Roy, en plein minuit alla trouuer Nachor en vne cauerne és deserts, où il faisoit sa résidence, pour vacquer plus librement à

ses diuinations. Et luy ayant fait entendre toutes ses cōceptions & desseins, & l'ayant embouché, reuint au Roy de grand matin, & luy demanda bande de soldats pour l'accompagner, feignant aller aux champs à la queste de Barlaā: chose qui luy fut aisément accordée. Et partant accompagné comme il auoit demandé, sortit en campagne, & se fourrant par les deserts, ne seiourna gueres qu'il n'apperceust vn vieillard sortant d'un valon: dont il fut fort aise, & enuoya gens apres luy, qui le prindrent, & l'amenerent deuant luy. Et l'interrogeant qui il estoit, & de quelle loy & profession, ou comment on l'appelloit, *Nachor se laisse prendre sous le nom de Barlaā.* respondit qu'il estoit Chrestien, & qu'il se mennoit Barlaā: car ainsi l'auoit-on embouché.

Arachis l'entendant sa response, fit semblant d'en estre grandement ioyeux, & le print, & l'amena incontinent au Roy. Et le luy presentant, le Roy luy dist en pleine audience: Es-tu ce Barlaam,

seruiteur du diable. Il respondit, Je suis seruiteur de Dieu, & non des diables : & si ne me dois point oultrager, ains remercier pour le bien que i'ay faict à ton fils, le deliurant d'erreur, & luy apprenant l'adoration du vray Dieu, auquel l'ay reconcilié, & luy ay enseigné vertu. Or le Roy seignant estre courroucé de sa response, luy dist: Certainement il seroit iuste & raisonnable, que sans te donner licence de parler, ou defendre, ie te fisse cruellement mourir: mais ma bonté & clemence fait que ie te supporte pour vn temps. Je m'enquerray de toy ce pendant, & te sonderay, & si tu m'obeis, ie te feray grace & misericorde: autrement ie te feray sponcir: Ayant ainsi parlé, il le bailla à Arachis, commandant qu'il fust soigneusement gardé: Et le iour ensuyuant s'en reuint à son Palais.

VI. Or fut il incontinent fœu par tout, que Barlaam estoit pris: tant que les nouvelles en vindrent ius-

ques aux oreilles de Iosaphat. Ce qui luy causa vne merueilleuse tristesse: & se retirant vers Dieu, le prioit instamment avec larmes & gemissemens pour la deliurance de luy. Et le bon Dieu tout bon & misericordieux ne le laissa long temps en telle affliction, ains le consola bien tost: car il est benin à tous ceux qui l'inuoquent au iour de leur tribulation, & cognoist ceux qui le reuerent & honorent. Et partant, de nuict en vision luy fit entendre tout le discours & verité du faict; & le conforta pour batailler pour la foy. Et de faict, estant esueillé, il sentit son cœur comblé de ioye & confiance & tres douce lumiere, qui peu deuant estoit remplý de douleur & tristesse. Cependant le Roy s'esjouissoit grandement, estimant auoir bien ordonné l'affaire, & esperant que ses desseins viendroient à bonne fin, & remercioit fort Arachis de ses subtiles inuentions. Mais, com-

*Psalms.
144.
Dieu ne
laisse
iamaís
au be-
soin ses
fideles
serui-
teurs.*

Psal.20

Psal. 9

soy-mesmes , & iustice surmonta iniquité , la ruinant de fonds en comble, & en faisant perdre la memoire avec le son , comme cy apres sera plus amplement deduit.

Harangue du Roy a Iosaphat son fils.

Deux iour apres le Roy alla au Palais de son fils. Lequel venant au deuant de luy, il ne daigna baiser comme il souloit, mais faisant du bouffié & courroucé, entre dedans sa chambre, & s'assit tout melancholique : & appellant son fils, luy dist : Mon fils, quelle nouvelle est paruenue à mes oreilles, & qui me fait mourir de desplaisir & tristesse ? Car ie pense qu'onques homme ne fut plus ioyeux à la naissance de son fils, que i'ay esté de toy, & d'autre part, i'estime que pere n'a onc esté contristé de son fils, comme ie le suis maintenant de toy, qui deshonoras ma vieillesse, & ostes la lumiere de mes yeux, & couppez les forces de mes nerfz. Car la crainte que i'auois de toy, m'est venuë, & ce

Iob. 3.

que ie redoutois m'est aduenü, & iuis en derison & mocquerie à mes ennemis. Escoutant & croyant par ta folle ieunesse, les parolles des seducteurs, & preferant leur conseil au mien, quittant & abandonnant nos dieux, tu sers & adores vn Dieu estranger. Pourquoy, mon enfant, fais-tu cecy ? Toy que i'esperois nourrir & esleuer si soigneusement pour estre le baston de ma vieillesse, & te laisser heritier & tres-bon successeur de mon Royaume, tu me' monstres tout d'ennemy. N'estoit-il pas plus raisonnable m'obeir, & suyure ma loy, qu'obeir aux folles resneries de ce malin & puant vieillard, qui t'a seduit & fait suyure vn chemin fascheux pour vn doux, & au lieu de plaisirs & delices t'a fait embrasser vne vie austere & dure q̃ le fils de Marie à commandé aux siens ? Nas-tu point aussi redouté d'encourir l'indignation des tres-grands dieux, & qu'ils ne te foudroyent de tonnere, ou te facent

engloutir par la terre, lesquels nous ont fait tant de biens, qu'ils nous ont comblez de richesses & puissances, & decorez de diademe, & nous ont assuiectiz si grand nombre de peuples & nations, & par mes oraisons outre toute esperance t'ont fait naistre, & participer à ceste douce lumiere. Mesprisant tels & si grands dieux, tu as adheré au Crucifié, estant seduict des vaines paroles de ses seruiteurs, qui maintiennent ie ne sçay quels fables à venir, & feignent vne resurrection des morts, & preschent vn tas de fables & resueries pour seduire ceux qui les escoutent. Mais toy mon trescher enfant, acquiesce à moy qui suis ton pere, & t'esloignant de ces songes & folies vien & sacrifie au dieux doux & pitoyables cent Taureaux, pour voir s'ils se pourront appaiser par sacrifices, & te remettre ceste offense grande. Car ils sont puissans & forts, tant à bien faire, qu'à punir & chastier. Et de ce que dit est,

ie te puis estre exemple, qui de leur misericorde suis paruenü à telle & si grande dignité. Et pour ces causes nous leur faisons agreables seruices, & honorons grandement ceux qui les adorent, chastiant rigoureusement ceux qui ne leur veulent offrir sacrifice. Le Roy discourant ainsi que dist est, & adioustant encorés plusieurs choses vaines, mesprisant nostre Loy, loüant & exaltant la sienne : Le tressainct ieune homme voyant bien, qu'il n'estoit plus temps de celer ce qui s'estoit passé entre luy & Barlaam, ains qu'il falloit le tout mettre sur la table le chandelier, à fin d'esclairer à tous, remply de confiance & constance, dit

Monsieur mon pere, ie ne nieray iamais ce qui s'est fait en mon endroit. Quant il les tenebres, ie me suis retiré à la lumiere : J'ay abandonné l'erreur pour suivre la verité, renonçant aux diables, i'ay adheré à Iesus Christ, fils & uerbe de Dieu le Pere, par lequel tout ce

*Respon-
se de Io-
saphat
à son
pere.*

qui est, a esté fait de neant : lequel pareillement a formé & créé l'homme du limon de la terre, & luy a baillé ame viuante, & l'a mis au Paradis de delices : Lequel ayant outre passé son commandement, & pour ce estant iugé à mort, & assuietty au diable, il n'a abandonné : mais faisant tout ce qui estoit necessaire pour le restablir en son premier hōneur, luy facteur de toute creature, & authour du gēre humain, s'est fait hōme pour l'amour de nous, naissant de la sainte Vierge : a conuersé en terre avec les hommes, & pour nous indignes & ingrats seruiteurs, luy nostre Seigneur a souffert mort, encorés la mort de la Croix, pour rompre le ioug de peché, & destruire la premiere condamnation, & nous ouvrir derechef la porte de Paradis. Car il a esté l'homme nature, & l'a colloqué au trône de gloire, & a donné à ceux qui d'aiment, le Royaume eternal, & luy a donné des biens plus excellens, que

Baru. 3

Phil. 2

ny bouche d'homme pourroit dire,
 ny oreille ouyr. Car il est fort &
 seul puissant, Roy des regnans, &
 Seigneur des Seigneurs, l'empire
 duquel est inexpugnable, & la
 puissance inestimable, & est seul
 saint, & reposant es saints, à
 honorer & venerer avec le Pere
 & le saint Esprit, au nom duquel
 ie suis baptisé: Et confesse & glo-
 rifie vn Dieu en trois personnes,
 consubstantiel, increé & immor-
 tel, eternal & inestimable, incir-
 cumscript & incorporel, impassi-
 ble & inconuertible, immuable &
 indefiny, fontaine de bonté & e-
 quité, & lumiere eternelle, crea-
 teur, conseruateur, & preuoyeur
 de toute creature, visible & inui-
 sible, Seigneur & gubernateur de
 tout. Car rien n'est fait de ce qui
 est en estre, sans luy, & nulle cho-
 se ne peut subsister sans sa providé-
 ce. Car il est vie, createur, & illu-
 minateur de tous: il est toute espee
 de douceur, & indiné insatiable, & le
 sommaire de toutes choses desirables.

*psal. 23
 Apo. 19*

Joan. 1

*Le dia-
ble est
auteur
de toute
meschâ-
ceté.*

*Psa. 113
1. Cor. 8*

Que de laisser vn Dieu si bon , si sage, si puissant , & seruir aux diables immondes , & auteurs de toute meschanceté , & adorer les Idoles sourds & muetz , qui ne sont ny ne seront iamais , quelle folie seroitce , mon pere ? Mais quand a lon ouy aucune parole d'eux ? quand ont-ils rendu, voire la moindre response, à ceux qui les ont inuoquez & priez ? quand ont ils cheminé, ou ont monstre quelque mouuement ? Et certes estans debout ne se sont onques souuenus de s'asseoir, ny se sont leuez , s'ils ont esté assis. Et de ma part , entendant du saint homme leur curpitude & villenie, & insensibilité & l'imbécillité & foiblesse des diables, vous tuatis & pensans en eux & par eux , & les detestant & haïssant parfaitement , j'ay adheré à Dieu viuant & vray, & le seruiray toute ma vie , à ce que mon ame vienne entre ses mains. Donc me suruenans tant de biens inenarrables, vray est que se m'es-

iouissois

iouïssois de ce que i'estois deliuré
 de la seruitude des malins, & ra-
 cheté de dure captiuité, & illustré
 de la lumiere de la face de Dieu:
 neantmoins ie me doulois d'auoir
 perdu la moitié de mon ame, par ce
 que toy, mon Seigneur & pere, n'e-
 stois participât de tels biens: Mais
 considerant que difficilement ton
 opinion se pourroit changer, ie
 contenois ma tristesse en moy mes-
 mes, ne voulant te prouoquer à ire
 & courroux, priant incessamment
 mon Dieu, que son plaisir fust t'at- *Ierem. 6.*
 tirer à soy: & te r'appeller de l'e-
 xil loingtain, duquel tu as esté au-
 theur à toy-mesmes, estant deuenü
 fugitif de pieté, & ministre de tou-
 te malice & impieté. Or puis que *Sainte*
 toy-mesmes as manifesté mon se- *respon-*
 cret, entens la resolution de mon *tion de*
 esprit. Je ne violeray aucunement *Iosa-*
 le pact que i'ay fait avec Iesus *phas.*
 Christ: non, ie proteste celuy qui
 m'a racheté de son precieux sang,
 quand ores il me faudroit mourir
 pour sa foy. Estant donc ainsi que

ie ne trauaille en vain, par ce que tu ne pourras iamais me faire renoncer la Loy que i'ay embrassee. Car tout ainsi qu'il t'est impossible toucher du doigt au Ciel, ou faire tarir la grande mer, de mesmes il n'est en ton pouuoir me faire abandonner mon Dieu. Mais si suyuant mon conseil tu te reconcilies à Iesus Christ, alors tu experimenteras les biens qui excèdent tout entendement humain, & serons compagnons par ensemble de foy, aussi bien que de nature: autrement ie t'asseure, que ie quitteray ton alliance, & seruiray mon Dieu de conscience pure & nette.

Replique du Roy à son fils.

Le Roy ayant entendu ces propos, fut grandement esmeu & espris d'ire & fureur: & grainçant les dents, luy dist, bien furieusement: Et qui m'a esté autheur de ces maux, sinon moy, qui t'ay entreteu si doucement, voire plus que iamais ne fit pere, quelque enfant qu'il eut? Parquoy la mauuaisie de ta volonté, & enuie de de-

battre, ayant pris force de mon indulgence, t'a fait ainsi rebeller contre moy. Et ainsi se trouue veritable ce que les Astrologues dirent de toy, quand tu fus n'ay, que tu serois homme malin & tresmeschant arrogant, & desobeissant à tes parens. Mais maintenant si tu n'obeys à mon conseil, & que tu quittes mon alliance, deuenant ton ennemy au lieu de pere, ie te feray sentir choses, qu'onques homme ne fit sentir à son ennemy.

Alors Iosaphat respondit : Pour-
quoy, Site, enflamé de courroux, *Respon-*
es tu contristé de ce que ie suis fait *se de Iosaphat,*
participant de si grands biens ? Et
qui est le pere, qui se soit contristé
pour l'heur & felicité de son fils ?
Mais comment ne seras tu desor-
mais appellé ennemy, & non pere ?
Parquoy desormais ie ne t'appel-
leray plus mon pere, mais ie m'es-
loigneray de toy, comme l'on
fuyt le Serpent, si ie vey que tu
portes enuie à mon salut, & que
tu me vueilles contraindre &

poussera la voye de perdition. Que si tu me traites hostilement, comme tu m'as menacé, que gaigneras tu, sinon qu'au lieu de pere, tu seras appellé tyran & homicide? Mais par ce qu'il t'est plus aisé d'attaindre l'Aigle qui vole en l'air, que me faire changer la foy que j'ay en Iesus Christ, & peruertir ma bonne confession & promesse que ie luy ay faite, laisse ceste entreprise, & oste des yeux de ton entendement les taies & couuertures qui y sont, à ce que tu puisses contempler la tres-resplendissante lumiere de mon Dieu, & fay qu'en fin tu sois esclairé de ceste tresdouce lumiere. Mais pourquoy est-ce que tu es ainsi de tout plongé aux passions & voluptez charnelles, & ne t'en retires point? Sçaches que tout homme est comme herbe & foin, & toute la gloire de l'homme comme fleur de foin. Le foin est deuenu sec, & la fleur est tombee: mais la parole de mon Seigneur, qui a esté annoncée à tous, demeure eternellement.

*Esa. 40**Psal.*

116.

Matth.

24.

Marc.

13.

Luc. 21.

Pourquoy donc tiens tu si follement, & defends la gloire qui perit comme les fleurs des champs, & les abominables & vilaines delices, & les immundes passions du ventre & de dessous le ventre, lesquelles delectent pour vn temps les sens des fols, mais s'en ensuyt vn cuisant repentir, & recompense plus amere que miel? Quand les ombres & songes de ceste vie seront passees, leurs amateurs & les ouuriers d'iniquité seront plongez es douleurs eternelles du feu inex-
 tinguible & obscur, où le ver ne dormant point, les rongera sans fin, & le feu les ardra continuellement sans s'esteindre. Avec lesquels (he-
 las) toy mesmes estant enfermé, & cruellement tourmenté du remors de conscience, te souuiendra lors de mes remonstrances, mais en vain. Car en enfer confession & penitence n'ont lieu: mais le temps present est ordonné pour beson-
 gner & ouurer, & le futur sera temps de recompense & salaire.

Pour un
 plaisir
 mille
 dou-
 leurs.

Esa. 66.

Psal. 6.

Et quand bien les plaisirs présents ne seroient subiects à perdition & coulement, ains fussent eternels & durables avec leurs maistres, si ne seroyent ils pourtant à peferer aux biens de Iesus Christ & aux biens qui surpassent toute pensee. Car d'autant que le Soleil est plus luisant & resplendissant que la nuit obscure & profonde, d'autant plus, & d'auantage encores, les biens promis à ceux qui aiment Dieu, sont glorieux & plus magnifiques, que tout regne & gloire terrienne: & si est cōuenable preferer les choses plus grandes à celles qui sont moindres. Or comme ainsi soit

Job. 14. que toutes choses sont subiettes à
Psal. corruption & coulement, & pas-
143. sent & perissent comme vision &
 songe & ombre, & qu'il faut plus-
 tost s'arrester au vent instable, &
 aux traces du Nauire voguant par
 mer, qu'à la prosperité des hom-
 mes: quelle grande folie est-ce,
 quelle imprudence & stupidité, de
 preferer les choses corruptibles.

*C'est
 grande
 folie
 aux mô-
 dains de
 preferer
 les cho-
 ses cor-*

& mortelles, infirmes & fressles, ^{rapti-}
 & celles qui sont incorruptibles, e- ^{bles aux}
 ternelles, immortelles & infinies, ^{eternel-}
 & pour la consolation temporelle ^{les.}
 d'icelles, estre priué du fruit éter-
 nel de ces grands biens? Mon pere,
 entēs tu pas ces choses? Ne mespri-
 seras tu pas ces choses perissables,
 pour adherer aux perdurables? Ne
 prefereras tu pas l'habitation au
 pelesinage, la lumière aux tene-
 bres, l'esprit à la chair, la vie éter-
 nelle à l'ombre de la mort, les cho-
 ses qui ne se dissoudront iamais, à
 celles qui sont fluides? Ne te reti-
 reras tu pas de la dure seruitude du
 mauuais gouuerneur? ie dis du
 tresmeschant Diable, & t'accro-
 fteras de Dieu clement & bon, &
 misericordieux tout outre? Ne re-
 monceras tu pas au seruice d'une
 multitude de faux dieux, pour ser-
 uir au vray Dieu viuant? Car com-
 bien que tu ayes peché, le blas-
 phemant long temps, & faisant
 martyriser cruellement les serui-
 teurs, toutesfois il te receura sans

Exech.
18.

doubte, luy qui est bon, si tu reconuertis à luy, & oubliera toutes tes iniquitez. Car il ne veut point la mort du pecheur, mais plustost qu'il se conuertisse, & qu'il viue: lequel de hauteur inenarrable descendant çabas à la queue de nous, qui nous estions fourvoyez, a soustenu le tourment de la Croix, la flagellation, & mort, & nous a rachetez de son precieux sang, nous qui estions venduz sous peché. A luy soit gloire & loüange par tous les siècles. Amen.

Le Roy fut fort estonné & courroucé, tant de la prudence, propos & raisons de l'enfant, auxquelles ne se pouuoit contredire, que de ce qu'il auoit si brauement & avec telle asseurance mesprisé ses dieux, se mocquant de leur vie. Mais il ne receut la clairté & lumiere de ses saintes remonstrances, pour l'espeffeur des tenebres interieures de son cœur, & si ne peut ordonner rien contre luy, ne le punir & tourmenter pour l'a-

amour naturel qu'il luy portoit.
 Mais perdant toute esperance de le
 diuertir de son opinion & foy par
 menaces, & craignant que s'il luy
 en tenoit plus de propos, & que
 luy respondant franchement, & se
 moquant de ses dieux, plus fort
 enflammé de courroux, le pourroit
 traicter hostilement, se levant en
 courroux, sortit de la chambre, &
 dit : A la mienne volonté que ia-
 mais tu ne fusses nay, & que tu ne
 fusses iamais produit en lumiere,
 puis que tu auois à estre blasphemateur
 des dieux, & mespriseur de
 l'amitié & admonition paternelle !
 Mais nos ennemis ne se moque-
 ront tousiours de dieux inuinci-
 bles, & ne se resiouyront longue-
 ment, ny leurs enchantemens n'au-
 ront puissance. Car si tu ne mes o-
 beissant, & que tu ne portes reue-
 rence aux dieux, ie te feray mouir
 par diuers tourmens, te traitant non
 comme fils, ains comme ennemy
 & apostat.



Le Roy estant sorty courroucé, Iosaphat implore l'ayde de Dieu. Et comme le Roy suyuant le conseil d'Arachis s'essayast de seduire son fils par doux langage, il ne peut rien faire: luy faisant Iosaphat vn long discours de la mort & resurrection.

Chapitre. 25.

LE Pere ainsi menaçant, & sortant en courroux son fils entra dans sa chambre : & esleuant ses yeux à Dieu, arbitre & spectateur de son combat, le pria en ces termes: Seigneur Dieu, j'ay crié du profond de mon cœur: mon doux espoir, & vraye promesse, tu es le refuge de ceux qui se retirent par deuers toy : regarde de ton œil propice & doux la contrition de mon cœur, & ne me delaisse point, & ne te retire de moy, mais selon ta vraye promesse, assis

Psal.
129.

Psal.
137.

ste à moy ton seruiteur indigne.
 Car ie te recognois & confesse
 Createur & prouiseur de toute
 oreature. Parquoy conforte moy,
 à ce que ie persiste en la confession
 de ton saint nom iusques à la fin de
 ma vie. Iette ton regard sur moy, *Psalm.*
 & ayes pitié de moy, & m'assiste, *24.*
 me preservant de toute operation
 diabolique. Seigneur Dieu, regar-
 de moy: car mon ame est fort em-
 brasee du desir de ton amour, & est
 enflammee comme d'une grande
 alteration, desirant la fontaine *Psalm.*
 d'immortalité. Ne liure point aux *73.*
 bestes l'ame qui se confesse à toy.
 Ne mets finalement en oubly l'a-
 me de ton pauvre & médiant, mais
 donne moy pauvre pecheur, qu'en
 toute ma vie i'endure toutes cho-
 ses pour ton saint nom, & la con-
 fession de ta foy, & que ie me
 sacrifie entierement à toy. Car
 toy subministrant les forces, les
 foibles & debiles deuiennent
 forts & puissans, par ce que tu
 es seul adiuteur invincible.

& Dieu misericordieux, lequel toute creature benist & glorifie. Amen. Priant ainsi, il sentit la diuine consolation estre descendue en son cœur, & remply de constance, perseuera toute la nuict en oraison.

Or le Roy recitant à son grand amy Arachis les propos qui auoient esté entre luy & son fils, & luy faisant entendre la liberté de ses responses & fiance, luy fut remonstré, que meilleur seroit vser enuers luy de paroles douces & amiables, que le rudoyer ou menacer, esperant le gagner, peut estre, par prieres & caresses. Parquoy le lendemain retourna chez son fils, & se seant, l'appella pres de luy, & l'embrassant & baisant, luy dist amiablement & doucement : Mon tresdoux & tresaimé fils, honore les blancs cheueux de ton pere, & exauçant ma priere, viens & offre sacrifice aux dieux. Car en vsant ainsi ils te seront clemens, & donneront longue vie, & participation de toute gloire, de regne heureux,

*Le Roy
par le
conseil.
d'Arachis
flat
te son
fils.*

& de tous biens : & si me feras
 cher & bien aimé toute ma vie, &
 loué & honoré de tous. Car c'est *Obeyr à son pere est grād loz.*
 vne grāde louāge que d'obeir à son
 pere, & mesmemēt en choses bon-
 nes, & de porter reuerēce au dieux.
 Mais quoy, mon fils , quelle opi-
 nion as tu ? Estimes tu que de ma
 franche volonté, delaisant le bon
 chemin, i'aye choisi le mauuais: ou
 que par ignorance ou inexperien-
 ce du bien, ie me sois abandonné
 à des opinions malheureuses &
 damnables ? Si tu penses que de
 mon vouloir ie prefere le mal à ce
 qui est vtile, & prepose la mort à
 la vie, il me semble, mon fils, que
 ton iugement n'est pas bon. Ne
 vois tu pas quelles peines & tra-
 uaux ie prens, m'exposant es pe-
 perils & dangers de la guerre con-
 tre nos ennemis, ou vacquant aux
 autres affaires de la Republique :
 & mesme i'endure faim & soif, ie
 chemins à pied, & couche sur la
 terre, quād la necessité le requiert ?
 Et pour le regard des richesses

& thresors, i'en fais si peu d'estime, que maintefois i'ay vuidé tresliberalement mes coffres pour edifier des temples magnifiques à nos dieux, & les orner, embellir & meubler de toutes choses excellentes, ou pour faire dons & presents à nos gendarmes & soldats. Donc comme ainsi soit tel mespris de voluptez, & telle tolerance de travail & peine, si i'eusse cogneu que la loy des Galileens fut meilleure que la nostre, comment est-ce que ie ne l'eusse embrassée soigneusement, & mesprisé toutes choses pour acquerir salut ? Que si tu reprens mon ignorance & inexperience du bien, considere combien i'ay passé de nuits sans dormir, quand on m'auoit proposé quelque question, encorés non gueres necessaire : neantmoins ie ne prenois aucun repos iusques à ce que i'en eusse trouué la vraye solution. Si donc ie n'ay mesprisé, voire le moindre poinct de ces affaires temporelles, tant que cha-

On sçait, qu'en la cognoissance &
 science des choses obscures & se-
 crettes ie passe tous les hommes
 qui sont sous la cappe du ciel: com-
 ment pourrois- ie auoir mesprisé
 les choses diuines, qu'il faut ho-
 norer & adorer, & n'aurois- ie vac-
 qué de tout mon pouuoir à l'inqui-
 sition d'icelles, pour cognoistre
 les vrayes, & qui ont le plus d'ap-
 arence de raison? Et certes ie les
 ay recherches soigneusement iour &
 nuict, & m'en suis conseillé à gens
 doctes & prudés: voire en ay plu-
 sieurs fois conferé avec plusieurs
 Chrestiens, & par vne inqui-
 sition & tresgrande recherche, i'ay
 trouué la voye de verité, approu-
 uée par gens sages, ornez de do-
 ctrine & bon entendement: par ce
 qu'il n'y en a point d'autre que cel-
 le, par laquelle nous cheminons
 auourd'huy, seruans aux tresgrands
 Dieux, & embrassans trefestroi-
 tement la tresdouce & ioyeuse vie,
 distribuée par eux à tous hom-
 mes, qui est comblee de plaisir

& liesse, laquelle les Prelats & Pontifes des Galileens ont follement reiettee: de sorte que sur vne esperance de ie ne sçay quelle autre vie incertaine, reiettent ceste douce lumiere, & toutes les delictations & plaisirs que les dieux nous ont ottroyez pour nostre consolation, ne sçachans qu'ils dient & maintiennent. Mais toy, mon tendre enfant, acquiesce à ton pere, comme à cil qui par vne diligente enqueste a trouué le vray bien. Or ie t'ay monstre, que ny de mon vouloir & à mon escient, ny par ignorance ie ne suis esloigné du bien: mais ie l'ay trouué & embrassé, & si desire que tu me suyues, & que tu ne te fouruoyes. Crains donc & reuere ton pere.

- Pro. 10** Ignores-tu quel bien c'est d'obeyr
 & **19.** au pere, & luy gratifier en toutes choses, comme au contraire, il est execrable & pernicieux l'irriter, & mespriser ses commandemens? Car tous ceux qui ont ce fait, sont periz mal-heureusement. I'a n'ad-

uienne, mon enfant, que tu sois de leur nombre, ains te prie que gratifiant à ton pere, tu obtiènes tous biens, & sois heritier de ma benediction & Royaume.

Or le magnanime & vraiment noble enfant ayant ouy le langage superflu de son pere, & toutes les raisons, & cogneu la cautele & ruze du diable, & comme il a préparé vn lasset à son pied droict, s'essayant flechir & attrapper son ame, & l'empescher de paruenir à la couronne de victoire, mit deuant ses yeux la parole de nostre Seigneur, disant : Je ne suis venu enuoyer paix, mais guerre. Car ie suis venu separer le fils du pere, & le fils de la mere, &c. Et, Qui aime son pere & sa mere plus que moy, *Mat 10.* il n'est digne de moy. Et, *Ibidem.* Quicōque m'aura renoncé deuant les hommes, ie le renonceray pareillemēt deuant mon pere qui est es cieux. Meditant ces choses, & liant son ame de crainte de Dieu, & la recōfortant de desir & amour, se sou-

uint opportunément du dire de
Eccle. 3 Salomon : Il y a temps d'aimer,
 & temps de hayr : temps de guerre,
 & temps de paix. Et en premier lieu priant en son cœur, dist
Psa. 56. ce David escrit : Ayes pitié de
 moy, mon Dieu, ayes pitié de moy;
 par ce que mon ame a toute la confiance
 en toy. Et i'espereray en l'ombre de
 tes ailes, iusques à tant qu'iniquité
 soit passée. Je crieray à Dieu treshaut,
 à Dieu qui m'a fait du bien, & ce qui
 s'ensuit au Psalme.

Et par apres dist à son pere: No-
 stre commun Seigneur nous enseigne,
 qu'ayons à honorer nostre pere,
 & obeyr à ces commandemens,
 & luy ministrer avec amour & charité,
 inserant en nous naturellement cest amour.
 Mais quand l'affection & amitié des parens
 met l'ame en peril, & la retire de son
 Createur, il nous & commande quitter
 telle amitié, & est defendu d'obeyr
 à ceux qui nous veulent separer de Dieu,
 & nous

Dieu insere en nous naturellement l'amour des parens.

est enioint les hayr & detester,
 quand ores celuy qui commande
 choses execrables, seroit le pere,
 ou la mere, ou le Roy, qui a puis-
 sance d'oster la vie corporelle. Car
 il m'est impossible de perdre mon
 Dieu pour l'affection & amour pa-
 ternel. Et partant ne te donne &
 à moy ennuy & facherie, mais croy
 plus tost, & seruons tous deux au
 Dieu viuant & vray. Car les ido-
 les que tu adores maintenant sont *Psa. 113*
 ceures de mains d'hommes, sourds
 & insensibles, ne reseruans pour
 toute recompense à ceux qui les a-
 dorent, sinon perdition & tour-
 mens eternels. Et si tu ne le veux
 faire, fay de moy ce qu'il te plaira. *Gal. 1.*
 Car ie suis seruiteur de Iesus Christ *Rom. 8.*
 & ne me retireray de sa dilection
 par caresses ny tourmens, comme
 ie te dis hier, interposant le nom
 du Seigneur, & confirmant au-
 thentiquement mon dire. Mais
 par ce que tu as dit, que ne de ta
 franche volonté tu as fait mal,
 ny par ignorance du bien tu le

334 HISTOIRE DE BARIAM.
laisses, ains que par grande & laborieuse enqueste tu as cogneu, que veritablement c'estoit bien fait de servir aux idoles, & estre attache aux passions charnelles: vray est que ie ne veux pas dire que tu fais mal à ton esciēt: mais ie maintiens, que tu es tant offusqué des tenebres d'ignorance, & que comme cheminant en tenebres à tâtons, tu ne vois du tout, voire le moindre rayon de lumiere: d'où vient qu'ayāt perdu le droict chemin, tu te fouruoyes en precipices & lieux raboteux. Chose que ie sçay indubitablement, & desire, mon pere, que pareillement tu l'entendes. Et pour ceste cause tenant les tenebres pour lumiere, & la mort pour vie, tu penses avoir suiuy bon conseil, & avoir bien pourueu à tes affaires: mais il n'est pas ainsi. Car ce que tu adores, ce ne sont dieux, ains simulacres des diables, ayans en eux interieurement l'exécrable operatiō d'iceux: Et la vie que tu appelles douce &

plaisante, & qui se passe en lieffes
 & delices, n'est te telle nature:
 mais plus tost est veritablement a-
 bominable & detestable. Car elle
 chatouille & delecte les sens, mais
 par apres ses recompenses & salai-
 res sont plus amers que fiel, & plus
 poignans que le costeau trenchant
 des deux costez, ainsi que dit mon
 maistre. Et comment pourray-ie
 nombrer les maux? Je les denom-
 breray, & ils surmonteront en
 nombre le sablon de la mer. Car
 la vie presente est l'hameçon du dia-
 ble, amorcé d'abominable volu-
 pté, par lequel elle tire és enfers
 ceux qui sont seduits. Mais les
 biens promis par mon Seigneur,
 que tu appelles esperance de vie
 incertaine, sont vrayz & immua-
 bles: ne prennent iamais fin, ne
 sont subiects à corruption. Il n'y a
 lague qui puisse exprimer la gran-
 deur de celle gloire & delectation
 ioye ineffable, & lieffe eternelle.
 Car, comme tu vois, nous mou-
 rons tous, & n'y a homme vivant

Psalm.
 138.

*La vie
 presente
 est l'ha-
 meçon
 du dia-
 ble.*

qui ne passe le pas de la mort. Et

Mat. 25 par apres nous ressusciterons, quand

Apo. 19 nostre Seigneur Iesus Christ, Fils

Phil. 2 de Dieu, viendra en maiesté inef-

fable, & terrible vertu, seul Roy

des Roys, & Seigneur des Sei-

gneurs, à qui tout genouil flechira,

des celestes, terrestres & infer-

naux, & donnera lors telle terreur

& espouuancement, que mesmes

les vertuz celestes s'estonneront.

Et lay assisteront avec crainte mil-

Luc. 21 le millions, & dix fois cent mille

Dan. 7 Anges & Archanges. Et toutes

choses seront remplies de crainte

& frayeur. Et l'un des Archanges

sonnera la trompette, & alors le

ciel pliera comme vn liure. Et la

1. Theff. terre s'ouurant, mettra dehors

4. tous les hommes qui ont esté de-

puis le premier homme Adam ius-

ques à ce iour. Et alors tous les

morts ressusciteront, & assisteront

1. Cor. 15 devant le tribunal de nostre Sei-

2. Cor. 5 gneur, pour rendre compte de

toutes leurs œuvres. Alors les in-

justes qui ont creu au Pere, Fils, &

Saint Esprit, & ont finy leur vies *ce n'est*
 en bonnes œures., resplendiront *assez*
 comme le Soleil. Mais comment *d'avoir*
 te pourray-ie reciter, combien *la foy,*
 grand' gloire ils receuront alors? *mais*
 Car encores que ie compare leur *sans fi-*
 splendeur & beauté à la clarté du *nir sa-*
 Soleil ou esclair tres-luisant, neât- *vie en*
 moins leur gloire est sans compa- *bonnes*
 raison plus grande. Car œil n'a *œures.*
 veu, ny oreille entendu, ny cœur *1. Cor. 2.*
 d'homme n'a compris les choses
 que Dieu a preparees à ceux qui
 l'aiment, au Royaume des cieux,
 en la lumiere inaccessible, en gloi-
 re ineffable & infinie. Et les iustes
 obtiendront tels biens & telle fe-
 licité. Mais ceux qui ont renié le
 vray Dieu, ignorans le Createur,
 & ont adoré les vilains diables, &
 porté honneur diuin aux idoles,
 & ont aimé les voluptez de ceste
 vanie vie, & se sont veutrez
 comme pourceaux dans la fange
 & ordures de vices, & ont fait
 leurs vaines sentines de toute
 meschanceté, seront nuds &

miserables, confuz & abiects, exposez en reproche & mocquerie à toute creature. Car tout ce qu'ils ont commis en pensée, parole & œuvre, se presentera deuant eux. Et apres ceste fascheuse confusion & reproche intolerable, seront condamnez & plongez au feu inextinguible en tenebres exterieures, où y aura pleur & grincement de dents, & le ver immortel rongera & deuorera leur chair. Voyla leur part & heritage. En ces tourmens seront cruciez de siecle en siecle & sans fin, par ce que mesprisans les biens promis de Dieu pour la volupté & plaisir temporel de peché, se sont acquis damnation eternelle. Et partant pour paruenir à ceste ioye ineffable, & iouyr vn iour de ceste gloire inestimable, & lumiere pareille aux Anges, & qu'assistions avec assurance deuant nostre tresdoux Seigneur, que puissions euader les tourmens amers & infinis, & ceste tresamere confusion, il est raisonnable

Mat. 8.

Esa. 66

Apoc. 21

*Pour
gagner
Paradis
il ne
faut es-
pargner
sa per-
sonne,
ny ses
biens.*

nable exposer, non seulement no-
 stre or & argent, mais aussi les
 Corps & les ames. Car qui est si sot
 & insensé, qui ne voulist sou-
 stenir morts temporelles, pour
 estre preserué de la mort e-
 ternelle, & iouyr de la
 vie bain-heuree &
 immortelle, & re-
 luire de la lumie-
 re de la sainte
 Trinité?

*Il vau-
 drait
 mieux
 endurer
 mille
 morts,
 que d'e-
 stre dam-
 né.*

P





Comment Nachor se feignant estre Barlaam, intimidé par Iosaphat, defendis la foy Chrestienne, en la dispute qu'il eut contre les Philosophes Gentilz.

Chapitre. 23.

LE Roy ayant ouy les propos de son fils, & le voyant si ferme & constant, que ny par caresses ny menaces ne l'auoit sceu faire condescendre à son uouloir, s'esmeruilloit grandement de ses paroles tant puissantes à persuader, & de ses tressubtiles responses. Et de fait, cognoissoit en sa conscience, que son dire estoit iuste & veritable. Mais sa mauuaise accoustumance, & les vices enracinez en luy de longue main, empeschoient qu'il ne vist & suyuisst la lumiere de verité. Qui fut cause, que persistant en son o-

Rom. 6.

pinion inueterée, il cherchoit tous les moyens pour effectuer la deliberation & complot fait & conclud avec Arachis. Et dist à son fils: Vray est, mon fils, qu'il falloit que tu obeïsses à tous mes commandemens: mais par ce que par ta dureté & obstinatio tu m'as résisté si fort, delibérant preposer ton opinion à toutes choses, faisons autrement, & quittans toute inutile & vaine contétion, procedons par raisons. Et d'autant que Barlaam, qui t'a seduit, est maintenant en mes prisons enfermé, i'assembleray vne grande cōgregation, & conuoqueray tous les nostres, & les Galiléens ensemble. Je feray crier à son de trompe fauf conduit pour tous Chrestiens, à fin que sans crainte ils se trouuēt à l'assemblée: & là nous delibererons par conseil commun: Et où vous par paroles & argumēs prouueriez la verité de vostre Religion, obtiendrez avec vostre Barlaam ce que desirez: ou si les nostres sont les maîtres, & emportent.

l'honneur de la dispute, vous obeyrez franchement à nos loix.

Or le prudent & magnanime iouuenceau ayant precogneu par reuelation du saint Esprit la fraude & fiction de son pere, dist : La volonté de Dieu soit faicte, & soit ainsi que tu as ordonné. Car ce bon Seigneur Dieu fera que ne fournoyons du bon chemin : car en luy mon ame se confie, & il aura pitié de moy.

Act. 22.

Psal. 56

*Ruse
diabolique.*

Alors le Roy fit commandement, que les Chrestiens & Gentils eussent à se trouuer ensemble: enuoyant pour cest effect lettres & messagiers de toutes parts, & faisant crier publiquement, que tous Chrestiens comparussent avec assurance, pour faire vne volontaire, & non contrainte inquisition de la verité, avec leur Prince & conducteur Barlaam. Semblablement il fit conuoquer tous les Pontifes deses dieux, & les sages de Chaldée & des Indes, qui se peurent trouver es pais de sa domination, &

quelques Augures, Magiciens & Deuins, pour emporter victoire des Chrestiens.

Or luyuant ce que dit est, grande multitude de gens de la detestable secte vindrent en Cour, & se presenterent deuant le Roy. Mais il ne se trouua qu'un Chrestien seul, nommé Barachias, qui se presenta pour seconder celuy qui se disoit Barlaã. Car partie des autres auoient esté martyrisez par la fureur des Princes: partie estoit mussee es cauer-
nes & montaignes, pour crainte des maux imminens: & aucuns craignoient les menaces du Roy, & ne s'osoient monstres en public, mais seruoient Dieu de nuit & en cachette. Mais Barachias seul, ayant le courage bon, comparut pour combattre, & soustenir la verité.

Barachias se presente pour defendre nostre Loy.

Le Roy donc seant en son thron haut esleué, commanda à son fils se seoir pres de luy: mais pour l'honneur & reuerence de son pere, ne le voulut faire, ains s'asseit contre terre loignant luy. Or se

344 HISTOIRE DE BARLAAM

*1. Cor. I.
Rom. I.*

presenterent les Doctes de ceste sapience, que Dieu a reputé folles; le fol cœur desquels a erré, comme dit l'Apostre: Se pensans estre sages, sont deuenuz fols, & ont changé la gloire de Dieu incorruptible en semblance d'hommes corruptibles, de bestes & serpens. Et s'estoient assemblez pour disputer contre Iosaphat, & ceux qui estoient avec luy: & a esté en eux accomplie ceste parabole; que le Cheureul a prins combat contre le Lyon. Car Iosaphat mit tout son refuge au tres-haut, & espera en l'ombre de ses ailes: mais les autres se confioient és Princes de ce siecle, & au Prince des tenebres, à qui ils s'estoyent miserablement soubmis. Donc Nachor fut amené; qui se feignoit estre Barlaam: & ceux qui estoient à l'entour du Roy, apoyent telle intention: mais la sage prouidence ordonnoit d'en haut autre chose.

Psal.

90.

Psal.

56.

Psal.

145.

Ephes.

6.

Or estans tous deuant le Roy, il dist à ses Rhetoriciens & Philosophes

Phes, voire seducteurs du peuple & fols de cœur : Voicy le combat qui s'approche tresgrand & dangereux : & de deux choses l'une vous aduiendra : Ou vous prouuerrez que Barlaam erre, & le reprendrez & ceux de sa secte, & ainsi receurez tresgrande gloire & honneur, tant de nous que du Senat, & serez couronnez de couronne de victoire : ou si vous estes vaincus, ie vous feray mourir honteusement, & abandonneray vos biens au pillage : Et à ce que vostre memoire soit du tout estainte, ie liureray vos corps aux bestes, pour estre deuorez, & cendameray vos enfans à perpetuelle seruitude.

Quand Iosaphat eut entendu ce langage, que le Roy tenoit aux siens, il luy dist: Sire, tu as donné vn droit iugement: Dieu confirme ceste tienne volonté : & de ma part, j'en dis autant à mon maistre. Et se tournant, dist à Nachor, qui se feignoit estre Barlaam:

Tu sçais, Barlaam, en quelle gloire & delices tu m'as trouué. Mais tu as tant fait par paroles & remonstrances, que i'ay le tout abandonné, & si ay quitté la Religion & dieux de mes ancestres, pour servir à un Dieu incognu, & par promesses emmiellées de certains biens infaisable & eternels tu m'as fait suivre ta doctrine, & irriter mon Seigneur & pere. Donc maintenant estime que tu es comme en vne balance. Car si tu emportes victoire de ce combat qui se presente, tu monstreras que la doctrine que tu m'as appris, est veritable, & rendras confus ces seducteurs, qui veulent auourd'huy disputer contre nous, & seras glorifié plus que iamais ne fut homme, emportant le nom de predicateur veritable: Et de ma part, ie persisteray en ta doctrine, & serviray Iesus Christ toute ma vie, comme tu m'as enseigné. Mais si estant vaincu veritablement, ou feintement, tu m'es causé auourd'huy de confusion, soudain ie

la vengeray sur toy, arrachant de
 mes mains ton cœur & ta langue,
 & les bailloy avec le reste de ton
 corps à déposer aux chiens, <sup>Puni-
 tion ex-
 emplai-
 re de
 ceux qui
 sedui-
 sent les
 enfans
 des Roys</sup> pour
 seruir d'exemple à tous autres, &
 que nul ne presume cy apres sedui-
 re & plonger en erreur les enfans
 des Roys.

Nachor ayant entendu ces pro-
 pos, deuint merveilleusement tri-
 ste & craintif, se voyant cheut &
 rebuscé soy-mesmes en la fosse
 qu'il auoit faite, & estre pris au pie-
 ge qu'il auoit tendu, & que de
 son douloureux mesmes son cœur
 estoit percé. Et apres meure deli-
 beration en son esprit, il iugea que
 meilleur estoit adherer au fils du
 Roy, & defendre son party, à ce
 qu'il peust euader le danger immi-
 nent. Car il scauoit bien, qu'il e-
 stoit tresfacile à Iosaphat le tour-
 menter & faire mourir, s'il l'irri-
 toit tant soit peu. Mais tout se fai-
 soit de diuine prouidence, defen-
 dât nostre cause mesme par nos ad-
 uersaires. Car quand Nachor fut en-

Psal. 7.

348 HISTOIRE DE BARLAAM,
 tre en dispute contre les Idolatres;
 il luy aduint cōme iadis à Balaam,
 qui sous Balac ayant proposé don-
 ner malediction au peuple d'Israël,
 le benist de plusieurs benedictions.
 Nachor, de mesmes resistoit ver-
 tueusement à ces fols Philosophes
 & Gentils. Car le Roy seant, com-
 me dist ost, en son throne, & son
 fils au dessous, les Philosophes &
 Rhetoriciens estoient debout, les-
 quels auoyent aiguisez leurs lan-
 gues, comme couteaux trenchans,
 pour destruire verité: esquels fut
 accompli ce qui est escrit, Ils ont
 conçu douleur, & ont enfanté
 iniquité. Semblablement s'y trou-
 ua vn peuple innumerable pour es-
 couter la dispute, & voir qui en
 auroit du bon.

*Commē-
 cement
 de la
 dispute,
 touchant
 la Reli-
 gion.*

Alors l'vn des Rhetoriciens le
 plus excellent de tous dist à Na-
 chor: Et tu ce Barlaam, qui si impu-
 demment & temerairement outrages
 & iniuries nos dieux, & as se-
 duit & mis en erreur le trescher
 enfant du Roy, luy apprenant à

seruir au Crucifié? A quoy respon-
dit Nachor : Je suis Barlaam , qui
mesprise tes dieux : & quant au fils
du Roy , ie ne l'ay mis en erreur,
ains l'ay deliuray d'erreur, & l'ay
reconcilié au vray Dieu. Et le Rhetoricien luy dist: Comme ainsi soit
que tous les hommes excellens &
admirables, inuenteurs de sapience
& Philosophie, les appellent
tres-hauts dieux & immortels, &
tous les Roys qui ont regné, & re-
gnent pour le iourd'huy, les ado-
rent, & leur font seruice: comme
oses tu les mespriser & blasmer?
Mais quelle opinion est-ce, de dire
qu'ils ne sont dieux, mais que c'est
vn Crucifié? Nachor regardant en
haut, n'estima point que le Rhetoricien
fust digne de réponse, mais
faisant silence au peuple avec la
main, & ouurant sa bouche com-
me l'Asnesse de Balaam, dist les *Num.*
choses qu'il n'auoit proposées, & 22.
dist au Roy.

Sire, par la prouidence de Dieu
ie suis venu au monde, & confes-

Nachar devant le Ciel, la Terre, la Mer,
fidèle, & le Soleil & la Lune, & le reste,
defend ie me suis esmerueillé de leur or-
neſtre nement. Et regardant le monde,
Loge & tout ce qui y est, qui se meuvent
 selon necessité, i'ay cogneu que
 Dieu en est le moteur & mainte-
 neur. Car tout ce qui meut, est plus
 fort que ce qui est meü, & ce qui
 tient, est plus fort que ce qui est te-
 nu. Parquoy ie dis, que celuy qui a
 tout créé & le maintient, est Dieu,
 qui est sans commencement & sans
 fin, immortel, eternal, n'ayant af-
 faire de personne, supérieur de tou-
 tes passions & vices, ſçauoir est d'i-
 re & d'oubliance, d'ignorance &
 choses semblables : mais par luy
 toutes choses sont créés. Il n'a que
 faire de sacrifice & libation, ny de
Pſal. 115 choses quelconques que lon puisse
Et. 17 voir à l'œil, mais toutes ont affaire
 de luy.



Nachor monstre elegamment, que les dieux des Gentils ne sont dieux : & que mesmes la Religion des Iuifs n'est bonne : ains que les Chrestiens seuls obseruent la vraye Religion.

Chapitre. 27.



YANT ainsi parlé de Dieu selon qu'il m'a permis, maintenant considerons les hommes, & voyons lesquels suyuent verité, & lesquels sont en erreur. C'est vne chose, Sire, toute manifeste, qu'il y a trois sortes d'hommes en ce monde: dont les vns adorent les dieux, autres sont Chrestiens, autres Iuifs. Et dauantage, ceux qui adorent plusieurs dieux, sont diuisez en trois sortes: scauoir est Caldees,

*Lourd
erreur
des Chal-
dees.*

Rom. I.

Grecs, & Egyptiens. Car ceux cy furent les maistres & capitaines de tous autres en l'adoratiō & cult de plusieurs dieux. Voyons donc lesquels d'entre eux sont participant de verité, & qui offusquez des tenebres d'erreur & ignorance. Car les Chaldees ignorans Dieu, ont admiré les Elemeas, & ont adoré la creature plus tost que le createur: Et ont fait des representations & figures du ciel, de la terre, & de la mer, du soleil, & de la lune, & des autres elemeas, & les enfermans es temples, les ont adorez, les nommans dieux, & les gardent soigneusement, de crainte que les larrons ne les emblent: & n'ont point entendu, que tout ce qui garde, est plus grand que ce qui est gardé, & que ce qui fait, est plus que ce qui est fait. Car si leurs dieux ne sont suffisans pour se sauuer, comment pourront ils sauuer les autres? Et partant les Chaldees ont erré grandement, adorans statues mortes & inutiles. Et ne puis, Sire, que ie ne m'esmerueille beau-

coup, comme ceux de leur bande, qui se disent Philosophes, n'ont point entendu, que mesmes les Elements sont corruptibles. Si donc les Elements sont corruptibles, & subiects à necessité, comment les statues qui sont faictes à leur honneur, seront dieux? Donc, Sire, venons aux Elements mesmes, à ce que nous montrions qu'ils ne sont dieux, ains corruptibles & muables, creiez de neant par le commandement de Dieu, qui est incorruptible & immuable & invincible. Car luy voit toutes choses, les change & transfere. Que dis-je donc des Elements? Ceux qui estiment que le Ciel est Dieu, errent. Car nous voyons qu'il est volubile, & est mou selon la necessité, & hasty de plusieurs choses: pour ceste cause est appellé *Cosmos*. Or *Cosmos*. c'est vne fabrique de quelque artisan: & ce qui est forgé, a commencement & fin: & le Ciel se ment auec ses luminaires selon la necessité. Car les Astres

*Pour
quoy les
Elements
ne peu-
uent estre
dieux.*

*Le Ciel
ne peut
estre
Dieu.*

354 HISTOIRE DE BARLAAM

vont par ordre & espace de signes en signes & maintenant se couchent, & tantost, se leuant, & selon les saisons font leur chemin, pour faire l'Esté & l'Hyver comme il leur est ordonné de Dieu, à ce qu'ils ne passent leur limites selon l'inevitable nécessité de nature avec l'ornement celeste dont est manifeste, que le ciel n'est point Dieu, ains œuvre de Dieu.

La Terre ne peut estre Déesse. Et d'autre part, ceux qui pensent que la Terre soit une Déesse, ont erré. Car nous la voyons estre outragee des hommes, & estre sujette à leur domination, estre fouye & dispersée, & renduë inutile. Car si elle passe par le feu, elle devient morte: comme nous voyons que d'un test de pot il ne peut rien naistre. Davantage, s'il pleut plus qu'il ne faut, elle se corrompt, & le fruit qui est dessus. Les hommes & les bestes marchent dessus elle, elle est souillée du sang des occis, on la fossoye, & y enferme l'on les

morts. Ce qui estant vray, ne se peut faire que la Terre soit Deesse, ains oeuvre de Dieu pour l'utilité des hommes.

D'autre part, ceux qui tiennent l'Eau pour Deesse, ont erré : car elle est créée pour l'usage des hommes, qui en font ce qui leur plaît. Elle se souille, se corrompt & se change. Elle devient chaude, quand on la met sur le feu, & change de couleur, & se gele par tēps froid. Lesang la fouille, & la prend on pour nettoyer toutes ordures & vilanies. Et par tant c'est chose impossible, que l'Eau soit une Deesse, ains est oeuvre de Dieu.

L'Eau ne peut estre Deesse.

Pareillement ceux-là errent, qui estiment que le Feu soit Dieu. Car le Feu est créé pour servir aux hommes, & est sous leur puissance. On le porte de lieu à autre, & l'allume on pour bouillir de la viande, mesmes pour bruler les corps, & les réduire en cendre. Les hommes aussi se corrompent en plusieurs manieres, & l'estab-

Le Feu ne peut estre Dieu.

356 HISTOIRE DE BARIAAN
gnent : & pour ces raisons est im-
possible que le Feu soit Dieu , ains
faut tenir que c'est ouurage de
Dieu.

Mais ceux qui ont opinion, que
le soufflement des vents soit Dieu,
s'abusent. Car c'est chose manife-
ste, qu'il sert à autry, & a esté pre-
paré de Dieu pour conduire navi-
res chargees des choses qui sont
necessaires à l'homme , & pour
les autres necessitez & vsages se-
lon le commandement de Dieu.
Porquoy il n'est pas possible, qu'il
soit Dieu, ains œuvre de Dieu.

*Ceux là
errent
lourde-
ment, qui
adorent
le Soleil
comme
Dieu.* Ceux aussi qui adorent le Soleil
comme Dieu , errent. Car nous
voyons qu'il est agité selon la ne-
cessité, & qu'il tourne çà & là, &
passe de signe en signe : qu'il se
couche, & lève , pour eschauffer
les semences & plantes pour l'vsa-
ge des hommes : & qu'il a divi-
sion avec les autres astres , & est
beaucoup moindre que le ciel , &
il souffre defaut de lumiere , & n'a
en soy aucune puissance ou com-

mandement. Et pour ces causes ne croy que le Soleil soit Dieu, ains oeuvre de Dieu.

Or ceux qui ont la Lune en reputation de Deesse, s'abusent. Car nous la voyons par necessité se mouvoir & changer, & estre transferee de signe en signe, se lever & coucher pour l'utilité des hommes: & est moindre que le Soleil, & si croist & diminue, & s'eclipse. Parquoy nous ne la devons mettre en rang de Deesse, mais l'estimer seulement comme creature de Dieu.

Mais ceux qui pensent l'Homme estre Dieu, ne sont moins abusés que les autres. Car nous le voyons mouvoir selonc la necessité, manger, & enuieillir, mesmes malgré luy: & parfoiſ est ioyeux & gay, & tantost triste & melancholique. Il a affaires des viures & vestemens. D'auantage il est cholere, enuieux, contumace, & repentant, & a plusieurs defauts. Il est aussi corrompu par plusieurs sortes & ma-

*Ceux
qui pen-
sent l'ho-
me estre
Dieu,
sont gr-
dement
abusés.*

358 HISTOIRE DE BARLAAM
 nieres des Elements & animaux,
 ou de la mort imminente. Il n'est
 donc pas possible que Eblorame
 soit Dieu, ainsi ceute de Dieu. Les
 Chaldeens donc ont grandement
 erré en leur opinion & creance. Ils
 adorent les Elements corruptibles,
 & des statues mortes & sans ame,
 les reputans dieux.

*La grã-
de folie
des
Grecs.
Rom. I.* Venons maintenant au Grecs,
 & voyons quelle opinion ils ont
 de Dieu. Car les Grecs se disans
 estre sages, sont deuenus fols, pires
 que les Chaldees, assurant la crea-
 tion & naissance de plusieurs dieux,
 les vns males, les autres femelles,
 auteurs de toute iniquité & vice.
 Donc, Sire, les Grecs ont inuenté
 choses ridicules, folles & impies,
 appellés dieux, & eux qui ne le sont,
 & ce, selon leurs desirs malings, à
 ce que les ayans pour aduocat &
 defenseurs de leurs meschancetés,
 ils adulterent, ravissent, tuent &
 commettent toute espèce de maux.
*Vide
Clemen-
te Alex.
in orat.
exhort.
ad gent.
Arno-
bium li.
4. & 5.* Car si leurs dieux ont perpétré
 tels crimes, comment entr'eux ne

seront ils le mesme ? Et par ces
 inuehteurs d'erreurs maintes guer-
 res s'en sont ensuyuies, meurtres
 & captiuité. Et partant si nous
 voulons discourir la vie de chacun
 de leurs dieux, vous verrez claire-
 ment leur absurdité bien grande.
 Car ils mettent le premier sur le
 rang Saturne, & à cestuy ils sacri-
 fient leur enfans, lequel selon leur
 dire engendra plusieurs enfans de
 Rhea, & comme en rage les man-
 gea & deuora ? Et dient que Iup-
 piter luy couppa les genitoires, &
 les ietta dans la mer, dont fabuleu-
 sement ont dit que Venus fut en-
 gendree. Iuppiter donc enchef-
 nant son pere, le ietta là bas es en-
 fers. Voyez vous l'erreur & path-
 lasie qu'ils imposent à leur Dieu ?
 Est il possible que Dieu soit vain-
 cu & chasté ? O la grande folie !
 Mais quel homme d'entendement
 le voudroit maintenir ?

adu. 8.
 tes.
 Lact. li.
 1. cap. 9
 & 10.
 Din. iij.
 sit.

Saturne

Pour le second Dieu ils mettent Iuppiter
 Iuppiter en rang, lequel ils dient
 estre Roy de tous leurs autres

Dieux, & qu'il a esté transformé en beste, pour commettre adultères avec les femmes mortelles. Car ils maintiennent, qu'ils ont esté transformé en Taureau pour iouyr d'Europe, & en Or pour Danaës, & en Cygne pour l'amour de Lede, & en Satyre pour auoir iouissance d'Antiope, & en Foudre pour Semele: Et ainsi d'elles auoir engendré plusieurs enfans, comme Bacchus, Zethus, Amphion, Hercules, Apollo, Diane, Perseus, Castor & Pollux, Helene, Minos, Rhadamante & Sarpheon, & neuf filles, lesquelles ils ont appellees Muses. Après ils font mention de Ganymedes. De là est venu, Sire, que les hommes, pour estre imitateurs de leur dieux, sont deuenus adultères & effemines, & ont perpetré maux execrables. Mais comment se peut faire que Dieu soit adultère, effeminé, ou parricide?

Les enfans de Iuppiter

Vulcain

D'auantage ils mettēt en rang vn certain Dieu Vulcain, boiteux, & forgeron, tenant en main tenailles

& marteau, gagnant sa vie à tel
 mestier. Donc estoit-il indigent:
 chose qui n'appartient à Dieu, hy
 d'estre boitez pareillement. Et *Mercur-*
 quant au Dieu Mercure, ils dient *re.*
 qu'il est larron, auare, enchanteur,
 cauteleux, & truchement: toutes
 cōditions certes indignes de Dieu.
 Ils produisent en apres vn Dieu
 Esculapius Medecin, gagnāt sa vie *Escula-*
 à faire emplastres & breuuages, cō- *pins.*
 me celuy qui estoit necessiteux &
 pauvre: & finalement fut foudroyé
 & tué par Iuppiter, pour lamour du
 fils de Daire Lacedemonien. Si
 donc Esculapius est Dieu, & neāt-
 moins ne s'est peu preseruer du
 tonnerre, comment pourra-il se-
 courir les autres?

Pareillement est dit de Mars, *Mars*
 que c'estoit vn Dieu guerrier, con-
 noisseur de brebis, & autres ie ne
 scay quelles choses. Et ayant en
 fin commis adultere, dient qu'il
 fut lié avec Venus par Vuleain &
 Cupido. Comme donc vn conuo-
 iteux, vn guerrier, adultere, & an-

362 HISTOIRE DE BARLAAM

Bacchus chesné peut il estre Dieu? Et quant à Bacchus, ils maintiennent que c'est un Dieu qui se donne du bon temps, & fait de nuists banquettes & festins, & est Prince d'yurongnerie, rauilleur de femmes d'autrui, furieux & fugitif: & finalement fut occis des Titans. Si donc Bacchus ne c'est peu defendre contre la mort, s'il estoit yuronge, adultere, furieux & fugitif, comment estoit-il Dieu?

Hercules Et pour le regard d'Hercules, on dit qu'il estoit yuronge, insensé, meurtrier de ses enfans, & finalement qu'il se brassa. Mais comment se peut-il faire que Dieu fust yuronge, & meurtrier de ses enfans, & brulé? ou comment pourra-il secourir les autres, s'il ne s'est peu secourir soy-mesmes? Il meurent pareillemēt en adant Apollon pour Dieu, & neantmoins dient qu'il estoit jaloux, & que par fois tenoit en main l'arc & la trouffe, & par fois la harpe & la floute, & que pour gagner quelque piece d'argent,

d'argent, il predisoit à chacun sa bonne aduventure. Il conclud donc qu'il estoit necessiteux. Mais il n'est conuenable que Dieu soit necessiteux, ialoux, ou meurtrier.

Et quand à Diane, sœur d'Apol- *Diane.*
lon, ils dient qu'elle estoit chas-
resse, & portoit arc & flesches,
courant seule par bois & montai-
gnes pour prendre le Cerf & le
Sanglier. Mais se peut-il faire, que
en telle femme chasseresse y eust
quelque diuinité? Que diray-je de
Venus, qui estoit adultere? Car elle *Venus.*
a eu quelque-fois Mars pour son
paillard, quelquefois Anchises, au-
trefois Adonis, lequel estant mort,
elle le pleura amerement, le cher-
chant par monts & par vaux. Et dit-
on d'elle, qu'elle descendit és en-
fers pour rachepter de Persephoné
son Adonis. As-tu onc veu, Sire,
plus grande folie, de mettre en
rang de Déesse, vne adultere & es-
plorée? Et rest Adonis mesmes, ils *Adonis.*
le maintiennent estre Dieu veneur,
& qu'il fut tué d'un Sanglier, sans

s'en pouuoir garantir. Comme donc aura soin des hommes vn adultere, chasseur, & qui est mort de mort violente ? Les Grecs, Sira, dient de leurs dieux toutes ces choses, & maintes autres plus ordres & meschantes, qui ne sont dignes d'estre recitees, ny mises en memoire. De là vient, que les hommes prenás exemple sur leurs dieux commettent toute espece de meschancieré, luxure & impieté, souillans la terre & l'air de leurs actions peruerfes.

Les Egyptiens ont erré plus longtemps que les Grecs.

Mais les Egyptiens, plus fols & infensez que les Grecs, ont erré plus longtemps que toutes autres nations. Car ils ne se sont contëtez des dieux des Chaldees & Grecs : mais ont adoré pour dieux les bestes brutes, & les arbres & plantes, & se sont contaminez & peülluz en toute espece de luxure & meschancieré, plus que toute autre nation qui soit sur terre. Car au commencement ils aderoient Isis, qui auoit espousé son propre frere Osiris,

Isis Deesse des

lequel fut occis par son frere Typhon. Et pour ceste cause Isis s'en-
fuyt avec son fils Orus, en la ville de Bible en Syrie, cherchant O-
ris son mary, & pleurant amere-
ment, iusques à ce que son fils vint
en aage, qui tua Typhon. Et par
ainsi Isis ne peut secourir son fre-
re & mary, & Oôris ne se peut ga-
rantir que son frere ne le tuast, &
Typhon fraticide ne peut tant
bien se contre garder, que Isis &
son fils Orus ne le fissent passer de
ce monde en l'autre. Et comme
ainsi soit, qu'ils ayent vescu en
grâde misere & infidelité, & soient
morts malheureusement, neant-
moins ont esté estimez dieux des
fols Egyptiens: lesquels non con-
tents de ces dieux, ny de ceux des
autres nations, ont d'auantage ado-
ré les bestes brutes.

Car les vns ont adoré vn mou-
ton, les autres vn bouc, autres vn
veau & vn pourceau, autres vn
corbeau & vn espreuier, & vn
vaulxour & vn aigle, autres vn

*Les Egy-
ptiens
ont ado-
ré les
bestes*

crocodile , autres vn chat & vn chien , vn loup & vn singe , & vn dragon & vn aspic: autres ont adoré les oignons & ails, & espines, & autres creatures: & miserables qui ils sont , n'ont peu comprendre, que toutes ces creatæes ne peuent rien. Car voyans leurs dieux estre mangez & tuez, estre ards & pourris, n'ont point cogneu que ce n'estoyent point dieux. Dõt ont grandement erré les Egyptiens , Chaldees , & Grecs , introduisans tels dieux, & leur erigeans statues , & faisant dieux les idoles insensibles & muets. Et m'esmerueille beaucoup, comment voyans leurs dieux estre felsez, forgez & taillez par hommes, & par laps de temps consummez & pourris, ils n'ont point cogneu que ce n'estoyent dieux. Car ceux qui ne se peuent garantir eux mesmes, comment pouruoiront ils aux hommes? Mais les Poëtes & Philosophes des Chaldees , Grecs & Egyptiens, voulans honorer leurs dieux par leurs

escrits & poësies, ont descouuert leur grande honte & confusion, Car s'il est ainsi, que le corps de l'homme, qui est composé de plusieurs parties, ne reiette toutefois aucun de ses membres, mais gardant unité vers tous ses membres, s'accorde à soy mesmes : comment y aura-il en la nature de Dieu si grande guerre, diuision & discord? Car si la nature des dieux est vne, vn Dieu ne deuroit persecuter ny affliger l'autre. Mais si les dieux ont esté pour suyuis des dieux, massacrez & ravis & foudroyez d'eux, ce n'est point vne mesme nature, ains sont volonteiz diuisees, & toutes malignes : & partant aucun d'eux n'est Dieu.

C'est donc, Sire, chose manifeste, que toute la physiologie des dieux est erreur. Mais comment est ce que les Philosophes & doctes Grecs n'ont entendu, que les auteurs des loix sont iugez par leurs loix? Car si les loix sont iustes, certainement leurs dieux sont iniu-

ſtes , qui ont commis actes meſchans, c'eſt à dire, entr'eux homicides, & empoifonnemens, & adulteres, & larcins, & ſodomies. Mais s'ils ont bien fait, à dire vray, les loix ſont iniuſtes, comme eſtans faiçtes contre les dieux. Or il eſt certain que les loix ſont iuſtes & bonnes, loüans les choſes bonnes, & defendans de faire choſes mauuiſes : & les œures de ces dieux ſont iniques, & tous ceux qui les eſtiment dieux, ſont meſchans & dignes de mort. Car ſi leurs hiſtoires ſont fabuleuſes, ce ne ſont que paroles: ſi elles ſont phyſiques, ce ne ſont dieux qui ont fait & ſouffert ces choſes : & ſi allegoriquement ſont eſcrites ces hiſtoires, ce ſont fables, & non autre choſe. Donc, Sire, j'ay manifeſtement prouué, que toutes ces manieres d'adoration de tant de dieux eſt œuvre d'erreur & perdition: car il n'eſt pas conuenable appeller dieux viſibles, qui ne voyent point ains fait que tous adorent le Dieu

omnipotent, qui voit toutes choses,
& qui est createur de tout.

Mais, Sire, venons semblablement à dire quelle opinion les Juifs ont de Dieu. Car eux estans de la lignee d'Abraham, Isaac, & Jacob, ont habité en Egypte: & Dieu les retira de là en main forte & bras haut par leur legislateur Moysse, & leur fit paroistre sa vertu par beaucoup de signes & prodiges: mais ils se sont monstrez ingrats & infideles. Car plusieurs fois adorerent les dieux des Gentils, & tuaient les iustes & Prophetes, que Dieu leur auoit enuoyez. Et par apres quand il a plu à Dieu enuoyer son Fils en terre, apres l'auoir grandement outragé, l'ont liuré à Pilate, President des Romains, & le crucifierent, n'ayans memoire de ses bien faits, & miracles innombrables qu'il auoit fait entr'eux, & sont peris pour leur iniquité: Et maintenant adorent le seul Dieu tout puissant, mais non ainsi qu'il conuient. Car ils nient que Iesus

psal.

135.

*La foy
des
Juifs.*

Christ soit fils de Dieu , & sont semblables aux Gentils , combien qu'il semble qu'ils approchent aucunement de la verité , de laquelle ils se sont esloignez. Et ce que dit est, fustise pour le regard des Iuifs.

*La loy
des Chre-
tiens.*

Et pour le regard des Chrestions, ils prennent leur source de Iesus Christ. Or ainsi s'appelle le fils du treshaut Dieu, lequel est descendu du Ciel pour le salut des hommes, & est nay de la vierge Marie, par l'operation du saint Esprit, sans semence d'homme, & l'integrité de sa mere sauue, a prins chair, & est apparu aux hommes, à fin de les retirer de l'erreur de plusieurs dieux. Lequel par son admirable ordonnance estant mort en Croix, trois iours apres ressuscitant de son authorité, & ayant conuersé par quarante iours avec les siens, monta visiblemēt es Cieux. Et s'il te plaît, Sire, lire les Euangiles & saintes lettres, tu cognoistras amplement la gloire de sa venue. Car tu trouueras là comme il eut douze Disci-

ples, lesquels apres son Ascension
 allerent par toutes les prouinces
 du monde. annoncer la maiesté,
 dont l'vn vint en nostre pays,
 preschant la doctrine de verité: &
 ceux qui ont receu leur doctrine,
 sont nommez Chrestiens: Et sont
 ceux qui par dessus toutes nations
 de la terre ont trouué la verité. Car
 ils cognoissent Dieu, createur &
 auteur de toute choses, & croyét
 en son fils vnique, & au S. Esprit,
 & n'adorent autre Dieu que luy.
 Ils ont les Commandemens du Sei-
 gneur Iesus Christ gravez en leurs
 cœurs, & les gardent, attendans la
 resurrection des morts, & la vie du
 siecle à venir. Ils n'adulterent ny
 paillardent, ils ne portent faux tes-
 moignage, il ne conuoient le bien
 d'autrui. Ils honorent père & me-
 re, & ayment leurs prochains. Ils
 iugent droictement, & ne font à
 autrui ce qu'ils ne voudroyent qu'il
 leur fust fait. Ils prient ceux qui
 leur nuisent, & en font amis: ils
 s'estudient faire bien & plaisir à

*Les am-
 ures des
 vrayes
 Chre-
 stiens.*

leurs ennemis, ils sont doux & benins, ils s'abstiennent de toute im-mundicité: ils ne méprisent la ve-sue, & ne contristent l'orphelin. C'il qui a du bien, en donne libérale-ment & abondamment à qui n'en a

Esa. 58. point. S'ils voyent vn estranger & forain, ils le logent, & reçoient aussi amiablement, que s'il estoit

En Chre leur frere: car ils ne s'appellent fre-
tiens ap res selon la chair, ains selon l'es-
pellent prit. Ils sont prests d'exposer leur
freres vie pour Iesus Christ. Ils gardent
selon formement les Commandemens,
l'esprit. viuans en droicteure & saincteté,

ainsi que le Seigneur Dieu leur a commandé: luy rendans graces à toute heure, pour la nourriture qu'il leur donne, & pour tous autres biens qu'il leur fait.

Eph. 5. Or ceste est la vraye voye de ve-rité, laquelle mène ceux qui la suy-uent, au Royaume eternal, promis de Iesus Christ à la vie future. Et à ce, Sire, que tu sçaches que ie ne dis ceoy de ma teste, ficeillant les li-vres des Chrestiens, tu verras que

Je ne dis que la pure verité. Et par-
tant ton fils a tres-bien entendu, &
a fait tressagement, se rangeant au
service de Dieu vivant, à ce qu'il
merite de luy au siecle à venir le
salut eternel. Car sont choses gran-
des & merueilleuses, que les Chre-
stiens dient & font : car ils n'an-
noncent point paroles d'hommes,
ains de Dieu. Mais les autres na-
tions errent, & deçoivent soy mes-
mes: car cheminans en tenebres, ils
hurtes les vns contre les autres
comme gens yures. Je t'ay dit, Sire,
en la verité de mon ame, le senti-
ment que i'ay de la Religion. Par-
quoy que tes sages fols cessent de
dire choses vaines contre Iesus
Christ. Car il vous est expedient
adorer Dieu le createur, & escou-
ter attentiuement ses paroles in-
corruptibles, à ce que euadás dam-
nation & tourmens, soyez finale-
ment heritiers du Royaume eter-
nel.

*Matt.
10.*

Q. vi



Le Roy se courrouce fort, voyant ses Philosophes confuz. Nachor. est conuertty par Iosaphat, & se fait baptiser. Le Roy chasse les Philosophes honteusement, & tombe en doute de ses dieux. Iosaphat conuertit plusieurs personnes à la Foy.

Chapitre. 28.



Vand Nachor eut ainsi discours de nostre Religion & foy, le Roy entra en grande fureur. Et ses Philosophes & Prestres des Idoles demeurerent muets, ne pouuans y contredire, alleguans seulement quelques raisons friuoles & inualides. Mais Iosaphat estoit fort ioyeux en son cœur, & glorifioit Dieu, qui donne moyen de se despestrer d'un fascheux

passage à ceux qui se confient en luy. Car par l'ennemy de verité il confirma la verité, & le prince & port'enseigne d'erreur fut défenseur de la droicte doctrine. Et combien que le Roy fust grandement irrité cōtre Nachor, ne luy peut neantmoins faire aucū desplaisir, parce que publiquement il luy auoit commandé, que hardiment & sans crainte il defendist la cause des Chrestiens. Toutefois contredisant beaucoup, luy faisoit signe couuertement, qu'il n'eust à respondre si viuement, ains quittast la partie aux Philosophes. Mais Nachor tenoit tousiours bon, respondant toutes leur propositions & syllogismes, reprenant, confutant, & descourant la fausseté de leurs opinions & erreurs.

Mais quand la dispute eut duré iusques à la nuit, le Roy fit rompre l'assemblée, comme remettant au lendemain la conclusion. Alors dist Iosaphat au Roy son pere: Monsieur, comme tu as commandé

à l'entree, que droict iugement fait : fait, mets fin à iustice, de deux choses faisant l'une : Ou permets que mon maistre demeure avec moy ceste nuict, à ce que conferions ensemble de ce qu'il conuendra demain dire à nos aduersaires, faisant le mesme de ta part : ou me baillant les tiens, prens le mien avec toy. Car si les vns & les autres demeurent en ta compagnie, le mien sera en crainte & tribulation, & les tiens en ioye & repos, & cecy ne me semble estre droict iugement, mais violence de puissance, & preuarication d'accord. Le Roy vaincu des raisons de son fils, prenant avec soy ses Philosophes & Prestres, permit que Nachor suyrist son fils, esperant encores qu'il accompliroit sa promesse.

Donc le fils du Roy retourna à son Palais, remportant comme le triumphe de victoire de ses aduersaires, ayant Nachor avec soy. Et l'appellant à d'escart, luy dist: No

pense que i'ignore que tu es : Car *Propos*
 ie sçay certainement que tu n'es le *de Iosa-*
 sainct homme Barlaam , mais l'A- *phat à*
 strologue Nachor. Et m'esmerueil- *Nachor*
 le comment tu as vſé en mon en-
 droit de telle hypocrisie & simula-
 tion, m'eſtimant ſi auégulé, qu'en
 plein iour ie prenne le loup pour
 la brebis. Mais il eſt vrayemēt dit,
 Que le cœur d'un ſol penſera cho-
 ſes vaines : Et par ainſi ta penſée
 & conſeil a eſté vain & ſot : mais
 l'œuvre que tu as fait , eſt plein de
 toute prudence. Parquoy reſiouis
 toy, Nachor, & treſſaille de ioye.
 Je te remercie grandement , de ce
 que tu as eſté le deſenſeur de veri-
 té , & n'as point contaminé tes
 lèvres de paroles execrables , &
 cauteuſe feintife : ains plus toſt
 les as purgées d'ordures, en redar-
 guant l'erreur des faux Dieux , &
 approuvant la doctrine des Chre-
 ſtiens. Et de ma partie t'ay bien
 voulu retirer par devers moy, pour
 deux raiſons : à ſçavoir de erain-
 re que le Roy te reſtant à part,

te fist gehenner & tourmenter, & cause que tu as dit choses qui ne luy plaisoient aucunement: & aussi à fin de te faire recompense de ce que tu as fait aujourdhuy pour moy. Mais quelle est ceste recompense? C'est certes que ie t'enseigne, que tu ayes à quitter le chemin mauuais & glissant que tu as suyuy iusques à ceste heure, & que désormais tu suyues le sctier droict & salutaire, lequel tu as laissé de ton plein consentement & vouloir, & non point par ignorance, te plongeant en fondrières, & precipices d'iniquité. Entens donc, Nachor, qui as l'entendement subtil, & sur toutes choses desire Iesus Christ, à ce qu'avec luy tu merites vers luy vie cachée, mespriant toutes ces choses corruptibles & fressles: Car tu ne viuras eternellement, ains estant mortel, iras après les autres en peu de iours, comme tous ceux qui ont esté deuant nous. Et malheur à toy, si portant vn pesant fardeau de pé-

chez, tu vas là où est droit iugement, & retribution des œuvres, & ne le reiettes auant ton partement d'icy: veu qu'il est aisé de s'en descharger.

Nachor donc estant repentant par tel propos, dist: Tu as bien parlé, Sire, tu as bien parlé: car ie *Conversion de Nachor* sçay qu'il est vn vray Dieu, & qui ne ment point, par lequel toutes choses ont esté faites: & sçay qu'il y aura vn iugement à venir, l'ayant entendu de maintes Escritures: mais vne mauuaise coustume, & l'improbité de l'ancien ennemy a creué les yeux de mon cœur, & a espanché sur mes pensées profondes tenebres. Mais maintenant reiettant par ta parole le voile d'obscurité, ie courray à la lumière de la face du Seigneur: *Act. 2.* peut estre qu'il aura pitié de moy, & ouurira la porte de penitence au meschant Herf apostat, cōbien qu'il me semble impossible pouuoir obtenir remission de mes pechez cōmis depuis *Psa. 38* mon enfance iusques à present par

280 HISTOIRE DE BARLAAM

Ps. 38. ignorance & malice. Iosaphat entendu qu'il eut ce propos soudain se leue, ayant le cœur tout embrasé, & par paroles & remonstrances saintes, cōmença à leuer la pensee de Nachor, qui tiroit endesespoir & le fortifier en la foy de Iesus Christ, disant : Nachor mon amy, n'ayes aucun doute de cecy : Car il *Matt. 3.* est escrit : Il est possible à Dieu de fuser de ces pierres des enfans d'Abraham. Que veut il nous faire entendre par ce propos, sinon que gens desespererez, & polluz de toute iniquité, peuuent estre sauuez, & deuenir seruiteurs de Iesus Christ, lequel pour la grandeur de sa benignité a ouuert la porte de Paradis à tous ceux qui se cōuertissent à luy, ne refusant à aucun l'entree de salut, ains receuant misericordieusement les penitens ? Car pour *Dieu fait misericorde aux penitens. Matt. 20.* ceste raison, mesme salaire fut ré-
 du à ceux qui besongnerēt dans la vigne du pere de famille, encores que les vns y fussent entrez au point du iour, les autres à Tierce,

Sexte, Nonne & vespres, ainsi que porte l'Euágile. Et partát, encores que tu sois enuieilly en peché, si tu te retires vers Dieu d'un cœur ardent, tu seras honoré de mesme recompense, que ceux qui dès leurs ieunes ans ont persisté au combat.

Le saint enfant ayant ainsi traicté de penitence à Nachor inuereté en mal, & l'acortenant par plusieurs exemples, que Dieu est tousiours prest recenoir à penitence, re confortant comme par quelques medecines son ame languide, luy rédit pleine santé. Car Nachor luy dist soudain : O tres-noble de corps & d'ame, estant si bié instruit que tu es en ces saints mysteres, perseuere en ta cōfession iusques à la fin : qu'aucun moyen ny temps ne te l'arrache du cœur : Et de ma part ie m'en vois sans delay chercher mon salut, & appaiser Dieu par penitence, lequel i'ay irrité. Car si tu le me permets, ie ne verray plus le Roy en face. Or le fils du Roy fut merueilleusement reioy oyāt tels

382. HISTOIRE DE BA REAAM
propos, & l'embrassant & baisant,
pria Dieu deuotement pour luy, &
le recommandant à Dieu luy don-
na son congé.

Nachor donc sortant du Palais
avec grande repentence se mist en
voye, & courant comme vn cerf,
paruint iusques à vn profond de-
sert, & trouua la cauerne d'vn Re-
ligieux, qui estoit en dignité de
Prestrise, qui s'estoit retiré & ca-
ché en ce lieu, de crainte du Roy.
Et Nachor se prosternant tout
chaudement à ses pieds, les luy lana
de ses larmes, imitât la pecheresse
de l'Euangile, demandant instam-
ment le diuin Baptisme. Le Prestre
remply du saint Esprit, en deme-
na grand ioye : & soudain, com-
me la coustume estoit, le catechi-
sant, & enseignant par plusieurs
iours, en fin le baptisa au nom du
Pere, du Fils, & du saint Esprit.
Donc Nachor demoura avec luy,
faisant penitence de ses pechez,
& benissant Dieu, qui ne veut au-
cun perir, ains attend la conuer-

*Luc. 7.
Ancien-
ne cou-
stume de
catechi-
ser plu-
sieurs
iours de
uât que
baptiser.
2. Pet. 3.
Exech.
18.*

Non de tous, reçoit benignement
les penitens.

Or le matin le Roy ſçachant que
Nachor s'en eſtoit allé, deceu de
ſon eſperance, & voyant que ſes
ſages & Philoſophes auoient eſté
ſi facilement vaincus, ne ſçauoit
quel conſeil prédre. Et apres qu'il *La recb*
eut les vns injurié, les autres faiſ *penſe des*
foüeter de nerfs de bœufs, & fro- *faux*
ter les yeux de quelqu'vns de fuyr, *Propho*
les chassa tous avec honte & igno- *tes.*
minio. Et lors commença en par-
tie à cognoiſtre l'imbecillité &
foibleſſe de ſes faux dieux, encores
qu'il ne vouliſt alors contempler
parfaitement la lumiere de Ieſus
Chriſt. Car ſes yeux eſtoient en-
cores voilés d'une eſpeſſe nua.
Touteſois il n'honoroit plus les
Preſtres, & ne celebroit plus les
feſtes, & ne ſacrifioit plus aux
Idoles, ains auoit ſon eſprit es-brâ-
lé, recognoiſſant d'une part l'in-
firmité de ſes dieux, & d'autre part
redoutant l'aſterité de la vie Euan-
gelique, eſtant ſi addonné mauuai-

384 HISTOIRE DE BARLAAM

ses mœurs , qu'à peine s'en pou-
 uoit-il retirer. Car il seruoit en-
 tierrement aux voluptez du corps,
 & estoit tiré & emmené des vices,
Esa. 51. estant yure (comme dit Esaie) mais
 non deuin : & estoit tiré de mau-
 uaise accoustumance, comme d'un
 cheuestre.

Le Roy bataillant ainsi avec
 deux pensees , son tres-noble fils
 possédant vrayement vne ame Im-
 periable , viuoit en repos en son
 Palais, montrant par ses œuvres à
 tous la generosité de sa nature,
 moderation, grauité & constance.
 Car il mesprisoit , & ne faisoit cas
 des theatres, courses, de cheuaux,
 de la chasse, & de tous vains exer-
 cices de la jeunesse, pièges des a-
 mes folles & mal-aduisees : mais
 il s'estudioit aux commandemens
 de Iesus Christ, & le desiroit, ayant
 son ame nauree de son amour , le
 disant tousiours . Et redaisant
 en memoire son maistre Barlaam,
 & cōtemplant sa vie, fondoit tout
 de son amour : & estoit en grand

*Qui sont
 les piè-
 ges des
 ames
 folles.*

foy de le voir quelquefois , &
 rememoroit ordinairement en son
 cœur ses paroles & doctrine : e-
 stant semblable au bois qui est
 planté pres l'eau courante , arro- *psal. l.*
 sé continuellement, & rapportant
 beaux fructs à nostre Seigneur.
 Car il deliura plusieurs ames des
 lassetz du diable, & les offrit à Je-
 sus Christ. Car plusieurs venans
 à luy, estoient abreueuz de salu-
 taire doctrine : & grand nombre
 quittans le Paganisme , accou-
 roient à la doctrine salutaire, &
 embrassoient la foy Chrestienne.
 Aucuns aussi abandonnans le sie-
 cle , s'alloient rendre es deserts
 pour y viure solitairement. Et quant
 à luy, il vacquoit à ieunes & orai-
 sons, & souuent disoit : Seigneur, *Iosaphat*
 Seigneur mon Roy , auquel i'ay *o*
 creu , auquel ie suis retiré, par qui *vac-*
 j'ay esté deliuré d'erreur : rends *quoit à*
 loyer digne a Barlaam ton serui- *ieunes*
 teur, de ce que moy estât fouruoyé *& orai-*
 de toy, m'a enseigne la voye , la *sons.*
 verité & la vie : & me donne,

386 HISTOIRE DE BARLAAM

que bien tost ie voye cest Ange
 en corps, duquel le monde n'est
 digne, & que i'acheue le reste de
 ma vie avec luy, à ce
 que suyuant sa trace,
 ie plaife à toy,
 mon Sei-
 gneur.

Theodas





Theodas Magicien appelé par les Prestres, remet sus l'adoration des dieux, & incite le Roy derechef à les honorer, & luy conseille de seduire son fils par femmes impudiques.

Chapitre. 29.



Nuiron ce temps là s'approchoit le iour, auquel on celebroit solennellement en la ville vne feste aux dieux. Or falloit-il que le Roy assistast à la solennité, & y offrist sacrifices en largesses & oblations. Mais les Prestres & Pontifes des temples le voyans se comporter bien froidement au seruice des dieux, craignoient qu'il ne s'absentast du temple, & que partant ils fussent frustrez de la munificence Royale

R

388 HISTOIRE DE BARLAAM
accoustumee, & de leurs reuenuz.
Et pour ceste cause vont chercher
vn appellé Theodas, grand enchan-
teur, & propugnateur de l'Idola-
trie, lequel demouroit és profonds
deserts dans vne cauerne. Le Roy
honoroit grandement cest hom-
me, & le tenoit comme son plus
grád amy & maistre, disant que par
ses diuinatiōs son Royaume estoit
florissant en gloire & prosperité.
Paruenuz donc que furent à luy ces
meschans Prestres, luy demandent
ayde & secours, & luy font enten-
dre, que le Roy mesprisoit & con-
damnoit les dieux de sa religion, &
ce que son fils auoit fait, & comme
Nachor auoit publiquement dispu-
té contre eux : Et si tu ne viens en
personne, dient ils, nous ayder, tou-
te nostre esperance est perdue, &
l'adoration des dieux abolie : car tu
es demeuré seul nostre consolati-
on en aduersité, & auons mis
toute nostre esperance en toy.

*Theodas
enchan-
teur.*

Donc Theodas pour leur com-
plaire, entreprint l'affaire, luy ass-

Estant vne armee diabolique, & s'ar-
 me contre la verité : & appellant
 grand nombre de Diables les plus
 prompts à mal faire, desquels il se
 seruoit coustumierement en ses af-
 faires & enchantemens, se met en
 chemin avec eux pour aller vers le
 Roy. Et dès aussi tost que le Roy
 entendit sa venuë, & qu'il entra,
 portant en main vne branche de
 palme, vestud'une peau de mouton,
 il se leua de son siege, & allant au
 deuant de luy, le baïsa, & faisant
 approcher vn siege, le fit seoir pres
 de soy. Alors Theodas luy dist : Si-
 re, vis eternellement par la prote-
 ction des dieux. I'ay entendu que
 tu as eu vn grand combat contre
 les Galileens, & que tu as emporté
 sur eux glorieuse victoire. Et pour
 ceste raison ie suis venu, à ce qu'en-
 semble en celebrions aux dieux
 tresioyeuse solennité, & que leur
 sacrifions pour la recognoissance
 d'un tel bien, tres-beaux Gar-
 çons, & tres-belles Filles, &
 que leur offrons cent Tau-

*Haran-
 gue de
 Theodas
 au Roy.*

reaux , & autres bestes en grand nombre , à ce que les ayons desormais adiuteurs inuincibles, & nous fassent passer ceste vie en ioye & prosperité.

Le Roy respondit à cecy : Nous n'auons point vaincu, bon vieillard, non n'auons point vaincu , ains auons du tout esté facilement surmōtez. Car ceux que pensōs estre des nostres, subitemēt se sont mis contre nous: & rencontrans nostre escadron foible & mal en ordre, l'ont rué ius & descōfit. Mais maintenant si tu as quelque force & puissance, pour ayder à releuer nostre secte abbatuë, & gisant en terre, dy le moy. Alors Theodas respondit au Roy: Sire, ne redoute les combats, fables, argumens, & vaines paroles des Galileens. Car quelles raisons est-ce qu'ils proposent contre gens sages, & bien exercez en disputes? lesquelles à mon iugement, plus facilement seront renuersees, que la fucille que le vent iette à bas. Et certes ils n'oseroient

*Les
faux
Prophe-
tes sont
grands
vitateurs.
Iob. 13.*

se trouver deuant moy, tant s'en faut qu'ils soient si hardis de parler à moy, & venir aux argumens & repliques. Mais à ce que ce combat, & toutes nos actions nous viennent à souhait, decore ceste solennité celebre, & t'arme de la pieté des dieux, comme d'une bonne armure, & bien t'en prendra.

1 Ayant ainsi hautement & superbement parlé Theodas, par ce qu'il estoit puissant en malice, & meditant tout au long du iour iniquité (comme dit Daud) & presentant *psal.* au prochain vne trouble euerſion *51.* (à ce que l'vſe des paroles d'Eſaie) & par la coopération des malins esprits, fit mettre en oubly au Roy les paroles salutaires, qui auoyent aucunement touché son cœur; & le fit entièrement rechœir en son premier erreur. Et partant enuoya de toutes parts postes & courriers, commandant par expres, que tous conuinſſent à l'exécrable solennité des dieux. Alors on eust veu grandes multi-

*Le Roy
persua-
dé par
Theodas
sacrifie
aux I-
doles.*

tudes de peuples venans de toutes parts, amemens bœufs & moutons & autres bestes. Tous donc congregez ensemble, le Roy part avec le seducteur Theodas pour aller au temple, faisant mener six vingts. Taureaux, & grand nombre d'autres bestes pour le sacrifice : & là celebrent l'exécrable solennité, de sorte que toute la cité retentissoit de la clameur de ces bestes, & l'air estoit pollué de l'odeur & fumée des sacrifices, Ces choses ainsi acheuées, & les malins esprits se glorifians grandement de la victoire de Theodas, & les Prestres & Pontifes luy rendans graces, le Roy reuint au Palais, & dist à Theodas : Ainsi que tu as commandé, nous n'auons rien obmis de ce qui se pourroit requérir, tant à la décoration de la feste, qu'à la quantité d'hosties & sacrifices. la donc est il temps que tu accomplisses ta promesse, & que tu deliures mon fils de l'erreur des Chrestiens, lequel a quitté nostre loy, & que tu le re-

concilies à nos dieux tresclemens. Car de ma part, i'ay essayé tous les moyens que i'ay peu excogiter: mais ien'ay sc eu trouuer remede à ce mal, & ay trouué la volonté trop ferme & obstinee. Si ie me suis adressé à luy avec douces & amiables paroles, neantmoins son cœur ne s'est amolly. Mais quand i'ay vû de rudesse, menaces & iniures, i'ay considéré qu'il s'en est rendu plus pertinax & obstiné. Au demeurant, ie remets mon infortune sur toy, pour y remedier par ta pudeur & discretion. Et si par tō moyen ie voy mon fils derechef adorer nos dieux, & iouissant des plaisirs de ceste vie, & du Royaume, ie te feray dresser vne statuë d'or, & luy sacrifieray comme aux dieux, & te feray honorer de tous par toute eternité.

Donc Theodas baissant attentivement son oreille au malin esprit, & ayât de luy appris vn mauuais & trespernicieux cōseil, luy seruât de

truchement, dist au Roy: Si tu veux recourir ton fils , & vaincre, son obstination, iay trouué vn moyen, auquel il ne pourra resister , ains sa pensee roide s'amollira facilement, comme la cire deuant le feu. Le Roy entendant ce superbe se vantant ainsi vainement, luy qui estoit triste & melancholique , deuint ioyeux & gay, esperant que ceste langue impudique & audacieuse pourroit decenoir & seduire l'ame de son fils , enseignee de Dieu , & pleine de sapience. Et voulant entendre quel estoit ce moyen, le luy demanda. Alors Theodas prepare vne meschanceté, comme vn rasoir trenchant, & cache cauteleusement sa poison. Mais voyez, ie vous prie, la finesse maligne suggeree du Diable. Donc, dit-il, Sire, ostant à ton fils tous ses seruiteurs & domestiques , commande qu'on luy introduise de belles ieunes filles & braggardes , mignonement accoustrees, pour l'alleicher, qui soyent continuellement avec luy, & la

Psal.
67.

*Malin
conseil
d'un se-
ducteur.*

seruent. Et de ma part, ie luy en-
uoyeray vn de mes esprits, qui en-
flamblera son cœur d'amour & lu-
briçité. Et apres qu'il en aura co-
gneu quelqu'vne charnellement,
si ton entreprinse ne succede com-
me tu le demandes, ne fay iamais
cas de moy, comme de personne
inutile, meritant plustost estre pu-
ny qu'honoré. Et certes il n'y a
chose qui puisse plus alleicher &
seduire les esprits des ieunes
gens, que les beantez des
femmes, & ie te reci-
teray vn exemple
qui confirmera
mon dire.

*Il n'y a
rien qui
puisse
plus se-
duire les
ieunes
gès, que
la beau-
té &
compa-
gnie des
femmes.*

R ♡





Theodas par vne fable qu'il recite, fait
 condescendre le Roy à son opinion:
 & enuoya à son fils. de ieunes filles
 belles en perfection. Mais Iosaphat
 emporte victoire, tant d'elles, que des
Diables, par la vertu d'oraison.

Chapitre. 306.

VN certain Roy, n'a-
 uoit aucuns hoirs ma-
 les, dont il estoit mer-
 ueilleusement fasché,
 reputant cela pour vn
 grand malheur. Et comme il estoit
 en ceste melancholique & tristesse,
 il luy vint à naistre vn fils: chose
 qui le resiouyt grandement. Mais
 les plus sages Medecins & Physi-
 ciens qu'il eust, luy dirent, que s'il
 voyoit deuant douze ans Soleil ou

feu, il perdrait la veüe : chose qui signifioit l'affiette de ses yeux. Le Roy entendant cecy, fit tailler vne cauerne dans vn rocher, y enferma son fils avec ses nourrices, à ce qu'il ne vit aucunement ne Soleil ne feu, deuant qu'il eust douze ans complets. Or ce terme accompli, le fils fut mis hors de la cauerne, n'ayant cognoissance de veüe de chose qui fust au monde. Alors le Roy commanda qu'on luy fit monstrer de toutes choses selon son genre, les hommes d'un costé, les femmes de l'autre. D'autre part on luy mit or & argent, pierreries, perles, habillemens riches, chars triomphans, avec cheuaux brauement enharnachez, hommes armez & montez, troupe de moutons & de bœufs. Bref, ils monstrerent à ce ieune enfant toutes choses par ordre. Et luy interrogeant l'un apres l'autre le nom des choses qu'on luy monstroït, les seruiteurs & satellites du Roy le luy enseignoient. Mais comme il s'enquist

*Dist
d'un
raillcur
contre
les fem-
mes.*

curieusement du nom des femmes, l'escriueur du Roy luy dist en se raillant, que c'estoyent Diables qui seduisoient les hommes. Or le cœur de l'enfant estoit plus alleiché du desir d'icelles, que de toutes les autres choses. Finalement, luy ayans tout monstre, le remenerent au Roy. Alors le Roy luy demanda, que c'est qu'il luy plaisoit plus de tout ce qu'on luy auoit monstre. Nulle autre chose, dit-il, mon pere, que les Diables qui seduissent les hommes: Car mon ame aujourdhuy ne s'est affectionnee de chose que i'aye veue, que d'iceux. Et le Roy fut tout esbahy de la responce de l'enfant. Et partant considere, combien tyrannique est l'amour de la femme. Et de ta part, n'estime que tu puisses surmonter ton fils par autre moyen que cestuy.

*L'amour
de la
femme
est fort
tyranni-
que.*

Le Roy approuua volontiers ce conseil: & se fait amener les plus belles filles qui se peurent trouuer, lesquelles il fit habiller brauement,

pour par ce moyen allecher & decevoir l'enfant: Et chassa du Palais tous les gens & seruiteurs, & mit ces filles en leur lieu, lesquelles se tenoient tousiours près de luy, l'embrassans l'allechans à copulation charnelle, & l'incitans à luxure par toutes sortes de gestes & paroles impudiques. Il n'auoit autre qu'il peust regarder, ou avec qui il peust deuiser ou manger. Car elles luy seruoient de toutes ces choses. Et voila ce que faisoit le Roy.

Et quand à Theodas, il retourna de rechef à sa maligne cauerne, & fueillantant les liures, appella vn des esprits malins, & l'enuoya combattre contre le champion de Iesus Christ, ignorant, miserable qu'il estoit, quelle honte & mequerie il auoit à soustenir, & avec quelle confusion luy & toute sa bande diabolique seroient repoussez & vaincuz. Donc cest esprit malin prenant avec soy autres diables pires que luy, entra en la

Luc. 11.

Le dia- ble ten- re Iosa- phat du peché de luxure.
 chambre du ieune homme , & se-
 rua sur luy , allumant vn tres-grand
 feu de luxure. Et le malin esprit
 l'enflammoit interieuremēt, & ces
 belles filles de visage, mais treflai-
 des quāt à l'ame, allumoient exte-
 rieurement l'ardeur de paillardise.
 Mais ceste ame pure & nette sen-
 tant les suggestions du diable , &
 les assaults des mauuaises pensees,
 qui l'assailloient à toute force, fut
 merueilleusemēt troublé, & cher-
 choit les moyens de s'en despe-
 strer, & se garder pur & net à le-
 sus Christ, pour ne souiller par or-
 dure de vices ceste sainte robbe
 qu'il auoit vestuë, receuāt le saint
 Baptesme. Et soudain opposant l'a-
 mour diuin au charnel, se mit à re-
 member la trefbelle & ineffable
 gloire de Iesus Christ, espoux des
 ames pures & nettes, & les trefde-
 lectables nopces, desquelles serōt
 repousez ceux qui auront souillé
 leur robbe nuptiale, & seront iet-
 tēz pieds & mains liees aux tene-
 bres exterieures. Pensant ces cho-

*Le moyē
 de resi-
 ster aux
 tenta-
 tions de
 la chair*

fies, & fondant en larmes, frappoit
 fa poëtrine, en chassant les mau-
 uaises pensees. Par apres leuant ses
 mains au ciel avec chaudes larmes
 & profonds souspirs, inuquoit
 Dieu à son ayde, & disoit : Seigneur
 Dieu toutpuissât, misericors & mi-
 serateur, esperance des desesperes,
 & aide de ceux qui sont destituez,
 ayes souuenance de moy ton ferui-
 teur indigne, à ceste heure, & me
 regarde de ton œil propice, & de- *Psalm. 22*
 liure mon ame du glaive du diable
 & mon vniue de la main du chië,
 & ne permets que ie t'obe es mains
 & en la puissance de mes ennemis, *Psalm. 34*
 à ce que ceux qui me hayssent, ne
 se resiouyssent de mon dommage.
 Ne me laisse corrompre en iniqui-
 té, ny fouiller mon corps, lequel
 ie t'ay promis conseruer en cha-
 steté. Car ie te desire & adore, Pe- *L'orai-*
 re, Fils, & saint Esprit, maintenant. *so de Io-*
 & à tousiours, de siecle en siecle. Et *saphas*
 apres, qu'il eut dit Amen, il sentit *chasse*
 vne diuine cōsolation descēdre sur *les ma-*
 luy, & soudain les malignes pēses *lignes*
pensees.

se retirerent & esuanouyrent: & luy persista en oraison iusques au matin. Et cogneu qu'il eut les af-fauts & machinations du diable, il commença à affliger dauantage son corps de faim & soif & autre affliction. Car toutes les nuits il se tenoit sur ses pieds; rememorant ce qu'il auoit promis à Dieu, & contemplant continuellement en son esprit d'une part la splendeur des iustes, & d'autre se met-tant deuant les yeux le tourment des meschans, de crainte que l'en-nemy trouuant son ame oiseuse & vuyde, facilement n'y fourrast quel-ques pensees lubriques, & la con-taminast.

L'ennemy donc trouble de toutes parts, & perdant esperance de pouuoir accabler vn si vaillant champion trouue vn plus subtil moyen (comme cil qui est tousiours malin, & ne cesse d'inuenter tromperies, & nuire) essayant par tous reuoye effectuer ce que Theodas luy auoit enloint, & inuenta de

*Il faut
crain-
dre que
le dia-
ble ne
trouue
nostre
ame oi-
seuse &
vuyde.*

nouveau la ruse qui sensuit. Car il entra en l'une de ces filles la plus belle de toutes, & qui mesmes estoit fille de Roy, qui auoit este amenee prisonniere, & donnee par excellence au Roy Auennir: lequel la voyant doüce de toute perfection & beauté, l'auoit fait entrer au Palais de son fils, pour le seduire & tromper. Donc, comme dit est, le malin esprit estant entré en elle, luy suggera paroles, declarans grandement la subtilité & finesse de son esprit. Car le malin trouue facilement, & poursuit viuement toutes sortes d'inuentions appartenans à malice. Par après assaillant à la dextre le fils du Roy, luy presente l'amorce de charité, & compassion vers la pucelle sous couleur qu'elle estoit prudente & modeste, & de ce qu'elle estoit priuee de son pays & de sa gloire. *Ruse du diable,* Avec cecy luy met en teste, qu'il *pour se* eust à la deliurer des Idoles, & la *duire Io* faire Chrestienne. Mais toutes choses estoient fraudes du cautuleux *saphat.*

376. HISTOIRE DE BARLAAM
dragon. Et le fils du Roy disposant
ainsi son esprit, & ne sentant au-
cune faulle pensee ou mouuement
en soy d'amour vicieux enuers el-
le, sinon tant seulement misericor-
de & compassion, tant de sa mise-
re, que de la perte de son ame, ne
pensoit nullemēt alors que ce fust
tromperie du diable. Car le diable
(bien qu'il soit tout tenebreux) se
transfigure. neantmoins par fois
en Ange de lumiere.

1. Cor. 11

Dés que donc cest enfant de
Dieu se print à parler à la fille, &
luy annoncer la cognoissance de
Dieu, luy disant : O femme, co-
gnois le Dieu. viuant eternelle-
ment, & ne vueilles estre corrom-
puë de l'erreur des Idoles, ains en-
tens, que le Seigneur Iesus Christ
est auther de toutes choses, & tu
seras heureuse, & espouse de l'es-
poux immortel : Et comme il luy
disoit plusieurs autres choses, sou-
dain le malin esprit suggere à la
femme, qu'elle eust à tēdre les rets
de seduction, & tirer à la fosse de

peché ceste ame aimée de Dieu, ainsi qu'il seduit le premier homme par Eue, & le separant de Dieu & de la vie immortelle, & le bannissant de paradis, le precipita en l'exil de ceste vie, & au lieu de vie heureuse & immortelle, le rendit subiect à la mort. Dès que la fille eut ouy ces paroles pleines de toute sagesse, estant folle, ne les entendit, ains donna telles responses, comme estant faite langue & bouche du diable, & dist:

Si tu as soyn, Seigneur, de mon salut, & desires me rendre à ton Dieu, & sauuer ma pauvre ame, accorde moy vne mienne requeste, & soudain renonçant à mes dieux paternels, ie me ieindray à ton Dieu, pour le seruir iusques à la fin de ma vie, & tu seras salarié pour ma saluation & conuersion à Dieu. Alors l'interrogeant, Quelle est ta demande, fille? Elle conformant son maintien, son regard & ses yeux, & soy toute entiere à l'allemement de luxure, luy dist:

Couche avec moy par mariage , & i'obeiray ioyeuse à ton vouloir. A cecy il respond: Vainement, femme, tu me fais ceste rigoureuse requeste. Car i'ayoit que grandement i'aye soin de ton salut, & desirer te retirer du profond de perdition: neantmoins il m'est grief, voire du tout impossible, souiller mon corps par orde commixtion. Et elle luy agençant & applanissant le chemin, luy dist: Et pourquoy dis-tu ces choses; toy qui es doué de toute sapience? Pourquoy astu appelé commixtion, pollué & orde? Car ie ne suis point ignorante de la science des liures des Chrestiens, ains en ay lou plusieurs volumes en mon pays, & ay deuisé avec maints Chrestiens. Et-il pas escrit en vn de vos liures: Les nocces sont honorables, & le lit immaculé? Et, il vaut mieulx se marier, que arde? Et, Ce que Dieu a conioinct, l'homme ne le separe? Mais quoy, vos histoires ne disent elles pas, que les anciens Pa-

Heb. 13.

1. Cor. 7

Mat. 19

triarches & Prophetes ont esté mariez? Est-il pas escrit, que Pierre, lequel entre vous dites auoir esté Prince des Apostres, a eu femme? Par quelle authorité donc d'Escriture dois tu appeller le mariage pollution? Il me semble que tu te fouruoyes grandement de la verité de vostre loy.

A Quoy il respondit: Ouy, femme, il est ainsi que tu dis. Car il est permis de se marier à ceux qui le veulent estre, mais non à ceux qui ont vne fois promis à Dieu garder leur virginité. Car dès que ie suis nettoyé par le diuin Baptesme des delicts de ma ieunesse & ignorance, ie promis à Iesus Christ viure en toute netteté. Et par quelle raison pourray- ie violer ce que i'ay promis à Dieu? La fille luy replique: Que ceste tienne volonté demeure ainsi que tu as proposé: mais accomplis vne mienne demande, qui est fort petite, si tu veux sauuer mon ame. Couches avec moy ceste nuict seulement, & me

Ceux qui ont fait le vœu de chasteté ne peuvent iamais se marier.

Requête impudique

laisse jouyr de ta beauté, & toy de la mienne, & ie te promets, que demain dès le point du iour ie me feray Chrestienne, & renonceray à tous mes dieux : Et pour ce fait tu n'obtiendras seulement pardon, mais dauantage tu auras retribution pour le sauvement de mon ame. Car il se fait au ciel ioye sur vn pecheur qui fait penitence. Si donc se fait ioye au ciel pour la conuersion d'un pecheur, n'est il pas donc deu recompense & remuneration grande à cel qui est autheur de la conuersion ? Il est ainsi, & est chose indubitable. Les Apostres, Princes de vostre Religion, n'ont ils pas fait plusieurs choses par dispensation, pretermettans aucunes fois vn petit commandement pour l'amour d'un plus grand ? Est-il pas escrit, que Paul a circoncis Timothee pour quelque meilleure dispensation ? Et combien que la circoncision soit execrable aux Chrestiens, neantmoins il ne laissa de ce faire : Et tu trouueras plusieurs

Luc. 15.

Act. 16

Gal. 3.

tels exemples en tes Escritures. Donc si selon verité tu veux sauuer mon ame, accomplis ce mien petit desir. Et de ma part, de mandant estre conioincte à toy par mariage, par ce que cela ne t'est agreable, ie ne te cōtraindray point dauantage, preste neantmoins de faire tout ce que tu trouueras bon. Parquoy ne me deteste point du tout, ains m'acquiesçant vne fois en cecy, tu sauueras mon ame, la deliurant de la superstitieuse Religion des Idoles : & toy par apres feras tout le temps de ta vie tout ce qu'il te plaira.

Ainsi parla ceste impudique. Car le diable estoit en elle, qui l'embouchoit secretement, & luy souffloit aux oreilles, luy qui sçait les Escritures, & est autheur & maistre de toute malice. Disant donc ces choses, & le blandissant & flattant, & luy tendant filets à dextre à senestre, commençoit à esbranler la tour de son ame, & amollir la rigueur de sa resolutiō &

Le diable sçait les Escritures Naz. erat. in S. Baptis. mas.

Iosaphat est asbraélé. deliberation. Or le semeur de malice, & ennemy des iustes, considerant son cœur esbranlé, fut comblé de grande ioye, & conuoquant à soy les esprits qu'il auoit amenez en sa compaignie, leur dist : Voyez comme ceste fille se haste d'exécuter ce que n'auons peu? Venez donc, & nous iettons vertueusement tous sur luy. Car nous ne rencontrerons iamais meilleure occasion pour exécuter le vouloir de cil qui nous a enuoyez.

Ce canteleux & plein de dol ayant dit cecy à ses compaignons, tous ensemble se ruent impetueusement sur le champion de Iesus Christ, & troublans toutes les puissances de son ame, & luy suggerans l'amour de ceste fille, allumerent vn grand feu de concupiscence en son cœur. Et luy se sentât fort enflamber & captiuer à péché, & que ces cogitations, sçauoir est, le sauement de la fille, & sa conuersion à Dieu, estoient
comme

comme appast mis à l'hameçon de l'action proposée par la suggestion du Diable importunément luy remontrant, qu'une commixtion charnelle, pour sauuer vne ame, n'estoit point peché, gemissant profondement en anxiété de son ame, soudain se mit en prieres, & fondant tout en larmes, crioit à Dieu, qui sauue ceux qui esperent en luy.

Seigneur, i'ay esperé en toy : ie ne seray eternellement confus. Et que mes ennemis ne se raillent de moy, dependant de ta dextre : mais assiste moy à ceste heure, & drésse ma voye selon ta volonté, à ce que en moy ton seruiteur soit glorifié ton nom saint & glorieux & terrible, par ce que tu es benit en toute eternité. Amen.

Or priant ainsi plusieurs heures avec gemissemens & larmes, & se mettant souuent à genoux, se coucha sur le pauc. Et sommeillant vn peu, il se voit rauy & emporté de ie ne scay qu'elles gens terribles, le

sur le
anc, &
de
deu
ang
pps
de
rmes.
son
Iofa-
st.

faizans passer par des lieux qu'il n'a-
 uoit onc veu, & le menans iusques
 à vn tresgrand pré, orné & decoré
 de belles fleurs odoriferantes, où il
 vit des arbres de toutes sortes,
 chargez de fruiçts incogneuz &
 admirables, autant plaisans à l'œil,
 que desirables pour le goust: & les
 fueilles de ces arbres rendoient vn
 son melodieux, estans agitez d'vn
 vent trespoux, & si rendoient vn o-
 deur fort plaisant. Et y auoit sieges
 arrengez d'or fin, couverts de pier-
 reries, rendans vne grande splen-
 deur: & des lits si richement equi-
 peez, que langue d'homme ne le
 sçauoit reciter. Dauantage y auoit
 eauës tresclaires, qui resliouissoient
 merueilleusement les yeux. Or ces
 esprits terribles le menans à tra-
 uers de ce champ grand & admira-
 ble, l'introduirent en vne cité res-
 plendissante de clairté ineffable:
 Et les murs estoient d'or affiné &
 resplendissant, & les tres-hautes
 tours & boulleuers estoient de ie
 ne sçay quelles pierres excellen-

rejeri-
tion de
Paradi

tes, dont homme n'en vit iamais de pareilles. Mais qui pourroit reciter & declarer la splendeur & decoration dicelle? Dauatange vne lumiere infuse d'en haut esclaire de ses rayons toutes les rues d'icelle, & demeurent leans grandes compagnies d'esprits celestes, chantans vn cantique, qu'oreille d'homme n'a iamais entendu. Et ouyt vne voix qui disoit: Icy est le repos des iustes: ceste est la ioye de ceux qui ont pleu au Seigneur. Et ces esprits redoutables le prenans avec eux, s'en retournoient sur leurs pas. Mais luy estant tout esprits de ioye & de ce plaisir, leur dist: le vous supplie, ne me priez de ceste ioye ineffable, mais permettez que ie demeure en quelque anglet de ceste excellente cité. Et ils luy respondirent: Il est impossible pour l'heure, que tu sois icy, ains avec grand trauail & sueur tu y viendras, si toutefois tu ne te fais violence à toy mesmes.

Matt.
11.

Cecy dit, & passant derechef à

416 HISTOIRE DE BAREAA

à ce que tu n'entendisses ma voix, qui t'enchantoit de paroles salutaires, au moins ne m'empesche de cheminer par la droicte voye. Car ie desire cecy, ie le souhaite : c'est estre deliuré de toutes choses terrestres, & aller où demeure Barlaam, seruiteur de Iesus Christ, & passer le reste de ma vie avec luy.

Que si tu me veux retenir par force, tu me verras mourir en bref de tristesse & angoisse d'esprit, & ne seras plus par apres appellé pere, & ne m'auras plus pour fils.





Iosaphat avec le signe de la Croix chasse les diables : & disputant roidement contre Theodas, le reprend, & desteste ses Idoles , hant louant un seul Dieu.

Chapitre. 31.



LE Roy oyant ces propos , tomba derechef en tresgrande tristesse & ennuy de sa vie , & pensant en soy mesmes quelque mal , retourna en son Palais. Or les malins esprits enuoyez de Theodas contre le saint enfant, retournans à luy tous confus, confesserent qu'ils estoient vancuz, combien qu'autrement ils se delectent & prennent plaisir à mentir. Et certes en leurs meschans visages portoient signes euidens de leur perte. Ausquels il dist.

418 HISTOIRE DE BARLAAM

O foibles & miserables, comment auez vous esté surmontez d'un enfant? Alors les malins esprits espouventez de la vertu diuine luy declarerent la verité, disans: Nous ne peusmes soustenir, ny aucunement tourner les yeux à la vertu de Iesus Christ, ny au signe de sa passion, qu'ils appellēt la Croix. Car quand ce signe nous est opposé, nous fuyons à qui mieux mieux, nous, dis-ie, princes de l'air, & gouuerneurs de tenebres. Car au parauant que ce ieune homme s'en fust parfaitement signé, nous ruans sur luy impetueusement, l'esbranlasmes grandement: mais dès aussi tost qu'il eut inuoqué Christ à son secours, & se fut armé du signe de la Croix, il nous a repoussez en fureur prenant pour luy vne defense asseuree. Et partant sans delay nous trouuasmes vn moyen & instrument, par lequel nostre Prince iadis parla au premier homme, & le vainquit. Et certes nous de mesmes eussions estimé comme neant

*Le signe
de la
Croix
chasse
les dia-
bles.*

1. az.

or. 10. i.

in Julia-

num. li.

1. li.

1. c.

2. 4.

dis. In-

stit. Gre.

Nissenus

in vita

l'esperance de ce garçon : mais luy
 ayant inuocqué Christ en son ayde,
 le feu de l'ire d'enhaut nous a
 bruslez, & tournez en fuite, de
 façon que nous sommes resouls
 de ne le plus atcofter. Et ainsi les
 malins esprits declarerent aperte-
 ment à Theodas, comme le tout
 estoit passé.

Le Roy estant tout fasché, fit
 derechef appeller Theodas, & luy
 dist: Homme tressage, nous auons
 exécuté tout ce que tu as voulu,
 mais nous n'auons rien gagné.
 Mais maintenant si tu as encores
 quelque moyen de reste, dy le
 nous, & nous en ferons l'expe-
 rience; & peut estre trouuerons
 nous remède à ce mal. Et Theodas
 demandant à parler à Iosaphat, le
 Roy au matin visitant son fils, le
 mena avec luy. Et se seant aupres
 de son fils, commença la parole, le
 reprenant de son inobedience, &
 volonté obstinée. Mais luy res-
 pondant qu'il ne falloit preferer
 chose à la cognoissance de Iesus

Greg.
 mirifici.
 Hiero.
 in vita
 Pauli
 atque
 Hilarie-
 mi. Epi-
 pha.con-
 tra E-
 bioncos.
 Chriso.
 hom. 55.
 in Matt
 & hom
 de Cruce
 & latro-
 ne.

Theodas
vint se-
dire lo-
saphat.
Christ, & faisant protestation de
sa foy, Theodas vint à prendre la
parole, & luy dist: Iosaphat, dy
moy qu'as tu trouué à reprendre
en nos dieux immortels, que tu les
as abandonnez & renoncez, &
que prouoquant ton pere & Roy à
courroux, t'es rendu odieux à
tout le peuple? N'est-ce pas d'eux
que tu tiens la vie? Ne t'ont-ils
pas donné à ton pere, exaulçans sa
prière, le deliurans du lien de ste-
rilité? Et comme ce meschant en-
uieilly en mal fist de longues pro-
positions inutiles & viles, avec un
amas d'argumens & syllogismes
de la predication de l'Euangile,
s'en voulant railler, & contrefaire
la doctrine des Idoles, le fils du
Roy celeste, apres auoir entendu
quelque peu, dist à Theodas.

Iosa-
phat re-
prend ai-
rement
Theodas
Escoute, abyssme d'erreurs, &
plus noir que les tenebres palpa-
bles, semence de Babylon, & ge-
neration de ceux qui construirent
jadis la tour de Caldee, par laquel-
le le monde fut confus, miserable

vieillard & babillard, plus criminel que ne furent iadis les habitants de Sodome & Gomorrhe, *Genes.*
 fouldroyez de Dieu pour leurs pe- 194
 chez : pourquoy t'essayes tu te
 mocquer de la predication de salut, par laquelle les choses qui estoient en tenebres, ont esté illuminees : par laquelle les fouruoyez sont raddressez, les captifs & perdus ont esté rappelés ? Lequel vaut mieux, dy moy, de seruir à Dieu tout puissant, avec son Fils, & le saint Esprit, à Dieu increé & immortel, principe & fontaine de tous biens, l'Empire duquel est inestimable, & la gloire incomprehensible : auquel assiste vn million, & dix cens mil Anges, & *Dan.7.*
 ordres celestes, & le Ciel & la Terre sont pleins de sa gloire : par lequel toutes choses ont esté faites de rien, par lequel toutes choses demeurent en estre, & sont gouuérnees & regies par sa providence : Ou bien aux Diables.

pernicieux, & Idoles sans ames, desquels la gloire & louange c'est adultère & corruption d'enfans, & autres œuvres d'iniquité, qui sont recitees de vos dieux és liures de vostre superstition? Auez vous point de honte, misérables, & viande de feu inextinguible, & semblance du genre Caldeen? n'estes vous point confuz, adorans statues mortes, faictes & forées de la main des hommes? Car en dolant vne pierre, ou couppant vn bois, vous l'appellez Dieu. Par apres prenant le meilleur Taureau qui soit chez vous, ou autre beste la plus belle qui soit, vous l'immolez à l'Idole mort & insensible. Fols que vous estes, la victime qu'offrez à ce Dieu mort, est plus excellente que luy. Car l'homme a fait l'Idole, & Dieu a créé la beste. Et partant la beste desraisonnable est plus entendue que toy qui est raisonnable. Car la beste cognoist celuy qui la nourrit: & toy tu ignores Dieu, par lequel de

rien tu as esté créé par lequel tu vis, & es conserué : Et appelles Dieu, lequel tu as peu deuant veu couper avec instrumens, & fonder au feu, & aplattir avec marteaux de fer : lequel tu as couuert d'or & d'argent, & l'esleuant de terre, l'as assis en haut lieu. Par apres te iettant en terre, tu adores vne vile pierre, & non Dieu, toy plus vil que n'est la mesme pierre, qui n'est point Dieu, ains les œuvres de tes mains, mortes & sans ame. Et pour mieux parler, il ne faut point dire que l'Idole soit mort : Car comment seroit mort cil qui onc n'a eu vie ? Mais il luy faudroit trouver vn nouveau nom, digne de si grand folie. Car celuy qui est de pierre, ou de terre cuite, se rompt, casse, & met en pieces, cil qui est de bois, se pourrit : celuy d'airain s'enrouille : celuy d'or & d'argent se fond. Et d'auantage, les vns de tes dieux se vendent, qui bien cher, qui à vil pris. Car il n'y a point de diuinité en

eux , ains la matiere leur donne pris. Car qui pourroit achepter Dieu? qui le peut vendre? Comment appelles-tu ton Dieu, cil qui ne se meut? Ne consideres-tu pas, que quand il est debout, iamaïs ne se sied, & quand il est assis, iamaïs ne se lève?

Rougis de honte, fol que tu es, & mets la main sur ta bouche, insensé que tu es, louant telles choses. Car aliené de verité, & seduit par figures menteuses, tu composes & forges statües, imposant le nom de Dieu à l'œuvre de tes mains. Resueille-toy, tresmiserable, & entens que tu es plus avoien que le Dieu que tu as fait. Ces choses sont grandes folies? car tu crois que tu feras vn Dieu, toy estant homme. Et comment se peut faire cecy? Par ainsi tu ne fais vn Dieu, ains l'effigie d'un homme, ou de quelque beste, sans langue, sans gosier, sans ceruelle: & par ainsi ce n'est ny la similitude d'un homme ny d'une beste, mais

vne chose d'autout inutile, & pleine de vanité. Pourquoy donc flatte-tu les choses insensibles? Pourquoy assistes-tu à choses immobiles & inutiles? Car sans l'art du tailleur de pierre, ou d'autre artisan, tu serois sans Dieu. S'il n'y auoit gardes, tu perdrois ton Dieu. Car souuent celuy, qu'une ville peuplée de fols, prie comme Dieu, pour estre gardée de luy, il y a gardes ordinaires à l'entour de luy, de crainte que les larrons ne le desrobent: & s'il est d'or ou d'argent, sera soigneusement gardé: mais s'il est de pierre, ou de terre, ou d'autre vile matiere, qu'il se garde soy mesmes. Il vous semble, peut estre, que celuy qui est de terre, est plus fort que celuy qui est d'or.

Cecy bien considéré, n'est-il pas raisonnable, qu'on se mocque d'entre vous fols & auengles & sans entendement, ou mieux, qu'on deplore vostre misere & folie? Car vos œuvres sont œuvres de folie, & non de pieté. Car l'homme

belliqueux esleuant vn Idole armé
& bien équipé, l'a appellé Mars.
Vn paillard a fait de son vice vn
Dieu, & l'a nommé Venus. Vn au-
tre pour son yronnerie, a fait vn
Idole, qu'il a appellé Bacchus.
Semblablement les autres selon
leurs affections, vices, & concupi-
scences, ont baptisé des dieux à leur
poste: car ils ont appelé leurs pas-
sions dieux. Et pour ceste cause en
leurs temples ne se font que fauta-
des danses impudiques, & se chan-
tent chansons luxurieuses; & se
maintiennent comme fols & in-
sensez. Mais qui pourroit par
ordre reciter leurs abominables
actions? Qui souffrira que sa lan-
gue soit spuilée en recitant leurs
ordures & vilenies? Mais elles sont
manifestes à tous; encores que
nous nous en taisons.

-r. Voicy ta Religion, Theodas,
plus insensible que tes statues: &
tu me conseilles que j'adore telles
choses? & que ie les honore? Cer-

vainement ce conseil procede de
 ta mauuaisté & volonté folle. Mais
 fois fait semblable à eux, *Psalm.* 113.
 toy & tous ceux qui s'y fient. De ma part,
 ie seruiray mon Dieu, & me sacri-
 fieray tout à Dieu, createur & pro-
 uoyeur de tous, nostre Seigneur
 Iesus Christ, nostre esperance, par
 lequel nous auons accez au pere de *Ephes.*
 lumiere, au saint Esprit : par le-
 quel nous sommes rachetez de
 mort amere en son sang. Car s'il
 ne se fust abbaissé iusques à la for-
 me d'un serf, iamais n'eussions esté
 estimez dignes de l'adoption des
 enfans. Donc il s'est abbaissé &
 humilié pour l'amour de nous, &
 n'a point reputé la deité rapine :
 mais il demeura ce qu'il estoit, &
 print ce qu'il n'estoit point. Il a *Phil.*
 conuersé avec les hommes, a mon-
 té en la Croix en sa chair : il a esté
 trois iours au sepulchre descendit
 aux enfers : il tira de là ceux que le
 cruel gouuerneur du monde tenoit
 encheſnez, venduz sous peché : est *Rom.*
 ressuscité le troisieme iours, est

monté au ciel, & reuiendra de là
 pour iuger les viuans & les morts.
 Quel dommage luy est venu de ces
 choses, dont il semble que tu te
 moques? Vois-tu pas ce Soleil, en
 quants lieux sales & deshonne-
 stes il enuoye ses rayons, & com-
 bien il regarde de corps morts &
 puants? Luy vient-il quelque souil-
 leure de cecy? Ne desseiche-il pas
 plustost, & restraint les choses or-
 des, sales & pourries, & enlumine
 les lieux tenebreux, & cependant
 demeure entier & net de toute or-
 dure? Mais que diray-je du feu? Est
 il pas vray, que receuant en soy le
 fer froid & noir, le fait deuenir
 tout rouge & enflambé? Reçoit-il
 les proprietéz du fer? Quand on
 bat le fer à grands coups de mar-
 teaux, le feu en sent il quelque
 chose, en est-il offensé? Si donc il
 est certain que ces creatures cor-
 ruptibles ne souffrent rien de la
 conioctiō des plusviles, pour quel-
 le raison, ô fol, & cœur de pierre,
 presumes-tu te moquer, en disant

que le fils & verbe de Dieu, ne se separant aucunement de la gloire paternelle, ains estant Dieu, pour le salut des hommes a prins corps humain, à ce qu'il fist les hommes participans de la diuine & intelligible nature, & à fin de retirer d'enfer nostre substance, & luy donnaist la gloire de Paradis, à ce qu'il subiuguast par la prinse de chair le Prince des tenebres de ce siecle, alleiché par la prinse de la chair, & deliurast nostre genre de sa tyrannie? Dont vient que l'impassible soustient la passion de la Croix, manifestant les deux natures. Car comme homme il est crucifié, & comme Dieu il obscurcie le Soleil, fait trembler la terre, & ressusciter des sepulchres corps des saints qui estoient decedez. *Math. 27.*

Derechef il meurt comme homme, mais il ressuscite comme Dieu, despoüillant enfer. Et partant le Prophete dit, Enfer fut en amertume, venant au deuant de toy en bas. Car il fut grandement

430 HISTOIRE DE BARLAAM

fasché, par ce qu'il fut deceu, pensant receuoir vn homme infirme: mais il trouua qu'il estoit Dieu, & se trouua soudainement pris & spolié.

Donc il ressuscita comme Dieu, & monta au ciel, d'où il estoit venu, & fit nostre nature, auparauant mesprisee, & inferieure de toutes, ingrate & deshonorée, la fit superieure de toutes, & la colloqua au throne de gloire. Donc quelle lesion a receu la chair du verbe, que tu n'as point honte le blasphemer? Car lequel est le meilleur, confesser ces choses, & adorer vn tel Dieu, bon & benin, qui commande iustice, enioinct continence, ordonne netteté, enseigne misericorde, donne foy, annonce paix: il est verité, il est la mesme charité, la mesme bonté.

Lequel, dis-le, est meilleur adorer iceluy, ou tes dieux meschans & vicieux, vilains en nons & en œuvres? Malheur à vous, qui estes plus durs que pierres, & plus

Isa. 14.

Isa. 4.

desraisonnables que les creatures
sans raison, enfans de perdition,
heritiers des tenebres. Mais moy
heureux, & tous les Chrestiens
ayans vn Dieu bon & benin, Car
ceux qui le seruent, bien qu'en ce
siecle ils souffrent miseres & af-
flictions pour peu de temps, ils
recueilleront neantmoins le
fruit immortal de recom-
pense au Royaume e-
ternel, & la beati-
tude diuine.





*Par la persuasion & sainte remon-
strance de Iosaphat, Theodas croit
en Dieu, & iette au feu tout ses li-
vres de Magie.*

Chapitre. 32.



R Theodas luy
dist : Voicy, c'est
chose manifeste,
que gens sages en
grand nombre, &
interpretes admi-
rables en sciéce & vertu, nous ont
baillé nostre secte & Religion, &
tous les Roys & Potentats l'ont
receüe comme bonne, & n'ayant
en soy aucune fausété. Mais la loy
des Galileens a esté annonce par
vne petite poignée de gens, pau-
ures & rustiques, & de basse con-
dition, n'excedans le nombre de

douze. Comment donc la predication de peu de gens, encores pauvres & rustiques, sera preferee à la loy de grand nombre de grands personnages, reluisans en sçauoir? Mais quelle affirmation est-ce, que ceux-là dient vray, & ceux-cy mentent?

Le fils du Roy respondit derechef: Peut estre, Theodas, que tu es asne, comme dit le prouerbe, oyant la harpe, & demeurant sans entendement, ou plustost vn aspic, bouchant tes oreilles, à ce que tu n'entèdes la voix des enchanteurs. Bien donc le Prophete a dit de toy: Si l'Ethiopié change de peau, & le Leopart la diuersité, toy qui as appris à mal faire, pourras alors faire bien. Fol & auengle que tu es, comme est-ce que la force de verité ne te fait venir le sens & entendement? Car cecy mesmes, que ton execrable religión estg approuuee de plusieurs gens, sçauans, & admirables, & receue des Roys, & Seigneurs, & que la predication

Psalm. 37.

Hier. 2.

131

del'Euangile a esté annoncee par peu de gens de condition vile, demontre la vertu de nostre diuine Religion, & que vostre meschante doctrine est foible & pernicieuse. Car vostre loy, encores qu'elle ait pour aduocats & defenseurs gens sages & forts & puissans, neantmoins elle s'affoiblit & estaint: & la nostre n'estant soustenuë d'aucun secours humain, reluist plus clairement que le Soleil, & est espanduë par le monde vniuersel. Car si nostre foy eust esté establie par Rhetoriciens & Philosophes, & que le Roys & les Princes y eussent tenu la main forte, à bon droit tu pourrois dire le tout auoir esté fait de puissance humaine. Mais maintenant considerant que le sainct Euangile a esté composé par de pauvre pecheurs, persecuté & impugné de tous les Roys & tyrans, & neantmoins il a remply tout cest vniuers: (car le son d'iceux a remply toute la terre, & leurs paroles ont esté enten-

*Vile B.
August.
c. 5. lib.
22. de
Ciuil.
Des, &
Euseb.
ca. 7. li.
3. De
monst.
Euang.*

entenduës par tous les quartiers *Psal. 118*
 du monde) que peux-tu dire autre *Psal. 110*
 chose, sinon que c'est vne certaine
 diuine & inexpugnable vertu, se
 defendant soy-mesmes pour le salut
 des hommes? Donc quelle preuue
 plus claire demandes-tu (insensé)
 que ce que dit est, pour monstrier
 que les tiens menttent, & les no-
 stres disent vray? Car si ta religion
 n'estoit toute mensonge & folie,
 ayant tant de defenseurs & prote-
 cteurs, iamais ne se fust tant affoi-
 blie & abastardie comme elle est
 maintenant. Car, comme dit Dauid *Psal.*
 l'ay veu le meschant exalté grande- *36.*
 ment, & esleué comme les Cedres
 du Liban: Et ie n'ay fait que passer,
 & ie ne l'ay plus veu. Je l'ay cher-
 ché, & sa place ne s'est point trou-
 uée. D'entre vous propugnateurs
 de l'idolatrie, le Prophete a dit ce- *Psal.*
 oy. Car qu'il se passe vn peu de *67.*
 temps, & on ne vous trouuera plus
 ains comme la fumee s'esuanouist,
 & la cire se fond deuant le feu ain-
 si perirez vous.

Mais quant est de la cognoissance
 vraye & diuine de l'Euangile, no-
Luc. 12. stre Seigneur a dit: Le ciel & la ter-
 re passeront, mais mes paroles ne
 passeront point. Et le Psalmiste dit
Psal. 101. derechef: Au commencement, Sei-
 gneur, tu as fondé la terre, & les
 Cieux sont œuvres de tes mains. Ils
 periront, mais toy tu demeures, &
 tous s'enuieilliront comme le ve-
 stement. Et tu les chāgeras comme
 vne couuerture, & seront changez:
 mais toy tu es tousiours mesme, &
 tes ans ne defaudent point. Et les
 diuines trompettes de l'aduenemēt
 de Iesus Christ, & sages pescheurs
 du monde, ont retiré tous du pro-
 fond d'erreur, lesquels maintenant
 toy, tres-vil & vray serf de peché,
 tu mesprises. Ils ont resplendy cō-
 me le soleil, par signes & prodiges,
 & diuerses vertuz, donnans veüe
 aux aueugles, l'ouye aux sourds gue-
 rissans les boiteux, & ressuscitans
 les morts. Car leur seule ombre
Act. 5.
Mira- guerissoit toutes les maladies du
les des monde. Et quand est des Diables,

lesquels vous redoutez comme dieux, non seulement les chassoient des corps humains, mais aussi du monde, avec le signe de la Croix, par lequel mesmes ils ont aboly toute Magie, & ont rendu sans effect tous les venefices & machinations d'iceux. Et eux donc guerissans ainsi toutes les maladies des hommes par la vertu de Iesus Christ, & renouuellans toute creature, à bon droict estoient admirables à ceux qui auoient le iugement bon & droict, comme annonceurs de verité. Mais que peux tu dire de tes sages & Philosophes, aduocats & patrons du Diable, la sapience desquels Dieu a rendu folle? Mais quelle chose digne de memoire ont laissé au monde ces fauteurs du Diable? Que peux-tu dire d'eux, sinon que c'estoyent gens desraisonnables, qui par art, subtilité, & vn fard de paroles couuroyent l'ordure & vilenie de vostre trespuante secte?

Apostres.

Vertu du signe de la Croix.

I. Cor. I.

*Origine
de l'ido-
latrie.*

Pareillement ceux des Poëtes, qui ont aucunement peu cognoistre leur follie, ont dit ce qui est le plus veritable, que ceux qu'on nôme dieux, furent hommes: & par ce qu'aucuns d'eux ont esté Seigneurs de quelque ville, ou Roys en quelque contree, & quelques autres ont fait quelque acte de bien peu d'estime, les hommes tombans en erreur, les ont appelez dieux. Car au commencement ont dit, que ce Seruch inuenta les Statuës. Car és anciens temps, quiconque auoit montré quelque chose de vertu ou d'amitié, ou quelque autre ouurage de gentil esprit, digne de memoire, estoit honoré de statuës & images. Mais par apres les hommes ignorans l'intention de leurs denanciers & maieurs, & qu'ils auoient esleué statuës & representations, seulement pour conseruer la memoire de ceux qui auoient fait actes heroïques, peu à peu errans (estans seduits par la cautele du Diable) ont adoré, comme immor-

tels & incorruptibles, les hommes subiects à mesmes passions & corruptions que nous, & si ont inuenté des sacrifices & libations aux Diables habitans es Idoles, qui attiroient à soy les honneurs & sacrifices. Ces Diables donc persuaderent à ceux qui n'auoient la cognoissance de Dieu, qu'ils estoient dieux pour deux causes, sçauoir est, à ce qu'en ce nom ils soient adorez (car ils se delectent grandement d'estre adorez comme dieux, estans pleins, comme ils sont d'orgueil & arrogance) & aussi à fin qu'ils attirerent au feu inextinguible, qui leur est preparé, ceux qu'ils auront seduicts. Et de là vint, qu'ils enseignèrent à ceux qu'ils auoient attrapez, toute impieté, & toute espee de meschanceté. Donc les hommes paruenās à telle extremité de maux auenglez d'entendement, chacun etigea vne statuë de son vice & de sa cōcupiscence, & l'appella Dieu, bien estans abominables à cause de leur erreur, mais encore plus pour

Le Diable demande estre adore comme Dieu.

l'absurdité de ceux qu'ils ont ad-
rez : Iusques à ce que nostre Sei-
gneur venant, par sa misericorde
nous a deliurez entre nous qui a-
uons creu en luy, de ce malin &
pernicieux erreur, & nous a ensei-
gné la vraye cognoissance de Dieu.

Act. 4. Car il n'y a salut sinon en luy, &
n'y a autre Dieu ny autre ciel, ny en
terre, que luy seul, Createur de tou-
tes choses, soustneant toutes choses
Heb. I. du Verbe de sa vertu. Car par le
Psal. Verbe de Dieu les cieux ont esté
32. establis, & toute leur vertu proce-
de de l'esprit de sa bouche. Et tou-
tes choses ont esté faictes par luy,
Ioa. I. & sans luy rien n'a esté fait.

Or Theodas ayant ouy ces pro-
pos pleins de diuine sapiëce, com-
me s'il eust esté frappé & abbatu
du son du tonnerre, deuint si es-
perdu, qu'il ne pouuoit dire vn seul
mot. Et neantmoins finalement af-
fligé en son esprit, de sa propre mi-
sere (d'autant que la parole salutai-
re toucha les yeux aueuglez de son
cœur) se repentant grandement de

ses actions premieres, & detestant l'erreur des Idoles, accourut à la lumiere de verité. Et de ce temps se retira autant de la maligne conuersation, & se rendit autant ennemy de vices & de l'art Magique, qu'au precedent il leur estoit amy. Car alors estant debout au milieu du Conseil, le Roy y presidant, cria à haute voix:

Veritablement, Sire, l'esprit de Dieu habite en ton fils, Vrayement nous sommes vaincus, & n'auons plus de quoy nous defendre, & ne pouuons resister ny contredire à ce qu'il a dit. A la verité, grand est le Dieu des Chrestiens, leur foy est grande, & leurs mysteres excellens. Et adressant sa parole au fils du Roy, luy dist: O ame illuminee, dy moy si Iesus Christ me receura, si me retirant de mes meschantes operations, ie me conuertis à luy? Ouy, certainement, respondit il, il te receura, & tous ceux qui se conuertissent à luy.

441 HISTOIRE DE BARLAAM

ceura(dis-ie) non tellement quel-
 lement : mais comme le bon pere
 reçoit son fils, reuenant de loing-
 tain pays , & mesmes va au deuant
 de celuy , qui de la voye d'ini-
 quité reuient au bon chemin , &
 le prenant par le menton , le baise
 doucement , & le deuestant de la

Luc. 15.

confusion de peché , soudain le re-
 uest de la robbe de salut , & l'enui-
 ronne de l'estolle tres-resplendis-
 sante , & fait pour la conuersion de
 la brebis perdue , vne lieue & so-

*Math.
 18.*

lennité mystique aux Anges de Pa-
 radis. Car le mesme Seigneur dit,
 qu'au Ciel se demoine ioye sur vn
 pecheur qui fait penitence. Et dit
 encores : le ne suis venu appeller

Luc. 5.

les iustes, ains les pecheurs à peni-
 tence. Dit aussi par son Prophetes

*Exech.
 18.*

le vis, dit le Seigneur: ie ne veux la
 mort du pecheur, ains ie desire qu'il
 se conuertisse de sa mauuaise vie, &
 viue. Conuertissez vous de vostre
 mauuaise voye: & pourquoy mour-
 rez vous, maison d'Israël? Car l'ini-
 quité du meschant ne luy nuira

point. En quelque heure que soit, que le pecheur se conuertira de son impieté, & fera iustice, & cheminera es preceptes de vie, il viura de vie, & ne mourra point. On mettra en oubly tous les pechez commis. Par ce qu'il a fait droit & iustice, il viura en iceux. Et crie derechef par vn autre Prophete: Lavez vous, & foyez nets: otez le mal de vos pensees de deuant mes yeux: cessez de faire mal, & apprenez à bien faire. Et si vos pechez sont comme escarlate, ils seront blanchis comme neige: & s'ils sont rouge comme vermeillon, deuiendront blancs comme laine.

Esa. i.

Or les promesses de Dieu estans telles à ceux qui se conuertissent, ne differe aucunement, ô homme, & ne crains, ains viens à Iesus Christ nostre Dieu benin, & sois illuminé, & ta face ne sera confuse. Car des aussi tost que tu seras descendu en la piscine du saint Baptisme, toute l'ordure du vieil homme, & tout le fardeau de peché

Psal. 33

*La ver-
te du
Baptis-
me.*

444 HISTOIRE DE BARLAAM

sera enseuely en l'eau, & viendra à neant: & tu sortiras de là du tout raieuny, & net de toute ordure, ne reportant aucune tache ou ride de peché: Et te restera seulement, que tu te conserues en ceste netteté obtenuë de la misericorde de nostre Dieu.

Theodas conuertý bruste tous ses liures de Magie. Theodas estant instruit de ces remonstrances, soudian sortit, & retournant à sa cauerne execrable, & prenant ses liures de l'art Magique, les brusta tous, comme auteurs de toute malice, & les thresors des mysteres diaboliques. Et par apres s'en alla à la cauerne de ce saint homme, auquel Nachor s'estoit adressé, & luy recite tout son affaire: & iettant des cendres sur sa teste, luy confessa de poinct en poinct sa meschante & malheureuse vie, avec grands pleurs & gemissemens. Or le bon homme, comme ainsi soit, qu'il fust fort experte à sauuer les ames, & les deliurer de la gueule du cauteleux dragon, l'enchantia de paroles salutai-

res , luy promettant remission de *leusne*
 ses pechez, & que le iuge luy seroit *commã-*
 fauorable. Et par apres l'ayant im- *dé en sa-*
 bu des preceptes de la discipline *tisfactrõ*
 Chrestienne, & qu'il eut ieusné plu- *des pc-*
 sieurs iours , le purgea par le saint *chez cõ-*
 Baptesme : & apres faisoit pe- *mis.*

nitence continuelle pour
 les offenses par luy com-
 mises , & par larmes
 & gemissemens ap-
 paisoit l'ire
 de Dieu.

T vj





*Auenir par le conseil d'Arachis de-
part son Royanne à son fils: lequel en
estant Roy couronné, conuertit son
peuple à Iesus Christ.*

Chapitre. 33.



Es choses estans ain-
aduenues, le Roy estoit
tout pensif & merueil-
leusement triste, &
fort esmeu en son es-
prit. Et derechef assemblant tous
ceux de son Conseil, pour pensoit
auec eux ce qu'il pourroit plus fai-
re à son fils. Or les vns disans d'un,
les autres d'un autre, Arachis du-
quel il a esté parlé, le plus illustre de
ses Princes, luy dit: Sire, que falloit
il faire à ton fils, que nous n'ayons
fait pour l'induire & persuader à
suyure nostre loy, & adorer nos

dieux? Mais à ce que ie voy, noust tē-
 tōs vne chose impossible. Car ceste
 obstination est en luy de nature, ou
 peut estre de son destin a-il ceste
 enuie inflexible de te contredire.
 Donc si tu le veux tourmenter &
 crucier, tu seras ennemy de nature,
 & ne seras plus appellé pere, & si
 le perdras, par ce qu'il est prest de
 mourir pour Iesus Christ. Il ne te
 reste donc autre moyen que cestuy: *Conseil*
 c'est que tu luy departes de tō Roy- *d' Ara-*
 aume, & que tu le laisses regner en *chis ton*
 sa portiō. Et s'il aduient que les af- *chât Io-*
 faires & saing des choses seculie- *saphat*
 res le facent suyure nostre manie-
 re de viure, nous aurons obtenu ce
 que disirons. Car ce qui est graué
 en l'esprit, ne ce peut facilement
 effacer. Parquoy qui le veut chan-
 ger, le doit faire plustost par per-
 suasion, que par force. Mais s'il
 perseuere en la secte des Chre-
 stiēs, neantmoins ne l'auoir point
 du tout perdu, te sera vn tel quel
 soulas, & allegement, de ta tri-
 stesse.

Arachis ayant finy son propos, les autres approuuerent son conseil, & le Roy consentit qu'ainsi fust fait. Et partant, le lendemain matin, ayant fait appeller son fils, luy dist: Mon fils, ie te veux maintenant dire ma derniere resolutiõ. Que si tu n'y obeys sans delay, & que au moins tu ne recrees en cecy mon esprit, tiens toy tout aßeuré, que ie ne t'espargneray plus. Iosaphat luy demãdant quelle estoit sa resolution, luy dist: Puis qu'ainsi est, que quelque peine & travail que i'aye prins, ie t'ay tousiours trouué inflexible, & n'as acquiescé à ma parole, viens maintenant, ie te departiray mon Royaume, & te feray demeurer & regner en ta portion, & te sera desormais loisible suyure telle loy qu'il te plaira. Or ceste diuine ame cognoissant que ce propos du Roy estoit pour luy faire changer de loy, neantmoins il y cõsentit, à fin de s'eschapper de ses mains, & que librement il peut viure en la foy Chrestien-

ne. Et prenāt la parole, dit au Roy: est il vray Sire que ie desirois chercher ce saint homme, qui m'a mon-
stré la voye de salut, à ce que abandonnant toutes choses terrestres; ie peusse passer le reste de ma vie avec luy. Mais puis que tu ne permets que ie face ma volonté, ie t'obeyray en cecy. Car il est bon obeyr au pere és choses où il n'y a manifeste damnation, & alienation de Dieu.

*En quoy
il est bñ
d'obeyr
à son
pere.*

Le Roy donc remply de tresgrande ioye, soudain diuise en deux toutes les Prouinces de sa domination: ordonne son fils Roy, luy met couronne en teste: & l'ornant de toute magnificēce Royale, l'envoye en son Royaume; tres-bien & honorablement accompagné. Et dauantage permit à tous ces Princes, Ducz, Magistrats & Satrapes, aller avec le Roy son fils, s'ils le vouloient faire. Et ordonna vne grande cité en la quelle il regeneroit, & luy bailla tout ce qui estoit conuenable à l'estat

*Iosaphat est
créé Roy*

*Croix
erigees.*

*Temples
des Ido-
les des-
truits
par le
Roy Io-
saphat.
Magni-
fique E-
glise cō-
struite
en l'hō-
neur de
Dieu.
cōman-
dement
au peu-
ple de
venir a-
dorer
Dieu &
la Croix
en l'E-
glise.*

de Roy. Alors Iosaphat ayant titre & puissance de Roy, parvenu qu'il fut à la cité où il deuoit regner, apposa à toutes les tours d'icelle le signe de la passion de nostre Seigneur, c'est à sçauoir la Croix, & fist raser & destruire entièrement les temples des Idoles: & mesmes fit fouyr & oster les fondemens d'iceux, ne delaissant aucune trace de l'impieté: & fit edifier au nom de Dieu vne magnifique Eglise au milieu de la ville, commandant au peuple s'y retirer continuellement, pour y adorer Dieu, & la sainte Croix. Et alors luy mesme se mit le premier à genoux, priant Dieu bien deuotement. Et dauantage, fit de grandes remontrances à tous ses subiects, les admonestant, les suppliant, bref faisant tout ce qu'il pouuoit, pour les faire renoncer à toute superstition & idolatrie, & se reconcilier à Dieu. Leur remonstra les tromperies de l'idolatrie, & la verité de l'Euangile. Leur prescha la

descente du Verbe de Dieu & ses miracles , sa mort & passion & Croix, par laquelle nous sommes sauuez, la vertu de sa Resurrection & son Ascension aux cieux. Et si leur predict en fin le terrible iour de son second aduenement , & les biens, honneurs & gloire, que lors receueront les gens de bien, & les tourmens & supplices preparez aux meschans : leur faisant ces discours avec paroles douces & affable maintien. Car il ne desiroit pas tant estre craint pour son excellence & magnificence Royale, que d'estre aymé par douceur. Et de tant plus les attiroit à foy , qu'en ses œuvres il estoit admirable , & en ses mœurs doux & modeste. Ioignant donc a l'autorité de sa puissance l'humilité & la douceur il persuada facilement a tous d'obeir à sa predication. Et ainsi tous les subiects, tant citoyens qu'estra-

*Iosaphat convertit
ses subiects.*

452 HISTOIRE DE BARLAAM
latrie & abomination, embrasse-
rent la loy du vray Dieu. Tous
ceux qui s'estoient retirez & ca-
chéz és deserts pour la crainte de
son pere, Prestres, Religieux, &
quelque nombre d'Euesques, for-
tans de leurs cachots & cauernes,
le venoiēt trouuer en grande ioye:
& luy de son costé alloit au deuant
d'eux pour les honorer, & les rece-
uoit en son Palais, leur lauoit les
pieds & la teste, & leur procuroit
toutes leurs necessitez, les venerāt
grandement, pour les peines & af-
flictions qu'ils auoient soustennës
pour Iesus Christ. Et par apres fit
dedier & consacrer sa nouuelle E-
glise, & en fit Archeuesque vn hō-
me sainct, docte, & zelateur, qui
auoit esté chassé de son Euesché &
siege, & auoit souffert de grands
maux & tribulations pour la de-
fense de la foy. Fit pareillement
preparer les fonds, & commanda
que les nouueaux conuertis fussent
incontinent baptisez. Et de fait,
les Princes furent les premiers

Iosaphat honore les gens d'Eglise

Dedication d'Eglise.

baptisez, & tous ceux qui estoient en dignité, & apres les gendarmes, & tout le commun populaire.

Or il faut entendre, que ceux qui receuerent le S. Baptisme, furent gueriz & d'ame & de corps. Car *Toutes maladies gueries par le Baptisme,* tous les malades languides, & fieureux, sortoient des fonds, ayans leurs ames purifiees, & leurs corps sains & renforcez, ayans obtenu la santé du corps aussi bien que celle de l'ame. Et toute la multitude venoit au Roy Iosaphat, pour entendre de luy la loy de Dieu, & mettoient par terre tous les temples des Idoles: & des thresors qui y furent trouuez, en edifierent Eglises, & les ornerent magnifiquement, *Orne-
mens d'Eglises.* faisant vn bon œuvre de ceste matiere inutile & execrable. Et les diables malins qui habitoient en ces temples & autels, estoient vexez d'une tres grande persecution, & se plaignoient de la misere & infortune où ils estoient cheuz. Et ainsi toute la prouince se deliuroit de leur maudite se-

454 HISTOIRE DE BARLAAM
duction, & fut illustree de la lumiere de la foy Catholique.

Le Roy de sa part monstroït bon exemple à son peuple , & en enflamboit plusieurs à le suyure en vertu & sainte conuersation. Car cousturierement le subiect tasche à se conformer aux mœurs & conditions de son Prince, & faict ce qu'il pense que son Seigneur trouuera bon. Et de là vint , que Dieu y cooperant, la foy & pieté croissoit en eux, & s'y corroboroit , par ce que leur Roy estoit parfait en la dilection de Dieu , & en l'obseruance de sa loy , & estoit comme pilote & patron des ames, les conduisant surement au port de salut. Car il sçauoit, que principalement l'office de Roy estoit d'enseigner son peuple à craindre Dieu , & garder droict & iustice: chose que pareillement il faisoit, s'estudiant à commander aux vices & affections ; & persuadant le mesme à ses subiets, traitant dextrement comme vn tresexpert pilote , le

*Office
d'un
Roy.*

gouuernail d'equité. Car la vraye
 reigle de Roy est regir & tenir les
 voluptez : ce qu'il faisoit. Car il
 ne s'esleuoit aucunement pour la
 noblesse de ses parens , & dignité
 Royale qui estoit en luy, sçachant
 que nous auons pour premier pere
 de nostre genre le limon de la ter-
 re , & sommes de mesme masse,
 tant les riches que les pauvres :
 Mais il abbaissoit tousiours son es-
 prit au profond de l'humilité, &
 pensant à la beatitude eternelle, il
 se reputoit icy comme estranger:
 & recognoissoit qu'il n'auoit rien
 de propre , que de qu'il esperoit
 obtenir apres ceste vie mortelle.
 Et apres qu'il eut bien disposé, &
 deliuré tous ses subiets de l'erreur
 ancien de leurs ancestres, & les eut
 fait seruiteurs de celuy, qui de son
 precieux sang nous a rachetez de
 la maligne seruitude, par apres s'e-
 studia à la vertu de benificence &
 misericorde. Car ia auoit-il acquis
 pudicité & iustice, portant le dia-
 dème de chasteté, & vestu du pour-

Psalm.
 38.

456 HISTOIRE DE BARLAAM

pre de iustice. Donc il confideroit l'instabilité des richesses de ce monde imiter le cours des caïes des riuieres : & partant il s'estudioit les ferrer, où ny la rouille, ny la teigne n'ont puissance, & où les laçons ne peuuent fouyr & defrober. Et se mit à distribuer aux pauvres tous ses thresors, n'espargnant or ny argent. Car il scauoit, que celuy qui auoit receu grande authorité & puissance, doit imiter selon son pouuoit. le donneur de puissance: Et en occy principalement il imitera Dieu, s'il n'estime chose tât que misericorde. Et partant faisoit amas des richesses de misericorde. (plus que d'or & pierres) lesquelles resiouyffent icy par l'esperance du repos à venir, & delectent à l'autre monde, par l'epreuë & goust de la beatitude esperée. Pareillement visitant les prisons & cachots; & ceux qui estoient enfermez aux minieres, se courroit vn chacun, leur baillant largement du sien. Il estoit pere de

Mat. 6.

Les imitateurs de Dieu n'estiment rien plus que les oeuvres de misericorde.

tous orphelins & veufues, & pere tresaimé & benin des necessiteux: estimant qu'il faisoit bien à soy-mesmes, quand il secouroit les autres. Car comme il fust riche d'esprit, & liberal, & vrayement Royal, il donnoit liberalement à tous indigens, esperât en recevoir maintes recompenses au temps de la retribution des œuvres.

Or sa renommee s'espendant en bref de toutes parts, tous iournellement venoient à luy à la foule, cōme attraiçts de l'odeur de quelques ongens & parfums, pour estre releuez de la pauureté, tant du corps que de l'ame, & ne parloit on que de luy. Car crainte ne cōtrainte n'artiroit le peuple, ains amour, & vraye dilection de cœur qu'on luy portoit, qui estoit infuse de Dieu és cœurs de chacun, & par le moyen de sa treshonneſte & ſaincte conuerſation. Dauantage les ſubiets meſmes de ſon pere adheroient à luy plus toſt qu'à leur Prince, renōçans à toute Idolatrie

458 HISTOIRE DE BAREAAM
 & embrassans le saint Euangile.
 Et ainsi la maison de Iosaphat
 croissoit & renforçoit, & celle
 d'Auennir decheoit & s'affoi-
 blissoit, comme narre le
 liure des Roys des
 maisons de Da-
 uid & Saül.

1. Reg.
 18.

Le Roy





*Le Roy Auennir se recognoist: prend les
Chrestiens en amour: appelle son fils,
qui luy declare les poinçts de nostre
Foy.*

Chapitre. 34.



LE Roy Auennir consi-
derant ces choses, & fi-
nalement les goustant,
condamna la foiblesse
& vaine seduction de
ses faux dieux: & appellant les pre-
miers de son Conseil, leur dist ce
qu'il auoit pourpensé. Et tous tom-
bans en mesme opinion (car l'O- Luc. 2.
rient d'enhaut, c'est à dire le Sau-
ueur, les auoit visitez par les prie-
res de son seruiteur Iosaphat) le
Roy conclud d'en aduertir son fils.
Et partant le lendemain luy escri-
uit vne lettre en ces termes.



*Le Roy Auennir à son trescher fils
Isaphat, Salut.*

TRescher fils, maintes cogitations saisissans mon ame, l'ont troublée merueilleusement. Car voyant nostre religion s'esuanouyt comme fumée, & la tienne reluire comme le Soleil, i'ay cogneu que les remonstrances que tu m'as faites, sont veritables: sçauoir est, que les profondes tenebres de peché & impieté m'envelopoyent, de sorte que ie ne pouuois contempler la verité, ny recognoistre le Createur de toutes choses. Et dauantage i'ay clos les yeux, & n'ay voulu regarder ceste lumiere si resplendissante que tu m'as montré. Je t'ay esté fort rigoureux, & malheureusement (hélas) i'ay occis grand nombre de

*Le Roy
Auennir
con-
fesse son
peché.*

Chrestiens, lesquels confortez de la grace inuincible de Dieu, combattans iusques a la mort, ont vaincu. Et maintenât ceste espede nuee ostee de deuant mes yeux, i'apperçoy quelque lumiere de verité, combien que petite, & si me saisit vn çuisant repentir de ma vie, & œuures precedentes. Mais vne autre mauuaise nuee de desespoir s'esleuant, s'essaye d'obscurcir ceste lumiere, proposant la multitude de mes pechez, & que ie suis abominable à Iesus Christ, & qu'il ne me receura point, ayant esté comme apostat & son ennemy. Et sur cecy, mon trescher enfant, fay moy entendre ton opinion, & m'enseigne que ie dois faire, & me donne cognoissance de ce qui m'est expedient à salut. Adieu.

Iosaphat ayant receu & leu ceste lettre, fut saisy de grande ioye & admiration: & soudain entrant en son cabinet, se prosterna deuant l'image de nostre Seigneur, & fondant tout en

Se prosterner deuant l'image de Iesus

*Christ pour le
prier &
remer-
cier, est
chose
louable
& an-
cienne.*
Psal.
144.
Psal.
105.
& 113.

larmes, rendit graces à Dieu, & confessant la bonté de Dieu, & ou-
rant les leures de liesse & exulta-
tion, à la louange de Dieu, dist
l'Hymne qui s'ensuyt:

Je t'exalteray, Dieu mon Roy,
& beniray ton nom de siecle en
siecle. Seigneur, tu es grand, &
grandement louable, & ta gran-
deur est sans fin. Et, Qui recitera tes
puissances, & fera entendre toutes
tes louanges, qui as conuertý la
pierre en estangs d'eauës, & le ro-
cher en fontaines d'eauës? le cœur
de mon pere, plus dur que pierre,
par ta grace & bonté s'est amolly
comme cire: Car il est en ton pou-
voir susciter de la pierre des enfans
d'Abraham. Je te rends graces, Sei-
gneur, amateur des hommes, Dieu
de misericorde, de ce que tu as
longuement soustenu, & soustiens
patiemment nos excez & pechez,
& iusques à ceste heure, tu ne nous
as point punis. Car nous estions ia-
dis digne d'estre reiettez de ta face,
& d'estre notez d'infamie par tout.

Matth.
3.

le monde, comme ces tresmeschans
habitateurs des cinq citez, bruslez
& cōsommez de feu & souffre mais
ta grande patience a vſé de miseri- *Gen. 19.*
corde enuers nous. Je te rends gra-
ces humblement, moy indigne, en-
cores que ie ne sois ſuffisant à glo-
rifier ta bonté. Je prie tes inestima-
bles misericordes, Seigneur Iesus
Christ, Fils & Verbe inuisible du
Pere, qui as produit toutes choses
de ta parole, & les contiens de ta
volonté: Qui estant couché sur la
Croix, as lié le fort, & donné l'he-
ritage eternal à ceux qui estoient
liez sous luy: Estens maintenant ton
inuisible main, operatrice de toutes
choses, & deliure parfaictement ton
seruiteur, mon pere, de ceste cruel-
le captiuité du Diable, & luy mon-
stre avec effect, que tu es tousiours,
vray Dieu, & seul Roy eternal &
immortel. Regarde d'œil propice
& misericordieux la contrition de
mon cœur, & selon ta veritable
promesse assiste moy, te cognois-
sant & cōfessant Createur & prou-

Ioan. 4.

uoyeur de toute creature. Fay de-
couler en moy ton eauë viue &
saillainte, & me soit donnee paro-
le en l'ouuerture de ma bouche, &
entendement bien fondé en toy,
souueraine pierre angulaire, à ce
que moy ton seruiteur inutile, se
puisse annoncer, comme il appar-
tient, à mon pere le mystere de ta
dispensation, & le separer par ta
vertu de l'erreur vain des Diables
malins, & l'amener à toy, Dieu &
Seigneur, qui ne veux nostre mort,
ains attends nostre conuersion, &
penitence, qui es glorieux de siecle
en siecle. Amen.

Ainsi pria Iosaphat, & ayant re-
ceu assurance d'obtenir de Dieu
ce qu'il desiroit, & se confiant en
la misericorde d'iceluy, se hasty de
venir en Royale magnificente au
Royaume de son pere. Mais aussi-
tost que son pere entédit sa venuë,
soudain va au deuant de luy, l'em-
brassa estroittement, le baïsa dou-
cement, & demena grande ioye, &
celebra vne solennité bien grande

pour la venue? Par apres ils s'assemblerent à part. Mais qui pourra reciter ce que le fils dist au pere, & avec combien grâde Philosophie? Quel autre propos, dis-je, sinon ce qui luy auoit esté inspiré du saint Esprit, par lequel les pefcheurs ont amorcé & prins tout le monde, & les gens ignares & sans lettres sont plus sages que les sages? Par la grace du mesme, Iosaphat, illustré de sapience, parloit à son pere, l'illuminant de la lumiere de science. Vray est qu'an precedent il auoit bien pené & trauaillé pour le retrait de l'erreur superstitieux de ses idoles, n'oubliant rien pour cest effect: mais vainement il chantoit le cantique, lequel il recitoit à l'oreille de cestuy qui ne l'escoutoit point. Mais quand Dieu regarda l'humilité de son seruiteur Iosaphat, exauçant son oraison, soudain il ouurit la porte close de l'oreille de son pere (car il fera, dit Dauid, la volonté de ceux qui le craignent, & exaucera leur

oraison :) : alors . facilement . le Roy entendit ce que luy estoit dit par son fils : de sorte que Iosaphat trouuant le temps & l'occasion à propos , par la grace de Dieu remporta victoire des malins esprits, qui auparavant aubyent asseruy & subiugué l'ame de son pere, & le deliura entierement de tout erreur, & luy notifioit apertement la doctrine de salut, & le reconcilioit au Dieu vivant & Cieux . . .

*Iosa-
phat ca-
techise
son pe-
re.*

Prenant donc son propos dès le commencement, luy recita les choses grandes & merueilleuses, qu'il ne scauait, & n'auoit entendues de l'oreille du cœur. Luy dist les œuvres de Dieu, & luy monstra la pieté de la foy, & qu'il n'y a autre Dieu là haut au Ciel, ny çà bas en terre, sinon vn Dieu Pere, Fils, & saint Esprit. Dauintage luy declara plusieurs mysteres de Theologie. Et après luy fit entendre l'origine de la creature visible & invisible, comme Dieu crea tout de rien, & forma l'homme selon son image &

semblance: & l'ayant doué le liberal arbitre, le fit participant des biens qui estoient au Paradis terrestre, luy defendant seulement manger du fruit de l'arbre de science: mais ayant contreuenue à ce commandement, le chassa de Paradis. Dont le genre humain estant decheu de la familiarité qu'il auoit à l'endroit de Dieu, tomba en plusieurs erreurs, seruant à peché, & suiet à la mort par la tyrannie du Diable: lequel s'affuiettissant vne fois les hommes, les fit entièrement oublier Dieu, & leur persuada de le seruir, par l'exécrable adoration des Idoles.

Or Dieu qui nous a formez, estant meue de misericorde, de la volonté du Pere, & cooperation du saint Esprit, à voulu naistre en ce monde de la sainte vierge Marie: & celuy qui estoit impassible, a souffert: & ressuscité le tiers iour, nous a deliurez de la premiere peine, & nous a honorez de tresgrande gloire. Car il nous esleua avec

468 HISTOIRE DE BAREAAM
 soy au Ciel, montant d'où il estoit
 descendu. Et croyons encores qu'il
 reuiendra, pour ressusciter sa crea-
 ture, & rendre à chacun selon ses
 œuvres. D'avantage luy recitoit les
 biens ineffables, & le Royaume des
 Cieux, préparé pour ceux qui le
 meriteront: & d'autre part luy pro-
 posoit les tourmens qui attendent
 les meschans, comme le feu qui ne
 s'estaint, tenebres exterieures, ver-
 immortel, & toute autre espece de
 tourmens, qu'ils se sont thesauri-
 sez, seruans à peché. Discourant ce
 que dit est, par plusieurs paroles,
 testifiant abondamment que le
 saint Esprit estoit en luy, & reci-
 tant l'inuestigable mer de la beni-
 gnité de Dieu, & comme il est
 tousiours prest de recevoir à peni-
 tence le pecheur conuerty, & qu'il
 n'y a aucun peché qui surmonte sa
 misericorde, pourueu que veuil-
 lions faire penitence, confirmant
 ce par maints exemples & autho-
 ritez de l'Escripture, finit son pro-
 pos.

*Il n'y a
 peché
 qui sur-
 monte la
 miseri-
 corde de
 Dieu.*



*Auen-
nir conuerty à la foy, demolit les
Idoles, & conuertit leurs temples en
Eglises de Dieu: & apres auoir fait
penitence quatre ans, meurt sainte-
ment.*

Chapitre. 35.



LE ROY men à compun-
ction pour les remon-
strances de son fils, re-
cognoist & confesse
publiquement, que
Iesus Christ est le Sauueur: & re-
nonçans à l'erreur des Diables,
adora deuant tous la Croix, & en
publique audience maintint no-
stre Seigneur Iesus Christ estre
le vray Dieu: & recitant son im-
pieté precedente, & detestant les
homicides & cruauitez dont il a-
uoit vſé contre les Chrestiens,
apporta par sa conuersion vn
grand accroissement à la Religion

*Le Roy
Auen-
nir ado-
re pu-
blique-
ment la
Croix.*

Chrestienne; de sorte qu'on voyoit en luy accomplir ce qu'à dit Saint Paul, Où iniquité a abondé, là a abondé grace.

Et Iosaphat faisant vn long discours de Dieu, & de la pieté de la foy deuant les Princes & Capitaines & tout le peuple, la grace du saint Esprit suruenant les excitoit tous à glorifier Dieu, tous crians comme d'une mesme voix, Grand est le Dieu des Chrestiens : Il n'y a autre Dieu que nostre Seigneur Iesus Christ, avec le Pere, & le saint Esprit.

Auennir donc remply de diuin zele, se mit à jeter par terre les Idoles d'or & d'argent qui estoient en son Palais; & les mettant en pieces, les departit aux pauvres, faisant ainsi profitables les choses qui estoient inutiles. Et si avec son fils demolit entierement les temples des Idoles, & les autels qui estoient à l'entour, edifiant Eglises & Oratoires au nom de Dieu; & en fit le mesme par tout

Eglises

& Oratoires

1617es

son Royaume. Et les malins esprits, *con-*
 qui estoient chassés de leurs ha- *struïste*
 bitacles, les laissoient à regret, *en l'hô-*
 crians & pleurans, & confessans *neur de*
 que la vertu de Dieu est inexpu- *Dieu.*
 gnable. Ainsi toute la region d'a-
 lentour, & les multitudes des na-
 tions voisines estoient conduites
 comme par la main à la sainte foy
 de Iesus Christ. Alors l'Esuesque,
 dont ~~on~~ fait mention cy dessus,
 estant appelé, cathechissa le
 Roy Auennir, & fut baptisé au
 nom du Pere, du Fils, & du saint *Auennir*
 Esprit, & son fils le tint sur les fôts: *estant*
 & chose du tout nouvelle, fut *baptisé,*
 pere de son pere, & fut autheur à *son fils*
 celuy qui l'auoit charnellement *le sien*
 engendré, de regeneration spiri- *sur les*
 tuelles. Car il estoit fils du pere *fonta.*
 celeste, & vraiment fruiet tres-
 diuin de la diuine racine: de ceste
 racine (dis-je) qui crie; Je suis la *Ioan. 15*
 vigne, vous estes les rameaux.
 Or le Roy estant ainsi régéné-
 ré par eau & le saint Esprit, se
 reliquysoit grandement. Et à son

*Le peu-
ple par
le Ba-
ptisme
obtient
santé de
corps &
d'ame.
Eglises
reedifi-
ees Euef-
ques re-
mis en
leur d'au-
thité*
 exemple toute la ville & les re-
gions adiacentes se firent bapti-
ser, & deuiendrent enfans de lu-
miere, ceux qui au precedent es-
toient en tenebres. Et toute lan-
gueur & calamité venant de la
part des diables, estoit chassée
des croyans, & obtiendrent santé
de corps & d'ame. Et se faisoient
plusieurs autres miracles, à la cõfi-
mation de la foy. Pareillement les
Eglises autrefois abbatques se ree-
dificioient, & les Euefques qui s'e-
stojent cachez pour éviter la fa-
reur des Gens, sortoient en lu-
miere, & reuenoient en leur Eglie-
ses, & prenoit-on d'autres Prestres
& Religieux, pour mettre es Eglie-
ses qui estoient sans pasteur, pour
entretenir le troupeau de Iesus
Christ.

Or le Roy Auennir ayant, com-
me dit est, renoncé à sa meschante
vie premiere, & faisant penitence,
delaisa à son fils son Royaume &
Principauté, & se retira en son
logis, vivant solitairement, &

iettant tousiours poudre & cendre sur sa teste, souspiroit & gémissoit sans cesse. Et se lauuant de ses larmes, parloit seul à celuy qui est seul present en tous lieux, luy requerant remission de ses pechez. Et se plongea en tel abyisme de repentance & humilité, qu'il n'osoit de ses leures prononcer le nom de Dieu, & à peine le presumoit, son fils l'en exhortant. Es fut si excellemment changé, prenant le chemin qui meine à vertu, qu'il surpasseoit de pieté l'ignorance de ses iniquitez premières.

Or ayant perseueré quatre ans, viuant ainsi en penitence, & toute vertu, tomba en maladie, dont il mourut. Mais quand il approcha de sa fin, il commença à se frayer grandement, & tomba en vne grande anxiete d'esprit, se resouenant de maux qu'il auoit commis. Et Iosaphat avec paroles douces & consolatiues adoucissoit la griesue tristesse qui l'auoit

Psalm.
41. &
64.

Isa. 1.

*Isa-
phai co-
sile son
pere.*

saiky, luy disant : Mon pere, pour-
quoy es tu abbatu de tristesse , &
pourquoy te troubles tu ? Espere
en Dieu, & te confie en luy , qui
est l'esperance de tous les fins de
la terre, & loing en la mer , com-
me il a tesmoigné par son Prophe-
te , disant : Lavez-vous , soyez
nettoyez , ostez deuant mes yeux
le mal de vos pensees , cessez de
mal faire, & apprenez à faire bien.
Et si vos pechez sont comme ver-
millon , deuiendront blancs com-
me neige , & s'ils sont comme es-
carlatte , seront blanchis comme
laine. Et partant, mon pere , ne
t'effraye, & ne doute aucunemēt.
Car les pechez de ceux qui se con-
uertissent à Dieu, ne surmontent
point sa desmesuree bonté. Car en
quelque quantité que les pechez
soient, si sont ils sous mesure &
nombre : & la bonté de Dieu ne
reçoit ne nombre ne mesure.
Donc ce qui est subiect à mesure,
ne peut surmonter ce qui excède
toute mesure.

Iosaphat enchantant l'ame de son pere de ces paroles consolatives, le conforta grandement, & le fit entrer en bonne esperance de salut. Et par apres estendant ses mains, & le remerciant; luy souhaitoit tout bien; & benissoit le jour auquel il fut né; disant: Trescher fils, non mien, mais du Pere celeste, quelle recompense te feray ie? de quelles benedictions te beniray-ie? mais quelle action de graces rendray-ie à mon Dieu pour toy? Car iestois perdu, & ie suis trouué par ton moyen. I'estois mort en pechez; & ie suis resuscité. I'ay esté ennemy de Dieu & apostat: & ie suis reconcilié? Que te rendray-ie donc pour toutes ces choses? Ce sera Dieu qui t'en recompensera dignement. Ainsi parla Auennir, & souuent baisoit son fils. Et quand il sentit sa fin, dist: Tres benin Dieu, entre tes mains ie recommande mon esprit: & ainsi en penitence rendit l'ame à Dieu. Alors Iosa-

Luc. 15.

*Oraison
du Chro-
stien
quand
il meurt*

*Iosa-
phat
fait à
son pere
honora-
bles ob-
seques.*

phat pleurant le deces de son pere, & luy faisant obseques honorables, posant son corps es sepulchres des sainctes personnes, non point habillé comme Roy, ains couuert seulement de la haire de penitence. Et estant debout sur son tombeau, les mains esleuees au ciel, & fondant en larmes, pria Dieu disant:

Seigneur Dieu, ie te rends graces, Roy de gloire, seul puissant & immortel, de ce que tu n'as mesprisé ma priere & mes larmes: & qu'il t'a pleu conuertir ce tien seruiteur mon pece, de la voye d'iniquité, & latirer à toy sauueur de tous: & le separant & retirant de la superstition des Idoles, l'as fait digne de te cognoistre vray Dieu, & amateur des homes. Et maintenant, Siegneur Dieu, ayant vne mer ineuitable de bonte, colloquele en lieu de contentement & de repos, où resplendit la lumiere de ta face: & ne te souuienne de ses iniquitez anciennes, ains selon ta

*Priere
pour les
traspas-
sez.*

Psa. 78

grande misericorde efface l'obligation de ses pechez, & romps la chaîne de ces crimes, & le reconcilie à tes saints, lesquels il a fait mourir par feu & par glaive, & leur commande qu'ils ne tiennent point leur cœur contre luy. Car toutes choses sont possibles à toy, Seigneur de tout, sinon cecy seulement, n'auoir pitié de ceux qui ne se conuertissent à toy : car cecy t'est impossible. Car ta misericorde est espandue sur tous, & sauue ceux qui t'inuoquent, Seigneur Iesus Christ, & t'appartient toute gloire eternellement. Amen.

Telles oraisons & prieres offroit-il à Dieu par sept iours, ne s'esloignant aucunement du sepulchre, oubliant le boire & le manger, & ne dormant aucunement: mais arrousoit le pauc de larmes, & avec soursirs & gemissemens ne cessoit de prier Dieu pour son pere. Or le huiëtiesme iour reuenant au Palais, departit aux pauures tout son or & argent, de

Par l'espace de sept iours entiers, Iosaphat offre à Dieu prieres pour son pere trespassé

478 HISTOIRE DE BARLAAM
sorte qu'il ne restoit aucun qui
eust disette ou necessité. Et en
peu de iours espuisa en ces œuvres
tous ses thresors , à ce que le
monceau & charge d'argent
ne l'empeschast d'en-
trer par la por-
te estroite.





Iosaphat quarante iours apres le decez de son pere resigne sa couronne à Barachias : & prenant congé de son peuple, se retire és deserts.

Chapitre. 36.

LE quarantiesme ^{Quarantiesme} iour apres le de- ^{tain en} cez de son pere, ^{memoi-} Iosaphat ayant ^{re des} fait son seruice ^{tres-} solennel, & obse- ^{passer.} ques, conuoqua tous les Magistrats & Cheualiers, & des principaux des villes, & estant assis en throne, leur dist publiquement: Voicy comme vous auez veu, le Roy Auennir mon pere est mort, comme vn des pauvres, & ny les richesses ny la gloire Royale, ny moy-mesme, ny au-

480 HISTOIRE DE BARLAAM
cuns de ses parens & amis, ne s'a-
vons peu secourir ny exempter de
l'inevitable sentence de mort,
mais s'en est allé à ce iuste tribu-
nal rendre raison de la conuersa-
tion de la presente vie, ne menant
avec luy aucun pour le seconder,
si non ses œuvres, quelles qu'elles
soient. Et est chose certaine,
qu'autant en adviendra à tous les
hommes du monde, & ne se peut
faire autrement. Et partant es-
coutez moy, mes freres & amis,
peuple de Dieu, & saint heritage,
lesquels Iesus Christ a rachetez de
son precieux sang, & a deliurez de
l'erreur ancien & servitude du dia-
ble. Vous cognoissez ma conuer-
sation entre vous : comment de-
puis que i'ay cogneu Iesus Christ,
& ay esté estimé digne d'estre son
serviteur, hayssant toutes choses,
ie l'ay seul désiré: & que tout mon
desir estoit, que retiré de la tempe-
ste de ceste vie, & sequestre de tou-
te compagnie, seul ie conuersasse
avec luy, & en tranquille repos

2. Cor. 5

d'esprit ie seruisse à mon Dieu. Mais la contraction de mon pere m'a empesché, & ce commandement, par lequel est enioint d'honorer & obeyr à son pere. Et neantmoins moyennant la grace & ayde de Dieu, ie n'ay trauailé en vain, & n'ay inutilement passé ce temps. Car ie l'ay reconcilié à Dieu, & vous ay à tous persuadé de le recognoistre seul vray Dieu, & Seigneur de tous. Mais ce n'est moy qui l'ay fait, ains la grace de Dieu avec moy : qui pareillement m'a deliuré, & vous mon peuple, de l'erreur superstitieux, & de la seruitude des Idoles. Or est il temps maintenant, que ie mette en œuvre ce que i'ay promis à Dieu. Il est temps que ie m'achemine, où il me conduira, & luy rende les vœux que ie luy ay vouëz. Et partât regardez entre vous qui vous voulez pour Roy: car vous estes ia parfaits en la volonté de nostre Seigneur, & ne vous a esté rien celé de ces Commandemens.

1. Cor.

Deut. 5

15.

Iosaphat
quitte
son
Royaume.

43. HISTOIRE DE BARLAAM

Deu. 28 Cheminez en iceux , ne flechissans
2. Cor. à la dextre ne a la fenestre , & le
13. Dieu de paix sera avec vous.

Dés que le peuple entendit ce propos, il se fit soudain grand tumulte & tempeste , & tresgrand cry & confusion, chacun pleurant & lamentant la priuation de tel Prince. Et outre ces lamentations faisoient grands sermens, qu'ils ne le laisseroient point aller, & qu'ils le retiendroient , & ne permettroient point qu'il les abandonnast. Le peuple donc criant, comme il est dit, & tous les Princes, le Roy voulant appaiser son peuple, commandât silence leur dist, qu'il obeyroit à leur vouloir. Neantmoins estans licentiez, retournerent tous à leurs maisons, fort tristes & enuiez. Et luy appellant à part l'un de ses Princes, qui luy estoit cher par dessus tous autres, & admirable pour sa pieté de la foy, & honnesteté de vie, nommé Barachias (duquel a esté parlé cy deuant, quand Nachor, soy disant Barlaam

Iosaphat offre son Roy-aurne à Barachias.

Barlaam, disputa contre les Philosophes, qui seul se presenta pour luy assister en la dispute contre les aduerfaires de nostre foy, estant enflammé de zele de Dieu) le prioit trefardamment, qu'il prinst son Royaume, & regist le peuple avec la crainte de Dieu, à ce qu'il peust mettre en effect sa deliberation.

Mais quand il veit qu'il le refusoit tout à plat, disant : Sire, combien ton iugement est iniuste, & ton propos contre le Commandement de Dieu ! Car s'il t'est commandé aimer ton prochain comme toy-mesmes, pour quelle raison proposes-tu mettre sur moy la charge que tu veux laisser ? Car si c'est chose bonne régner, tiens ce qui est bon : mais si c'est mal & scandale à l'ame, pourquoy me l'imposes-tu, & me veux supplanter ? Iosaphat l'oyant ainsi parler & opiniastrer, se teut. Mais quand ce vint la nuict, fit vne lettre à son peuple, remplie de grande Philosophie, & conte-

Matth
22.

Luc. 10.

*Barachias
refuse
d'estre
Roy.*

nant toute pieté, ſçauoir eſt, quel-
 le foy ils doiuent auoir de Dieu, &
 quelle vie luy offrir, quels hymnes
 & action de graces. Par apres leur
 commanda ne prendre autre pour
 leur Roy que Barachias: & laiſſant
 en ſa chambre ceſte lettre, ſort ſe-
 cretement du chaſteau au deſceu de
 tous. Mais cela ne peut eſtre entie-
 rement celé. Car dés auſſi toſt que
 au poinct du iour il fut ſceu, le
 peuple fut grandement troublé, &
 demena tresgrand dueil: Et ſi tous à
 grand pas ſe mirent à le pourſuy-
 ure, faiſans tout deuoir d'empê-
 cher ſa fuyte. Et de fait, leur entre-
 priſe ne fut vaine. Car ayans occu-
 pé tous les chemins & ſentiers, &
 enuironnans les montaignes, &
 recherchant les vaux & cauernes,
 le trouuerent en fin en vn certain
 torrent, ayans les mains eſtenduës
 au Ciel, & diſant l'oraïſon de Sex-
 te. Or le rencontrans ainſi, pleu-
 rans & larmoyans, luy repro-
 choient ſa fuyte, & le prioient re-
 tourner. Mais il leur dit: Pourquoi

*Iſa-
 phat di-
 ſoit l'o-
 raïſon
 de Sex-
 te.*

vous trauallez vous pour neant? Et certes il ne faut plus vous attendre que ie demeure vostre Roy. Neantmoins cedant à leur instance & importunité grande, reuint au Palais: & ayant assemblé tout le peuple, leur declara sa resolution. Par apres il confirma son dire par ferment, que desormais il ne seroit vn iour passé avec eux. Car (dit-il) i'ay accompli mon ministere en vous, & n'ay rien obmis de ce qui vous estoit profitable à salut, testifiant à tous la foy de nostre Seigneur Iesus Christ, & vous montrant le chemin de penitence. Et maintenant ie vois me mettre au chemin que i'ay de long temps desiré, & vous tous ne verrez plus ma face. Et pour ce ie vous certifie aujourd'huy (comme le diuin A-*act.* postre) que ie suis net du sang de *20.* vous tous. Car i'ay fait ce qui estoit en moy, pour vous annoncer tout le conseil de Dieu.

Le peuple entendant ce propos, & scachât la fermeté de sen inten-

*Barachias est
ordonné
Royaume
gré luy.*

tion, & qu'il n'y auoit ordre ny moyen de le detourner de sa resolution, se lamentoit fort de telle separation: mais il ne voulut condescendre à leur volonté. Alors le Roy prenant Barachias, duquel il à esté fait mention, leur dist: Freres, ie vous ordonne cestuy-cy pour Roy. Et Barachias resistant à cecy tant qu'il pouuoit, neantmoins il l'installa malgré luy au throne Royal. Et luy posa le diademe en teste, & luy mit au doigt l'anneau Royal: & estant debout vers Soleil leuant, fit pour luy prieres à Dieu, qu'il retint constamment la foy de Iesus Christ, & trouuast la droicte voye selon les Commandemens de Dieu. Pria pareillement pour tout le Clergé, & tout le troupeau & heritage, & demanda à Dieu ayde & salut pour eux, & que tout ce qu'ils desireroient, il le leur donnast à leur vtilité.

Sa priere acheuée, comme il est dit, se tournant, dist à Barachias: Voicy, mon frere, ie te dis ce que

fit iadis le saint Apostre. Prends garde à toy, & à tout le troupeau, sur lequel le saint Esprit t'a mis Roy, pour entretenir & gouverner le peuple que Dieu a racheté de son sang. Et tout ainsi que deuant moy tu as cogneu Dieu, & l'as seruy de conscience pure & nette, ainsi maintenant prens peine plus soigneusement de luy complaire. Car tant plus tu as receu de Dieu principauté grande, tant plus tu es tenu à luy rendre plus grand compte. Et partant rends à ton bienfacteur le deuoir d'action de graces, gardant les saints Commandemens, & fuyant toute voye qui conduit à perdition. Car comme en matiere de nauigation, quand vn des rameurs fait faute, cela porte peu de dommage aux marchans : mais si c'est le pilote qui s'oublie, il est cause de la perte entierement du nauire : de mesmes est-il en matiere de Royaume. Car si quelqu'un des suiets offense, il ne nuit tant au peuple qu'à soy mesme : mais si le Roy

Afl. 20.

*Les plus
grands
Sei-
gneurs
redront
plus
grand
compte
deuant
Dieu.
Simili-
tude.*

commit la faute, il est cause de la
 ruine de toute la Republique. Et
 partant comme ayant à soustenir
 grandes peines, si tu obmers quel-
 que chose qui appartienne à ton
 office & charge, conserue toy en
 bien avec toute diligence, ayant en
 detestation & haine toute volupté
 t'attirant à peché. Car l'Apostre
 dit, Suyez paix avec tous, sans la-
 quelle nul ne verra Dieu. Confide-
 re le cercle des choses humains,
 comme il tourne en rond; & les
 porte & tourne çà & là de con-
 traire façon; & au changement su-
 bit d'icelles ayes vne sainte cogi-
 tation immuable: Car varier &
 changer avec le changement des
 choses, c'est indice d'inconstance
 d'esprit. Mais de ta part, sois fiché
 & arresté en bien, & du tout sta-
 ble. Ne t'esleue de vain orgueil
 pour la gloire temporelle, mais
 avec ta pensée nettoyée considere
 la vileté de ta nature, & la bresue-
 té de ceste vie, & la mort couplee
 à la vie. Et pensant ces choses, tu

Héb.

11.

ne cherras en la fosse d'orgueil,
ains craindras le vray Dieu & Roy
celeste, & ainsi tu seras heureux.

Car, comme le Psalmiste dit, Heu- *Psal.*
reux sont tous ceux qui craignent *127.*
Dieu, & qui cheminent en ses
voyes. Et, Heureux l'homme qui *Psal.*
craint Dieu: il s'estudiera à obser- *111.*
uer ses Commandemens.

Or escoute quels commande-
mens tu dois garder en premier
lieu. Heureux sont les misericor-
dieux, par ce qu'ils receurent mise-
ricorde. Et, Soyez misericordieux,
ainsi que vostre pere celeste est mi-
sericordieux. Car ceux qui sont es-
leuez en grandes Principautez, doi-
uent plus que tous autres garder
ce commandement. Et certes ce-
luy qui a receu la plus grande
puissance, doit selon son pouuoir
imiter celuy qui la luy a donnee.
Or en cecy principalement il i-
mitera Dieu, s'il n'estime rien
preferable à misericorde. Da-
uantage, il n'y a rien qui attire
tant le subiect à bien-ueillance

Matt.
5.
Luc. 6.

Rien ne
attire le
subiect
à bien-

*ueillance
ce, que
la cha-
rité fai-
te de bon
cœur au
pauvre.*

*Dieu se
monstre
ra tel
enuers
nous, que
nous au-
rons esté
enuers
nostre
pro-
chain.*

comme la charité faite de bonne
volonté à l'indigent & pauvre. Car
le seruice qui se fait par crainte, est
vne flatterie couuerte, deceuât par
feint nom d'honneur ceux qui s'y
arrestent: & celuy qui obeyt enuis
& malgré luy, quand l'occasion
s'offre, esment sedition: mais celuy
qui est estraint des liens de bien-
ueillance & amitié, porte vne o-
beissance vraye & ferme à son Prin-
ce. Et partant dōne facilement en-
tree à l'indigēt, & ouure les oreil-
les aux pauvres, à ce que tu trou-
ues pour toy l'oreille de Dieu ou-
uerte. Car nous trouuerons Dieu
tel enuers nous, que nous l'aurons
esté enuers nos confreres & serui-
teurs: & comme nous aurons ouy,
nous serons ouys: & comme nous
regarderons, nous serons regardez
de l'œil diuin tout voyant. Preue-
nons donc la misericorde par mi-
sericorde, à ce que pour semblable
nous receuions le semblable.

Mais escoute encores vn autre
commandement conioinct au pre-

mier. Delaissez, & il vous sera de- *Marc.*
 laissé. Et, Si vous ne pardonnez *11.*
 aux hommes leurs fautes, vostre *Matt.*
 Pere celeste ne vous pardonnera *6.*
 point vos pechez. Et partant tu ne
 retiendras point la memoire de
 l'iniure contre les delinquans, mais
 demãdant remission de tes pechez,
 pardonne pareillement à ceux qui
 pechent contre toy: par ce que re-
 mission se recompense par remis-
 sion, & la reconciliation enuers
 nos conseruiteurs, se recompense
 par la reconciliation de Dieu vers
 nous: Comme au contraire nostre
 dureté contre les pechans, fait que *Qui fait*
 pardon est denié à nos pechez: cõ- *que*
 me tu oys ce qui est aduenü à celuy *Dieu*
 qui deuoit dix mille talens. Car son *vous de-*
 inmisericorde vers son conserui- *nie par-*
 teur fit que sadite debte qui luy a- *don.*
 uoit esté remise, luy fut redeman- *Matt.*
 dee. Et pour ces raisons nous de- *18.*
 uons prendre soigneusement gar-
 de, que le mesme ne nous aduienne:
 Ainçois delaissons toute debte, &
 mettons hors du cœur toute ire &

492 HISTOIRE DE BARLAAM

malueillance, à ce que pareillement le grand nombre de nos pechez nous soit remis. Apres toutes ces

1. Tim.

1. Co 3.

choses, & deuant toutes choses, garde le bon depost, sçauoir est la sainte doctrine de la foy que tu as apprise, & que nulle zizanie d'heresie ne pullule en toy : mais garde la semence diuine munde & sans dol, à ce que tu en rendes à Dieu le fruit multiplié, quand il viendra demander compte de ce que chacun aura fait en ceste vie, & rendre à tous selon les œuvres : quand les iustes resplendiront comme le Soleil, & les tenebres d'éternelle confusion enuelleront & accableront les pecheurs. Et maintenant, mes freres, ie vous recommande à Dieu, & au Verbe de sa grace, qui vous peut redifier, & vous donner heritage avec tous les sanctifiez. Et disant ces choses, mettant ses genouils en terre, pria dorechef. Et se leuant, baïsa Barachias, qu'il auoit désigné Roy, & tous les Magistrats.

Matt.

23.

Matth.

23.

Alors certes aduint vne chose
digne de larmes. Car l'environnans
tous, tout ainsi que si leur vie n'eust
esté que d'estre avec luy, & que dés
aussi tost qu'il seroit, separé d'eux,
ils perdroient pareillement la vie,
qu'omirent-ils à dire, qui peust ay-
der à l'induire à miséricorde? ou
que laisserent-ils de reste d'une ex-
treme lamentation? Ils le baisoient
ils embrassoient estroitement: *Regrets*
l'extrémité de douteur les rendoit *du peu-*
comme hors de sens. Malheur sur *ple pour*
nous, disoient-ils, de ceste tresdu- *le par-*
re calamité. Ils l'appelloient Sei- *tement*
gneur, Pere, Sauueur, bienfacteur. *de Iosa-*
Par toy, disoient-ils, nous auons *phat.*
reçeu Dieu, sommes deliurez
d'erreur, & auons trouué repos de
tous maux. Que ferons nous donc
apres ton partement? Quels maux
ne nous aduiendroient-ils? Disans
telles choses, battoient leur poi-
trine, & deploroient la cala-
mité qui leur estoit suruenüe. Mais
Iosaphat appaisa leur souspirs avec

parole de consolation, promettant qu'il seroit avec eux d'esprit, ce qui luy estoit desormais impossible de corps. Et apres, deuant tous, sortit du Palais. Mais tous sortirent pareillement avec luy, promettans qu'ils ne retourneroyent plus à la ville, & qu'ils ne la verroyent plus. Mais dès qu'ils furent hors la ville, luy les admonnestant avec rigoureuses paroles, & les reprenant aigrement, à peine en fin se separerent de luy, & retournoient fort à regret, tournans souuent les yeux derriere eux, n'aduifans point à leurs pieds : mesmes quelques vns des plus ardens le suyuoient de loin, pleurans iusques à ce que la nuit vint, qui les separa les vns des autres.



Iosaphat cheeminant par les deserts , ne trouue que des herbes à manger, dont il prenoit sa refection. Le diable luy dresse plusieurs embusches & combats , dont il se defend avec le signe de la Croix.

Chapitre. 37.



Onc Iosaphat sortit de cœur ioyeux, comme celuy qui retourne en son pays d'un exil lointain, & estoit vestu par dehors de ses habits accoustumez , & par dessous auoit cest accoustrement de haire que Barlaam luy auoit baillé. Donc la premiere nuit se logeant chez vn pauvre homme , despouilla ses habillemens, & les donna à son hôte pour sa derniere aulmone. Et

Iosaphat abandonnant son Royaume prend le chemin des deserts.

ainsi par les oraisons de ce pauvre,
& de plusieurs autres, faisant Dieu
son adiuteur, & se reuestant de sa
grace & ayde comme d'un veste-
ment de salut, entreprint ainsi la
vie solitaire & Heremitique, ne
portant avec soy ny pain ny caue,
ny autre viande quelconque, &
n'estoit vestu que de ceste rude rob-
be & haire cy dessus mentionnee.

Car estant nauré en son cœur d'un
certain incredible desir & amour
diuin de l'immortel Roy Iesus
Christ du tout desiré, estoit du
tout hors de soy, tout emporté
vers Dieu, & embrasé de sa diui-
ne charité. Car, cōme dit le Sage,

Canti. 8

Dilection est forte cōme la mort:
tant il estoit enyuré du diuin a-
mour, & brusloit de soif vehemē-

Psp. 41

te, selō que dit le Prophete: Cōme
le cerf desire les fontaines d'eaues
ainsi mon ame aspire à toy, mon
Dieu. Mon ame a soif de toy, Dieu
viue fontaine. Et cōme l'ame nau-
roe de pareille dilection, crie aux
Cantiques des cantiques, Je suis

nauree de charité , & autre part
monstre moy ta face , & fay que *Canti. 2*
i'oye ta voix. Car ta voix est dou-
ce, & ta face tres belle.

Les Apostres & Martyrs enflam-
bez de l'amour de la beauté ineffa-
ble de Iesus Christ, comme de feu,
mesprisoient toutes choses visi-
bles, & ont preferé vn million de
tourmens , & mille genres de
mort à toute vie temporelle , ai-
mans la beauté diuine, & conside-
rans la tresgrâde dilection du Ver-
be de Dieu vers nous. Or com-
bien que noble de corps , neant-
moins plus noble & Royal de l'a-
me, receuant le mesme feu en soy-
mesmes , mesprisoit toute chose
terrestre, & foulloit des pieds tou-
tes les voluptez corporelles : Ne
faisoit cas des richesses & gloire,
& de l'honneur du monde : Posa
le diademe & pourpre, les estimât
choses plus viles que toile d'Arai-
gne , & s'abandonna prompte-
ment a toutes peines & labeurs de *Psa. 62*
la vie Heremetique, criant : Mon
ame s'est arrestee à toy , Seigneur

498 HISTOIRE DE BARLAAM

Jesus, & ta dextre m'a receu. Et ainsi entrant és profonds descées indeclinablement, & s'estant deschargé de la confusion des choses temporelles, comme d'un gros fardeau, & dure chesne, se resiouissoit spirituellement : & contemplant son bien-aimé & désiré Iesus Christ, crioit à luy, comme s'il eust esté present, & eust escouté sa voix, disant :

Psalm.

118.

O Seigneur Dieu, que mon œil ne voye les biens de ce monde, & que mon esprit desormais ne s'esleue plus pour la vanité presente: mais remply mes yeux de larmes spirituelles, adresse mes pas, & me monstre ton seruiteur Barlaam: monstre moy celuy qui par ta grace m'a esté auteur de salut, à ce que par sa diligence & adresse i'apprenne l'exercice de ceste vie solitaire, de crainte que pour l'ignorance de combattre, ie ne sois surmonté de l'ennemy. Donne moy, Seigneur, la grace de trouuer le chemin, par lequel ie iouysse de

roy : car mon ame est naturee de ton amour , & suis alteré de toy, fontaine de vie & salut.

Iosaphat ordinairement meditoit ces choses en soy mesme, & les disoit à Dieu, estant vny à luy par oraison & treshaute contemplation : & ainsi cheminoit diligemment droict à l'habitation des Saints, desirant tost paruenir où demeueroit Barlaam : & mangeoit des herbes qui croissoient es deserts. Car il ne portoit avec luy que son corps, & le drap duquel il estoit couuert : & pour son viure, prenoit des herbes sauuzges , encores en fort petite quantité. Mais l'eauë luy defailloit entierement, estant le desert sec & sans eauë. Et partant estant ia sur le midy, que le Soleil estoit le plus ardent & eschauffé, poursuyuant son chemin, il estoit plus fort alteré en region, où n'y auoit point d'eauë, & estoit pour cela extremement affligé. Mais son desir surmontoit nature, & la soif dont il desiroit Dieu, ar-

*Incredi-
ble ab-
stinence
& pau-
ureté de
Iosa-
phas.*

300 HISTOIRE DE BARLAAM
rousoit la flamme de la soif corporelle. Or le diable enuieux & ennemy des hommes, ne pouuant cōpatier telle resolutiō en ce ieune homme, & si tresardente dilection de Dieu, luy suscita maintes tentations par les deserts, luy remettant en memoire son estat Royal, & l'assistance de tant de seruiteurs, d'amis & de parens, & les autres consolations & plaisirs de ceste vie. Par apres luy proposoit l'aspreté de vertu, & ses sueurs & infirmité de corps, & qu'il n'auoit accoustumé telle pauureté & misere. N'oubloit aussi à l'effrayer de la longueur du temps, & de la necessité de la soif presente, & que mesme il ne falloit attendre ny esperer aucune cōsolation de si grād leueur ny fin. Et de faict, luy excita grande poudre de pensees en l'entendement, comme il est escrit de S. Antoine. Mais quand ce cauteleux se veid trop foible & debile pour renuerser sa constance (car le ieune homme meditant tousiours

*Les as-
sauts du
diable
cōtre le
saphat.*

Iesus Christ, & bruslant du desir de luy, & conforté de bonne esperance, & appuyé de foy, ne faisoit cas des suggestions) il fut tout cōfus, se voyant abbattu & vaincu de la premiere enuahie. Et partant print vn'autre chemin (car il a plusieurs sentiers & moyēs pour ex-cuter sa malice) & taschoit de le ruer ius par diuers phantōsmes & illusions, & le faire tomber en defespoir : maintenant luy appa-roissant tout noir, comme il est, tantost le faisoit l'espee nue au poing, menaçant de le frapper, s'il ne retournoit arriere soudainement : & par fois prenoit la forme de diuerses bestes sauvages, rugissant & mugissant horriblement contre luy. Par apres se transformoit en Dragon, Aspic & Basilic. Mais ce bon & vaillant champion ne s'en effrayoit aucunemēt, comme celu y qui auoit mis son refuge & esperance au tres haut : & veillant d'entendement, & se moquant du diable, disoit :

Le diable a plusieurs moyens pour ex-cuter sa malice.

*Constan
ce de lo-
saphat
côte les
tenta-
tions.*

O seducteur, ie sçay que tu es
qui m'excites ces tentations ; qui,
pareillement du commencement
as forgé telles choses contre le
genre humain, & es tousiours ma-
lin, & ne cesses de nuire. Mais que
ceste forme te sied bien ! Car en
ce que tu imites les bestes & ser-
pens, tu monstres euidentement,
combien ton esprit est tortu, & ta
volonté pestifere & pernicieuse.
Pourquoy donc, miserable que tu
es, entreprés tu choses qui te sont
impossibles ? Car dès que i'ay co-
gneu que ces terreurs & tentatiōs
estoiēt de ta malice, ie n'ay fait
cas de toy. Le Seigneur m'est en
ayde, & ie mespriseray mes enne-
mis. Et ie marcheray sur l'Aspic &
sur le Basilic, ausquels tu t'es fait
semblable. Ie te marcheray sur le
ventre, & du Lyon & du Dragon,
avec l'ayde & confort de mon
Dieu. Que tous mes ennemis
soient confus, & quils se retirent
vistement honteux. Disant ces
choses, & se courât du signe de

Psal.

117.

Psal. 90

Psal. 6

*Armes
impinci-*

la Croix (armes inexpugnables & *bles sont*
 inuincibles) abolit tous les pham- *le signe,*
 tosmes du diable. Car soudain les
 bestes & reptiles s'esuanouyrent
 comme fumee , & perirent ainsi
 que la cire se fond deuant le feu: Et *Psa. 67*
 luy estant fortifié de la vertu de
 Iesus Christ, cheminoient ioyeux,
 rendant graces à Dieu. Mais par
 les chemins il rencontra plusieurs
 bestes, Serpens & Dragons de di-
 uers genre, qui viuent és deserts,
 non plus phantastiques mais vray
 & viuans : & partant le chemin e-
 stoit plein de crainte & trauail.
 Mais luy de sa part surmôtoit tous
 les deux, repousant , comme dit
 l'Escripture, toute crainte par dile- *1. Ioa. 2*
 ction, & allegant le trauail par de-
 sir. Et ainsi estant trauaillé & rom-
 pu de plusieurs & diuerses incom-
 moditez & miseres par plusieurs
 iours, paruint en fin au desert de
 Sennaar, où demouroit Barlaam:
 où trouuant eau , il estaignit sa
 soif.



Iosaphat est deux ans à chercher Barlaam, & finalement le trouue par le moyen d'un Religieux, & vescuient ensemble par plusieurs annees.

Chapitre. 38.



O R Iosaphat demeura en ce desert deux ans entiers vagabond , sans trouuer Barlaam, Dieu esprouuât en ce la vertu de son courage , & la force de sa pensée , Et ainsi estoit à decouuert, le iour brulé du Soleil, & la nuit gelé de froid, cherchant sans cesse, comme vn riche thresor , le venerable veillard. Mais il soustenoit plusieurs tentations des esprits malins , & beaucoup de trauaux, pour la faute &

disette d'herbes, desquelles il vsoit pour son viure, par ce qu'il s'en trouuoit peu en ce desert, qui estoit sec & sterile. Mais ceste ame adamantine & inuincible, enflambee de l'amour de Dieu, plus facilement soustenoit ces miseres & aduersitez, que d'autres les voluptez & plaisirs: & partant ne fut destitué du secours diuin, ains selon la multitude de ses trauaux & douleurs, receuoit de son desiré Iesus, infinies consolations par visions, tant de iour que de nuict, qui resiouissoient son ame. Et deux ans accomplis, Iosaphat incessamment alloit çà & là, cherchant son bien desiré maistre, & prioit Dieu, espandant fleues de larmes, & criant avec gemissemens & souspirs: Monstre moy, Seigneur, monstre moy le guide de ta cognoissance, & l'autheur de si grâds biens, & pour la multitude de mes pechez ne me priue de si grâd bien, ains fay moy digne de le voir, & q' i'ensuyue l'austerité de la vie Monastique.

*Psa. 93
Iosa-
phat est
consolé
diuine-
ment.*

506 HISTOIRE DE BARLAAM

Or par la grace de Dieu il rencontra finalement vne cauerne, fuyant les pas de ceux qui y frequentoient, & y trouua vn Religieux, qui menoit vie heremetique, & l'embrassant & baisant doucemēt, le prioit fort de luy enseigner la demeure de Barlaam, luy declarant l'estat & discours de ses affaires. Et ayant sceu de luy l'habitation de celuy qu'il cherchoit, y paruint en peu d'heure, comme quand le veneur tres-expert fuyt la trace du Sanglier ou du Cerf: & ayant quelques enseignes de ce bon Hermite, cheminoit gaiement & fortifié d'esperance comme le petit enfant, esperant de long temps voir son pere. Car quand l'amour, qui est selon Dieu, distille en l'ame, il est plus ardent & fort sans comparaison que le naturel. Parvenu doncqu'il fut à la porte de la cauerne, & frappant, dist: Pere donne ta benediction. Et quand Barlaam entendit sa voix, il sortit de hors: & cogneut par reuelation du S.

*L'amour
selon
Dieu est
plus ar-
dent &
fort que
le natu-
rel.*

du Saint Esprit celuy, lequel il ne pouuoit bonnement cognoistre par le regard exterieur, à raison de ceste merueilleuse mutation & changement qui s'estoit fait en luy de sa beauté & florissante ieunesse. Car il auoit la face noire & bruslee de l'ardeur du Soleil, les cheveux longs, & estoit maigre & desfait, ayant les yeux enfoncez en la teste, les paupieres toutes seiches & bruslees de force de pleurer & de pauureté.

Iosaphat pareillement cogneut soudain son pere spirituel, par ce qu'il auoit mesmes lineamens au visage qu'au precedent. Et le vieillard soudain regardant vers Soleil leuant, pria, rendant graces à Dieu, Et sa priere acheuee, & l'Amen dit, *Rencont-*
 s'embrassent l'un l'autre, & se bai- *tre de*
 sans, se ferrent estreitement, & *Barlaam*
 à peine pouuoient assouuir la soif *& Ios-*
 en desir qu'ils auoient de longue *saphat*
 main. Et apres qu'ils se furent em-
 brasses & baisez suffisamment, &
 saüez, s'asseans se meirent à deui-

508 HISTOIRE DE BARLAAM
ser .Et Barlaam commençant le
propos , luy dist : Tu sois le bien
venu , mon bien aimé fils , fils de
Dieu, & heriter du Royaume cele-
ste, par nostre Seigneur Iesus Christ
lequel tu as aimé, & à bon dreict
l'as desiré sur toutes choses tem-
porelles & corruptibles. Et com-
me le sage & prudent marchand,
ayant vendu tout ton bien, as ache-
té la perle inestimable. Et ayant
trouué le thresor inuiolable caché
au champ des Commandemens de
Dieu, tu as tout donné, n'espargué
aucune de ces choses qui passent in-
continent, pour acheter ce champ
pour toy. Dieu par sa grace tedoint
pour les choses temporelles les e-
ternelles, & pour les corruptibles
les incorruptibles, & qui ne s'en-
uieillissent. Dy moy donc mō tres-
cher fils, comment tu es venu icy,
& comme tes affaires se sont por-
tees depuis mon partement, & si
ton pere a recogneu Dieu, ou s'il
perseuerencores en sa folie, & est
encores Idolatre, & sous le ioug du

Matt.

13.

Diable.

A ceste demande Iosaphat prenant son propos de plus haut, luy vint à reciter de poinct en poinct ce qui luy estoit aduenü, apres qu'il s'en fut allé, & comme nostre Seigneur luy auoit dressé tous ses affaires proprement, iusques à leur present rencontre. Et le vieillard entendant ce discours avec delectation & admiration, pleurans de ioye, disoit:

— Gloire à toy nostre Dieu, qui tousiours assiste & secours ceux qui t'aiment. Gloire à toy bon Iesus; Roy de tous, & Dieu tresbenin, de ce qu'il t'a pleu, que la semence, que tu as semee en l'ame de ton seruiteur Iosaphat, ait ainsi rapporté cent fois autant de fruct, digne de toy, l'agriculteur & Seigneur de nos ames. Gloire à toy bon cōsolateur, tressaint Esprit, de ce que tu as fait participant ce tien seruiteur de la grace que tu as faite à tes saints Apostres, & as deliuré par luy innumerables multitudes d'hommes de

l'erreur superstitieux les illuminât de la vraye cognoissance de Dieu.

Ainsi tous deux rendoyent graces à Dieu: & deuissans de ces choses, & s'eslouyffans de la grace de Dieu, le Vespere vint. Alors se leuans à praison, celebrent l'Office accoustumé. Et apres quād il fallut soupper, Barlaam prepara la table couuerte de viandes spirituelles, exempte de toute consolation sensuelle. Car il y mit des choux cruds queluy mesmes plantoit & cultiuoit, & quelque petite quantité de palmes, qui croissent és desertz, & des herbes sauages. Rendans donc graces, & mangeans ce qui estoit sur table, & puisans à la fontaine qui estoit deuant eux, leur boire, rendirent derechef graces à celui, qui ouure la main, & qui rassasie toute creature. Et se leuans de table, commencerent à dire leurs Matines: & icelles dites, reprindrent leurs colloques spirituels, conferans ensemble toute la nuict de propos salutaire, pleins de Phil-

Psal.
144.

*Les Religieux
d'autemps
passé disoient
Matines.*

loſophie celeſte, iuſques à ce que l'aube du iour les aduertit de ſe mettre en priere.

Or Ioſaphat demeura pluſieurs ans ainſi avec Barlaam, menant ceſte admirable, & plus qu'humaine conuerſation, l'aimant & honorant comme ſon pere & maſtre, & luy obeiſſant en toute humilité, & s'exerçant à toute eſpece de vertu, & apprenans tresbien à luitter & batailler cōtre les tresmalins eſprits. Et d'une part eſtaignit toutes paſſions, & d'autre part aſſuiettit l'aſſeſtion de la chair à l'eſprit, comme le ſerviteur à ſon maſtre, ayant mis en oubly toutes delices & repos. Et quant au ſomme & dormir, luy commandoit comme à un meſchant ſerviteur. Et pour en parler franchement, il eſtoit tant laborieux en ſa conuerſation, que Barlaam meſmes, qui auoit veſcu long temps en ceſte auſterité, s'en eſmerveilloit grandement, & cedit à ſa perſeuerāte inſtance. Car il ne prenoit de ce manger ſi auſtere, qu'au-

Grande auſterité des anciens Religiex.

112 HISTOIRE DE BAREAM
 tantqu'il luy en falloit pour vivre,
 de crainte que s'il mourroit violen-
 tement, il perdist le loyer de ses
 bonnes operatiōs. Et assuiettir tel-
 lement sa nature à veiller, comme
 s'il estoit sans corps & sans chair.
 D'auantage, sans cesse il vacquoit à
 oraison & œures spirituelles, &
 employoit tout le temps de sa vie
 en contemplations spirituelles &
 celestes, de sorte qu'il ne perdoit
 pas vne heure ny minute, depuis
 qu'il habitoit en ce desert. Car c'est
 vne œuvre de l'ordre vrayemēt Mo-
 nastique, n'estre iamais trouué oy-
 seux de pensee spirituelle. Chose
 que bien obtint ce fort champion,
 & brane coureur de la lice celeste,
 disposant tousiours du commence-
 ment iusques à la fin des montees
 en son cœur, & montant de vertu
 en plus haute vertu, & augmentant
 continuellement desir avec desir,
 & estude avec estude, iusques à ce
 qu'il paruint à l'esperce & desirée
 beatitude.

Œuvre
 vraye-
 ment
 Mona-
 stique.



Barlaam predit son trespas à Iosaphat,
 & le console : & sentant approcher
 l'heure de son decez, se munit du si-
 gne de la Croix, & rend ioyeusement
 son esprit à Dieu.

Chapitre. 39.



R Barlaam & Iosaphat
 conuersans, comme
 nous auons dit & com-
 batans ensemble d'hô-
 neste emulation, hors
 de toute sollicitude & perturbation
 seculiere, ayans leur ame pure &
 nettoyée de toute ordure, le vieil-
 lard, apres vne infinité de travaux,
 appella à soy son fils spirital, qu'il
 auoit engendré par l'Euangile, &
 luy tint le propos qui s'ensuyt.

Trescher Iosaphat, il falloit
 que du demeurasses en ce desert. Et

nostre Seigneur, comme vn iour ie le priois pour toy, me promet que ie te verrois deuant mon decez. Donc ie t'ay veu comme ie le desirois. Car ie te vois maintenant retiré du monde, & de ce qui est au monde, & contoinct à Iesus Christ de volonté inseparable, estant paruenue à la mesure de l'entiere perfection d'iceluy. Donc maintenant par ce que le temps de mon trespass est veu, & est accomply le desir insaisissable que i'ay tousiours eu, d'estre avec Iesus Christ, couure mon corps de terre, & baille la terre à la terre. Et de ta part, désormais demeure en ce lieu, retenant & continuant tres-estroittement la vie spirituelle, & ayant memoire de mon humilité. Car ie crains beaucoup, que multitude de tenebreuse des Diaboles ne donne empeschement à mon ame, pour la multitude de mes ignorances. Et toy, mon fils, ne crains le travail de la conuersation, & ne t'attiedis pour la longueur du temps & embusches

Phil. 1.

des Diâbles, ains estans muny de la vertu de Iesus Christ, mesprise hardiment l'imbecilité & foiblesse d'iceux. Et pour le regard de l'austérité du labeur & de la longueur du temps, maintiens toy, cōme chacun iour attendant l'heure de partir de ce mode, & estimant ce iour, comme si c'estoit le premier & commencement de ta vie & conuersation Monastique; & le dernier pareillement & fin. Et ainsi tousiours oubliant ce qui est derriere, & t'estudiant à ce qui est deuant toy, selon l'intention poursuis le loyer de la vocation celeste de Dieu en Iesus Christ, comme le commande le saint Apôstre, disant : Ne defail-
 lons point : mais iacōit que nostre homme exterieur se corrompe, neantmoins que l'interieur se renouuelle de iour en iour. Car nos tribulations, qui sont legeres & de peu de duree, operent en nous outre mesure en sublimité le poix eternal de gloire, nous ne contem-
 plans les choses qui se voyent, ains

*Commē
se doit
mainte-
nir celuy
qui tra-
aille
long
temps
en bon-
nes œu-
res.*

1. Cor. 4

celles qui se voyent. Car ce qui se voit, est temporel, & ce qui ne se voit, est eternal.

Considerant ces choses, trescher
 fils, conforte toy, & sois robuste,
 & comme vn bon gendarme, ef-
 force toy de complaire à celuy qui
 2. Tim. t'a enroollé au nombre de ses sol-
 3. dats. Que si le malin te soufflé des
 pensees de paresse & lascheté, &
 s'efforce de te faire relascher la ri-
 gueur de ta conseruation, ne crains
 les cauteles & suggestions, consi-
 derant le commandement de no-
 1040.16 stre Seigneur, qui dit: Vous aurez
 tribulation au monde, mais ayez
 confiance: car i'ay vaincu le mon-
 de. Et partant resiouys toy touf-
 iours en Dieu, de ce qu'il t'a esleu,
 & t'a separé du monde, & t'a mis
 comme deuant sa face: & celuy qui
 t'a appellé de sa vocation sainte,
 t'assiste tousiours. Ne sois en soin,
 ains en toute oraison & obsecra-
 tion, avec action de graces, fais en-
 1 Phil. 4. tendre à Dieu tes necessitez & de-
 1 Heb. 13. mandes: car il a dit, le ne te de-

laisseray, ny abandonneray. Ainsi donc en l'austerité de vie, & en la pusillanimité du saint exercice, ramenant telles pensées, resliouys toy ayant memoire de nostre Seigneur Dieu. Car i'ay en memoire de Dieu *Psal.*
 (dit le Psalmiste) & ie me fais es- 67.
 liouy.

Or quand derechef l'ennemy recherchera autre mode d'affaut, te proposant hautes & superbes pensées, & la gloire excellente du Royaume que tu as quitté, & les autres choses qui sont au monde, presente comme vn bon bouclier la parole salutaire, qui dit: Quand vous aurez fait toutes les choses *Luc. 17.*
 qui vous sont enioinctes, dites, Nous sommes seruiteurs inutiles: ce que deuions faire, nous l'auons fait. Mais qui peut d'entre nous rendre le deuoir que deuons à nostre Seigneur, de ce que comme il fust riche, pour nous s'est fait *1. Cor. 8.*
 pauvre, à ce que de sa pauureté nous fussions enrichiz, & luy qui

est impassible, a paty, à fin de nous rendre libres de toutes passions? Car quelle grace est-ce au seruiteur souffrir semblables choses que son Seigneur? Et neantmoins il nous defaut beaucoup de ses passions. Medite ces choses, destruisant les pensees, & toute hautesse s'esleuant à l'encontre de la science de Dieu, & captiuant tous tes sens à l'obeyssance de Iesus Christ: Et la paix de Dieu, qui surpasse tout entendement, conserue & garde ton cœur & tes intelligences en Iesus Christ nostre Seigneur.

Ces choses dites par Barlaam, les ruisseaux de larmes de Iosaphat estoient sans mesure, & sourdans comme d'vne ample fontaine, l'enfondrirent entierement, & la terre où il estoit assis. Et deplo- rant telle separatiō, le prioit tref- affectueusement, qu'il fust compa- gnon de son chemin, en mourant, & ne demeurant longtemps en vie disant: Pourquoi, pere, cherches

Col. 1.

*2. Cor.
10.*

Phil. 4.

*Lamen-
tation
de Iosa-
phat.*

tu seulement ta consolation, & non celle de ton prochain ? Mais comment accomplis tu en cecy parfaite charité commandee de Dieu, qui dit, Tu aimeras ton prochain comme toymesmes ? Allant au lieu de repos, tu me laisses en tribulation & misere : & deuant que ie sois bien exercé es labeurs de ceste conuersation, & que i'aye appris les diuers assauts & enuaillemens des ennemis, tu m'exposes à batailler contre eux ? Et qu'en aduiendra-il autre chose, si non que par leurs pernicieuses machinatiōs ie sois rué ius, & que (helas) ie meure de la mort de l'ame & mort eternelle, comme il aduiant aux Religieux craintifs, & non bien experimentez ? Mais ie te supplie, prie nostre Seigneur que tu m'ayes pour compaignon, sortant de ce monde : mesmes prie le par ceste esperance que tu as derecevoir le loyer de ton travail, que ie ne demeure, voire vn seul iour en ceste vie apres ton

Deut. 6.

decez, & ne me foruoye en la profondeur de ce desert.

Iosaphat parlant ainsi tout exploré, le bon vieillard rompant son propos doucement & amiablement, luy dist: Mon fils, nous ne deuons resister aux incomprehensibles iugemens de Dieu. Car comme i'eusse beaucoup prié Dieu pour cest effect, & que de luy, qu'on ne peut forcer, ie me fusse efforcé comme par violence obtenir cecy, sçauoir est que ne fussions separez d'ensemble, i'apprins de sa bonté, qu'il n'est pas vtile, que pour maintenant tu meures: ains faut que tu demeures au saint exercice, tant que tu te sois tissu vne couronne plus resplendissante.

*Retribu
tion des
bonnes
œuvres.*

Mat. 25

Car tu n'as pas encores assez combattu pour la retribution qui t'est preparée, mais il faut que tu travailles icy quelque peu, à ce que tu entres en liesse en la ioye de ton Seigneur. Car i'ay pres de cent ans: & en ay passé soixante & quinze en ce desert. Et i'agitoit que ne te

soit ordonné si long temps, neant-
moins il faut que tu en approches,
comme Dieu le commande, à ce
que tu sois pareil, & nullement
inferieur à ceux qui ont porté le *Mat. 23*
faix du iour & du chaut. Parquoy,
trescher fils, reçois volontiers &
embrasse l'ordonnance de Dieu:
car qui est l'homme qui puisse chā-
ger & dissiper ce qu'il a arresté?
Partant perseuere patiemment &
vertueusement en ces choses, assi-
sté de sa grace.. Veille toujours
contre les pensees contraires, &
garde comme vn excellent & in-
uiolable thesor, la netteté de l'a-
me, poursuyuant iournellement à
plus haute œuvre & contempla-
tion, à ce qu'en toy s'accomplisse
ce que nostre Sauueur a promis à
ses escluz, disant, Si quelqu'vn m'ai-
me, il gardera mes Commande- *Io. 14*
mens: Et mon Pere l'aimera, &
nous viendrons à luy, & demeu-
rerons avec luy.

Le vieillard disant ces choses, &
beaucoup d'autres, dignes de sa

treffaincte ame & langue diuine,
 consolal'esprit contritté de Iosaphat.
 Par apres l'enuoya à certains freres demeurans loing de là,
 pour luy apporter les choses conuenables pour la sainte Hostie.
 Alors Iosaphat se mettant en point, accomplit son message en diligence,
 de crainte qu'en son absence Barlaam ne rendist son esprit à Dieu,
 & que ce neluy portast grand preiudice,
 s'il ne receuoit de luy ses exhortations, prieres, & benediction deuant son decez.
 Luy donc ayant diligemment cheminé, & apporté ce qui estoit necessaire pour la sainte celebration,
 le treffainct Barlaam offrit sacrifice à Dieu. Et apres qu'il eut communiqué,
 & eut departy à Iosaphat le treffainct corps de nostre Seigneur,
 treffailloit de ioye en son ame. Et apres, prenans leur repas accoustumé,
 de rechef refectionnoit l'ame de Iosaphat de paroles vtilles, disant:

*Barlaam
 cele-
 broit la
 Messe.*

Mon fils, nous ne mangerons

plus ensemble en ceste vie : car
i'entre maintenāt au dernier che-
min de mes peres. Donc il faut
que tu monstres l'amour que tu ^{3. Reg. 2}
me portes, par la garde des Com-
mandemens de Dieu, & vne per-
seuerante demeure en ce lieu, vi-
nant comme tu as esté enseigné,
ayant tousiours memoire de mon
ame abiecte & negligente. De-
mene donc grand ioye, & te re-
bouis en Iesus Christ, par ce que
ie change les choses terrestres &
corruptibles, à celles qui sont e-
ternelles & incorruptibles; & par
ce que approche le loyer de tes
œuvres & le payeur de salaire est
pres, que vient visiter la vigne
que tu as cultiuee, & te baillera
amplement le loyer de ton tra-
vail. Car c'est vne parole fidele,
& sur tout digne d'estre escoutee,
comme dit le saint Apostre Paul. ^{1. Tim}
Car si nous mourons avec IESVS
CHRIST, nous viurons avec luy:
si nous souffrons, nous regnerons
avec luy au Royaume eternal & ^{2. Tim}

infiny, illustrez de lumiere inaccessible, & douez de l'illumination de la vrayement bienheureuse & indiuisible Trinité. Or Barlaam tenoit ces propos iusques au vespre, & tout le long de la nuit à Iosaphat, pleurant à chaudes larmes, & ne pouuant porter ceste separation. Et quand ce vint sur le point du iour, finissant le propos qu'il tenoit à Iosaphat, les mains & les yeux esleuez au ciel, & rendant graces à Dieu, dist:

*Oraison
de Bar-
laam à
sa mort*

Seigneur mon Dieu, qui es present en tous lieux, & remplis toutes choses, ie te rends graces, de ce que tu as regardé ma pettiesse, & m'as fait digne d'accomplir le cours de ce pelerinage en la cōfession catholique de la foy, & en l'obseruance de tes Commandemens. Et maintenant, très-bon Seigneur, & tresmisericordieux, recoy moy en tes tabernacles eternels, & ne te souuienne de mes pechez, que i'ay commis par ignorance & malice. Garde aussi ce

zien fidelle seruiteur, lequel tu m'as baillé en charge, Deliure le de toute vanité & vexation de l'ennemy, & fais-le plus hant que ne sont les filetz & lassets, que le malin a tenduz au scandale de tous ceux qui veulent estre saueuz. Aussi Seigneur oste toute la force du seducteur, & donne puissance à ce tien seruiteur decraffer la teste de l'ennemy de nos ames. Enuoye d'enhaut la grace de ton saint Esprit, & le fortifie contre les ennemis inuisibles, à ce qu'il merite receuoir de toy la couronne de victoire, & que ton nom soit en luy magnifié (ô Père) & ceuy de ton Fils, & du saint Esprit, par ce qu'à toy appartient gloire & louange à iamais. Amen.

Ayant ainsi prié, il embrassa Iosaphat d'affection paternelle, & le baïsa d'un saint baiser: *Barlaam*
& se signant du signe de la Croix, *se signe*
les pieds estenduz, ayant la face *du signe*
ioyeuse, & avec tresgrande liesse *de la*
Croix

326 HISTOIRE DE BARLAMA

(comme si quelques uns de ses
en ven- plus grand amis le fussent venu
dât les- visiter) entra au bien-heureux
pris. chemin, pour-recevoir le pris
& salaire de ceste heureuse
vie, luy tout vieil &
remply de iours
spirituel.





Iosaphat enseuelit avec Psalmes & larmes Barlaam : & persueuant au saint exercice iusques à sa mort, fut enseuely pres Barlaam. Et le Roy des Indes fit transporter leurs corps en son Royaume moult solennellement.

Chapitre. 40.



LORS Iosaphat avec vne incredible pieté cheant sur luy, satisfaisant à son desir par pleurs, souspirs & gémissemens, & mouillant & larmant son corps de larmes, & lenuoloppant de ce cilice qu'il luy auoit donné en son Palais, chantoit les Psalmes accoustumez, tout de long du iour & de la nuict, arrousaient continuellement le corps

Ancien ne costume de chanter Psalmes tout le long du iour & de la nuict sur le corps

du Chre
stien
eres passé

de larmes. Et le iour ensuyuant
faisant vn sepulcre pres la cauer-
ne, & portant religieusement le
sainct corps, le bon & trescher
enfant qu'il estoit, posa au sepul-
cre son pere spirituel, & avec vn
ardeur incroyable, & tresattenti-
ue affection se mit à prier Dieu,
disant :

Seigneur mon Dieu, exauce
Psa. 16 mon oratton, de laquelle i'ay crié
à toy : ayes pitié de moy, & m'ex-
auce: car ie te cherche de tout mon
cœur. Mon ame t'a soigneusement
cherché : ne destourne ta face de
moy, ne decline en ire de ton ser-
uiteur. Sois mon ayde : ne me re-
iette, & ne me desprise, Dieu mon
salutaire : par ce que mon pere &
ma mere m'ont delaiissé, & toy,
Seigneur, tu m'as prins & receu.
Donne moy loy (Seigneur) en ta
voye, & m'adresse en la droicte
sente pour l'amour de mes enno-
mis. Ne me donne en la puissance
de ceux qui m'affligent: par ce que
ie suis ietté en toy du ventre de

ma mere. Tu es mon Dieu, ne t'es-
loigne de moy : car hors-mis toy,
il n'y a personne qui m'ayde. Car
en la multitude de tes misérations
i'ay mis l'esperance de mon ame.
Gouverne ma vie, toy Seigneur,
qui regis toute creature de l'ineffa-
ble prouidence de ta sapience. Et
me donne à cognoistre la voye, par
où ie dois cheminer, & me sauue,
par ce que tu es bon, & amateur
des hommes, & ce par les prieres
& intercession de ton seruiteur
Barlaam. Car tu es mon Dieu, &
te glorifie, Pere, Fils & saint. Es-
prit Amen.

Psa. 21

Psalme

142.

Les
Saints
prient
pour ne
apres
leur
mort.

Son oraison finie, il se sceit ioux-
te le sepulcre, gemissant & pleu-
rant, & là s'endormit. Et vit ces
hommes terribles, lesquelles au
parauant il auoit veu venans à luy,
& le conduisans en ce tresgrand &
admirable champ : par apres l'in-
troduirent à la tresglorieuse &
tresresplendissante cité. Et cōme il
entroit à la porte, autres venoient
au deuant de luy, resplendissans de

Vision
de Iosa-
phat.

grande lumiere, portans couronnes en leurs mains, reluisantes d'ineffable beauté, & telles qu'œil d'homme n'en veit oncques de pareilles. Et Iosaphat interrogeant, A qui sont ces resplédisantes couronnes que ie voy, luy fut respōdu, L'une est faite pour toy, pour plusieurs ames que tu as sauuees : mais elle est encores plus ornee, pour le travail de la vie heremitique que tu meines, si tu y perseueres vertueusement iusques à la fin. Et quant à l'autre, vray est que pareillement elle est tienne : mais il faut que tu la baillies à ton pere, le quel par ton moyen delaisant sa mauuaise vie, & faisant penitence vraye, est reconcilié à Dieu.

Mat, 24

Or Iosaphat entendant ce propos, estoit comme dolent, & comme ne le prenant en bonne part, & dist: Cōment est il possible, que mon pere pour sa seule penitence soit fait egal en remuneration à moy, qui ay tant trauaillé? Et luy sembloit voir son Barlaam, qui
luy

luy reprochoit, & disoit: Sont icy mes paroles, Iosaphat, qu'autrefois ie te disois: sçauoir est, que quand tu serois fort riche, ne serois liberal, & tu hesitois en ce propos. Et maintenant comment t'es tu contristé de l'honneur egal à toy & à ton pere, & plustost ne t'es resiouy en ton cœur, de ce que ta frequente oraison pour luy à esté exauçee? Et Iosaphat, comme tousiours auoit accoustumé dire: Pardonne moy, pere (dit-il) pardonne moy, & me monstre où tu demeures. En ceste belle & grande cité (dist le vieillard) ma demeure est au milieu de la plus excellente rue & resplendissante d'icelle. Or il sembloit à Iosaphat, que de nouveau il prioit Barlaam qu'il luy donnast entree en son habitacle, & le receust benignement en son logis: mais il luy disoit, que le temps n'estoit encores venu, qu'il peust paruenir à ces tabernacles, estant encores chargé de ceste masse de chair. Mais si vertueusement tu perseueres, comme

532 HISTOIRE DE BARLAAM
ie t'ay commandé , tu y vien-
dras peu apres , & seras fait digne
des mesmes habitations, & obtien-
dras gloire pareille, & auras iouys-
sance de semblable ioye , & seras
eternellement avec moy.

Or Iosaphat estant esueillé, auoit
son ame encores remplie de ceste
lumiere & ineffable gloire, & avec
grande admiration rendoit graces
à Dieu. Et demeura iusques à la fin
de sa vie, menant vrayement vne
vie Angelique en terre, & viuant
plus austerement apres le decez du
bon homme. Vray est qu'au vingt
& cinquième an de son aage il quit-
ta son Royaume, & entreprit la
vie heremitique, & estudia à vertu
trente-cinq ans au desert: Et aupa-
rauant arracha plusieurs ames au
dragon meurtrier des ames, & les
offrit sauues à nostre Seigneur: &
en ce obtint la grace Apostolique,
& si fut martyr de volenté. Car
avec assurance grande confessa
Iesus Christ deuant les Roys &
Tyrans, & prescha publiquement

*Iosa-
phat
martyr
de vo-
lonté.*

sa grandeur. Pareillement estant
 és deserts, il renuersa, & vainquit
 maints esprits diaboliques, & les
 surmonta tous par la vertu de Iesus
 Christ, & fut participant large-
 ment des dons & graces celestes.
 Dauantage il eut l'œil de son ame
 net de toute obscurité terrestre, &
 contemploit les choses à venir,
 comme si elles estoient presentes,
 & Iesus Christ luy estoit comme
 toutes choses. Il desiroit Iesus
 Christ, il regardoit Iesus Christ
 comme present: il cōtemploit con-
 tinuellement la beauté de Iesus
 Christ, suyuant ce que dit le Prophe- *Psal.*
 te: le considerois tousiours le Sei- *15.*
 gneur deuant moy: par ce qu'il se
 tiēt à ma dextre, à ce que ie ne m'es-
 branle. Et derechef: Mon ame a ad- *Psal.*
 heré à toy, ta dextte m'a receu. Car *62.*
 son ame vraiment a adheré à Iesus
 Christ, estant à luy conioincte de
 conioinction indissoluble. Car il
 ne se desista de son admirable ex-
 ercice, & si ne changea la reigle
 de sa vie Monastique depuis le

534 HISTOIRE DE BARLAAM
commencement iusques à la fin,
gardant mesme promptitude de-
puis sa ieunesse iusques à sa vieil-
lesse : mesmes profitant de iour en
iour en vertu, fut trouué digne de
plus haute & plus pure contem-
plation.

Gal. 6. Bref, ordonnant sa vie, comme il
est dit, & rédant si digne operation
de sa vocation à celuy qui l'a appel-
lé, crucifiant le monde à soy, & soy
Decex de Iosaphat. au monde, alla en paix au Dieu de
paix, & s'en alla au Seigneur, qu'il
desiroit tousiours, & est mainte-
nant denant la face de nostre Sei-
gneur, purement & nettement sans
aucun entre deux, & est decoré de
la courōne de gloire de longtemps
promise, & est fait digne d'estre a-
uec Iesus Christ, & se resiouyr e-
ternellement de la beauté d'iceluy.
Es mains duquel recommandant
son ame, trauersa en la region des
viuans, où est le son des banque-
Psal. 41. & 86. teurs, où est la demeure de tous
ceux qui sont en ioye.

Or le saint homme, qui premie-

rement luy auoit enseigné la demeure de Barlaam , qui habitoit assez pres, par diuine reuelation se trouua à l'heure de son trespas , & l'honorant de loüanges sacrees , & respendant larmes (signes certes de sa dilection, vers luy) & accomplissant les autres cerimonies de l'Eglise , le posa au sepulchre de Barlaam : car il estoit conuenable que leurs corps fussent ensemble en terre , qui le seront cy apres eternellement és Cieux. Et obeïssant au commandemēt, qu'vn certain terrible esprit luy fit par nuit en vision, s'en alla au Royaume des Indes : & accostant le Roy Barachias, luy recite tout le discours de la vie de Iosaphat. Et ce bon Roy sans aucun delay s'en alla avec multitude infinie à la cauerne où ils estoient enseuelis : regardent le sepulcre, & pleurans à chaudes larmes , oste la couuerture, & voit Barlaam & Iosaphat , ayans les membres mis & arrangez fort proprement , sans que les corps eussent aucunement

336 HISTOIRE DE BARLAAM

changé couleur, estans nets & entiers avec leurs vestemens. Alors ces tabernacles des diuines ames jetoient grande suauité d'odeur: lesquels le Roy mettant en coffres riches & précieux, les porta en son pais.

Or dès que le peuple entendit ce qui s'estoit fait & passé, multitude innumerable de toutes les villes pais circonuoisins vindrent honorablement voir, & adorer les corps de ces bien heureux Saints, avec hymnes & cantiques, & force lampes & flambeaux ardens: de sorte que lon eust peu dire à bon droit, qu'en celebroit la feste des lumières à l'entour des enfans & heritiers de lumiere. Et posèrent les corps saints manifiquement en l'Eglise que Iosaphat auoit bastie.

Le peuple adore les corps des Saints & les reçoit avec hymnes & flambeaux.

Grands miracles faits en la translation & sepulture

Or Iesus Christ ouura de grands miracles & guérifons en la translation & sepulture de ses saints seruiteurs, & apres, à la louange & gloire de son nom. Et le Roy & tout le peuple voit les vertuz &

miracles qui estoient faits par eux. Et plusieurs Gentils d'alentour travaillez d'infidelité & ignorance de Dieu, creurent par le moyen des signes & vertuz qui se faisoient à leur sepulchre. Et tous ceux qui se voyoient & oyoient la conuersation Angelique de Iosaphat, & son ardent amour vers Dieu dès sa tendre ieunesse, s'esmerueilloit, glorifians en tout Dieu, qui tousiours opere à ceux qui l'aiment, & les recompense de grands dons.

*re hono-
rable
des
corps
Saints.*

Icy finit le present Traicté, lequel i'ay composé suyuant la vraye relation que m'en ont fait gens venerables & dignes de foy. Vous aduienne donc à tous, qui lisez & oyez ceste Histoire vtile aux ames, que meritez estre nombrez en la partie des Saints, qui ont pleu à nostre Seigneur, par les prieres & intercessions des Saints Barlaam & Iosaphat, desquels auons parlé, en Iesus Christ nostre Seigneur, auquel est honneur & empire, gloire & magni-

*Interces-
sion des
Saints.*

538 HISTOIRE DE BARLAAM
fience, avec le Pere & le saint Es-
prit, maintenant & tousiours, &
de siècle en siècle. Amen.

Me conuertissant à toy, Dieu,
le Pere, Seigneur tout puissant, ie
te rends tresgrandes graces de pur
cœur, entant que peut ma petitesse,
priet de toute mon ame ta sin-
guliere mansuetude, que tu daignes
exaucer en ton bon plaisir mes
prieres. Repouse de ta vertu l'en-
nemy de mes actes & pensees,
multiplie en moy la foy, gou-
uerne mon ame, allume en
moy pensees spirituelles,
& me conduis à ta
beatitude, par ton
fils Iesus Christ
Amen.

Fin de l'Histoire.



*La vie de Saint Iean Damascene, com-
posée iadis par Iean: Patriarche de
Ierusalem, abrégée & mise en Fran-
çois par le Traducteur de l'Histoire
présente, avec vn homelie de Saint
Iean Chrysostome.*



Saint Iean, nay en Da-
mas, ville capitale de *Damas*
Syrie, d'où mesmes il *ville*
porte le nom, & ho- *capita-*
noree iadis de la con- *le de*
Syrie.

uersion de Saint Paul, eut pour pe-
re vn homme de grande auctorité,
estably surintendant des affaires
du peuple, tant pour l'integrité de
ses mœurs, que par ce qu'il estoit
riche & puissant en biens: lesquels
certes il n'exposoit prodigalement
en delices, yuongneries & ban-
quets, ains employoit tout ce qu'il
pouuoit amasser, au rachat des pri-
sonniers Chrestiens. Et de toutes

*Vertuz
du pere
de S.
Iean.*

ses terres & Seigneuries qu'il possédoit, tant en Iudee que la Palestine, ne reseruoit pour soy, sinon ce qui luy estoit necessaire pour passer ceste vie. Et si telle estoit la vertu & humanité de ce personnage, que possédant grands biens, en iouyssoit comme n'en iouyssant point, estant plus soigneux de rechercher les choses qui concernent le salut de l'ame. Luy donc s'occupant ainsi en si bons & loüables exercices, luy nasquit vn fils, lequel le fit baptiser, & nommer Jean : bien qu'il y eust bien de la difficulté & grand danger, pour estre dans vne ville infidele & Sarrazine. Car la cité de Damas pour lors estoit sous la puissance d'un Prince Sarrazin.

*Nas-
sance
de S.
Jean.*

Or quand Saint Jean fut grandet, son pere estoit en grand peine de trouuer homme sçauant & vertueux pour l'instruire, & luy apprendre toute bonne & sainte doctrine. Aquoy Dieu par sa bonté pourueut à la maniere qui s'ensuyt.

Les Sarrazins de Damas, fai-

ians , comme ils auoient accoustumé , courses sur les costes & riuages de la mer voisine, prindrent & emmenerent grand nombre de prisonniers: & estans de retour en Damas , exposerent partie d'iceux en vente , destinans les autres à mort: Entre lesquels fut vn certain Religieux , nommé Cosme , homme fort honneste & venerable. Deuant lequel ceux qu'on faisoit mourir , se mettoient à genoux, le supplians prier Dieu qui leur pardonnast leurs offences. Les Barbares voyans cela, s'enquierent de luy, de quelle dignité & autorité il estoit entre les Chrestiens. Il leur respond: Je suis vn pauvre Religieux inutile, & n'ay aucune dignité: mais bien suis- ie professeur de Philosophie , tant diuine que humaine. Quoy dit, les larmes commencerent à luy distiller des yeux en abondance.

Or le pere de Saint Iean estant present , & le voyant pleurer, s'approcha de luy pour le consoler,

& luy dist : Homme , pour quelle cause deplores-tu la perte du monde , auquel longtems a que tu as renoncé , & y es mort , estant Religieux , comme ton vestement le monstre ? le Religieux luy respond : Je ne lamente la priuation de la vie presente , mais ie me contriste , de ce qu'estant versé , comme ie suis , en toute sorte de science & Philosophie diuine & humaine , ie n'ay esté si heureux de la pouuoir communiquer à autre , & n'ay par Philosophie engendré vn fils semblable à moy . Car tout ainsi que les autres , pour faire continuer leur succession & lignee , desirent la procreation d'enfans naturels : de mesmes ceux qui sont bien instruits en Philosophie , sont touchés d'un ardent desir de procreer enfans par erudition de bonnes lettres , à ce que la race des Philosophes dure eternellement : d'où les auteurs de si admirable generation perçoient gloire immortelle . Et de fait , le propre de bonté est ,

que les biens, dont quelqu'un a- *Bonté se*
 bonde, liberalement soient depar- *cōmuni-*
 tiz par luy aux autres: & qui fait *que libe*
 autrement, & refuse de communi- *ralemē*
 quer à son prochain ce dont il a
 foison, bonté n'est point en luy,
 ains est adherant à malice, & sera
 puny comme ce fayneât, qui fouyt
 son talent en terre, & ne le mit à
 profit. Quant est de moy, vray est
 que j'auois intention d'enseigner *Mat. 23*
 aux autres si peu que j'ay appris:
 mais estant preuenü de mort, ie
 fors de ce monde miserable & ste-
 rile, ne laissant apres moy lignee
 de Philosophie: choses certes qui
 me fait ainsi larmoyer, & partir de
 ceste vie en tristesse. Sur ceste res-
 ponse le pere de saint Iean luy
 dist: Amy, pren courage, & te
 console: car Dieu, peut estre, te
 donnera accomplissement de tes
 desirs. Cecy dit, il alla en diligen-
 ce trouuer le Prince des Sarrazins,
 & se mettant à genoux, luy de-
 manda ce Cosme, qui luy fut in-
 continent octroyé & liuré: & le

*Cosme,
maistre
de saint
Iean.*

menant en son logis , le fit bien
penſer & traiter, comme celuy qui
en auoit beſoin , pour les miſeres
& pauuretez qu'il auoit ſouffertes
depuis ſa prince. Et l'arraiſonnant
vn iour, luy diſt: Ie veux que deſor-
mais tu ſois en liberté, & ſi te fais
particiſant de tout mon bien : &
pour toute recompence ie te prie,
que tu apprennes à Iean mon fils,
toute la ſcience & Philoſophie
que tu ſçais. Cosme oyant tel pro-
pos, en demena grâd ioye, & s'em-
ploya ſi dextrement à ceſte charge
qu'en brief ſainct Iean fut parfait
en tout genre de doctrine, & de-
uint treſſçauant, meſme és ſainctes
Lettres. Mais c'eſt choſe admira-
ble , qu'il ne s'orgueillit point
pour ſon ſçauoir : ains comme
vn arbre ſecond tant plus il eſt
chargé de fruit, tant plus il s'ab-
baïſſe : Sainct Iean de meſmes,
tant plus qu'il deuint docte & ſça-
uant, tant plus il s'humilia & de-
prima.

Or ſon pere peu de temps apres

estant decedé, le Prince des Sarrazins ordonna, que saint Iean fust de son priué Conseil, & si l'honora d'estat de plus grande authorité que celuy de son pere. A quoy il consentit fort à regret, pour le desir qu'il auoit de vacquer à la contemplation.

*S. Iean
aimé du
Prince
Sarrazin.*

En ce temps gouuernoit l'Empire des Romains Leon d'Isaurie, Lyon rugissant contre la foy Catholique, & contre les saintes Images, lesquelles il faisoit brusler, persecutant ceux qui les reueroiét.

*Leon
Empe-
reur, heretique.*

De cecy S. Iean estant aduerty, fut soudain enflambé de grand zele, & par inspiration du saint Esprit, se mit à composer liures, & enuoyer lettres çà & là pour la defense de la foy Catholique, & des Images, prouuant viuement qu'il les falloit venerer. Dont l'Empereur fut tresmal-content, & animé contre luy : & appellant aucuns de sa liegue, leur commanda, que se feignans Catholiques, ils trouuassent moyen de retirer quelque original

*S. Iean
defend la
foy Catholique*

*Fraude
de l'Em-
pereur
heretique.*

des Lettres de Sainct Iean : ce qu'ils firent. Adonc ce malin fit venir nombre de Secretaires & escriuains, & leur monstrant la lettre de Sainct Iean, fit tant, que l'un deux, homme de subtil entendement, & qui auoit la main bonne, en contrefit vne de semblables caracteres & sentences: & portoit ladite Lettre ce que sensuyt :

*Lettre
fa'ssifce
par les
hereti-
ques.*

Sire, c'est vn grand heur à ton Empire, d'auoir vn tel Seigneur que tû es, ayant vne mesme loy & creance que la mienne. Et par ce que i'entens que ton excellence, est doüee de singuliere prudence, & honnesteté, i'ay prins la hardiesse de luy faire entendre, que ceste nostre cité est negligemment gardée, & qu'il y a peu de personnes de defence en icelle. Et par tant, en l'honneur de Dieu, ayes pitié de ceste miserable ville: & enuoye vne armee de gens d'esslite, qui se rue dessus à l'improuiste, feignant aller autre part, & tu l'emporteras aisément d'assault. Et de

ma part, ie t'y ayderay beaucoup:
car tout la ville , & le pays est
presque à mon commandement.

Ceste Lettre ainsi dictée & con-
trefaite , l'Empereur en escriuit
vne autre au Prince de Damas,
dont la teneur sensuyt:

Comme ainsi soit, que ie ne sça-
che rien plus heureux, que paix &
amitié, & que c'est chose tressoua-
ble & tressaggreable à Dieu , de
garder inuiolablement les articles
& conditions de paix, ie n'ay cho-
se en plus singuliere recomman-
dation, que de garder les trefues
& alliances qu'auons contractees
ensemble: iaçoit qu'un Chrestien
ton] familier me sollicite souuent
par lettres à les rompre, me pro-
mettant entre autres choses, que si
i'enuoye vne armee contre ta vil-
le de Damas, il la me liurera entre
mains. Et pour te monstrier , que
ce que i'escriis , est veritable, ie
t'enuoye vne de ses Lettres : d'où
tu pourras pareillement cognoi-
stre, combien ie suis constant &

*Lettres
de l'Em-
pereur
hereti-
que au
Prince
de Da-
mes.*

ferme en l'observance de paix & d'amitié. De ta part, garde toy de ce meschant traistre, qui n'a craint de m'escrire telles choses.

*S. Jean
accusé
fausse-
ment de
trahison.*

Or faut entendre, que l'Empereur envoya malicieusement ces deux Lettres au Sarrazin, Prince de Damas: qui les ayant leuës, fit appeller soudain Saint Jean, & les luy monstra. Mais il cogneut incontinent la fraude & falsification. Neantmoins quelque excuse qu'il peust alleguer, il ne fut point ouy: ains le Barbare, transporté de fureur & d'ire, sans vouloir entendre ses raisons & defenses, luy fait couper la main, qui avoit tant doctement escrit pour la defense de la foy Catholique, & des saintes Images, & la fit pendre au marché. Et quand ce vint sur le soir, S. Jean presumât que la fureur du Prince estoit appaisée, l'envoya prier, que de grace sa main luy fut renduë pour la mettre en terre: ce qui fut incontinent fait.

*Le Prin-
ce de Da-
mas fait
coupper
la main
à S. Jeā.*

Et l'ayant recedé, entra soudain dans son Oratoire, & se prosterna deuant l'image de sa singuliere Dame, la glorieuse vierge Marie, luy monstrant sa main, & sa playe, & la prioit & inuoquoit avec gemiffemens & larmes, disant:

Dame, & tressaincte mere, qui as enfanté mon Dieu, ma main dextre m'a este couppee pour la defense des sainctes & diuines Images: Tu n'ignores la cause pour quoy le Lyon fremit, & fait du pis qu'il peut: Et partant secoure moy promptement: car la dextre du Treshaut, qui a prins chair en toy, fait beaucoup de vertus par ton intercession. Donc te te supplie, que par tes prieres il remette ceste miennemain, à ce qu'elle escriue en rithmes & Cantiques les louanges de ton fils, & les tiennes ô Mere de Dieu, & defende la foy Catholique.

*Priere
de S. le^{re}
à Nostre
Dame.*

Après qu'il eut ainsi prié, & La vierge
pleuré deuant la Mere de Dieu, *de Ma-
rie*

*rend à
Saint
Jean sa
main.*

& se fut en fin en dormy, la glorieuse Dame s'apparut à luy avec vne face riante & benigne, qui luy dist doucement : Voicy, ta main est remise en son lieu. Et partant fay qu'elle soit la plume de l'escri-

Psa. 44 uain qui escrit viftement, suyuant ce que tu as maintenant promis. S'esueillant donc sur l'heure, & voyant sa main remise en sa place, & guerie, il tressaillit de ioye, son esprit se resiouyffant en Dieu son salutaire, & en sa glorieuse mere: d'autant que celuy qui est puissant, *Luc. 1.* auoit operé en luy choses merueilleuses: & esleuant ses mains au ciel, chanta melodieusement ce qui sensuyt:

Exo. 15. Ta main dextre, Seigneur a esté glorifiée en force: ta main dextre, Seigneur, a remis la mienne, qui estoit coupee, & pourtant elle naurera les meschans, qui n'honorent ton image, & celle de ta glorieuse mere: & par ma main tu metteras en poudre, en la multitude de ta gloire, tes aduersaires

Brusleurs d'Images.

Où ceste nuit ne luy fut nuit & ny tenebres, ains iour & lumiere: & en la maison du iuste estoit voix d'exultation, qui ne fut secrette & cachee. Car ceste admirable clameur, & harmonieuse iubilation fut ouye des maisons voisines. Mais les ennemis du nom Chrestien calomniens le miracle de Dieu, allerent incontinent dire à leur Prince, que la main de saint Iean n'auoit esté couppée, & quelqu'un de ses amis, auoit esté mutilé pour luy, le bourreau suborné par argent, ayant puny l'un pour l'autre. Sur cecy saint Iean fut appelé, qui monstra au Prince son bras, & sa main remise en son lieu, y restant toutefois la marque de la playe, que la mere de Dieu y auoit laissée tout expres, pour plus euidente preuue de la precedente coupure, & du diuin miracle.

Les Sarrasins calomnient le miracle

Le Barbare voyant cecy, luy demanda qui l'auoit guary, & de quels medicamens il s'estoit aydé.

La responce de saint Jean fut, que Dieu, trespuissant Medecin, son Seigneur & maistre, luy auoit donné guérison. Donc (dit le Prince) i'estime qu'à tort & fausement tu as esté accusé, & que nous, sans auoir deuëment examiné ta cause, t'auons iniustement condamné. Mais en recompense i'ordonne, que tu seras dorefnauant chef de nostre Conseil, & que rien ne fera sans ton aduis. Saint Jean oyât le propos du Prince, s'agenouilla deuant luy, demandant instamment congé de se retirer au desert. Mais le Barbare ne voulant estre priué d'un homme de si singuliere vertu, ne se pouuoit condescendre à luy: toutefois en fin fut tant importuné, qu'il luy accorda son congé. Et partant de party qu'il eut ses biens aux pauvres, & à ses seruiteurs, les

Saint Jean quit se le monde, & se fait Religieux. mettant en liberté, se mit en chemin, sortant du monde en telle façon, qu'il n'emportoit rien avec soy, que ce qui luy estoit tres-necessaire. Et apres auoir visité

& veneré les saints lieux en Hierusalem, s'alla rendre au Monastere de saint Sabbe: où estant receu benignement, fut baillé pour instruire à vn bon veillard, qui estoit fort simple, lequel volontiers le print en sa charge, & le mena en sa cauerne où pour faire vn bon fondement, luy enioignit telles choses:

Qu'il ne fist rien de sa propre volonté.

Qu'il offrist à Dieu les sueurs de ses labeurs, perséuerance d'oraison, & les larmes de ses yeux.

*Instru-
ctions du
maître
de saint
Iean.*

Qu'il eust à purger & nettoyer avec larmes les ordures de sa vie precedente, à cause que les larmes sacrifiées à Dieu purement, luy sont agreables par dessus tous parfums & encens.

Et luy ayant commandé ces choses, comme corporelles, adiousta ce qui concerne l'ame, disant.

Qu'il n'eust à imaginer les choses mondaines.

Qu'il ne se depeignist aucunes figures des choses indecentes.

Qu'il preseruast son esprit de toute vaine inflation.

Qu'il ne s'esleuast pour grandeur de science, tant qu'il se persuadast auoir parfaitement, & de tout comprins de qu'il scauoit.

Qu'il ne desirast visions & reuelations de choses secretes.

Qu'il ne se fiasst en son esprit.

Qu'il n'estimast aucune science assuree, iusques à ce que l'ame fust separee du corps.

Qu'il examinast & considerast toutes les pensees.

En danger, qu'il demandast conseil.

Qu'il ne permist ses pensees s'espandre çà & là, ains les contint ensemble, à ce que son entendement fut illustré de Dieu: son ame purifiée, & son corps sanctifié.

Ainsi le pere instruisoit son fils, & le maistre son disciple, adioustant encôres ces aduertissemens:

N'escriis

N'escriis lettres à qui que soit.

Ne parle aucunement de science
seculiere.

Garde silence, qui est vn precepte obserué, non seulement des nostres, mais aussi des Philosophes Ethniques: comme on lit de Pythagoras Samien, qui enioignoit à ses nouueaux disciples silence de plusieurs ans.

*Pythagoras
commā-
doit si-
lence à
ses di-
sciples.*

N'estime que bon soit dire bonnes choses, quand il n'est pas tēps.

Suyuant quoy David disoit: le me suis tenu de dire bonnes choses. Et Psal. 38.

adioustant le fruit qui luy en reuint, dit: Mon cœur s'est eschauffé en moy, & en ma meditation s'est embrasé vn feu.

Ce sont les instructions, que donnoit le vieillard à Saint Iean, ne iettant sa semence sur pierres, ou espines, mais sur bonne terre & fertile. Demeurant donc avec ce vieillard, fut esprouue de luy en maintes fortes, mais par tout il se monstrois humble & obeyssant, sçachant bien, qu'obedience seule

Obedi- est sans peril. Et partant, quoy qu'il
ce seule luy commandast, il ne contredi-
est sans soit: s'il luy enioignoit quelque
peril.

œuvre, il ne must mouroit de bouche
 ny de pensee. En toute action ru-
 minoit tousiours en son cœur ce
Phil. 2. dire de Saint Paul, Executez sans
 murmure ce qui vous est enioint.
 Mais quel fruit renient-il à celuy
 qui met en execution quelque œu-
 re, s'il le faict à regret, & en mur-
 murant.

Or le bon vieillard, pour espron-
 uer encores l'obedience de son di-
 sciple, fit vn amas de toutes les cor-
 beilles & paniers, qu'auoient fait
 ses confreres, & dit à Saint Iean:
 Mon fils, nous auons besoin de
 plusieurs choses, & nous faut trou-
 uer argent pour achepter nos ne-
 cessitez. Et d'autant que les pa-
 niers se vendent mieux en Damas
 qu'en la Palestine, prend les no-
 nres, & les porte au marché. Et luy
 taxant vn pris excessif, luy defen-
 dit les bailler à moindre. Saint
 Iean donc prest d'obeir iusques à

la mort, sans aucunement contester, charge ces paniers sur ses espaulles, & s'en va vistement à Damas. Et en ceste ville, où iadis il auoit esté tant honoré, cheminoit de rue en rue, habillé pauurement, mettant les paniers en vente. Mais parce qu'il les vouloit vendre trop cher, & beaucoup plus que le prix accoustumé, pour ne desobeyt à son maistre, il estoit moqué & injurié de tous. Toutefois en fin l'un de ses anciens seruiteurs le regardant de pres, le recogneut, & faisant bonne mine, luy demande combien il vouloit vendre ses paniers: Et soudain luy mit en main le prix qu'il en demandoit. Et saint Jean ferrant l'argent, retourna à son maistre, emportant victoire insigne de l'ennemy, pere de vaina gloire.

*Prompte obedi-
ence
de saint
Iean.*

Saint Jean donc profitant en toute vertu, son maistre estant admonesté diuinement en dormant, luy commanda de composer liures & cantiques, selon que le saint Es-

*Par cõ-
mande-
ment de
Dieu
sainct
Iean
compo-
se.* prit l'inspireroit. Et deffors il oẽ-
mença à escrire Hymnes, & tref-
melodieux Cantiques spirituels,
dont il resiouyt encores à present
l'Eglise de Dieu, & le lieu de l'ha-
bitacle du Tres-haut. Composa aus-
si des Sermons panegyriques, &
vn liure de la vraye foy Catholi-
que. Item mit en lumiere des Trai-
ctez de la veneration des Images,
& plusieurs autres.

*Sainct
Iean est
ordonné
Prestre* Sur ces entrefaites le Patriar-
che de Hierusalem par inspiration
diuine l'enuoya querir, & l'ordon-
na Prestre: & neantmoins tost a-
pres retourna à sa celle, au Mona-
stere de Saint Sabbe, ne s'esleue-
uant aucunement pour ceste digni-
té (encores que Saint Paul prote-
ste, que les Prestres sont dignes de
double honneur) estimant plustost
qu'ils doiuent auoir double humi-
lité, & travailler doublement, sca-
uoir est es choses qui concernent
l'ame, & en ce qui touche le corps.
Ce qu'il s'estudia d'exercuter soi-
gneusement, travaillant nuit &

*1. Tim.
5.*

soir à dompter ses passions : relisant & corrigeant ses escrits, & retrenchant ce qu'il y trouuoit de superflu : prenant garde qu'il y eust diction ou sentence, qui ressentist ostentation, ou legereté.

Finalemēt, ayant en toute vertu acheué le cours de l'exercice Monastique, maintenu & dilaté la foy Catholique par ses liures & escrits, il monta au Ciel à Iesus Christ son bien-aimé, où il contemple face à face la gloire de la benoïste Trinité.

Aa iij

F I N.





*Homelie de Sainct Iean Chrysostome,
intitulee De la comparaison du
Roy & du Moine.*

*Affe-
ction
des hom-
mes mal
reigles.*



Comme ainsi soit que
la plus part des hom-
mes admittent & pour-
chassent avec ardeur
& affection plus grã-
de les choses qui n'ont
rien de bon que l'apparence, que
celles qui sont veritablement &
naturellement bonnes, i'ay estimé
estre vtile & expedient traiter
succinctement des vns, & des au-
tres, & conferer ensemble, tant ce
que mesprise le commun peuple,
que ce qu'il aime & poursuyt : à ce
qu'entendans la difference des deux,
nous nous rangions à ce qui est

realement bon & salutaire; mes-
prisans & detestans ce qui n'en a
que le fard & l'apparence.

Et pour entrer en matiere, on
desire sur toutes choses puissance,
empire, gloire: & le vulgaire repu-
te heureux les Roys & Princes, &
admire ceux qui sont portez en
chariots dorez & triomphans, &
qui sont bien suyuis & enuironnez
d'Archiers & satellites pour la gar-
de de leurs corps: ne faisant ce pen-
dant cas de ceux qui s'estudient à
vertu, & suyuent la vie Monasti-
que & solitaire.

*Le vul-
gaire
mesprise
les gens
uer-
tueux.*

Dauantage, quand ces grands
sortent en public, il y a presse à les
voir, & à contempler leur magni-
ficence: mais quand les Moynes
vont en place, peu de gens les re-
gardent, & encores moins souhait-
tent leur estat & condition: où au
contraire, il n'y a homme qui ne
desire celuy des autres. Or acquerir
puissance ou Empire, comme c'est
chose tresdifficile, aussi peu de gens
y parviennent: car ceux qui pour-

suivent si hautes & excellentes dignitez, ont besoin de grande somme de deniers. Mais entreprendre l'estat solitaire, & se dedier du tout à Dieu, est chose autant facile au pauvre comme au riche. Ioinct que l'acquisition d'Empire, & preeminence, finit avec ceste vie, ou pour parler plus veritablement, abandonne les amateurs encores vivans: mesmes en a rendus maints extrêmement miserables, les plongeant au profond abyssus de honte & confusion. Mais la vie, qui se meine en solitude, outre qu'en ce monde elle comble les iustes de tous biens, encores au partir d'icy les conduira loyeux & gaillards deuant le tribunal de Dieu saluateur: alors que la plus part des Roys & grands Princes receurent tresgriefue punition de leurs pechez & mesfaits.

Confetons donc les biens de la vie Monastique à ceux qui n'ont que l'apparence de bonté, comme font ceux qui promettent de puis-

*La vie
solitaire
apporte
grands
biens en
ce monde
de ce en
l'autre.*

sance & gloire de ce monde, & contemplons la difference qui est entre ces deux especes de biens: car la collation des deux nous en donnera plus claire cognoissance. Mesmes conferans ensemble ce qui tient le supreme degré d'honneur & bien temporel, qui est l'Empire & le regne, à la vie de Religion & solitude, considerons le fruit que rapporte l'un & l'autre. Chose certes, que cognoissons clairement, quand nous aurons viuement contemplé, à qui le Roy commande, & à qui le Religieux.

L'Empire donc du Prince est commander à grand nombre de villes, regions & peuples: creer Magistrats, Capitaines & Senateurs: leuer gens, dresser camps, & disposer des affaires de son Empire, ainsi que bon luy semble. Mais celuy qui s'est dedié du tout à Dieu, & a embrassé la vie solitaire, tient sous sa puissance ira, enuie, auarice, volupté, bref tout ce qui re-

Quel est le soin constant d'un Moine. pugne à vertu : toujours est en soin pour empêcher que son esprit ne soit surmonté des vices, & que la raison ne se rende subiette à la sensualité, s'aidant de la crainte

A quoy est utile la crainte de Dieu. de Dieu pour dompter toute mauuaise & vicieuse affection, & ranger son entendement à la contemplation de choses celestes. Tel dōc est l'Empire du Roy, & tel celuy du solitaire : lequel certes il seroit plus raisonnable appeller Roy, que celuy qui est vestu de pourpre, & porte couronne en teste, assis dans vn throne magnifiquement orné.

Qui est vrayement Roy. Car celuy est vrayement Roy, qui sçait tenir en bride ire, enuie & toute volupté : qui range toutes ses actions à la Loy de Dieu, qui conforme son esprit en liberté, & ne permet que les voluptez luy commandent. O que volontiers ie verrois vn homme de telle vertu seigneurier peuples & villes, & donner la Loy à toutes nations, tant par mer que par terre. Car celuy qui peut établir la raison pour

moderatrice & gouuernante des
affections de son ame, pourroit
aussi regir facilement les hommes,
estant ayde de la Loy diuine, &
ainsi se feroit, que les subiects le
voyans conuerser familièrement
& doucement entre les siens, ne
l'aymèrent moins que leur pro-
pre pere. Mais le Prince, que l'on
voit commander aux hommes, &
ce pendant ire, auarice & volupté
le detiennent en seruage, en pre-
mier lieu est en risée à ceux qui
sont sous sa domination: d'autant
que portant couronne en teste, en-
richie d'or & de perles, la couron-
ne de prudence luy manque: & re-
luisant par le dehors de vestemens
pompeux & magnifiques, son es-
prit est sans ornement aucun: voi-
re totalement il ignore comme il
faut administrer l'Empire. Car
comment se pourroit-il faire, que
celuy qui ne sçait commander à
soy mesmes, peüst par les loix con-
tenir les autres en deuoir?

*Cōment
un su-
perbe
se fera
aimer
des
siens.*

*Qu'est-
ce qui
rend un
Prince
ridicule*

Que si tu prens garde contre qui

combat l'un & l'autre, tu verras le Religieux batailler contre le Diable, vaincre iceluy, & en receuoir de Dieu la couronne de victoire. Aussi ne se peut-il faire autrement, que luy se presentant au combat sous la protection de Dieu, & muny d'armes celestes & diuines, n'emporte l'honneur & le prix. Et pour le regard du Roy, tu le trouueras combattant les Barbares, lesquels certes ne sont si furieux ne si terribles, ne si puissans de beaucoup que les Diabes : & partant encores qu'il en viant au dessus, si est-ce que la victoire du Moyné est trop plus insigne, ayant eu affaire a plus fort & puissant ennemy. Que si tu te veux enquerir des causes, pour lesquelles l'un & l'autre entre en combat, tu les iugeras fort differentes. Car le Religieux meine continuelle guerre au Diable, pour maintenir en soy pieté, & persenerer au seruice de Dieu : ou pour retirer de l'abyssme d'erreur villes & bourgades, & leur an-

Iob. 41.

*La victoire
d'un
Moyné
est plus
glorieuse
que
celle
d'un
Roy.*

noncer la parole de salut. Quant est du Roy, il guerroye les Barbares, pour garder les villes, provinces & thesors qu'il aura rauiz de force : ou pour conquerir de nouveau quelque pays & contree, pousé d'ambition & damnable auarice. Et si est souuent aduenu à plusieurs Princes, que taschant s'agrandir, & estendre & amplifier leurs limites, ils ont esté depouillez & chassés des terres, desquelles ils iouissoient au precedent.

Et certes ceste diuersité, qui est en la façon de commander & combattre, voire seule, monstre suffisamment, combien plus excellent est le solitaire, qui s'est consacré du tout à Dieu. que le Roy: combien que cecy se pourra encores cognoistre plus clairement, si on examine leur vie, & actions ordinaires, & occupations des deux. Car à la verité on trouuera le cultivateur & le cultivateur de préte, orés douissant avec les Prophetes, maintenant orner son ame de la dōe.

trine, de S. Paul, passant tantost de
 Moïse à Eſaie, tantost d'Eſaie à S.
 Iean, & de S. Iean à quelque autre:
 Et le Prince cependant n'est en-
 touré que de Capitaines, Archers
 & ſatelliers. Or l'homme couſtu-
 mierement enſuyt les mœurs &
 conditions de ceux qu'il frequen-
 te ordinairement. Et de là vient,
 que le Moÿne & ſolitaire, qui
 hante ſi familièrement avec les
 Apoſtres & Prophetes, conforme
 ſon ame à leurs mœurs & vertus.
 Comme le Roy pareillement e-
 ſtant accompagné de gend'armes
 & ſatellites, hommes addonnez au
 vin, à toute lubricité & volupté
 charnelle, qui paſſent la meilleure
 partie du iour en feſtins & ban-
 quets, & pour ceſte cauſe ne peu-
 vent rien faire de bon & honne-
 ſte, ne peut certes qu'il ne ſuyue
 leur maniere de vie vicieufe & de-
 prauce. Parquoy quand bien il n'y
 auroit que ceſte raiſon ſeule, la vie
 ſolitaire & monaſtique eſt plus di-
 gne de louange, que la vie d'un

N^o ſui-
 uons les
 mœurs
 de ceux
 que nous
 hantons
 ordinai-
 rement.

Prince, Roy ou Monarque.

Et si nous voulons passer à la consideration des œuvres de la nuit, nous trouuerons le Moyné leué deuant les oiseaux, priant & louant Dieu, & deuissant familièrement avec luy, & accompagné des Anges: bref, riche & puissant en biens spirituels & celestes: cependant que celuy qui commande à plusieurs peuples & armées, à tant de nations & prouinces, dort & ronfle dedans son liét. Et ne s'en faut esmeruëiller. Car le Moyné prend si peu de viande pour sa refection corporelle, qu'il n'a besoin de dormir beaucoup: mais quant est du Prince, le vin & les delices le rendent tout assopy, & le font demeurer au liét iusques au plein iour.

*Sobriété
red l'hô-
me vi-
gilant.*

Dauantage, le Moyné est modéré en habits & en viures, & si a compagnôs de mesme vertu: mais pour le regard du Prince, il faut qu'il soit richement & pompeusement vestu, & que sa table soit

magnifique & friande. Que s'il n'a la ceruelle bien faicte, il trouvera des commensaux de mesme, & dignes de sa folie. Mais s'il a quelque peu d'entendement, il les aura peut estre, bons & iustes: beaucoup moindres toutefois en vertu que les Moynes. Et encores que le Roy fust addonné à l'estude de vertu, si ne pourroit il, voire tant soit peu, approcher de la vertu du Moynes: Pour ce que, soit qu'il aille par pays, soit qu'il demeure en ville, qu'il soit en paix, qu'il soit en guerre, il est tousiours trahisonnerx à ses subiects. Mais qu'on bien de maux domestiques sont ils accablez, quand il exige & leue tailles & subsides, qu'il dresse armee, qu'il perd la bataille, mesmes quand il la gaigne? Car s'il est victorieux, il deviendra superbe & insolent pour sa victoire: il donnera licence à ses soldats de raver, brigander, destrouffer les passans, d'assieger villes, piller les maisons des bonnes gens, exiger de

*Un Prin
ce ne
peut ap
procher
de la
vertu
du Moynes.*

*Cruauté
des gens
de guerre.*

leurs hostes, ce qu'aucune loy ne permet, soubz pretexte de le ne sçay quelle ancienne coustume in- iuste & contraire à la loy. Toute- fois de tous ces maux le Prince ne gteue que le pauvre, le riche non: comme si veritablement il redou- toit ceux qui sont opulents en biens. Mais il n'est ainsi du Moy- ne: Car quand il vient en public, il apporte quelque present, dont il gratifie tant le riche que le pau- vre: estant vestu d'une seule rob- be, bien simple, beuvant de l'eau plus volontiers que du vin, pour bon & genereux qu'il soit: ne de- mandant aux riches aucune chose pour soy: mais bien les sollicitant souvent, & demandant pour ceux qui sont en necessite, portant pro- fit, tant à celuy qui donne qu'à ce- luy qui recoit. Et ainsi se rend Me- decin commun & du riche & du pau- vre: delivrant le riche de peche par sainte admonition, & subue- nant à la paurete de l'indigent. Mais quant au Roy, s'il diminue

les tailles & gabelles, il prouuoit plus en cecy au profit du riche que du pauvre : que s'il les accroist, alors fait-il que ceux sont griefuement oppressez qui n'ont grands biens. Car les tailles & leues de deniers, pour grâdes qu'elles soiēt, ne peuuent que bien peu nuire au riche : quand cependant elles emportent, comme vn certain torrent, les maisons entieres des pauvres, & remplissent les ruës & carrefours de pleurs & hurlemens.

*Des
miens
des de-
niers du
Royaū
pitie des
pauvres
venfues
de or-
phelins.*

En ce faict la vieillesse, la viduité, la tendre innocence des petits orphelins n'osent aucunement à misericorde les fermiers & collecteurs des tailles : ains poussiez d'vne mauuaise effrontee, comme ennemis cōmuns de la patrie, exigent iournellement du pauvre laboureur ce que la terre a produit.

Or maintenant recherchons par quels dons & plaisirs le Religieux & le Prince peuent gagner la faueur du peuple. Le Prince certes donne or & argent, & de Moy-

de la grace du saint Esprit. Dorschef, le Prince qui veut estre doux & debonaire, deliure de pauu-
 reté l'indigent : le Moine par
 ses prieres remet & restablit en
 leur premiere liberte les ames, qui
 estoient reduites sous le ioug &
 tyrannie des diables. Et quand il
 aduient que quelqu'un est oppres-
 sé de ce mal, ne s'arrestant aucune-
 ment au Roy, non plus qu'à vne
 statue, court promptement à l'ha-
 bitation des Moines : non au-
 trement que si pour la frayeur du
 Loup, il se retiroit à garad au cha-
 seur, qui a les armes en main. Car
 ce que fait l'espieu au venant, l'ho-
 raison le fait au Moine. Es ent-
 res le Loup ne redoute tant la
 rouge & espieu, que le diable fait
 l'oraison du iuste. Et si ne sommes
 seuls, qui en necessité nous reti-
 rons aux saints Moines, com-
 me en lieu d'assistance : ainsi mes-
 mes les Roys, quand ils craignent
 quelque desastre, ou se sentent
 pressés de malheurs, ont leur re-
 traite en mesme lieu : ne plus ne

*Le di-
 ables re-
 doute
 grande-
 ment l'o-
 raison
 d'un ho-
 me ius-
 te.*

- moins que le pauvre en temps de famine se retire à la porte du riche. Achab, Roy d'Israël, comme à faute de bled la famine fut merueilleusement grande, mit il pas toute son esperance és prieres d'Elie. Ochozias, Roy de mesme prouince, se sentant en dangers de mort, se retira il pas au mesme Prophete, comme à celuy qui estoit plus puissant que la mort, & qui auoit puissance de donner vie. Et certes la guerre s'estant esmeuë en Iudee, & la Palestine estant en danger extreme, les Roys du pays quittans leur gens de pied & de cheual, & toutes les armes mondaines, se retirēt aux prieres d'Helise : s'estans persuadez, que le seruiteur de Dieu leur aideroit trop plus que ne feroiēt beaucoup de milliers de gendarmes. Pareillemēt Ezechias Roy de Iudee, estāt assiegé des Perses, & sa ville de Ierusalem en telle extremité de danger, qu'on n'en attendoit que la paise & ruine entiere, & les cita-

ains si espouuantez & effrayez,
qu'ils n'esperoient rien moins que
la mort, opposa pour toute defen-
se, contre la multitude innumera-
ble des Perles & Caldees, les sen-
les prieres d'Esaië. Et à la verité,
il ne fut point frustré de son espe-
rance & attente, Car dès aussi tost
que le Prophete eut esleué ses
mains au ciel, Dieu enuoyant fou-
dres & tempestes, mit en route
toute l'armee ennemie: instruisant
les Roys par ce fait, quelle opiniõ
ils doient auoir de ceux qu'il a
choisis pour ses seruiteurs, c'est à
dire de les tenir & repouter pour
communs sauueurs de la terre: à
fin que pareillement les autres,
qui sont instruits & admonestez
des iustes, apprennent à rendre
leurs conseils, & obeyr à leurs
sainctes exhortations.

*Instru-
ction de
Dieu
pour les
Rois.*

Et non seulement par les moyens
que dessus, peut on cognoistre la
différence des deux: mais aussi
quand il aduient, que l'un & l'au-
tre est desmis de son estat, c'est à

*Moyen
aisé de
recon-
naitre la
grace de
Dieu.*

dire, que le Moyne est despouillé de vertu, & le Roy est deieté de son throne. Car aussi tost que le Moyne se fera laué de ses pechez par oraisons, larmes, contrition, gémissemens, & œuvres de pieté, il sera facilement remis en son premier estat, & recouvrira la grace qu'il aura perduë. Mais quand le Roy est debouté de son empire, bon Dieu, de combien de gens a il affaire pour le restablir en son siege: combien d'hommes, combien de cheuaux, & quelle somme de deniers luy faut-il? en combien de dangers & de hazards faut-il qu'il se plonge? bref, tout son salut depend du secours d'autrui. Or n'est il ainsi du Moyne: d'autant que s'il veut & change sa mauuaise volonté, trouue soudain salut.

Luc. 17. Car le Royaume des cieux est en vous, dit nostre Seigneur.

*L'homme
de vertu
ne
craint
point la
mort.*

Dauantage, la mort est effroyable au Roy: laquelle toutefois ne donne aucune tristesse au Moyne, & studieux de vertu: par ce qu'il

ne se peut faire, que celuy qui constamment mesprise les richesses, les voluptez & delices (choses pour lesquelles plusieurs desirerent ceste vie) ne porte patiemment le passage de la mort.

Que s'il aduient qu'on tuë l'un & l'autre, certes le Moine mettra sa vie en hazard pour la defense de pieté, changeant heureusement ceste vie mortelle & temporelle à vne vie immortelle & celeste. D'autre costé, s'y quelque tyran ambitieux, qui pour empieter l'Empire, coupera la gorge au Prince, laissant son corps à la misericorde des chiens & des oiseaux pour toute sepulture, estant à tous miserable & triste spectacle. Mais il n'y aura celuy, qui ne contemple avec souuerain plaisir, & auancement de son salut, le corps du Moine, mort pour pieté.

Dauantage, il y en aura maints, qui souhaiteront ses biens, qui seront emulateurs de sa vertu, qui co-

uoiteront estre les disciples , qu'
 desireront luy ressembler en bon-
 té & vertu: Où d'autre part le Roy
 prie Dieu instamment , qu'il em-
 pesche qu'aucun ne desire ces biens,
 ou affecte sa Principauté. Le dis en-
 cores , qu'il ne se trouue homme
 qui soit si hardy de massacrer vn
 Moyne, estimant qu'il auroit com-
 mis contre Dieu vne grande im-
 pieté, s'il ostoit la vie à vn tel per-
 sonnage : ou au contraire, il s'en
 trouuera plusieurs affectans l'Em-
 pire , qui ne font qu'espier leur
 commodité pour mettre le Prince
 à mort. Pour crainte dequoy , il
 a ordinairement nombre d'Archers
 à l'entour de soy pour sa garde: où
 d'autre costé le Moyne ne redou-
 tant personne , mesmes garde les
 villes avec ses prieres , cōmo avec
 vn bon mur & rempart. Le Prin-
 ce vit en crainte continuelle , &
 attente de la mort , comme celuy
 qui a ceste excellente dignité , qui
 est conjoincte avec grand peril:
 mais le Moyne iouyt d'vne paix
 entierement

*Au tēps
 passé n'y
 auoit
 homme
 si hardy
 de mas-
 sacrer
 vn Moy-
 ne.*

Entièrement asseuree.

Or auons nous, ce me semble, traicté suffisamment de ce qui touche ceste presente vie. Que si nous voulons diligemment rechercher l'estat de l'autre monde, nous verrons le Moyne rauy en l'air entre les nuës au deuant de Iesus Christ, ainsi que dit ceste lumiere de vie salutaire, & enseigneur de toute vertu Saint Paul. Mais si le Prince a iustement & humainement regy son peuple (chose bien rare) vraye est qu'il obtiendra salut, mais non si honorable que le Moyne: (car le salaire du bon Roy ne sera egal à celui du bon Moyne, qui aura toute sa vie parfaictemēt seruy Dieu.) Que s'il a esté furieux & meschant, & a mal gouuerné l'Empire, qui pourra reciter les calamitez qu'il souffrira, quand il sera bruslé, dechiqueté de fouëts, gehenné: bref, quand il souffrira telles choses, que langue ne pourroit exprimer, n'y corps mortel sustenir?

Considerans donc diligemment

Bb

1. Thess.

4.

C'est chose rare, qu'un Prince traite humainement son peuple.

toutes ces raisons, ne faut auoir en admiration ceux qui sont abondans en biens: attendu qu'il est tout manifeste, que le Seigneur & possesseur d'iceux n'approche aucunement de la singuliere vertu du Moyne. Parquoy quand tu verras le riche brauement vestu, bien monté, bien équipé, & accompagné magnifiquement, garde toy de l'estimer heureux. Car ces richesses & bobans temporels, & tout ce qui n'a que l'apparence de bien, perissent avec ceste vie. Mais si tu vois vn Moyne cheminant seul, humble doux, paisible, pacifique, dis qu'il est heureux: sois imitateur de ses vertus: prie Dieu, que son plaisir soit te faire semblable à luy. Car, *Matt. 7* demandez (dit-il) & il vous sera donné. Ces choses sont les vrais biens, qui nous causent salut, & demeurent eternellemēt par la prouidence & charité de Iesus Christ vers nous: Auquel est gloire & empire en toute eternité.

Deo gratias.



SOMMAIRE DES CHAPITRES

C O N T E N V Z A V

present Liure.

D^V Roy Auennir & de la haine qu'il portoit aux Chrestiens. chap. 1. folio 9.

Le Prince ramené des deseres, fait entendre au Roy la raison pourquoy il s'est retiré du monde: luy remonstre pareillement la vanité des Idoles, & l'exhorte à l'adoration du vray Dieu: mais il est mesprisé & chassé de la Cour, & se retire en sa solitute. ch. 2. f. 18

Il naist vn fils au Roy qui se nomme Iosaphat. Les Astronomes & Deuins predisent qu'il seroit Chrestien: donc le Roy angoissé, l'enferme dans vn Palais, & bānit tous les Religieux de son Royaume. Il fait fausement entendre à vn Prince, qui estoit accusé d'estre Chrestien, que luy mesmes se veut faire baptiser. - chap. 3. 28.

Le Prince cognoist que le Roy a parlé à luy feintement: parquoy s'estant fait raire, & se vestant d'une haire, esloigne facilement du

T A B L E

Roy la mauuaise suspicion qu'il auoit conceüe de luy. Le Roy allant à la chasse, print deux Religieux, lesquels il fit ietter au feu.

Chapitre 4.

folio 39.

Comme Iosaphat eut eniëdu de son pedagogue qu'il estoit ainsi reclus, & enfermé, de crainte qu'il ne se fit Chrestien: cōtristé pour cela, declara finatēment à son pere la cause de sa tristesse: lequel craignant qu'elle ne creusst, luy permit s'aller esbatre & pourmener où bon luy sembleroit. chap. 5. folio 46.

Barlaam homme tressaint, par vn subtil moyen a entree chez Iosaphat: & luy proposant la parabole des semences, luy fait vn narré du iugement final. chap. 6. folio 58.

Barlaam recite la creation & cheute du premier homme. Puis faisant mention de Noë, & du Deluge, narre succinctement l'histoire d'Abraham & Moysse. Par apres declare l'Incarnation, Mort, Resurrección, & Ascension du fils de Dieu. chap. 7. folio 71.

Iosaphat illuminé de la lumiere de la foy, & comblé de liesse, embrasse Barlaam, lequel luy fait entendre la vertu du Baptisme, & luy parle de la Resurrección, & Iugement final. chap. 8 folio 88.

Ce qui est dit succinctement au precedent cha-

pitre, est icy declaré de poinct en poinct, avec le tesmoignage des saintes lettres.

Chapitre 9. folio 104.

Iosaphat espouuanté & compuncté de cœur des propos de Barlaam, fondant en larmes, luy demande conseil de son salut: lequel luy recommande le Baptesme, luy narre le salaire de ceux qui se convertissent à Dieu.

Chapitre. 10. folio 120.

Après qu'on a receu le Baptesme, il faut iaindre les bonnes œuvres à la foy: & à ceux qui ont peché apres, le Baptesme de larmes & de penitence est necessaire. ch. 11. fol. 131

Iosaphat interrogeant le moyen de s'esloigner des delices de ce monde, Barlaam luy propose diuersifié de genre de Religieux, avec les vertuz de l'estat Monachal: & sur la fin du chapitre luy monstre par vne belle similitude, comme il faut fuyr les plaisirs du monde. chap. 12. folio 149.

Barlaam par vne conuenable similitude, monstre que la possession des richesses est coullante & infidele, & qu'il ne se faut trop fier à sa femme, ou à ses parens, & qu'en affliction l'unique refuge & port de salut est la vertu de l'ame. chap. 13. folio 170.

Barlaam ayant fait entendre à Iosaphat la

T A B L E

vanité & instabilité des biens de ce monde
s'effaye de luy faire mespriser les ric besse
Et l'exhorte à ce qu'il enuoye argent par
delà, pour paruenir à la vie à venir.

Chapitre 14. folio 178

Barlaam louë l'aufmone, & monstre qce plu
sieurs saints ont renoncé & abandonné
tous leurs biens. chap. 15. folio 193

Iosaphat estant en soyn du salue de son perc,
Barlaam luy donne bonne esperance de sa
conuersion. Puis apres luy fait entendre,
comme de prime face la Religion Chrestien
ne semble fascheuse : mais quand on la vi
uement considere, on la trouue douce &
amiable. chap. 16. folio 202.

Barlaam prie, que Dieu ouure les yeux du cœur
à Iosaphat : Et luy monstre, comme par la
contemplation des creatures on cognoist le
Createur. chap. 17. folio 216.

Tout ainsi que ceste vie charnelle n'est la vraye
vie, de mesme la mort temporelle n'est la
vraye mort. La temperance des Religieux
en viures & vestemens. Iosaphat demande
Baptisme, & s'enquiert de la conuersation
des Religieux. chap. 18. folio 226.

Barlaam, auant que baptiser Iosaphat, l'in
struit des misteres de la foy, de la saincte

Eucharistie, & de la veneration des Images, & du Symbole de Nice. Apres il le baptise, & le communie, & l'exhorte à l'estude de vertu. chap. 19. folio 142.

Icy est descrite la vertu & dignité de l'Oraison: & sur la fin du chapitre, Iosaphat est admonesté de contempler la vanité des choses presentes, & l'eternité des futures.

Chapitre 20. folio 259.

Les pedagogues & gens de Iosaphat se doutent de Barlaam, pour le voir frequenter tant avec luy. Parquoy Zardan soigneux de luy, l'admoneste qu'il seust à s'abstenir de sa compagnie. Et Iosaphat licentiant Barlaam ietta maintes larmes en luy disant Adieu.

Chapitre 21. folio 268.

Après le partement de Barlaam, Iosaphat se met à prier Dieu. Zardan manifeste au Roy son fait. Lequel enflammé d'ire, enuoye après Barlaam gens pour le prendre: mais ne le pouuans rencontrer, amenant au Roy des Religieux par eux trouuez. ch. 22. fo. 282.

L'Abbé des Hermites, à la demande du Roy sur les Reliques qu'il portoit, luy declare les causes: & après qu'il eut brauement disputé de nostre foy, & luy seize de ses compagnons furent martyrisés. chap. 23. fo. 295.

T A B L E

Arachis saborne un *Astrologue*, nommé *Nachor*, à ce qu'il eust à se feindre estre *Barlaam*, & qu'il fist abandonner à *Iosaphat* la foy Chrestienne. Le Roy cependant reprend son fils de ce qu'il auoit receu le Baptisme, & menace de luy faire beaucoup de maux, s'il ne renonce *Iesus Christ*. cb. 24. fol. 304.

Le Roy estant sorty courroucé, *Iosaphat* implore l'aide de Dieu. Et comme le Roy suyuant le conseil d'*Arachis*, s'essayast de seduire son fils par doux langage, il ne peut rien faire: luy faisant *Iosaphat* un long discours de la mort & resurrection.

Chapitre 25. folio 324.

Comment *Nachor* se feignant estre *Barlaam*, intimidé par *Iosaphat*, defendit la foy Chrestienne, en la dispute qu'il eut contre les Philosophes Gentils. chap. 26. folio 340.

Nachor monstre elegamment, que les dieux des Gentils ne sont dieux: & que mesmes la Religion des Iuifs n'est bonne: ains que les Chrestiens seuls obseruent la vraye Religion. chapitre 27. folio 351.

Le Roy se courrouce fort, voyant ses Philosophes confuz. *Nachor* est conuertiy par *Iosaphat*, & se fait baptiser. Le Roy chasse les Philosophes honteusement, & tombe en doute

- doute de ses dieux. Iosaphat conuertit plusieurs personnes à la foy. chap. 28. fo. 374.
- Theodas Magicien appelé par les Prestres, remet sus l'adoration des dieux, & incite le Roy derechef à les honorer, & luy conseille de seduire son fils par femmes impudiques. chapitre 29. folio 387.
- Theodas par vne fable qu'il recite, fait descendre le Roy à son opinion : & enuoye à son fils de ieunes filles belles en perfection. Mais Iosaphat emporte victoire, tant d'elles, que des Diables, par la vertu d'oraison. chapitre. 30. folio 396.
- Iosaphat avec le signe de la Croix chasse les Diables, & disputant roidement contre Theodas, le reprend, & deteste ses Idoles, haut louant vn seul Dieu. cab. 31. fo. 417.
- Par la persuasion & sainte remonstrance de Iosaphat, Theodas croit en Dieu, & iette au feu tous ses liures de Magie.
- Chapitre 32. folio 432.
- Auennir par le conseil d'Arachis, depart son Royaume à son fils : lequel en estant Roy couronné, conuertit son peuple à Iesus Christ. chapitre 33. folio 446.
- Le Roy Auennir se reco gnoist: prend les Chre-
stiens en amour: ap p elle son fils, qui luy de-

elare les poinçts de nostre Foy

Chapitre 34.

folio 459.

Auennir conuerty à la foy, demolit les idoles,
& conuertir leurs Temples en Eglises de
Dieu: & apres auoir fait penitence qua-
tre ans, meurt saintement. cb. 35. fo. 469.

Iosaphat quarante iours apres le decez de son
pere, resigne sa couronne à Barachias: &
prenant congé de son peuple, se retire és de-
serts. chapitre 36.

folio 479.

Iosaphat cheminant par les deserts, ne trouue
que des herbes à manger, dont il prenoit sa
refection. Le Diable luy dresse plusieurs
embusches & combats, dont il se defend
auec le signe de la Croix. chap. 37. fol. 495.

Iosaphat est deux ans à chercher Barlaam, &
finalement le trouue par le moyen d'un
Hermite, & vescuient ensemble par plu-
sieurs anneos. chapitre 38.

folio 540.

Barlaam predit son trespas à Iosaphat, & le
console: & sentant approcher l'heure de
son decez, se munit du signe de la Croix, &
rendioyeusement son esprit à Dieu.

Chapitre. 39.

folio 513.

Iosaphat enseuelit auec Psalmes & larmes Bar-
laam, & persenerant au saint exercice inf-
ques à sa mort, fut en fin enseuely pres Bar-

DES CHAPITRES

laam. Et le Roy des Indes fit transporter
leurs corps en son Royaume moult solen-
nellement. Chapitre 40. folio 527.

La vie de Saint Iean Damascene, composee ia-
dis par Iean: Patriarche de Ierusalem, ab-
bregee & mise en François par le Tradu-
cteur de l'Histoire presente.

folio

539.

Homelie de Saint Iean Chrysostome, intitulee
De la comparaison du Roy & de Moynes
folio

560.

Fin de la table des Chapitres.







Nous Decteurs Regens en la Faculté
de Theologie à Paris, certifions que
le Liure intitulé l'Histoire de Barlaam
& Iosaphat, traduite en François par F.
Iean de Billy, Prieur de la nouvelle
Chartreuse de Nostre Dame de bonne
esperance pres Gaillon, est approuuee
Catholique, suyuant la doctrine de no-
stre mere saincte Eglise.


G. Genebrard. R. Percheron.




















NOV 9 1964

Room

Page number

Serial

and, regaining sight to see a lot of people living above and below the ground, morning before a war.

1964

1964